




ОНОРÉ  
БАЛЬЗАК

ГОРИО  
**Ота**  
РОМАН



ГАФУР ГУЛОМ НОМИДАГИ  
БАДИЙ АДАБИЕТ НАШРИЕТИ

Тошкент — 1968

«Горио ота» романидаги воқеа Реставрация даврида бўлиб ўтади. Буржуазия дунёсининг қонуилари шафқатсиз. Бу жамиятда одамнинг қадри-қиммати қанча даромад келтиришига қараб белгиланади.

Горио ота капиталист бўлганда ҳамма унга кушомад қиласди, давлат, бойлик қўлдан кетиб, у майда буржуя даражасига тушиб қолгач, ҳамма уни унутади. Горио азоб-уқубатда ўлиб кетади, ҳатто қизлари ҳам оталарининг ўлиминг келмайди. Ёзуви «Горио ота» романида онланинг барбод бўлишини, инсоннинг өнг өзгу ҳис-туйғуларининг секин-аста эмирилишини кўрсатади.

### *Русчадан*

СУЛТОН МУҲАММАДЖОНОВ

*таржимаси*

**Ушбу асар маълум ва машҳур  
Шоффруа де Сент-Илерга\*** унинг фаолияти **ва даҳосидан бениҳоя вавқлан-танимни эслатиб турсин.**

Де Бальзак

Қиззалик фамилияси де Конфлан бўлган кекса тул хотин Воке, қирқ йилдирки Парижда, Лотин маҳалласи<sup>\*</sup> билан Сен-Марсо<sup>\*</sup> деган чекка маҳалла орасидаги Нев-Сент-Женевьев кўчасида оиласий пансион тутарди. «Воке уйи» деб юритилувчи ушбу пансион ёшу қарига ҳам, аёллару әркакларга ҳам, хуллас, барчага баробар бўлишига қарамай, бу муҳтарам хонадонда истиқомат қилувчилар ҳеч қачон маломатга қолган әмас әди. Лекин, гапнинг очиғи, сўнгги ўттиз йил мобайнода бу ерга ҳеч ҳам қиз-жуонлар келиб турмаган, борди-ю биронта йигитча келиб, истиқомат қилиб қолгудек бўлса, билингки, у ота-онаси юбориб турган пул ғарифона яшашига вўрға етганидан бу уйда турган. Бироқ 1819 йилда, яъни мазкур фожиа бошланиши арафасида бу ерга камбағал бир қиз келиб қолди. Давримиз-цинг ғамгин адабиётида «фожиа» сўзига қанчалик тескари, ноўрин маъно бериб, тўғри келган ва келмаган ерда ишлатавериб, унга путур етказган бўлишмасин, бу ўринда айнан шу сўзни ишлатмай иложимиз йўқ: қиссамиз тўла маънодаги фожиа бўлмаслиги мумкин, лекин бу қиссани ўқиб чиққан intra ва extra muros<sup>1</sup> истиқомат қилувчи китобхонларнинг баъзилари қисса устида кўз ёши тўксалар ҳам ажаб әмас. Париждан бошқа жойларда ҳам бу қиссага тушунишармиканлар? Бунга шубҳа қилиш мумкин. Ранг-баранг кузатувлар ва маънадий ҳусусиятларга нақа-

\* Кўйилган сўзлар изоҳини китобхонига оҳирда ўқинисиз.

<sup>1</sup> Шаҳарда ва шаҳар атрофида (логинчай).

дар бой бўлган бу можароларнинг тафсилотларига фақат Монмартр\* адирлари билан Монруж\* тепаликлари орасида, яъни йиқилай-йиқилай деб омонат турган бесўнақай иморатлар ва балчиқдан қоп-қорайиб кетган зовурлари билан машҳур бўлган водийдагина, ёлғиз изтироб ҳаққо-ний бўлиб, шодлик эса кўпинча сохта кўринадиган водийдагина муносиб баҳо беришлари мумкин; бу ерда ҳаёт шундай ваҳимали тўс-тўполон билан ўтардики, фақат энг файри оддий ҳодисалар кишилар тасаввурда хийла узоқроқ сақланиб қолиши мумкин. Ҳолбуки, баъзан бу ерда ҳам шундай оғир фуссага дуч келиш мумкинки, мараз иллатлар билан хайрли фазилатлар чирманиб кетиб, ўшағам-фуссани дабдабали ва улуғвор қиёфага киритади: бу мусибат қаршисида тамагирлик ва худбинлик оғқага чекиниб, раҳм-шафқат туйғусига ўрин бўшатиб беради, лекин ширин мевани шошқалоқлик билан ютиб юборганда мазаси оғизда қолмаганидек, бу ажиб ҳиссият ҳам тезда унут бўлиб кетади. Маданият аравачаси бамисоли Жаҳоннатҳа\* санами ўтқазилган аравача сингари ҳаракат қила-ди: бу аравача юраги бақувватроқ одамга дуч келса, бир зумгагина тараддуланиб туради-ю, шу заҳотиёқ уни әзиб-янчиб ўтиб, йўлида давом этиб кетаверади. Сиз ҳам айнан шундай иш кўрасиз: мазкур китобни нозик қўли-нгизга олиб, юмшоқ креслога жойлашиб ўтириб оласизу: «Зора шу китоб билан овунсан»,— деб ўқишига киришасиз, кейин эса, Горионинг пинҳона оталик изтироблари ҳақида ўқиб чиқиб, баҳузур иштаҳа билан овқатингизни ейсиз, тошбагирлигингиз боисини эса, муаллифга тўнкаб, жуда ошириб юборибди, деб таъна қиласиз, унинг шоирона уйдирмаларини қоралайсиз. Аммо билиб қўйинг: бу фожиа уйдирма ҳам, роман ҳам эмас All is true<sup>1</sup> — у шу қадар ҳаққонийки, ҳар қайси одам унинг нишоналарини ўзида, эҳтимолки, ўз қалбida ҳам топа олади.

Оилавий пансион жойлашган уй Воке хонимга қарай-ди. Уй Нев-Сент-Женевьев кўчасининг қуий қисмига жойлашган, бу ерда кўча Арбалет кўчасига уланиб шундай қиялаб пастга тушадики, от-аравалар бу ердан жуда кам қатнайди. Бу вазият Валь-де-Грас\* ва Пантеон\* биноларининг орасига яширинган кўчаларнинг доимо сукунат қўйинида бўлишига имкон беради, шунингдек, бу икки улкан бино ҳавонинг рангига гўё дое тушираётгандек, девор-

<sup>1</sup> Ҳаммаси ҳақиқат (*Ингл.*).

ларининг сарғиши туси билан уни бўяр ва теварак-атрофига баҳайбат гумбазларининг қора кўланкаси шумшук қиёфага соларди. Бу ерларда тош кўчалар қуп-қуруқ: зовурларда на сув бор, на лой; деворлар тагида ўт ўсиб ётади; бу ерга келиб қолган энг бегам одам ҳам шу ерлик ўткинчилар сингари ғамгин қиёфага киради: бу кўчадан извош ўтса зўр бир мўъжизадек туюлади, уйларнинг файзи йўқ, баланд деворлардан турма ҳиди келади. Бу ерларга тасодифан келиб қолган парижлик киши оиласиб пансионлар ёки ўқиш муассасаларидан, хунобгарчилик ва қашшоқликдан, бир оёғи ерда-ю, бир оёғи гўрда бўлган қариялар билан хушчақчақ, аммо меҳнат билан кун кўришга мажбур ёшлардан бошқа ҳеч кимни ва ҳеч нимани учратмайди. Парижда бундан даҳшатлироқ ва бу қадар пастқам маҳалла топилмайди.

Нев-Сент-Женевьев кўчаси — у бамисоли расм қўйиладиган бронза рамкага ўхшайди — ушбу қиссамизга мақон бўлишга энг муносиб жойдир. Қоп-қоронги форга тушшиб бораётган сайёҳ ҳар пиллапояга оёқ қўйган сари куннинг ёруғи хиралашади ва у тобора зулмат қўйнига гарқ бўла боради, йўл бошловчининг оҳангдор овози унга тобора секинроқ әштила бошлайди; шунга кўра, китобхоннинг олдинданоқ мазкур сайёҳ кайфиятига тушмори учун (қандай тўғри ўхшатиш-а!) ўшал гардиш вазифасини ўтагувчи кўча иложи борича кўпроқ қора бўёқлар ва жиддий Фикрлар талаб қиласи. Қайси бири даҳшатлироқ: тошюрақ одамларга риоя қилишми, ё қовоқ каллаларгами, буни ким ажрим қилиб бера олади?

Нев-Сент-Женевьев кўчасининг муюлишига жойлашган пансионнинг олд томони боғча, кўчадан уйнинг фақат ён томони кўриниб туради. Боғча билан уй ўртасидан, тагига шағал ётқизилган саёзгина ариқча ўтади, ариқ ёқалаб кетган қум сепилган йўлканинг икки четига қатор қилиб яронгуллар экилган, шунингдек кўк гулли оқ сопол тувакларга анор ва тол гул ниҳоллари ўтқазилиб, тизиб қўйилган. Бу йўлкага кўча ёшик орқали кириб келинади; ёшик тепасига: «Воқе уйи», — деб ёзилган лавҳа осиб қўйилган, лавҳанинг пастрогида эса: «Эр хотинлар ва ҳоказо одамлар учун оиласиб пансион» деган ёзув бор. Кундуз кунлари, жарангловчи қўнғироқ осилган кўча ёшикнинг панжаралари орасидан кўчанинг нариги бетида, зовурнинг этагидаги девор кўриниб туради, шу ерлик рассомлардан бири бу деворга яшил бўёқ билан мармар пештоқ расмини ишлало.

ган, пештоқ ичидა эса Амур<sup>1</sup> ҳайкалини тасвирилаган. Рамвий тасаввурларга ўч кишилар бир замонлар лок берилган, өндилкда эса локи өскиб кўча бошлаган Амурнинг тасвирига қараб, парижча муҳаббат рамзини кўрсалар ажаб әмаски, ундан муҳаббатнинг оқибати қўшни бинода даволанаарди. Бу расмнинг қачон дунёга келганини Амур ўрнатилган пойдеворнинг пастки қисмидаги кўп ери ўчиб кетган ёзув кўрсатиб турибди:

О инсон, майлига, сен бўлмагин ким,  
Бир умр у сенга устоз-муаллим<sup>2</sup>.

деган бу ёзув Вольтер Парижга қайтиб келганда, уни шоди хуррамлик билан кутиб олинган 1778 йилдан дарак беради.

Кечасига кўча әшикнинг панжараси ёпиб қўйилади. Уйнинг узунлигига тенг келадиган борча кўча томондан девор ва қўшни уйнинг орқа девори орасига қисилган бўлиб, бу уй девори қуюқ печак гулларга шу қадар буржаниб Париж учун шундай ажиб бир манзара кашф өтганки, ўтганкетганларнинг диққат-эътиборини ўзига тортиб туради. Бог атрофини ўраган девор ёқалаб қатор мева дарахтлари ва ток ўтқазилган бўлиб, Воке хоним буларнинг чанг босиб кетадиган мевалари ҳақида йил сайин кўпроқ ташвиш тортар ва уйида истиқомат қилувчилар билан бу ҳақда кўпроқ сұхбат қуриб турарди. Девор бўйлаб кетган торгина йўлка аргувон дарахтлари остига олиб боради. Воке хоним, гарчи оқсуяк де Конфланлар оиласига мансуб бўлса ҳам, нотўғри талафзу этаётгани хўрандалари томонидан доим өслатиб турилса ҳам, у терслик қилиб, аргувонни армугон деб атарди. Йўлкалар орасига пол-пол қилиб шовул, петрушка, қоҳи ва бошқа кўкатлар экиб ташланган, полларнинг бурчак-бурчакларида сарвга ўхшатиб буталган мевали дарахтлар тиккайиб туради. Аргувонлар остига яшил бўёққа бўялган бир оёқли думалоқ стол оёғи ерга кўмиб ўрнатилган, унинг атрофига скамейкалар қўйилган. Жўжалар курк товуқсиз ҳам, ўзлари тухумни тешиб чиқаверадиган ёзнинг жазирама иссиқ палласи бошланганда, Воке хонимнинг уйида истиқомат қилувчилардан

<sup>1</sup> Амур — муҳаббат фариштаси.

<sup>2</sup> Шеърларни Хайрииддин Салоҳ таржима қилган.

ўзинга анча тўқроқлари салқинда ҳузур қилиб ўтириб, кофе ичгани бу ерга тушиб турадилар.

Тепасида болохонаси бор тўрт қаватли уй оқактошдан қурилган ва Париждаги деярли барча уйларга аллақандай қабиқона тус бериб турадиган сарғиш рангга бўялганди. Ҳар қаватда бештадан майда кўэли дераза бўлиб, деразаларга бири бирига мос келмаган чийпардалар қингир-қийшиқ қилиб осилган әди. Уйнинг ён томонида эса дераза фақат иккитадан, шуни айтиб қўййилки, пастки қаватдаги иккала деразада ҳам ҳеч қандай безак йўқ, безак ўрнига темир панжара қоқилган. Уйнинг орқа тарафи эни йигирма футча келадиган ҳовли, бу ерда фақат чўчқалар, қўёнлар ва товуқлардан бошқа қимирлаган жонни кўрмайсиз. Ҳовлининг тўрида ўтинхона, ўтинхона билан ошхона дебразаси ўртасида дон-дун сақланадиган яшик осигриқ туради, яшик остида эса ювиндиларни оқизиб юбориш учун ариқ қазиб ўтилган. Ҳовлидан Нев-Сент-Женевьев кўчасига чиқадиган кичкина туйнук очиб қўйилган; ҳар хил юқумли касалликлар тарқатишда айбланиб, жарима тўласлик учун ошпаз хотин ҳамма ахлатни шу туйнукдан кўчага чиқариб ташларкан, бу ишни амалга оширишда сувдан сира аямай фойдаланади.

Уйнинг пастки қавати гўё атайн оиласвий пансион учун мослаб қурилгандек әди. Деразалари кўчага қараган ва ойнабанд әшикли биринчи хона меҳмонхона әди. Меҳмонхонадан емакхонага кириларди. Емакхона билан ошхона ўртасида эса, пиллапояларига тўрт бурчак тахталар ётқизилиб бўялган ва устидан мумланган зина бор әди. Бу меҳмонхонадан ҳам нохушроқ бирон ерни тасаввур қилиш жуда қийин: стуллар билан креслоларга бир йўли ялтироқ, бир йўли ҳира олачипор жун матодан филофлар сирилган; меҳмонхона ўртасини хол-хол қора мармар билан қопланган думалоқ стол әгаллаган, столни безаб турсин деб, устига четларидаги зарҳал чизиқлар ўчиб кетаётган оқ чинни кофе сервиси қўйиб қўйилганким, бундай сервис ҳозир ҳамма ерда учраб туради. Пол тахталари нари-бери қоқилган, деворларнинг елка баробар еригача панель қопланган, ундан юқорисига «Телемак»даги асосий вожеаларни тасвирловчи ялтироқ гулқоғозлар ёпиштирилган, қофзодаги антик дунё қаҳрамонлари ранг-баранг бўёқлар билан ишланган. Катаксимон икки дераза ўртасидаги ён деворда пансион аҳли сув париси Калипсонинг Одиссей ўғли шарафига уюштирган зиёфат манзарасини томоша

қилади. Мана қирқ йилдирки, бу расм ёш хўрандаларнинг заҳарханда кулгиларига сабаб бўлиб келарди, улар қашшоқликлари оқибатида истеъмол қилишга мажбур бўлган фақирона таомлари устидан куларканлар, айни вақтда ўзларини ўз қисматларидан афзal деб билардилар. Оловхонасининг доим топ-тоза туришига қараганда, меҳмонхонадаги камин фақат энг тантанали кунларда ёқиларди, унинг тобжасига жуда бориб турган бесўнақай кўкимтири мармар соат зийнат сифатида қўйилганди, соатнинг икки четида турган икки гулданга эскириб кетган сунъий гуллардан гулдаста ўтқазилиб, устига шиша қалпоқ бостириб қўйилганди.

Бу биринчи хонадан ғалати бир ҳид келиб туради: тилимизда бу ҳиднинг ҳали аниқ бир номи йўқ, аммо уни қовоқхона ҳиди деб атаса бўлади. Унда бўрсиган, могораган, ачиган-сасиган нарсаларнинг ҳиди бор; бу ҳид кишини сескантиради, аллақандай сассиқ ҳид билан бурнини ачитади, кийим-бошга сингиб қолади; у ҳозиргина евқат еб бўлингган емакхона ҳидини әслатади; ундан ошхоналар, малайхоналар, кучерхоналар ҳиди анқийди. Кишининг димогига урилиб, кўнгилни айнатадиган бу ҳид тур ва навларга ажратилгандан кейин, уни ҳам муқаммал тасвиirlаб беришнинг иложи топилса ажаб әмас — бу ердаги хоҳ ёш, хоҳ қари бўлсин, ҳар бир хўрандадан мана шундай ярамас, кишини ўсал қиладиган қўланса ҳидлар келиб туради. Мана шу барча ярамас жиҳатларга қарамай, бу хонани ўртадаги емакхона билан таққослаб кўрсангиз, меҳмонхона емакхона олдида нафис ва хушбўй атиrlар анқиб турган аёллар пардоҳонасига ўхшайди.

Деворларига то шипгача тахта қопланган емакхона илгари қандайдир бир рангга бўялган<sup>6</sup>, аммо унинг қандай ранглигини ҳозир айтиш қийин, чунки ўша рангни ҳозир тўрт энлик кир босиб, деворда ажиб безаклар кашф этган. Девор бўйлаб шира теккан идиш-товоқ жавонлари тизилишиб турар, уларнинг ичида чети учган, хира тортган графинлар, идиш остига қўйилувчи бемаъни расмлар солинган тунука тарелкалар, Турнэда\* ишланган ҳаво ранг ҳошияли қалин чинни тарелкалар бор эди. Хонанинг бир бурчагида катаклари номерлаб қўйилган яшик турарди; ҳар бир хўранданинг вино тўкилиб дод бўлиб қолган ёки ўзи шундай ҳам кир бўлиб кетган сочиги бу ерда алоҳида алоҳида бўлмада сақланади. Бу хонада яна ҳамма ердан қувғин бўлган, аммо мустаҳкам ҳар хил ачжомлаони учра-

тиш мумкинки, маданият чиқиндиларини даволаб бўлмай-диганлар касалхонасига тиқиб қўйишганидек, бу анжомларни ҳам шу ерга олиб кириб қўйишган әди. Бу ерда сиз ёмғир ёғиб ўтгандан кейин симоби қўтариладиган барометрни, бир қарашаёқ иштаҳани бўғадиган зарҳал ҳошили қора рамкага солинган гравюраларни, атрофига шохга ўхшатиб мисдан безак ишланган девор соатини; яшил туслада сирланган печканни, Арган корхонасидан чиқсан, мойи чанг билан қоришиб кетган кенкет лампани\* ҳам; узун стол ва унинг устига ёзилган ўта исқирт клеёнкани ҳам (клеёнка шу қадар ифлоски, ҳазилвон хўранда, қалам қидириб ўтирасдан эрмак учун ўз исмини, тўппа-тўғри бармоғи билан ёзаверади); синган, қийшайған стулларни, тити-пити чиқиб кетган бўлса ҳам, узлуксиз ишлатилаверадиган бўйраларни; қорайиб, сийқаси чиқиб кетган, қопқоғи йириқ грелкаларни кўришингиз мумкин. Бу ердаги нарсаларнинг қанчалик эскиб, чириб, илма-тешик бўлиб кетганини, бузилиб-ёрилганини, омонатлигини, қийшиқ-қингирлигини ва зўрға илиниб, илавилаб турганини батафсил тасвирлаб бериш фоят мушкул, бунинг учун қанчадан-қанча сатрлар даркорки, агар шу иш билан шуғуллансанак, қиссамиз жуда чўзилиб кетган ва вакти зиқ одамлар бизни кечиришмаган бўларди, албатта. Қизил пол ҳадеб бўялавергани ва артилаверганидан чўтирир бўлиб кетган. Қисқаси, бу ер назокат ва латофатдан асар ҳам бўлмаган қашшоқликнинг, чирик, қурумсоқ, мараз қашшоқликнинг салтанати әди. Гарчи буни ҳали том маънодаги кир деб бўлмаса ҳам, дор-дуғи беҳисоб әди; гарчи бунинг ҳали йириқ-ямоғи бўлмаса ҳам, ҳадемай тамоман титилиб узилиб тушиши муқаррар әди.

Бу хона ўзининг бутун ҳусн-жамолини әрталаб соат еттиларда кўрсатади, ўша маҳалда бу ерга Воке хонимнинг мушуги ўз бекасидан сал олдинроқ кириб келади, буфетларга сакраб чиқади-да, хуриллаб әрталабки қўшиғини хиргойи қилиб, устига ликопча ёпилган сут идишларни бир-бир ҳидлаб чиқади. Кўп ўтмай бу хонага тўзиган кавушларини судраб тул беканинг ўзи ҳам кириб келади; беканинг нари-бери юмалоқлаб йигиб қўйилган улама соғлари бошига қўндириган тўр қалпоғи остидан чиқиб туради. Унинг қуришган, аммо гўштдор юзидан худди тўти қушнинг тумшуғига ўхшаб кетадиган узун бурни туртиб чиқсан; унинг бақалоқ қўллари, черковдаги қаламушники сингари бўрдоқи гавдаси, ҳар қимираганда лорсиллаб

турувчи ҳаддан ташқари катта кўкраклари — буларнинг ҳаммаси ҳам гўшасидан ғам-алам заҳри чакиллаб томиб турган ҳарислик масиани бўлмиш бу залга, яъни Воке хоним айниган ва қўланса ҳавосидан ҳузур қилиб нафас олувчи бу залга ғоят мос тушган эди. Беканинг кузнинг илк қирови сингари совуқ башараси, ажинлар билан қуршалган кўзлари, раққоса қизнинг сохта кулгисидан тортиб, то судхўрнинг баджаҳлона ўшшайишигача бўлган ҳамма ҳолатларни акс эттира олади — хуллас, пансион бу аёлнинг шахсиятини ифодалаб берганидек, бу аёлнинг шахсияти ҳам пансионнинг қандай жойлигини аниқлаб беради. Сургун назоратчисиз бўлмаганидек, буларнинг бирини иккинчисиз тасаввур қилиб бўлмайди. Терлама касали касалхоналардаги ифлос ҳаво оқибатида вужудга келганидек, бу беканинг рангиз хомсемиз гавдаси — бутун ҳаётининг маҳсули эди. Эски кўйлакдан бузиб тикилган, қавиқлари остидан пахтаси чиқиб ётган, устки юбкаси остидан мўралаб турган жундан тўқилган дағал юбкаси, қисқа мазмунда шу меҳмонхонани, емакхона ва боғни өсинингизга солади, ошхонанинг қандайлигидан дарак беради ва бу ердаги хўрандаларнинг қанақа одамлар тоифасидан өканини кўрмасдан туриб билиб олишга ҳам имкон туғдиради. Воке бу хонага кириб келиши билан бу ернинг манзараси тўқис бўлади. Элликларга кириб қолган бева Воке кўпни кўрган хотинларнинг ҳаммасига ўхшаб кетади. Унинг ғуллари шишадек нурсиз, афтига қарасангиз, ўзини худди қўшмачилардек сипо тутади-ю, аммо молини қимматроққа пуллаш учун ҳар онда тутоқиб кетишга, бобиллаб беришга ҳам тайёрлиги шундай сезилиб туради, шунисиям борки, ўз тириклигини яхшилаш йўлида у ҳеч нарсадан тап тортмайди: агар Пишегрю билан Жоржга\* яна бир марта сотқинлик қилишнинг иложи бўлса, шу Жорж билан Пишегрюни ҳам тутиб бераверади. Шуларнинг ҳаммасига қарамай, аслида, ёмон хотин әмас дейишади хўрандалар бека тўғрисида ва унинг ҳам худди ўзлари сингари ҳасратидан чанг чиқиб, тинмай оҳ-воҳ қилишига қараб, шўрликнинг пули йўқ бўлса керак деб ўйлайдилар. Жаноб Воке қандай одам эди? Бека марҳум әри тўғрисида ҳеч оғиз очмасди. У қандай қилиб давлатидан ажralган эди? Бу саволга бека, омади келмади, деб қисқа жавоб қилиб қўяқоларди. Марҳум хотинига жабр қилиб кетган, сабаби — йиғлаб кун кўриш учун ёлғиз кўзларини, очдан ўлмаслик учун мана шу уйни ва яна ўзгаларнинг ғам-аламига шерик

бўлмаслик ҳуқуқини мерос қолдирган, негаки, беканинг гапига қараганда, у тортмаган азоб-уқубат қолмаган экан.

Бақалоқ ошпаз хотин Сильвия бекасининг пилдириб келаётган сёёк товушини эшитиб, бу уйда истиқомат қилувчи хўрандаларга ионушта тайёрлашга ошиқади. Четдан келадиган хўрандалар одатда фақат ойига ўттиз франк турувчи тушки овқатгагина келишарди.

Ушбу қиссанинг бошланиш вақтида пансионда турувчилар етти киши әди. Иккинчи қават икки хонадан иборат бўлиб, булар уйдаги өнг яхши хоналар әди. Кичикроқ хонада Воке хонимнинг ўзи турар, иккинчи хонада эса, Республика даврида интендантлик комиссари бўлиб хизмат қилган одамнинг беваси Кутюр хоним жойлашган әди. У билан бирга Викторина Тайфер исмли ёшгина бир қиз турарди, Кутюр хоним унинг онаси ўрнини босганди. Бу икки аёлнинг истиқомат ҳақи йилига бир минг саккиз юз Франкка етарди. Учинчи қаватдаги иккита хонадан бирини Пуаре исмли бир чол банд қилганди, иккинчисида эса, қора парик кийиб, чакка соқолларини бўяб юрадиган бир киши турарди, у ўзини собиқ савдогар жаноб Вотрен деб танитганди. Тўртинчи қават тўрт хонадан иборат әди, булардан иккитасини ҳамиша шу ерда яшовчи хўрандалар банд қилишганди; бирида — қари қиз мадемуазель Мишоно, иккинчисида — вермишель, буғдој крахмали ва мақорон тайёрлайдиган фабриканинг собиқ хўжайини, ҳаммага ҳам ўзини Горио ота деб чақиришга рухсат берган бир чол турарди. Қолган икки хона мадемуазель Мишоно билан Горио отага ўхшаб, овқати ва бошпанаси учун қирқ беш франкдан ортиқ пул сарфлай олмайдиган, вақтинча қўниб ўтадиган қашшоқ студентларга аталганди. Лекин Воке хоним бундай қўноқларни унча қадрламасди, балки дурустроқ хўрандалар топилмагани учунгина уйига қўяди негаки, улар жуда кўп нон ейишарди.

Уша пайтларда бу хоналардан бирини Ангулемдан Парижга ҳуқуқ Фанини ўрганиш мақсадида келган бир йигит банд қилганди, унинг серфарзанд оиласи қариндошлари ёса, бу йигитнинг Парижда яшashi учун йилига бир минг икки юз франкдан пул юбориб турамиз деб, ўзларини ғоят оғир муҳтоҷликларга дучор қилган әдилар. Эжен де Растиньяк — йигитнинг номи шундай әди — муҳтоҷлик оқибатида меҳнатга ўрганган йигитлардан әди, бундай йигитлар оила аъзоларининг бутун умиди ёлғиз ўзларидан эканини ёшлиданоқ яхши тушунадилар ва илмнинг жамиики

фойдали томонларини яхшилаб тарозида тортиб кўриб ҳамда келажак жамият тараққиётидан биринчилар қаторида баҳраманд бўлишни ўйлаб, бутун олган илмларини жамиятни тараққий қилдириш йўлига мослайдилар, ўзларига иложи борича порлоқ истиқбол ҳозирлашга тиришадилар. Агарда Растињъяк турмушни нечоғлиқ зийраклик билан кузата олмаганда ва парижлик зодагонларнинг меҳмонхоналарига ниҳоятда усталик билан кира олмаганда эди, қиссамиз бу қадар ростгўйлик билан ёзилган бўлмасди, албатта, қиссамизда тасвир қилинган фожианинг айбдорлари ҳам, қурбонлари ҳам ўз сирларини яширишга қанчалик уринган бўлмасинлар, биз Растињъякнинг ўткир зеҳи ва бир бечоранинг фожиаси сабабларини билишга бўлган интилишлари туфайли у воқеалардан хабардор бўлдик.

Тўртинчи қават тепасида кир ёйиладиган чордоқ ва икки мансарда<sup>1</sup> бор эди, мансардаларда Кристоф исмли хизматкор ва семиз ошпаз хотин Сильвия ётиб юришарди. Шу ерда турувчи еттига хўрандадан ташқари Воке хоним вақтига қараб, лекин кам деганда саккизтадан ё юрист, ё медик студентларни, икки-учта муттасил қатнаб турадиган ўз маҳалласининг одамларини боқарди — бу хўрандаларнинг ҳаммаси фақат тушлик овқатга келишарди. Тушки овқат пайтида емакхонага ўн саккиз киши тўпланарди, лекин йигирима кишини сифдирса ҳам бўларди; әрта билан эса стол атрофига фақат шу уйда истиқомат қилувчи етти киши тўпланарди, нонушта пайтидаги бундай йигин оила йигинига жуда ўхшаб кетарди. Ҳаммаларичувак кийиб кириб келишар, четдан келиб турадиган хўрандаларнинг турқ-атвори ё кийим-боши тўғрисида, кеча кечқурун содир бўлган воқеалар тўғрисида ҳеч тап тортмай ўзаро дўстона вазиятда очиқдан-очиқ гаплашаверардилар. Бу етти пансионер Воке хонимнинг арзандалари эди, хоним эса бу хўрандаларга уларнинг пансионга тўлайдиган ҳақига яраша меҳрибонлиқ ва диққат-эътибор кўрсатарди. Тақдирнинг тақозоси билан бу ерга тўпланиб қолган шахсларнинг барчасига ўлчов битта эди. Учинчи қаватда турадиган икки пансионер ҳаммаси бўлиб ойига фақат етмиш икки франкдан ҳақ тўлашарди. Фақат Сальпетриер ва Бубр\* ўртасидаги Сен-Марсо даҳасидагина (Кутюр хонимнинг пансионда туриш ҳақи бундан мустасно) бўлиши мумкин бўлган бундай арzon баҳо, бу ерда истиқомат қилувчиларнинг оз-

<sup>1</sup> Мансарда — шини қия болохона.

ми-кўпми оғир изтироб чекканларидан далолат берарди. Мана шунинг учун ҳам, бу уйдаги барча жиҳозларнинг шумшук манзараси, айнан шундай шумшук қиёфа кашф этган доимий хўрандаларнинг кийим-бошларига жуда мос тушарди. Эркаклар сюартугининг қандай рангдалигини билib бўлмасди, оёқ кийимлари эса, шунаقا аҳволда эдик, бундай пойафзални бадавлат хонадон аҳли кўчага олиб чиқиб ташларди, ички кийимларининг жони қолмаган, фаяқат номига кийим. Дёлларнинг эгниларида аллақачон молдан қолган, қайта бўялиб, бу ранги ҳам айниб кетган кўйлак, тўрлари эски, қирқ ямоқ, ҳадеб кийилавериб яғири чиққан қўлқоплар, ювган билан ҳеч оқармайдиган сарғиши ёқалар, елкаларига ташланган рўмол эса илма-тешик бўлиб кетган. Кийим-бошлари мана шу аҳволда бўлса ҳам деярли ҳамма пансионерларнинг жуссалари пишиқ, улар ҳаётий қийинчиликларнинг жамига жисмонан бардош бериб келганлар, чеҳралари совуқ, дағал, муомаладан чиқариб ташланган чақаларга ўхшаб, сийقا бўлиб кетган, қуришган оғизларида ўткир тишлар. Бу хўрандалар қиёфасига қараб туриб, ҳар бирининг бошидан бир фожиа ўтганини ёки ҳозир ўтаётганини пайқаб олиш мумкин: чил чироқлар ёруғида бўёқли декорациялар орасида ўйналадиган фожиалар эмас, балки бошдан-оёқ ҳаёт билан сугорилган ёки гунг ва кар бўлиб қотиб қолган бўлса ҳам қалбларни ҳаяжонга солувчи поёни кўринмайдиган фожиаларни пайқаб олса бўларди.

Қари қиз Мишоно ожиз кўзлари тепасига мис симга ўрнатилган яшил шойидан кир соябон тутиб юардикни, у соябон инсу жинсларнинг ҳам ўтакасини ёриб юборишга қодир эди. Сийрак попуклари шалвираган шол рўмоли худди скелет устига ёпиб қўйилгандек туюларди — рўмол ташланган елкалари шунчалик қоқ суяқ эди. Бир вақтлар у қадди-қомати келишган аёл бўлган бўлса керак. Аммо бу шўрлик аёлнинг чеҳрасидаги латофатни қандай бало ялаб кетди экан? Нуқсонларми, ғаму андуҳми ё ҳарисликми? Мұҳаббат оғушига муккасидан тушиб кетганими, ёки шунчаки бир суюқоёқ қизлардан бўлганими? Балки у айшу ишрат билан ўтган бевош ёшлиги вақтида қилган гуноҳларини энди фоний дунёнинг барча аҳлига таҳдид солувчи қарилек изтироби билан юваётгандир. Ҳозир унинг совуқ назари кишининг этини жимиrolатиб юборади, бадбашара юзига кўзи тушган одамнинг юраги орқасига тортиб кетарди. Чинқироқ овози қиши яқинлашиб қолганда

бута орасида чириллайдиган чигирткани өслатарди. Узининг гапига қараганда, қовуғи яллигланиб ётиб қолгай бир чолга қараб турган экан, чолнинг болалари отамизниң пули йўқ деб, унга қарамай қўйишган экан. Чол унга умрбод йилига бир минг франкдан фойда олиб турадиган рента қофозни васият қилиб қолдиритти. Аммо чолнинг ворислари баъзи-баъзида Мишонो бошига тұхмат ёғдириб, отасининг васиятини бузишга уринишармиш. Унинг әҳтирослар бўронида поймол бўлган чеҳрасида ҳали ҳам бир замонлардаги сутдек оппоқлиги ва ипакдек нозиклигидан хиёлгина асар қолган әдиким, бу белгилар, аёлнинг қиёфасида ўшлагидаги нафосат ҳали ҳам овми-қўпми мавжуд деган фикрга олиб келарди кишини.

Жаноб Пуаре аллақандай автоматга ўхшарди. Мана у кул ранг соя сингари Ботаника боғида тентираб юрибди; бошидағи жимланган әски фуражка, қўлида дастаси фил суюгидан ясалган, сарғайиб кетган ҳассасини зўрға тутиб турибди, камзулининг офтобда ранги айнигар әтаклари на бир жуфт таёққа кийдириб қўйилгандек калтагина шинмини, на масти кишиларникига ўхшаган қалтироқ ва чиллакдек ингичка оёқларига кийиб олган зангори пайпокладрини беркита оларди, юқорида эса, кир оқ жилети ва бурмаси арzon муслиндан тикилган дағал ёқаси арқонга ўхшаб эшилган галстук таққан куркасифат узун ва ингичка бўйнидан ажралиб мўралаб турибди; уни учратган одамларнинг кўпчилиги кўнглига беихтиёр шундай бир гап келарди: бу сояга ўхшаб қолган одам Италия хиёбонида парвоз қилиб юрган арвоҳлардан өмасмикан? Қандай иш азобидан у бунчалик мункайиб қолдийкин? Расмини карикатура қилиб ишлаганда ҳам шунчалик хунук чиқмайдиган унинг ғудда қоплаган юзи қандай әҳтирослар оқибатида бу қадар унниқиб кетибдийкин? Илгари ким әди? Эҳтимол, адлия министрлигининг ҳамма жаллодлар қилган сарфлари ҳақида ҳисбот юбориб турадиган, яъни падар-кушларни қатл қилиш пайтида лозим бўладиган қора ёпқилар, жаллод жодуси тагига қўйиладиган қипиқ саватлари ва жоду учун арқон сотиб олиш тўғрисидаги талабномалар келадиган бўлимида ишлагандир. У күшхона дарвозаси олдида ўтирадиган солиқ йиғувчи ёки ҳалқ сорлиғидан хабар олиб турадиган назоратчининг ёрдамчиси бўлган бўлиши ҳам мумкин. Хуллас, бу одам, афтидаи, бизнинг улкан ижтимоий тегиғмонимизда юк ташувчи эшакка, ўз Берtranларини ҳатто танимайдиган Париж Ра-

тоналарига\* мансуб бўлган бўлса керакки, у атрофида бад-бахтик ва ярамаслик парвона бўлган кимсага ўхшарди, қисқаси у, биз одатда: «Начора, шундай одамлар ҳам керак-да», — деб баҳо берадиган одамлар тоифасидан әди. Ахлоқий ёки жисмоний азоблардан рангида қон қолмаган бундай одамлар сердабдаба Парижга ётди. Аммо Париж — улкан бир океан. Унга қанча узун лот<sup>1</sup> ташласангиз ҳам дақиқий чуқурлигини аниқлай олмайсиз. Парижни кузатмоқчи, таъриф-тавсифини қилмоқчимисиз? Куватаверинг, кўнглингизга сиққанча таърифини қилаверинг: тадқиқотчилар қанчалик кўп ва синчков бўлишмасин, бу океанда теша тегмаган соҳа, номаълум сув ости горлари, дур-гавҳарлар, гуллар, баҳайбат махлуқлар, хуллас, адабиёт ғовнослари назаридан четда қолган мисли кўрилмаган янгиликларни учратаверадилар. «Воке уйи» ҳам мана шундай махлуқотлар тоифасидан әди.

Бу ердаги ҳамма пансионерлар ва четдан келадиган хўрандалар орасида иккى киши бутунлай ажralиб турарди. Викторина Тайфернинг ранги касалманд одамларникига ўхшаш оппоқ әди, у камқон қизларга ўхшарди; рост, у чеқрасидаги ғамгинлик ва тортиноқълик аломатлари билан, ўзининг ачинарли даражада заифалиги билан, изтироб чекаётган бу муҳит аҳлига мос тушарди, аммо чеҳраси бу ерда истиқомат қилувчиларники сингари тумшайган эмас, хатти-ҳаракатлари тетик, овози жарангдор, жонли әди. Бу шўрпешона қиз яқингинада бир ердан бошқа ноқулай ерга олиб ўтқазилганидан сарғайиб қолган ниҳолга ўхшарди. Зайдарон юзидағи, оқ-малла ранг соchlаридаги, ҳаддан ташқари ингичка белидаги нафосатга қараб, ҳозирги замон шоирлари уни ўрта асрлардан қолган ҳайкалларга ўхшатган бўлардилар. Қизнинг қорадан келган қўй кўзларида унинг музончалек беозорлиги ва христианларга хос итоат-гўйлиги акс өтиб турарди. Арzon баҳо оддий кўйлак унинг баданига чиппа ёпишиб, қизлик белгиларини яққол кўрсатиб турарди. Бошқаларга қараганда, уни яхшигина қиз деб айтса бўларди, агарда унга баҳти ҳаёт насиб қилгандা, у ғоят латофатли қиз бўларди: аёл кишининг ҳусни-жамомали кийим-бошида бўлганидек, нафосати унинг хотиржамлигигида. Борди-ю, шўх базмлар шуъласи унинг қонсиз чеҳрасини ёритса, назокат ва нафосат билан ўтадиган кўркам ҳаёт унинг салқиган юзини хиёл таранглаштиrsa-ю, унга

<sup>1</sup> Л от (немисча) — дengiz тубини ўлчайдиган узунлик ўлчови.

қизил югурса, ғамгин кўзларига муҳаббат нур багишласа, Викторина гўзалликда манаман деган энг чиройли қизлар билан ҳам тенглаша оларди. Унга аёл зотини та момила ўзгартириб юборадиган нарсалар: латта-путталару ишқий мактублар етишмасди, холос. Бу қизнинг бошидан кечирганлари бутун бошли бир китобга сюжет бўла оларди.

Викторинанинг отаси қандайдир бир сабабга биноан уни ўз қизи деб тан олишдан воз кечган, уни ўз уйига олиб кетишдан бош тофтган әди ва тириклиги учун йилига олти юз Франкдан ортиқ бир чақа ҳам пул бермасди, бутун давлатини эса ўғлига топшириш учун тайёрлаб қўйганди. Викторинанинг онаси ўзининг узоқ қариндоши бўлган бева Кутюр хонимнинг уйига келиб, ғаму андуҳазобикдан ўлиб кетгандан кейин, Кутюр хоним етимча қизни ўз боласидай ардоқлаб тарбиялай бошлади. Афсуски, Республика замонида интендантлик хизматини ўтаган комиссар бевасининг пенсия билан бевалик нафақасидан бошқа ҳеч вақоси йўқ әди, шу сабабли камбағал, тажрибасиз, ҳеч нарса билан таъминланмаган қиз ахир бир кун мураббиясидан ажраб, тақдирнинг қўлида ўйинчоқ бўлиб қолиши мумкин әди. Бу оқ қўнгил хотин ҳар якшанбада Викторинани ибодатга, икки ҳафтада бир марта тавба қилдиргани чорковга олиб борар, ҳар эҳтимолга қарши уни тақводор, художўй қилиб тарбияларди. Кутюр хоним тўғри қиласди. Диний эътиқод бу оқ қилинган фарзанд учун қандай бўлмасин истиқболга йўл очарди, қиз отасини яхши кўрарди ва онасининг рози-ризолигини етказиш учун ҳар йили отаси ҳузурига борарди, аммо ҳар йили ҳам отасининг эшигига учун берк бўларди. Отаси билан Викторина ўртасидаги бирдан-бир воситачи бўлган ёлғиз акаси эса, шу ~~тый~~ йил мобайнида бирон марта бўлсин синглисити кургани келгани йўқ, унга ҳеч қандай ёрдам бергани ҳам ~~йўқ~~. Қиз шўрлик худога сигиниб отасининг кўзини очишни, акасининг кўнглига раҳм солишини илтижо қиласа ва ~~уларни~~ ёмонотлиқ қилмай, дуо қиласди. Қизнинг отаси ~~билан~~ акасининг ваҳшийлигини ифодалаб, уларни ҳақоратлаш учун Кутюр хоним билан Воке хонимнинг сўз бойлиги ожизлик қиласди. Бева хотинлар беномус миллионернинг бошига таъна тошини ёғдираётган бир пайтда Викторина бамисоли яраланганди кабутар янглиғ илтижо билан ибодат қиласди, бу илтижодан фарёд ҳам меҳр-муҳаббат сўзлари бўлиб эшитиларди.

Эжен де Растиньяк жанубликларнинг типик намоянда-  
сі әди: бадани оқ, соchlари қора, күзлари күк. Унинг  
юриш-туриши, атрофдаги одамларга муносабати, хатти-ҳа-  
ракатлари ва ўзини тутишида болалик чоғиданоқ қадимий  
хұлқ-одоб асосида тарбияланган оқсусыклар авлодидан әка-  
ни күрениб турарди. Эжен кийим-бошини тежаб кийишга,  
әскиларини оддий кунларда кийиб юришга мажбур бўлса  
ҳам, ҳар ҳолда, баъзи-баъзида кўчага олифта йигитлардек  
ясанниб чиқа оларди. Лекин бошқа ҳар куни у ёскирган  
камзул, ишдан чиқиб қолган жилем кийиб, ғижимланган  
қора арzon галстугини наридан-бери тақиб, худди галстуги  
сингари ғижимланган шим ва фақат таг чарм учун ҳарожат  
талаб қилиб, иккинчи бор дунёга келган ботинкасини ки-  
йиб юрарди.

Юқорида тасвиirlанган бу икки шахс билан пансионда  
истиқомат қилувчи бошқа кишилар ўртасида занжиорлик  
вазифасини ўтаб турган киши — чакка соқолларини бўяб  
юрадиган қирқ ёшлар чамасидаги жаноб Вотрен әди.  
У одамлар: «Оббо, азамат-е!»— деб баҳолайдиган киши-  
лардан әди. Унинг елкаси кенг, кўкраги дўнг, мушаклари  
бўртиб чиқсан, қўллари гўштдор, куракдек чор қирра,  
бармоқларининг юқори бўғинида ўта малла туклар қалин  
ўсган әди. Баравақт юзига тушган ажинлар унинг қаҳри  
қаттиқлигидан дарак берар, аммо одамларга очиқ чеҳра  
ва ширинаханлиқ билан муомала қилиши қиёфасига та-  
момила эвид әди. Еқимли, дўриллаган овози унинг хийла  
дагал ҳазилларига жуда ёпишиб тушарди. Вотрен илти-  
фотли ва хушчақчақ одам әди. Борди-ю, биронта қулф бу-  
зилиб қолгудек бўлса, дарров уни бўлак-бўлакларга ажра-  
тар, әговлаб тозалар, мойлаб, яна жой-жойига йигиб  
берарди, ишни битказар әкан: «Бунақа ишдан хабаримиз  
бор», деб қўярди. Лекин, очиги, унинг ҳамма нарсадан ҳам  
хабари бор әди: Франция, денгиз, кемалар, чет әллар,  
битимлар, одамлар, воқеалар, қонунлар, меҳмонхоналар,  
қамоқхоналар — ҳаммаси унга таниш әди. Мабодо битта-  
яримта ўз бошига тушган мусибатдан нолиб қолгудек бўл-  
са, у дарҳол ёрдам қўлини чўзарди; у ҳатто Воке хоним-  
нинг ўзига ҳам, бошқа бир неча пансионерларга ҳам пул  
қарз бериб турарди; аммо ундан қарз олганлар, ўлсалар  
ўлардилару, аммо қарзни вақтида қайтариб берардилар,  
чунки Вотрен шунчалик хушчақчақ кўринишига қарамай,  
қарз олган одамга шундай гайри оддий бир тарзда қаттиқ  
тиклиардиким, бундан қарздорнинг ўтакаси ёрилиб кетар-

ди. Чиртиллатиб туриши одатининг ўзи унинг ўта совуқ-қон одамлигини, мушкул аҳволга тушиб қолган пайтида жиноятга қўл уришдан ҳам тоймаслигини тақозо қиларди. Унинг ўтқир нигоҳи худди моҳир судъянинг назариdek ҳар қандай масаланинг ҳам, ҳар қандай ҳиссиёт ва вижданнинг ҳам әнг теран еригача етиб бораётганга ўхшарди. У ҳар куни нонуштадан кейин кўчага чиқиб кетиб, тушлик овқатга қайтиб келар, кейин яна шу йўқ бўлиб кетганича ярим кечага яқин қайтиб келарди; бунда у уйга Воке хоним ишониб бериб қўйган иккинчи қалит билан әшикни очиб киради. Бундай ылтифотга фақатгина Вотрен сазовор бўлганди. Тўғри, бева хотин билан у фоят яхши муносабатда әди, уни онахон деб атар ва белидан қучоқлаб ҳам қўярди — хоним әса бу хушомаднинг маъносига тушуна олмасди! Бева хоним, мени қучоқлаш асло муаммо әмас, деб астойдил ишонарди, ваҳоланки, бу зилдек гўлани қучоқлашга ёлғиз Вотреннинггина узун қўллари етарди. Вотренга хос яна бир хусусият: у ҳеч хасислик қилмай, «глория»\* учун ойига ўн беш Франк ортиқча пул тўлар ва уни овқатдан кейин шириналик билан ичарди. Парижнинг енгил-елпи ҳаёти гирдобига гарқ бўлган ёшлар ёки ўзларига бевосита алоқадор бўлмаган ишлар билан мутлақо қизиқмайдиган қариялар сингари кўп масалаларга юзаки қарай олмайдиган одамлар Вотреннинг хатти-ҳаракатларидаги бундай бир-бирига зид ҳолатларни кўриб, албатта ҳайрон қолган бўлардилар. У атрофидаги ҳамма одамларнинг нима иш билан шуғулланишини билар ёки ҳеч бўлмаганда фаҳмлаб юарди, аммо унинг ўзининг нима иш қилишини, мияси қандай фикрлар билан бандлигини қўшиларидан биронтаси ҳам билмасди. У бошқалар билан ўзи ўртасида сохта кўнгилчанлиги, ширинсуханлиги ва хушчақчақлагини тўсиқ қилиб қўяркан, вақти-вақти билан характеристида мавжуд бўлган шафқатсизлик хислатини ҳам намойиш қилиб қўярди. Кўпинча, у Ювенал\* сатирасига тенг келадиган ҳажвия билан давлат қонунларини масхаралар, олий табақа одамларини шарманда қиласар, улардаги гайри мантиқий муносабатларни фош әтиб ташларкан, гўё ҳузур қилаётгандек ҳис қиласарди ўзини, бу ҳолни кўрганлар, Вотреннинг дилида жамият тузумига қарши қаттиқ норозилик мавжудга ўхшайди, унинг яшириб юрган катта бир сири бўлса керак, деган хаёлга бориши мумкин әди.

Мадемуазель Тайфер гоҳ мана шу қирқ яшар кишига, гоҳ студент йигитга ўғриничи назар ташлаб юар, у ҳеч

қандай мuloҳазага бориб ўтиrmай, бирининг куч-қувватига ва иккинчисининг чиройига маҳлиё бўлган бўлса керак, аммо, кўринишдан, йигитлардан биттаси ҳам қиз тўғрисида ўйламасди, ваҳолонки, Викторинанинг ҳозирги тутган мавқеи, оддий бир тасодиф туфайли ўзгариб кетиши ва у бадавлат қайлиққа айланиши мумкин әди. Аммо бу ергаги одамлардан биронтаси ҳам бошқалар бошига тушган кулфатларнинг қанчаси тўғри-ю, қанчаси уйдірма әканини текшириб кўришни хаёлига ҳам келтирмасди. Ҳар ким ўзи бошига тушган шахсий кечинмалар туфайли, ўзи билан ўзи овора бўлиб, бошқаларга бефарқ ва бир оз ишонқирамай қарапди. Ҳаммалари ҳам ўз бошига тушган кулфатни енгиллатишга қодир эмасликларини тушунардилар, шунинг учун ҳам ўз фам-кулфатларини бир-бирлари билан ҳамдамлашиб, ҳамдардлик косасини симирадилар. Қўшақариган әр-хотинларга ўхшаб уларнинг бир-бирига айтадиган гапи ҳам қолмаганди. Ҳуллас, фақат ташқи муносабату бир жойда муқим яшашлари уларни бир-бирига боғлаб турарди. Уларнинг ҳар бири кўчада тиланчилик қилиб турган кўр гадойга парво ҳам қилмай ўтиб кета олар, одамларнинг бошига тушган мусибат ҳақидаги гапларни совуққонлик билан тинглар, яқин кишисининг ўлимини эса қашшоқликдан қутулишнинг бирдан-бир йўли деб ҳисобларди, чунки әнг даҳшатли ўлим талвасасини ҳам мутлақо совуққонлик билан кузатиш қобилияти шу қашшоқлик туфайли вужудга келган әди. Мана шундай дили вайрон одамлар орасидаги әнг бахтлиси бу хусусий гарибхонанинг бекаси бева Воке әди. Қаҳратон қишида, саратонда, лойгарчилик пайтида ҳудди чўл-биёбондек ҳувиллаб ётuvчи кичкинагина боғча фақат беканинг кўзига оромгоҳ чакалакзор бўлиб кўринарди. Ҳудди дўкон пештахтаси сингари арzon бўёқлар ҳиди ўтириб қолган бу сариқ тусдаги ёқимсиз уй фақат шу аёлга жозибали бўлиб туюларди. У мана шу ҳужраларнинг бекаси әди. Мана шу умрбод сургун қилинган шўрпешоналарни боқарди, уларни ўзи олдида итоат-гўйлик билан қўл қовуштириб туришга мажбур әтарди. Бу шўрлик жабрдийдалар шундай арzon иссиқ овқатни, жуда чиройли ва қулай турар-жойга айлантириб бўлмаса ҳам, ҳар ҳолда, озода ва соғлиққа зарар келтирмайдиган қилиб олиш ўз қўлларида бўлган бундай бошпанани Парижнинг яна қаеридан ҳам топардилар? Воке хоним уларга ўтакетган даражада адолатсизлик қилгудек бўлса ҳам — бу бечоралар чурқ әтмай чидаган бўлардилар.

Одамларнинг мана шундай уюшмаларида кишилик жамиятининг ажралмас қисмлари ўз аксини топиши керак. У қисмлар кичик-кичик ҳажмда намоён бўлдилар ҳам. Мактабларда ва тўгаракларда бўлгани қаби бу ерда ҳам, ўн саккиз хўранда орасида ҳар балога қолган бир шўрлик жабрдийда бор эдиким, ҳамма уни майна қиласди. Эжен. Растињакнинг бу ердаги хўрандалар билан бирга турганига икки йил бўлган эди, аммо у Воке уйига келганига бир йилдан ошганда, ўша жабрдийда шўрпешона билан жуда иноқ бўлиб олди. Шу ҳаммага майна бўлган одам собиқ вермишелчи Горио ота эди, ваҳдолонки ҳоҳ рассом бўлсин, ҳоҳ адид, ўз асарида марказий ўринни айнан шу одамга бағишлигар, унга кўпроқ диққат қиласган бўларди. Нега бундай бўлди экан, нега унга ғазаб аралаш нафрат билан қарайдилар, нима учун ёнг кекса пансионер бошига тушган мусибатлар устидан куладилар, бирор чекаётган изтиробга бунчалик беҳорматлик қаёқдан пайдо бўлди? Бунга унинг ўзи сабабчи бўлдимикин, йўқмикин? Негаки, одамлар нуқсонларни кечирсалар кечирадилару, аммо бундай нарсаларга ёпишиб оладилар. Бу гапларнинг ҳаммаси жуда кўп ижтимоий адолатсизликлар билан боғлиқдир. Ёки бўлмаса, одамзод ҳамма оғирликни мўмин-қобиллиги, бепарволиги ё бўлмаса ожизлигидан кўтариб кетаверадиган одамларнинг сабр-тоқати қанчага етишини синаб кўриш учун, табиатан жўрттага шундай қиласмикан? Ахир ҳаммамиз ҳам, ўз афзаллигимизни дуч келган кимсада, ёки дуч келган нарсада синаб кўришни яхши кўрмаймизми? Ҳаттоқи кўча боласидек заиф бир гўдак ҳам қаҳратон қиши пайтида одамларнинг кўча эшиклидаги қўнгироқларни бирма-бир чалиб қочади, ё бўлмаса эндигина ўрнатилган янги ҳайкалга чиқиб олиб, унга ўз номини ёзиб кетади.

Ёши олтмиш тўққизларга борган Горио ота ўз ишларини йигиштириб қўйгандан кейин, 1813 йилда Воке хонимнинг уйига кўчиб келди. Аввалига у ҳозир Кутюр хоним әгаллаган квартирага кирди ва йилига юз франк ортиғу юз франк камлигининг аҳамияти йўқдек, овқату бошпана учун бир минг икки юз франк тўлади. Воке хоним бу квартирадаги учта хонанинг жиҳозларини янгилаш баҳонасида Гориодан пансион ҳақи ҳисобига қарз кўтарди ва бу пулларни эскиб кетган жиҳозлар билан хоналарни тузатишига сарф қилдим деди, олган нарсаси эса сариқ коленкор дарпардалар, духоба билан қопланган, локланган креслолар ва шаҳар чеккасидаги қовоқхоналар ҳам ярамасга чиқарган

обой қоғозлар әди, бир оз пулни у елимли бүёқ билан квартиранинг қуриган-кўчган ерларини мойлашга сарф қилганди. Ўша пайтда ҳурмат юзасидан жаноб Горио деб аталадиган Горио ота шундай енгилтаклик билан беванинг тузогига илиниб, енгилтак сахийлик қилиб юборгани учун бўлса керак, ҳамма уни амалий ишларга уқуви йўқ, аҳмоқ деб ҳисоблай бошлаган әди. Горио савдо ишини йиғиштирган бўлишига қарамай, ўзини ҳеч нарсадан қисмайдиган бадавлат савдогарларга ўхшаб, ўзи билан аичагина кийим-бош, ҳар куни ишлатилиб турадиган ажойиб ашё-анжомлар олиб келган әди. Бева Воке голландча нафис сурпдан тикилган бир ярим дюжина ажойиб кўйлаклардан кўзини ололмай қолди, вермишелчи кўйлакнинг нафис ёқасига, гавҳар кўзли иккита бир-бирига улангай тўғнағич тақиб олганда кўйлаклар айниқса очилиб кетарди. Одатда у тўқ зангори фрак кийиб юрар, ғижим қилиб тўқилган оқ жилемини ҳар куни алмаштирас, жилемти остида эса, ноксифат дўппайган қорни силкиниб турар ва ҳар хил безаклар осилган олтин занжири ликилларди. Тамаки қутисига,— бу ҳам олтиндан әди, бир медальон ўрнатилганди, медальонда аллакимнинг соч толаси сақланарди, бу эса Горионинг, муҳаббат саргузаштларини бошидан кечирган одам эканлигидан далолат берарди. Уй бекаси уни «қари хотинбоз» деб атаганда, Горио ўз ошиқлигига мамнун бўлган мешчан сингари шодлик билан жилмайиб қўйди. Унинг шкафлари (бу сўзни у соддагина қилиб, «ишкоп» деб айтарди) кумуш идиш-товоқларга лиқ тўла әди. Бева илтифот кўрсатиб, Гориога буюмларини тугунлардан олиб жойлаштиришга ёрдамлашар экан, олтин суви юритилган кумуш қошиқлар, чўмичлар, сирка ва қайла соладиган идишлар, ҳар хил тақсимчалар, ионушта вақтида ишлатиладиган идишларни — хуллас, у ажralишини истамаган, маълум даражада чиройли ва салмоқли бўлган бу барча идиш-товоқларни кўрар экан, кўзлари ўйнаб кетган әди. Бу совға-саломлар унинг оиласиб ҳаётидаги тантанали кунларни ёдига солиб турарди.

— Мана,— деди у Воке хонимга, қопқори устида ўпшиб турган иккита мусича тасвирланган каттагина чашка билан ликопчани олиб кўрсатаркан,— тўйимиизга бир йил тўлгanda хотиним қилган биринчи совға. Бечора! Қизликда йиғиб юрган ҳамма пулларини шу идишга сарфлаган әди. Шунинг учун ҳам, тирноқларим ~~нишоне~~ казисам казийманки, бу совғадан ажралмайман, хоним. Худога шукур,

то ўла ўлгунимча әрталаблари мана бу чашкадан кофе ичишни канды қилмайман. Нолимасам ҳам бўлади, бир бурда нонга ҳали-бери зор бўлмайман.

Пировардида Воке хонимнинг ҳакканики сингари чақчайган кўзлари давлат хазинаси томонидан чиқарилган заёмларга тушиб қолди, бу заёмлар ўша жаноб Гороига йилига тахминан саккиз-ён минг франк даромад келтиради. Шу кундан бошлаб, қизлигида де Конфлан Фамилиясида юрган бева Воке гарчи ёши қирқ саккизга кирган бўлса ҳам,— ўзининг ҳисобида әса ўттиз тўққизда эди,— ўз режасини тузди. Гороининг қовоқлари салқиб, халтага ўхшаб осилиб қолган бўлса ҳам, кўзлари ҳадеб ёшлиланаверганидан шилпиқланиб, тез-тез артиб туришга тўғри келса ҳам, хоним чолни, афт-ангари хушбичим ва келишган деб топди. Бунинг устига унинг гўштдор, йўғон болдиrlари билан узун, кенг бурни жуда кўп пинҳона фазилатлари борлигидан дарак бериб турардики, афтидан, бева бу фазилатларни жуда қадрларди, ниҳоят, Гороининг соддалигидан дарак берувчи тўлин ойдек юм-юмaloқ юзи ҳам унинг шундай фазилатлар эгаси эканини тасдиқларди. Чол беванинг назарида бутун куч-қувватини эҳтирослар қучоғига йигиб ота оладиган паҳлавонга ўхшарди. Ҳар куни әрталаб уйга келиб турадиган Политехника мактабининг сартароши унинг сочини икки «қанот»га айириб фарқини очиб тарап ва яхшилаб упа қўйиб қўяр, торгина пешонасига беш жойдан чиройли қилиб жингалак тушириб қўярдики, бу унинг юзини яна ҳам очиб юборарди. Тўғри, у хийла дагал одам эди, аммо шундай ораста, тамаки қутисини истаган чоғида мақуба\* билан тўлдиришга қатъий ишонган ҳолда, тамакини шундай кўп оларди ва уни шундай хотиржамлик билан мазза қилиб бурнаки қилардики, Горою ота кўчиб келган куни кечқурун Воке хоним ўринга ётар экан, Воке деган номдан қандай қилиб қутулиб, қандай қилиб Гороининг хотини бўлиб қайта туғиласам экан деб, чўчқа ёғига ўралиб ўтга тутилган какликдек, ўз орзу ўтига ўзи қоврилиб ётди. Эрга тегиш, пансионни сотиш, ўзига тўқ мешчанларнинг мана шу энг яхши намояндаси билан бирга кун кечириш, бутун маҳалладаги энг донгдор хотин бўлиш, қашшоқлар учун пул йигиши, якшанба кунлари Шуази, Суази ва Жантильига сайрга бориш; фақат июль ойидагина пансионерлардан битта-яримтаси контрамарка совфа қилишини кутиб ўтириш ўрнига, истаган вақтда театрга бора олиш, борганда ҳам ложага билет

олиш — Париждаги бемаза ҳаёт кечирувчи оиласларнинг ҳаммаси учун мислсиз дабдаба ҳисобланган шу нарсалар Вокенинг орзуси бўлиб қолди. Ў ўзининг бир чақадан йиғиб кўпайтирган қирқ минг франк пули бөрлигини ҳеч кимга билдирамасди. Түрган гапки, давлат-мулкининг миқдори бўйича Воке хоним ўзини Гориога муносиб деб ҳисобларди.

«Қолган жиҳатлардан эса чоддан ҳеч қолишадиган ерим йўқ»,— деб ўйлади у ва ўзининг ростдан ҳам анча келишган хотин эканлигига ишонч ҳосил қилмоқчи бўлган-дек бошқа ёнбошига ўфирилиб ётди, бундан юмшоқ пар тўшакка шундай чуқур из тушиб қолдики, ҳар кун әрталаб семиз хотин Сильвия ҳам ўринни тузатаётганда буни эътироф қиласди.

Шу кундан бошлаб, уч ой мобайнода бева Воке жаноб Горионинг сартароши хизматидан фойдаланиб турди ва пардоз туғайли бир оз чиқимдор ҳам бўлди, пансионга келиб турадиган муҳтарам зотлар олдида уятга қолмаслик ҳам керак-да, деб ўзига тасалли берди. У астойдил ҳаракат қилиб пансионда истиқомат қилувчилар тоифасини ўзгартироқчи бўлди ва бундан бўён уйга фақат ҳар жиҳатдан тўқис бўлган одамларни қўйман, деб ҳамма ерда овоза қилди. Бу ерга бирор бегона одам келди дегунча, жаноб Гориони пеш қила бошлар, бутун Парижга донги кетган савдогар бўла туриб, фақат менинг уйимни афзал билди. деб мақтанишга тушарди. Воке хоним, сарлавҳасига «ВО-КЕ УЙИ» деб ёзилган маҳсус варақаларни ҳамма ёқса тарқатди. Сарлавҳа остидаги жумлаларда эса ўзининг фазилатлари санаб кўрсатилганди: «Бу Лотин маҳалласидаги энг қадимий ва энг ҳурматга лойиқ оиласи пансионидир. Пансион деразаларидан қараган кишига (тўртинчи қаватдан қараса!) Гобелен мануфактура фабрикаси водийсидаги хушманзара жойлар намоён бўлади, ширингина боғи ҳам бор, боғнинг этагидан эса арғувон хиёбони чўзилиб кетган». Бу ернинг хилватгоҳлиги ва ҳавосининг беғуборлиги ҳам эслатиб ўтилган. Бу эълон натижасида беванинг уйига графиня де л'Амбермениль кўчиб келди, ўттиз олти ёшлилардаги бу аёл жанг майдонларидан ҳалок бўлган генералнинг беваси бўлгани учун ўзига пенсия тайинланиши ва тасдиқланишини кутиб ўғран экан. Воке хоним овқатлар сифатини яхшилади, деярли олти ойгача ҳамма умумий хоналарни иситиб турди ва эълонда ваъда қилинган нарсаларнинг ҳаммасини шундай астойдил бажардики, нати-

жада ёнидан сарф қилишига ҳам тўғри келди. Натижада, графиня Воке хонимни азиз дўстим деб атайдиган бўлди, Марә\* маҳалласида турадиган ўртоқларидан баронесса де Бомерланд билан полковник граф Пикуазонинг бева хотини ҳам шу ерга қўчириб келишга ваъда берди, графиняниг айтишича, у хонимлар ҳам пенсия тайин қилинишини кутиб, «Воке уйи»дан кўра қимматроқ пансионда истиқомат қилиб туришар əкан. Аммо ҳарбий маъмурнятлар бу хонимларнинг ишини бир ёқлиқ қиласа, улар жуда бой бўлиб кетарканлар, албатта.

— Лекин маъмурият ишимизни жуда чўзиб ётибдида,— дерди графиня.

Тушлик овқатдан кейин иккала бева Воке хонимнинг хонасига кириб олиб, қора смородина шарбатидан ичиб, беканинг ўзи учун тайёрланган ширинликлардан тотиниб, у ёқ-бу ёқдан гурунглашиб ўтиришарди. Графиня де л'Амбермениль беканинг Горио тўғрисидаги ниятини жуда маъқулларди, унинг фикрича, бу жуда яхши ният, Гориони орзу қиласа арзиди — ўзи ҳам буни кўчич қелган кундан-ноқ сезиб олган, хуллас, Горио — аъло нав əркак.

— Вой тасаддуқ! — дерди унга бева Воке. — Бу əркак ҳали жуда бақувват, ўзини жуда яхши əҳтиёт қилган, ҳали хотин кишининг кўнглини оладиган кўп ишлар келади қўлидан.

Графиня меҳрибончилик билан Воке хонимга, унинг ниятларига жуда ҳам мос тушмайдиган кийим-бошлари тўғрисида баъзи йўл-йўриқлар кўрсатди.

— Сизни яхшилаб ясантириш керак,— деди у бевага.

Узоқ ҳисоб-китоб қилишгандан кейин иккала бева Пале-Роялга жўнашди ва Ёғоч растадан укпарли шляпа билан қалпоқча сотиб олишди. Графиня ўртоғини «Жажжи Жанета» магазинига бошлаб кирди, бу ерда улар шарф билан кўйлак сотиб олишди. Бу жами жанговар либослар ишга солиниб, бева Воке одамлар олдига ясаниб-тусаниб чиққанда, у «Беф а ля мод»\* вивескасидаги суратга худди қўйиб қўйгандай ўхшаб кетганди. Шундай бўлса ҳам, бева ўзининг яхши тарафга ўзгаришини сезиб, графинядан миннатдор бўлди ва бу қилган яхшилиги əвазига, гарчи унча серхарж хотин бўлмаса ҳам, графиняга йигирма Франк турадиган шляпа совға қилди. Тўғрисини айтганда, у графинядан битта холис хизмат қилиб беришни илтимос қилмоқ ниятида əди, аниқроғи — графиня Горио билан бир гаплашиб кўриши ва уни, Воке хонимни, унга

мақташи керак әди. Графиня де л'Амбермениль бу ишга бажону дил киришди, кекса вермишелчи атрофида парвона бўла бошлади ва ниҳоят, у билан суҳбатлашишга мусасар бўлди ҳам, аммо бу суҳбат пайтида графиня вермишелчини шахсан ўзига оғдиришга уриниб кўрди; унинг ҳамма уринишлари Горио отанинг қаршилигига демасак ҳам, тортичкоқлигига дуч келиб қолгандан кейин чолнинг қўпполлигидан разабга келиб, қайтиб чиқди.

— Тасаддуқ, бу одамдан ҳеч қандай наф кўролмай-сиз! — деди у дугонасига.— У ҳар нарсага шубҳа билан қарайдиган қип-қизил аҳмоқ ҳайвон, фирт баҳил одам әкан, фақат кўнгилсизликлардан бошқа ҳеч нима кутиб бўлмайди ундан.

Графиня де л'Амбермениль билан жаноб Горио ўртасида шундай бир гап бўлиб ўтдики, шундан кейин графиня у билан ҳатто бир уйда яшашни ҳам истамади. Эртаси куниёқ у бу уйдан кўчиб кетди, аммо кетганда ҳам олти ойлик пансион ҳақини тўлашни унтиб, әвазига жами беш франк ҳам турмайдиган қақир-қуқур қолдириб кетди. Воке хоним уни қанчалик зўр бериб қидирмасин, Парижнинг бирон еридан ҳам графиня де л'Амберменилнинг дарагини тополмади. Бу кўнгилсиз воқеани у тез-тез эслаб турар, ўзи ҳеч нарсага ишонмайдиган хотин бўлса ҳам, ўлгудек лақмаман, ҳар нарсага ҳам ишонаверман деб нолиб юрарди; бу жиҳатдан Воке хоним, энг яқин одамларига ҳам асло ишонмайдиган ва лекин бир учратган кишисининг қўлига лаққа тушадиган одамлардан әди. Бу ажиб психологик ҳодиса әди; аммо шундай ишлар бўлиб туради, бундай ғалати ишларнинг илдизини кишилар қалбидан топиш қийин әмас. Балки баъзи одамлар ўзлари билан бирга яшайдиган кишиларнинг ҳурматини қозонишга қодир әмасдиirlар, натижада, ўзларининг ўлгидек бемаза одам әканлигини сездириб қўйиб, агрофдаги одамларнинг бу тўғрида пинҳона тўғри хулоса чиқарганини сезарлар; айни вақтда, бундай одамлар ўзлари тўғрисида мақтов сўзларини әшитишни жудаям истайдилар, аслида эса, худди шу мақтов сўзлари әшитилмайди, ёки бўлмаса ўзларини ажойиб фазилатларга әга одам қилиб кўрсатмоқчи бўладилар,— суруштириб қаралганда, ўша фазилатлардан уларда асар ҳам бўлмайди, айнан ана шу ниятда улар бегона одамларнинг ҳурмат-эътиборини қозонмоқчи бўлиб уринадилар-да, кейинроқ бориб бу одамларнинг ҳам назаридан қолишларини хаёлларига келтирмайдилар. Ниҳоят, яна

шундай бир туркум одамлар борки, ўзларининг энг яқин одамлари ва дўстларига сира яхшилик қилмайдилар, ваҳдолонки бундай одамларга яхшилик қилиш уларнинг бево-сита бурчи; шунга қарамай, бундай одамлар бегоналарга яхшилик қилишади, сабаби — бегона одамлар назарида ўз баҳосини кўтармоқчи бўладилар; шунга кўра уларга қанчалик яқин бўлган киши шунчалик қадрсиз бўлади; киши улардан қанча узоқ бўлса, улар шунча кўп хушомад қила бошлайди. Шубҳасизки, Воке хоним тимсолида мана шу икки хислат — энг паст, сохта ва мараз хислатлар мужас-самлашган эди.

— Ушанда мен йўқ әдим-да,— дерди Вотрен,— шу ерда бўлганимда бошингизга шу кунлар тушмасди. Мен у фирибгарнинг сирини фош қиласдим. Уларнинг қилиқлари менга аён.

Ҳамма калтафаҳм одамлар сингари Воке хоним ҳам ўзи қатнашган воқеалар доирасидан ташқари чиқмас ва уларнинг сабаблари тўғрисида бош қотириб ўтирамасди. Ўз хатоларини у бажону дил бошқалар бўйнига қўяверарди. Юқорида айтганимиз бахтсизлик рўй берганда, маломатга соғ вижданли вермишелчи қолди; хонимнинг гапига қараганда, ўша пайтдан бошлаб вермишелчининг аслда қандай одамлигини билиб олишибти. Ўзининг ясан-тусандари ва бу йўлда қилган харажатларининг зое кетганини тушунгандан кейин, биро зумда бу муваффақиятсизликнинг сабабини ҳам топди. Хонимнинг таъбири билан айтганда, Горионинг ўзига ярашар қилиқлари бор экан. Хуллас, Горою Воке хонимга унинг астойдил орзу қилган ширин хаёллари пуч эканини ва графиня зарда қилиб айтганидек, ундан ҳеч қандай наф кўролмаслигини билдириб қўйди. Афтидан, графиня бундай ишларда пихини ёрган хотин кўриниади. Воке хонимнинг дўстлиги бир ҳисса бўлса, адоварти ўн ҳисса бўлиб кетди, албатта. Унинг нафрати аввалиги муҳаббати даражаси билан эмас, пучга чиққан умидининг алами даражаси билан баробар эди. Одамзоднинг қалби яхши муносабатлар довонига кўтарилишда тиним олиши мумкину, аммо ёмон ҳислар жарлигига тушиб кетаётганда камдан-кам тиним олади. Аммо нима бўлганда ҳам Горио унинг уйида туради, демак, бева ўзининг таҳқирланган нафсониятини тийишга, ҳафсаласи пир бўлиб кетганидан ич-ичидан қайнаб келаётган хўрсиниқларини босишга ва игуменининг хафа қилганига чидашдан бошқа иложи бўлмаган монах сингари ўч олиш истагидан воз кечишга маж-

бур әди. Кўнгли тор одамлар ўзларининг хоҳ яхши, хоҳ ёмон ҳисларини беҳисоб майда қилиқлар қилиб қондира-дилар. Бева аёлларда мавжуд жамики макрларни ишга солиб, ўз ғанимидан пинҳона ўч олишга киришди. Даст-аввал у умумий дастурхонни яхшилаш учун берган ҳамма қўшимча таомларни яна тортиб қўйди.

Воке хоним аввалги вазиятга қайтишга аҳд қилган ку-ни эрталаб Сильвияни ҷақириб олиб:

— Ҳеч қандай корнишону анчауснинг кераги йўқ: турган-битгани зиён уларнинг! — деб буюорди.

Жаноб Горио оддий ҳаёт кечиришга ўргангандан одам әди, бойликни ўз қўли билан орттирадиган одамлар сингари у ҳам зиқналикка одатланиб қолганди. У азалдан шўрва, яхна гўшт, сабзавот солиб пиширилган ҳар қандай таомни яхши кўради. Шунинг учун бундай хўрандани овқатдан бу тарзда қисиб, ғашини келтириш Воке хонимга осон әмасди. Тепса тебранмас одамга дуч келиб қолганидан аламзада бўлган бева, Гориога нисбатан ўз кўнглида ту-ғилган нафратни бошқа пансионерларга ҳам ўтказишга уринди, улар әса әрмак учун хонимнинг қасосига шерик бўлардилар.

Горионинг келганига бир йил бўлиб қолганда иш шу даражага етдики, бева: йилига етти-саккиз минг ливр даромади, ажойиб кумуш сервислари-ю, суюқоёқ хотинлар-ники сингари қимматбаҳо чиройли зийнат буюмлари бўла туриб, нега бу савдогар чол менинг уйимда тураркин, шунча бой бўлишига қарамай, нега пансион ҳақини бунча ха-сислик билан тўларкин, деб ўзиға ўзи савол берадиган бўлди. Горио пансионга кўчиб келган йилининг кўпроқ қисмида бод-бод, яъни ҳафтада бир ёки икки марта бошқа ерда овқат қилиб келарди, кейинчалик четда овқатланиши ойига икки марта бўладиган бўлди. Жаноб Горионинг пан-сионда бўлмаслиги Воке хонимга фойда әди, холос; лекин Горио ота пансионда овқатланишини тобора камроқ канда қиладиган бўлган әдики, бу қилиги bekанинг ғашига тегадиган бўлди. Бу ўзгаришларга Горионинг пулдан сиқил-ганигина әмас, балки унинг жўрттага bekага ўчакишига-нини ҳам сабаб қилиб кўрсатиши. Ўзининг маънавий жиҳатдан қашшоқлигини ўзгаларга ҳам ёпишириш — бе-фаросат, калтафаҳм одамларга хос ўтакетган бемаъни одат. Баҳтга қарши иккинчи йилнинг охирида Горио Воке хонимдан ўзини учинчи қаватга кўчириб, йиллик пансион ҳақини тўққиз юз франккача туширишини илтимос қилиб,

ўзи тўғрисидаги ҳамма миш-мишларнинг тўғри эканини исботлади. У шу қадар тежаш томонига ўтиб олдики, ҳатто қишида ҳам печка ёқмай қўйди. Беъва Воке ижара ҳақини олдиндан тўланг, деб талаб қилди, жаноб Горио бунга розилик берди, аммо бева ўша пайтдан бошлаб уни «Горио ота» деб атайдиган бўлди.

Бундай тушкунликнинг сабаблари ҳақида өринмаган одам борки, ҳаммаси ўзича ҳар хил тахминлар қилиб кўрди. Бу қийин иш әди. Сохта графиня айтганидек, Горио ота ичимдагини топ, дейдиган, индамас одам әди. Қовоқ калла, маҳмадона одамларнинг таъбирига кўра (бундай одамлар майда гапларни жавраб юришдан нарига ўтолмайдилар), ўз ишлари тўғрисида гап сотишни ёқтирмайдиган одамлар ёмон ишлар билан банд бўлармиш. Шундай қилиб, «донгдор савдоғар» қаллобга, «хотинбоз» эса — қари масхарабозга айланди қўйди. Горио ота гоҳ биржага югурадиган, у ерга бориб, молиячиларнинг ўткир таъбири билан айтганда, рентадан юлиб қолишига уринадиган одамга айланди,— ўша пайтда «Воке уйи»га кўчиб келган Вотреннинг фикри шундай әди; гоҳ қарасангиз, уни ҳар куни кечқурун бахтини синаб кўрадиган, омади келиб қолганда, нари борса ўн франк пул ютиб оладиган майда қиморбоз деб ҳисоблашарди. Гоҳ уни маҳфий полициянинг жосуси деб ўйлашарди, лекин Вотреннинг ишонтириб айтишича, Горио бундай лавозимга әришмоқ учун етарли даражада айёр әмасди. Булардан ташқари, Горио отани қисса муддатга пул бериб турадиган баҳил судхўр деб ҳам, лотереяда «қаторасига» бир қанча номерга пул тикадиган қиморбоз деб ҳам ўйлашарди. Уни аллақандай жуда мавҳум беномус, бузук одамга чиқариб қўйишиганди. Лекин унинг айблари нақадар оғир, ахлоқи нақадар ёмон бўлмасин, унга бўлган нафрат пансиондан ҳайдаб юбориш даражасига етиб бормаган әди; ҳар қалай, пансион ҳақини тўлаб турарди. Бундан ташқари унинг бошқа жиҳатдан ҳам фойдаси тегиб турарди: ҳар бир пансионер унга тегажаклик ё масхара қилиб, хумордан чиқиши мумкин әди.

Воке хонимнинг фикри ҳамманикidan кўра тўғрироқقا ўхшарди, шу сабабдан ҳамма шу фикрга қўшилишди. Унинг айтишича, «ҳали жуда бақувват; ўзини жуда яхши әҳтиёт қилган, ҳали қўлидан хотин кишининг кўнглини олайдиган кўп ишлар келадиган» бу киши, шунчайин ғалати табиатли бузук бир одам әди. Бека ўз даъвосини мана бундай далиллар билан исбот қилди.

Ярим йил Воке хоним ҳисобига кун кўрган ва уни жиғибийрон қилиб қочиб қолган графиня гойиб бўлганидан бир неча ой ўтган әди, бир кун эрталаб ҳали ўрнидан турмаган Воке хоним зинада чиройлигина ёш бир жувоннинг шойи кўйлаги шитирлаганини ва оёқ товушини эшитиб қолди: у жувон олдиндан атайлаб очиб қўйилган Горионинг әшигига «лип» әтиб кириб кетди. Бақалоқ Сильвия юрганича келиб бекасига хабар қилди: номусли жувон деб айтишга жудаям чиройлилик қиласидан, парилардек кийинган, обёғидаги прюнелдан тикилган\* ботинкасига гард ҳам юқмаган бир қиз кўчадан фириллаганча ошхонага кириб келибди-ю, жаноб Горио қаерда туради, деб сўрабди. Бека Воке ошпаз хотин билан бирга келиб, чолнинг әшигидан қулоқ солиб туришди, хийла чўзилган бу ташриф пайтида айтилган баъзи бир мулоҳим сўзлар қулоқларига чалинди. Горио ота меҳмонини кузатгани чиққанида, бақалоқ Сильвия ошиқ-маъшуқларнинг қаерга боришини билиб олиш учун гўё боворга кетаётган киши бўлиб, сават кўтариб олди-да, улар кетидан қорама-қора кўчага чиқди.

Қайтиб келганидан кейин у бекасига бундай деди:

— Хоним, жаноб Горио жудаям бадавлат бўлса керакки, маъшуқларидан ҳеч нимани аямапти. Ишонасизми, Эстрапада кўчасида бирам чиройли файтон кутиб турган экан, ўша қиз шу файтонга чиқди!

Тушки овқат вақтида Воке хоним Горионинг кўзига офтоб тушмасин учун деразанинг пардасини туширгани ўрнидан турди.

— Жаноб Горио, сизни гўзал хонимлар яхши кўришаркан, офтоб ҳам нурини сизга сочяпти. Баракалла-е, дидингиз жойида, у жуда чиройли аёл экан! — деди бева, Горионинг меҳмонига шама қилиб.

— У менинг қизим,— деди Горио ғурур билан: хўрандалар эса бу гапни сирини ошкор қилишни истамаган сипо чолнинг ҳийласи деб қабул қилишди.

Орадан бир ой ўтгач, Горио ота олдига ўша аёл иккичи марта келди. Биринчи марта өрталабки кийим-бошида келган ўша қиз, бу гал тушки овқатдан кейин кўчага кийиб чиқадиган либосда ясаниб келган әди. Меҳмонхонада гап сотишиб ўтирган хўрандалар аллақандай Горио отанинг қизи дейиш учун ҳаддан зиёд чиройли, қадди-қомати келишган, бели ингичка аёлни ўз кўзлари билан кўришга муяссар бўлдилар.

— Ийе, улар иккита әкан-ку! — деди уни танимасдан бақалоқ Сильвия.

Бир неча кундан кейин норгул, қад-қоматлари келишган, кўзлари чақнаб турган қора қош, қора соч бошқа бир жувон жаноб Гориони сўраб келди.

— Вой, учта әкан! — деб юборди Сильвия.

Иккинчи қизи ҳам отаси олдига әрталаб келган эди, бир неча кундан кейин әса у кечқурун балга борадиган кийимда каретада келди.

— Тўртта әкан! — деб юбориши Воке хоним билан бақалоқ Сильвия, улар биринчи марта оддийгина кийиниб, әрталаб келган жувонни бу ясанган аёлга сира ўхшатиша олмаган эди.

Горио ҳали у пайтда пансион ҳақига бир минг икки юз Франкдан тўлаб турарди. Воке хоним бой-бадавлат эркакнинг тўртта ёки бешта маъшуқаси бўлишига табиий бир ҳол деб қаради, уларни қизим деб танитишини әса чолнинг устомонлик билан қилгай ҳийласи деб тушунди. Горио уларни «Воке уйи»да қабул қилишига беванинг сира ҳам ғаши келмади. Лекин бева пансионернинг ўзига нисбатан бефарқ қарашига шу жувонларнинг келиб туриши сабаб деб билгани учун иккинчи йилга ўтганда Гориога «қари туллак» деб лақаб қўйди. Горио тўққиз юз франккача пасайиб кетгандан кейин, унинг хонасидац тушшиб келаётган ўша хонимлардан бирини кўриб қолиб, бева чолдан, ўйимни қанақа жойга айлантироқчисиз, деб жуда беҳаёлик билан сўради. Горио ота бу хоним менинг катта қизим бўлади деб жавоб қилди.

— Ун саккизта қизингиз борми дейман? — деб заҳархана қилди бева.

— Фақат иккита қизим бор, холос, — деб ювошина жавоб қилди унга чол; овози сўниб, муҳтоҷлик натижасида итоаткор бўлиб қолган ожиз одамнинг овозига ўхшарди.

Учинчи йил охирига бориб, Горио ота тўртинчи қаватга кўчиб ўтди ва ўзи учун бўладиган чиқимларни ойига қирқ беш франкка туширди. У бурнаки қилмай қўйди, сартарошига жавоб бериб юборди, сочига упа қўйинши бас қилди!.. Горио ота биринчи марта сочига упа қўймасдан пастга тушганда, унинг сочини кўриб, бека «воҳ» деб юборди — чолнинг сочи кирга ўхшаш кул ранг ва аллақандай кўкиш рангли әкан. У бутун ташвишини ичига сола-верганидан, кундан-кун гами орта борди, әнди уни дастур-

хон атрофига йифиладиган хўрандалар орасида энг ғамги-  
ни деса ҳам бўларди. Горою отанинг ёски хотинбоз  
әканлигига, ножёй оёқ олиб, кун кўрган пайтларида ёвуз  
дориларни жуда кўп ишлатгану у дорилар таъсиридан  
кўзларини фақат докторларнинг усталиги туфайли омон  
сақлаб қолганига, сочининг бундай хунук тусда бўлишига  
ёса унинг шаҳвоний ҳаёт кечирган ва шу шаҳвоний ҳаётни  
яна ҳам чўзиш учун истеъмол қилган дори-дармонлар са-  
баб әканлигига әнди ҳеч шубҳа қолмаган әди. Шўрликнинг  
жисман ва руҳан изтиробда яшаши ҳам шу сафсатани тас-  
диқлаётгандай әди. Гороонинг чиройли кўйлаклари йир-  
тилиб тамом бўлгандан кейин у чўзими ўн тўрт су туради-  
ган дагал қалин сурпдан кўйлак киядиган бўлди.  
Дур-гавҳарлари, олтин тамаки қутиси, соатининг занжи-  
ри — қимматбаҳо бисотларининг ҳаммаси бирин-кетин жо-  
йини топиб кетди. У тўқ Ҷангари фракдан ҳам ажралди,  
яхши кийимларидан биттаси ҳам қолмади, әнди у қишин-  
ёзин муттасил жигар ранг дагал жун сюртук, ёчки жу-  
нидан тўқилган жилет ва қалин баксиндан кул ранг шим  
кийиб юрадиган бўлди. Горою жуда озиб кетди: болдиrlа-  
ри сўлди, мешчанларга ўхшаб тинчгина яшаб юрган вақ-  
тидаги лўппи юзлари тиришиб, ажин қоплади; чакаклари  
туртиб чиқди, пешонасидаги ажинлар чуқурлашди. Нев-  
Сент-Женевьев кўчасига кўчиб келганига тўрт йил бўлган-  
да таниб бўлмайдиган даражада ўзгариб кетди. У вақтда  
олтмиш иккига кирган бўлса ҳам, кўринишидан қирқ  
яшар кишига ўхшаган баланд бўйи, тўладан келган гавда-  
си одамнинг кўзини қувонтирадиган, лабидан қувноқ та-  
бассум аримайдиган буржуа, яъни ёқимтой вермишелчи  
әнди етмиш яшар тўпори, рангидаги қони йўқ, мункиллаган  
чол бўлиб қолганди. Мовий кўзлари қандай шўх чақнаб  
туради! Энди у кўзларининг нури сўниб аллақандай хи-  
ралашиб қолган, ёшлиномас ҳам, қовоқларининг қип-қизил  
ҳошияси қон талашиб турганга ўхшарди. Унга бироннинг  
раҳми келса, бироннинг нафрати келарди. Еш медик сту-  
дентлар унинг пастки лаби осилиб қолганини пайқаб, юз  
тузилишини роса текшириб кўрдилар, Горою отанинг эси-  
ни жойига келтириш учун кўп уриндилару, аммо ҳамма  
уринишлари бекор кетди, шундан кейин, чол телбалик  
касалига чалинибди, деган хulosага келдилар.

Бир кун кечқурун овқатдан кейин бева Воке Гороидан  
истеъзо билан: «Қизларингизга нима бўлди, келмай қў-  
йишди?» деб сўради, бу билан у Гороига ўша хонимлар

ҳеч ҳам сенинг қизларинг әмас, демоқчи әди. Гороо ота гүё бека наиза саншиб олгандек бир сапчиб тушди.

— Баъзи-баъзида келиб туришади,— деди у ҳаяжонланиб.

— Ҳали шунақа денг! Ҳали ҳам баъзи-баъзида кўришиб тураман денг?— деб қичқиришди студентлар.— Қоийил, Гороо ота!

Ўзининг жавобидан кейин бошланиб кетган заҳархандалар чолнинг қулоғига кирмади: у яна чуқур ўйга толганди, лекин вазиятга юзаки қаровчилар, унинг бундай хаёли паришонлагини қариб, мияси айниб қолганидан деб ўйлашарди. Улар Гороони яхшироқ билишса әди, гарчи ҳеч нарсага тушунолмасалар ҳам, эҳтимолки, унинг руҳий ва жисмоний ҳолати уларни қизиқтириб қолган бўлармиди. Гороо ростдан ҳам аллофлик билан шугулланганми ё йўқми ва қанчалик бой бўлган — суриштириб билиб олиш сира ҳам қийин әмасди, лекин бундай гапга қизиқиши мумкин бўлган қариялар чиганоги ичига ёпишиб олган шиллиқ қуртдек ўз “маҳалласидан четга чиқишмас ва пансионда яшашарди. Бошқа хўрандаларга келсак, улар Нев-Сент-Женевьев кўчасидан чиқишлиари биланоқ Парижнинг ҳёти қўйнига гарқ бўлиб кетиб, мазах қилиб кўнгил очишадиган бечора чолни бирпастда унтиб юборишарди. Гороо отанинг ҳозирги аччиқ муҳтоҷлик ҳолати ва овсарлигини ўз кўзи билан кўрган ўща бегам ёшлар ва бу ерда истиқомат қилувчи оми одамлар уни ҳеч ҳам бадавлат ва ишибилармон одам деб тасаввур қила олмасдилар. У қизларим деб танитган аёллар тўғрисида ҳамма Воке хонимнинг фикрига қўшилганди; бева хоним кечқурунлари бекорчиликдан, оғзиға келган нарсалар тўғрисида ўз тахминларини айтиб вақиллаб ўтирадиган кампирларга хос мантиқ билан бундай дерди:

— Гороо отанинг қизлари бу ерга келган жувонлар сингари бойвучча бўлса, у менинг уйимда, тўртинчи қаватда, ойига қирқ беш франк пул тўлаб туармиди-ю, гадойларга ўхшаб юрармиди?

Бундай далилларни сира ҳам рад қилиб бўлмайди. Шундай қилиб, 1819 йилнинг ноябрига келиб, биз ҳозир ҳикоя қилиб бермоқчи бўлган фожиа юз бергандা, пансиондаги ҳар бир хўранда бечора чол тўғрисида қатъий бир фикрга келиб қўйганди. Ҳеч қачон унинг ҳеч қандай хотини, ҳеч қандай қизи бўлган әмас; ёмон йўлга кўп юрганидан, у келиб-келиб охири шиллиқ қуртга, қалпоқлилар

тоифасига кирадиган одамсизон молюскага айланиб қолган, дерди табииёт-тариҳ музейининг ходими — у фақат тушлик овқатга келиб турадиган хўрандалардан эди... Ҳатто Пуаре ҳам Горо ғолдида лочин әди, ҳақиқий жентельмен деса бўларди уни. Пуаре гапирав, мулоҳаза юритар, гап сўраган одамга жавоб ҳам қайтарарди; тўғри, у на суҳбатлашгандা, на бир нарса деганда, на саволларга жавоб қайтаргандা баён қиласди ўз фикрини, негаки бошқалар аллақачон айтиб қўйган фикрларни бошқа қолипга солиб тақрорлайдиган одати бор эди, аммо ҳар ҳолда у суҳбатга ўз ҳиссасини қўшар, одамлар орасида яшарди, ҳиссиёт деган нарсадан ҳам қандайдир учқунлар борлиги сезиларди, Горо эса, яна ўша музей ходимининг таърифи билан айтилганда, доим музлаш нуқтасида турарди.

Эжен Растињак каникулдан шундай бир кайфиятда қайтиб келдики, унинг бу кайфиятини умуман жуда истебдодли ёки ночор бир аҳволга тушиб қолгандан кейин, қисқа вақтга бўлса ҳам, ғоят доно одамларда бўладиган қобилиятни ўзида уйғота оладиган кўпгина йигитлар яхши тушунишса керак. Эжен Парижга келган йили, факультетда биринчи босқич маълуметини олиш учун босиб ўтириб ўқиш уччалик зарур әмас әди, шунга кўра шаҳарнинг хушманзара ерларини томоша қилиб олиш учун унинг бўш вақти сероб әди. Агар студент ҳар бир театр репертуари билан танишиб чиқмоқчи бўлса, Парижнинг жамики пастбаландини билиш пайига тушса, пойтакт аҳлиниң урфодатларини биламан, тилини ўрганаман, ҳузур-ҳаловатлардан татиб қўраман, ҳар бир ибратхона-ю ишратхоналарга кириб чиқаман, фойдали лекциялар әшитаман ва музейларни кўздан кечираман деса, буларнинг ҳаммасига вақти етишмайди. Бундай пайтларда студент ҳар хил икирчикир, арзимас нарсаларга берилиб, шуларга қизиқиб юради. Унинг назарида намуна олиши лозим бўлган ўз буюк одами бор — у Коллеж де Франсдаги бир профессор, профессор эса, студент ёшлар назарида шундай буюк одам бўлиб кўрина олиш қебилияти учун пул олади. Студент Комедия операси театрининг биринчи ярусида ўтирган бирор аёлга ёқиш учун галстугини баландроқ тортади, чиройли бир тарзда қадди-қоматини келиштириб туради. У астасекин ҳаёт қўйнига кириб боради, навоқатга одатланади, дунёқараши кенгаяди ва ниҳоят, жамиятдаги кишилик табақалари орасидаги муносабатларга тушуниб олади. Қуёш ёғду сочиб турган Елисей Даласида\* тивилишиб ўтаётгали

Файтонларни томоша қилиб юриб, кўп ўтмай, ўзи ҳам шундай файтон өгаси бўлишни орзу қила бошлайди.

Бу ҳаёт мактабини Эжен, нафис адабиёт ва юридик фанлар бакалаври унвонини олиб, каникулга жўнаб кетишдан олдиноқ ўзи сизмаган ҳолда ўтган әди. Унинг болаларга хос ширин орзулари, қишлоқ одамларига хос тушунчалари йўқ бўлиб кетди, Фикрлари ўзгарди, ўзи гоятда такаббур бўлиб кетди, шунинг учун ўз оиласи қучогига қайтиб борганида энди ҳар нарсага жиддий кўёз билан қарайдиган бўлиб қолганди. Отаси, онаси, икки укаси, икки синглиси ва бутун бойлиги пенсиядан иборат бўлган аммасидан иборат бу оила кичкинагина Растињяк мулкида истиқомат қилиб туришарди. Йилига уч минг франқка яқин даромад берадиган бу мулкнинг бутун иқтисодий асоси токдорчиликдан чиқадиган, доимо ўзгариб турувчи даромадга асосланган әди, шунга қарамай, Эжен учун ҳар йили бир минг икки юз франқни ҳам шу даромаддан сиқиб чиқаришга тўғри келарди. Эжен ўзи учун қилинаётган меҳрибонлик туфайли сир тутилган доимий муҳтожликни сезиб турарди; болалик чогида гоят гўзал кўринган сингилларининг ҳуснини энди у ўзи етишмоқни орзу қилиб юрган парижлик аёллар ҳуснига беихтиёр солишириб кўради, фақат Эженга умид боғлаган катта оиланинг келажаги жуда қалтис эканини у яқдол сезиб турарди; әнг арzon озуқаларни ҳам нақадар өҳтиётлик билан тежаб ишлатишларини пайқарди, бутун оила аъзолари билан бирга узум пўчоғидан тайёрланган ичимлик ичарди; қисқаси, бу ерда санаб ўтириш ортиқча бўлган жуда кўп хил сабаблар унинг дилида ҳар қандай қилиб бўлса ҳам, одам бўлиш, юқори табақа даврасига кўтарилиш истагини уйғотди. Олижаноб кишиларга хос ҳусусият бўйича, у ҳам истакларига фақат ўз кучи билан әришмоқчи бўлди. Бироқ у том маъноси билан жанублик йигит әди, шунинг учун у амалда, денгизга биринчи марта чиқиб, кемани қайси соҳилга йўналтиришни ҳам, елканни қандай кўтаришни ҳам билмайдиган тажрибасиз йигитга хос хатоларни босидан кечириши муқаррар әди. Аввалига Эжен ишга муккасидан шўнғиб кетмоқчи бўлди, лекин кўп ўтмай ўзига лозим бўладиган таниш-билишлар ортириш пайига тушди. Жамият ҳаётида хотинларнинг роли жуда муҳим эканини сезиб, ўзига бирор ҳомий топиш мақсадида зодагонлар жамияти даврасига кириш режасини тузди, гапга чечан ва хассос йигитга, айниқса бу фазилатлари устига, хотинағ

жуда ўч бўлишадиган қадди-қоматининг келишганлиги ва ўқтамлигини илова қилсак, ҳомий топилмай қолармиди унга? Бир вақтлар сингиллари билан бирга шўхлик қилиб чопқиллаб ўйнаб юрадиган далаларни кезиб юаркан, Растињакни мана шундай фикрлар чулғаб оларди, әнді эса сингиллари ҳам унинг жуда ўзгариб кетганини яққол сезишган эди. Унинг холаси де Марсийяк хоним бир вақтлар сарой аёллари орасида яшаган ва олий табақа оқсуяклардан таниш-билиш ортирган эди. Илгарилари Эженнинг холаси ўз хотираларини унга жуда завқ билан ҳикоя қилиб турарди. Шуҳратпараст йигит бу хотиралар орасидан жамоатчилик даврасида ўзи қўлга тушириши зарур бўлган нуқталарни топиб олди, булар унинг ҳуқуқ мактабида эришган мувваффақиятларидан асло кам әмасди. У холасидан ҳозир кимлар билан яна муносабатни тикласа бўларкин деб сўради. Кекса хоним қариндош-уругларининг шажара дарахтини бир силкитиб кўриб, бой-бадавлат, худбин қариндош-уруглар орасида жиянимга фақат виконтесса де Босеан илтифот кўрсатиб ёрдам бера олади деган хуолосага келди. У ўша ёш хонимга қадимий услугда бир мактуб ёзиб, уни Эженнинг қўлига тутқизар экан, агар шу жувоннинг ишончига сазовор бўла олсанг, бошқа қариндошларимизни топиб олишиннга у албатта ёрдамини аямайди, деб тайинлади. Растињак Парижга келганидан кейин бир неча кун ўтказиб, холасининг мактубини де Босеан хонимга юборди. Виконтесса уни әртаси куни бўладиган балга таклиф әтиш билан унга жавоб қилди.

1819 йил ноябрь ойи охирига келганда, оилавий пансиондаги вазият мана шундай эди. Эжен мактубга жавоб олиб, де Босеан хонимнига балга борди ва уйга кечаси соат иккиларда қайтиб келди. Студент йигит танца вақтидаёқ, бекор ўтган вақтни қоплаш учун тонг отгунча ишлайман деб ўзига ўзи қатъий сўз берди. У зодагонларининг бундай дабдабали ҳаётини кўриб, вужудида жўш ураётган сохта ғайрат таъсирига берилиб кетди ва биринчи марта сукунат қўйнига гарқ бўлган маҳаллада кечани тонг отгунча бедор ўтказишига аҳд қилди. Ўша куни у пансионда овқатланмади. Бундан эса хўрандалар әнди у фақат тонг отганда қайтиб келади деган хуолоса чиқаришди; у одатда, Одеонда\* бўлган баллардан ёки Прадода\* ўтказилган тантанали кечалардан ипак пайпогига лой сачратиб, бал туфлисини тўзитиб, айнан ана шундай вақтда қайтиб келарди. Кристоф эшикка тамба солишдан олдин кўчага бир

мўралаб қўйди. Худди шу вақт Растињак келиб қолди ва Кристоф билан бирга юқорига ўз хонасига жимгина чиқиб олди, аммо хизматкор роса тапир-тупур қилиб юқорига чиқиб кетди. Эжен ечинди, уйда киядиган шиппагини оёғига илди, тўэиган сюртугини кийди, печкага торф ёқди ва ишлаш учун шундай тез тайёргарлик кўрдики, Кристоф бошмоқларининг дўпир-дўпирни остида студентнинг деярли товуш чиқармай қилган тайёргарлиги эшитилмай кетди.

Юридик китобларни ўқишга киришишдан олдин Эжен бирпас хаёлга чўмиб ўтириб қолди. Ҳозиргина ўзи танишган виконтеSSA де Босеан Париж зодагонлари орасидаги маликалардан бири эди, унинг уйи ҳса Сен-Жермен даҳасида донғи кетган уй ҳисобланарди. У ўз номи ва бойлиги билан ҳам олий табақа оқсуякларга мансуб эди. Камбағал студент холаси де Марсийяк туфайли виконтеSSA томонидан жуда яхши қабул қилинди, аммо бундай ҳимматнинг нечоғлик зўр аҳамияти борлигини ўзи ҳам билмасди: бу зарҳал юритилган меҳмонхоналарга киришга мушарраф бўлишининг ўзи олий табақа дворянлар сафиға қабул қилиниш билан баравар гап өди. Эжен ёнг сараланган оқсуяклар даврасида кўриниш бериш билан истаган жойига кира олиш ҳуқуқини қўлга киритганди. Бундай зодагонлар анжуманидан кўзлари қамашган Эжен де Босеан хоним билан бир икки оғиз суҳбатлашди-ю, тантанали йиғинга келган Париж матьбуналари орасидан йигитлар бир қарашдаёқ маҳлиё бўлиб қоладиган гўзалларнинг бирини ўзига танлаб олиш билан қаноатланди. Баланд бўйли, қадқомати келишган графиня Анастази де Ресто қоматининг гўзаллиги билан бутун Парижга донг чиқарган эди. Шаҳло кўзлари тим қора, қўллари чиройли, оёқлари худди қуйиб қўйгандек гўзал аёлни кўз олдингизга келтиринг, уни бамисоли ловиллаб турган ўт дейсиз — маркиз де Ронкероль уни «наслдор от» деб атаганди. Графиняда мавжуд бўлган асаб назокати унинг чиройини асло бузолмаган эди: бутун қомати тўладан келган, лўппигина бўлса ҳам, меъерида өди. «Наслдор от», «зотли хотин» — бундай иборалар олифталар томонидан рад этилган «самовий фаришта», «Оссиан гул чеҳралари»\* каби ибораларни сиқиб чиқараётганди. Лекин Растињак учун графиня де Ресто анчайин оддий аёл, аёл бўлгандан ҳам кўпдан орзу қилган аёл өди. Эжен графиняning елпигичига ёзилган кавалерлар рўйхатидан ўзига иккита танцага ўрин олди ва биринчи танца пайтидаёқ у билан гаплашишга мұяссар бўлди.

— Сизни қаерларда учратсам бўлади, хоним? — деб зўр эҳтирос билан дангал сўраб қўя қолди у, бундай эҳтирос хотинларга жуда ёқади.

— Қаерда дейсизми?. Хоҳланг Булоњ ўрмонида, хоҳланг Буфонларникида\*, меникида, ҳамма ерда ҳам учратишингиз мумкин,— деб жавоб қилди у.

Шундан кейин эпчил жанублик йигит икки танца вақтида хотин киши билан қанчалик яқинлашишнинг иложи бўлса, соҳибжамол графиняга ўшанчалик яқинлашиб олишга ҳаракат қилиб қолди. Ўзи билан танца тушаётган хонимини «тагли-тахти хонимлардан» деб ҳисоблаб, Эжен ўзини де Босеан хонимнинг амакивачаси бўламан деб танидти, шундан кейин графиня унга уйига боришига ва истаган вақтида тўғри кириб бораверишга рухсат этди. Графинянинг хайрлаша туриб, табассум қилганидан кейин йигит, графиняникига ташриф буюриш керак деган хулоса чиқарди. Бахтига бу аёл унинг гўллигидан кулмади, ўша даврнинг ном чиқарган саёқ олифталари ҳар қандай Моленкурлар, Ронкероллар, Максим де Трайлар, де Марсе, Ажуда-Пинто, Ванденеслардан биронтасининг олдида бундай савол бериш жуда катта гуноҳ ҳисобланиб, маломатга қолиб кетиши ҳеч гап әмас эди; савлат тўкиб юришдан бўлак ҳеч иш қўлидан келмайдиган бу дайди олифталар ўша даврнинг энг донгдор аёллари — леди Брэндон, герцогиня де Ланже, графиня Кергаруэт, Серизи ва де Ланти хонимлар, герцогиня де Карильяно, графиня Ферро, маркиза д'Эглемон, Фирмиани хоним, маркиза де Листомер, маркиза д'Эспар, герцогиня де Мофриньев ва де Гранлье оиласининг хонимлари сингари аёллар даврасида вақт ўтказардилар. Хуллас, тажрибасиз студентнинг бахти бор экан, у герцогиня де Ланженинг ошиги маркиз де Монривога тўқнаш келди, бу гўдаксифат соддадил генерал графиня де Рестонинг Гельдер кўчасида туришини айтиб берди.

Ўзи ёш бўлса, хотин киши тўғрисида ширин хаёллар сурса, зодагонлар орасида кун кечириши орзу қилса-ю, ўшаларнинг энг донгдорларидан иккитасининг эшигини оча олган бўлса; Сен-Жермен даҳасидаги виконтесса де Босеанинг уйига дадил қадам ташлаб кириб борса-ю, Шоссе д'Антенда\* графиня де Ресто қаршисида тиз чўкишга муяссар бўлса, Парижнинг машҳур меҳмонхоналариға кириш йўлини топса-ю, ўша меҳмонхоналарда аёлларнинг хомийлик қилиши ва мадад бериши учун муносиб

даражада ўзини чиройли йигит деб ҳисобласа; тақлид қилиб бўлмайдиган даражада эпчиллик билан бир сакраб тараанг тортилган арқонга чиқиб олиб, ҳеч вақт йиқилиб тушмайдиган дорбоздек арқондан дадил юриб борса ва бу ишида соҳибжамол аёл дорчўплик вазифасини ўтаса! Шундай ширин хаёлларга берилган, кўз олдида, шу ерда — торф билан ёқилаётган печка ёнида, қашшоқлик ва қонуллар мажмуаси қуршовида дабдаба билан намоён бўлган шундай гўзал аёлга маҳлиё бўлган қайси бир одам келажакдан Эжен сингари катта умид қилмаган? У хаёл оғушига берилиб, келажакда кўрадиган шод-хуррам ҳаёт гаштини суриб, ўзини графиня де Ресто билан ёлғиз қолганини кўз олдига келтириб турган әди ҳамки, шу пайт қулоғига Юсуф пайғамбарнинг тортган оҳ-фарёдини әслатувчи инграган товуш эшитилди, бу товуш тун сукунатини тилиб ўтиб, студент йигитнинг юрагига бориб санчилди. Эжен секингина эшиги тирқишидан тушиб турган чироқ шуъласига кўзи тушди. Кўшнимга бир гап бўлиб қолдимикан, деб хавотир олиб, эшикдаги қалит тешигидан мўралади, қараса, чол ғалати бир иш билан банд, бу студентга шундай шубҳали туюлдики, ўзини вермишельчи деб юрган одамнинг тунги найрангларини аниқлаб олиб, жамиятга фойдали иш қилиб қўйишини мўлжаллади. Горио ота аллақачон столини тўнтариб қўйган экан, стол оёқлари орасига қоқилган якка чўп тахтадан керги ўринида фойдаланиб, унга зарҳалли кумуш тақсимча билан яна бир идишни боғлаб қўйибди, ҳозир у ўша ҳашаматли нақшлар зарб қилинган идишларни арқонга ўхшаган бир нарса билан ўраб шундай куч билан бурадики, улар трубага ўхшаган шаклга кириб борарди, афтидан, чол уларни қўйма кумушга айлантираётган әди.

«Ўҳӯ! Чоли тушмагур зўр-ку! — деб ўйлади Растиньяк, арқон ёрдами билан олтин ҳал юритилган кумуш идишни ҳалигидек юмaloқлаётган чолнинг пайдор қўлларига қараб. — Тағин ўғри бўлмасин, ё ўзини ожиз қилиб қўрсатиб, тинчгина тирикчилик қилиб юриш учун қашшоқнамо яшаб ўғирлик молларини «сув» қилиб юрадиган ҳунари борми-кан?» — деб хаёлидан ўтказди Эжен, қаддини ростлар экан.

Студент яна қалит ўриндан ичкари мўралади. Горио ота арқонни ечиб ташлади, юмaloқланган кумушни олиб, уни одеял ёзилган стол устига қўйди ва гувалакка ўхша-

тиб юмалоқлай бошлади,— буни у жуда әпчиллик билан қиласди.

«Қара-я, бу чолнинг кучи Польша қироли Августникидан ҳам кўпга ўхшайди!»— деб қўйди ўзича Эжен, кумуш идишнинг думалоқ бўлиб қолганини кўргандан кейин.

Горио ота ўз қилган ишига ғамгин назар ташлади, кўзларидан дув-дув ёш оқди; у әшма шамни ўчириди,— шу шам ёруғида ишлаган эди,— шундан кейин, Растињак унинг бир хўрсиниб қўйиб, ухлаб кетганини әшиитди.

«Телбага ўхшайди»,— деб ўйлади студент.

«Шўрлик болам!»— деб қўйди баланд овоз билан Горио ота.

Чолнинг шу сўзидан кейин Эжен бу воқеа тўғрисида ҳеч кимга айтмаслигим маъқул деб, уни шошқалоқлик билан қораламасликка аҳд қилди. Студент ўзининг хонасига кириб кетмоқчи бўлиб турган эди, шу пайт юмшоқ туфли кийиб олган одамлар зинадан чиқиб келаётгандек, қулоққа деярли чалинмайдиган бир шарпа әшитилиб қолди. Эжен қулогини динг қилиб тўхтади ва чиндан ҳам икки одамнинг нафас олаётганини әшиитди. На ёшикнинг гийчиллагани, на оёқ товуши әшитилди-ю, аммо бирдан учинчи қаватдаги Вотреннинг хонасидан тушиб турган чироқнинг хира шуъласини кўриб қолди.

«Битта оиласвий пансионда шунча сир бор экан»,— деди у ўзига ўзи.

Бир неча пиллапоя пастроқ тушиб қулоқ соглан эди, қулогига олтин жарангига әшитилиб кетди. Кўп ўтмай чироқ ўчди, ёшик бу сафар ҳам гийчилламади-ю, аммо икки одамнинг нафас олаётгани әшитилди. Кейин улар пастга тушиб борганилари сари, нафаслари ҳам ўча борди.

— Ким у юрган?— деб қичқирди Воке, деразасини очиб.

— Мен, онахон, хонамга чиқиб кетяпман,— деб дўриллаган паст товуш билан жавоб қилди Вотрен.

«Қизиқ! Ахир, Кристоф ёшикни тамбалаб қўйган өдикку,— деб ҳайрон бўларди Эжен, ўз хонасига қайтиб келаркан.— Парижда теварак-атрофда нималар содир бўлаётганини билиш учун кечалари ухламаслик керак экан».

Бу иккита ғалати ҳодиса унинг шуҳратпарастлик ва муҳаббат туйғуси билан сугорилган ширин хаёлларини тарқатиб юборди, шундан кейин у ишга ўтироди. Лекин студент Горио отанинг шубҳали ишларини, наинки Гориончи — билъакс ўзининг порлоқ истиқболидан дарак бер-

моқчи бўлганидай ҳар дақиқа сайн кўз олдида намоён бўлаётган графиня де Рестонинг қиёфасини ўйлайвериб, хаёли паришон бўлди; ахир бўлмагандан кейин, ўринга ётди-ю, ўша заҳотиёқ ўлиқдек қотиб ухлаб қолди. Ёш йигитлар кечаси билан ишлаб чиқаман деб аҳд қиладиган бўлсалар, ўн ҳодисадан еттиласида ухлаб қолаверадилар. Кечалари ухламай ишлай олиш учун йигирма ёшдан ошган бўлиш керак.

Эртасига әрталаб Парижга шундай қуюқ туман тушдикӣ, бунақа туман қуондай ёпирлиб, ҳамма нарсани кўздан яширади, ҳатто әнг сергак одамлар ҳам вақтдан адашиб қоладилар. Зарур иш билан учрашадиганлар учрашомайдилар. Соат ўн иккига жом чалса, соат әрталабки саккиз деб ўйлайдилар. Соат тўққиз яром бўлди, аммо Воке хоним ҳали ўрнидан тургани йўқ. Кристоф билан бақалоқ Сильвия қаймоқ солинган кофе ичиб ўтиришарди,— улар ҳам бугун кечикишганди,— қаймоқ пансионерлар учун сотиб олинган сутнинг юзидан олинган әди; бу ножӯя ишни Воке хоним пайқаб қолмасин учун Сильвия сутни роса қайнатиб оларди.

— Сильвия,— деди Кристоф, ёққа қовурилган бурда нонни кофега ботириб,— ҳарна бўлгандаям, жаноб Вотрен — яхши одам әкан; бугун кечаси унинг олдига яна иккита одам келди; агар бека суриштиргудек бўлса, ҳеч нима айтма.

— Сенга ҳеч нарса бердими?

— «Туя кўрдингми — йўқ» қабилида, бир ойда юз су берди.

— Фақат у билан Кутюр хоним қўли очиқ одамлар, бошқалар бўлса Янги йилда ўнг қўли билан берган чақасини бир илож қилиб чап қўли билан тезроқ қайтариб олишнинг пайидан бўлишади,— деди Сильвия.

— Берганда қанча беришарди жуда?!-- деди Кристоф.— Бор-йўғи юз су. Мана, икки йил бўлдики, Горио ота пойафзални ўзи чўткалади. Анави зиқна Пуаре бўлса сира этик мойи ишлатмайди; мойни шап-шалига ишлатгунча, ялаб олади десант-чи. Анави қилтириқ студент бўлса атиги қирқ су беради. Берган пулига битта чўтка ҳам келмайди, бунинг устига әски-тускиларини ўзи сотади. Гирт ўғрихона-ку, ўзи бу!

— Оғзингга қараб гапир!— деди кофесини майдалаб ичиб ўтирган Сильвия.— Бизнинг жойимиз бу маҳаллада әнг яхиси-ку; тирикчилик қиласа бўлади! Ҳа, айтгандай,

Кристоф... яна муҳтарам Вотрен амаки тўғрисида сўра-  
моқчиман — сен билан ҳеч ким ҳеч нима тўғрисида гап-  
лашгани йўқми?

— Бир марта бўлганди. Яқинда кўчада бир жанобга  
дуч келиб қолдим, у мендан: «Чакка соқолини бўяб юра-  
диган семиз жаноб сизларницида турадими?» — деб сўра-  
ди. Мен эса унга: «Йўқ, тақсир, у чакка соқолини бўя-  
майди. Шундай хушчақча одамнинг эсига келармиди бу-  
нақа иш», — дедим. Уйга келганимдан кейин, турган гап,  
буни жаноб Вотренга айтдим; у нима деди дегин: «Яхши  
жавоб қилибсан, йигитча! Доим шундай деб жавоб қила-  
вер. Дунёда энг кўнгилсиз нарса — нуқсонларингнинг ўз-  
гага ошкор бўлиши. Шу сабаб бўлиб одамларнинг тўйи  
тўхтаб қолган вақтлар ҳам бўлган!» — деди.

— Бир кун бозорда мендан ҳам шунақа гапларни сў-  
рашган эди, кўйлак кияётган вақтида уни ҳеч кўрганимис-  
сиз, дейишиди. Кулгиси қистайди кишининг! Ий-е, әшитяп-  
санми, — деди у, гапини бўлиб, — Валь-де-Грасда чорак кам  
ўнга занг урди-ю, шу маҳалгача ҳеч ким қилт этмайди-я.

— Энди эсининг келдими? Ўзи уйда ҳеч ким йўқ.  
Кутюр хоним соат саккиздаёқ уйидаги қизча билан ибо-  
дат қилгани авлиё Этьен черковига кетган. Горио ота алла-  
қандай бир тугун кўтариб чиқиб кетди. Студент лекциядан  
чиқиб, соат ўнда келади. Зинани тозалаётган эдим, шу-  
нинг-чун уларнинг кетишганини кўрдим, Горио ота бўлса  
темирга ўхшаган қаттиқ бир нарса ўраб олган тугуни билан  
мени бир туртиб ўтиб кетди. Нима балолар билан шуғул-  
ланиб юаркин-а, чоли тушмагур? Бошқалар уни әсанкира-  
тиб, майна қилишгани қилишган, шундай бўлса ҳам у яхши  
одам, ҳаммадан яхши. Ўзининг-ку берадиган чой чақаси  
арзимаган нарса-ю, аммо у юборган жойдаги хонимлар  
ароққа ҳам етадиган пул беришади — кимлигимизни билиб  
қўй, дейишадими, ўзлари ҳам роса ясаниб кийинишади-да!

— Қизларим деб айтган хонимлар бўлмасин яна? Ўз-  
лик ўзлари ҳам бир вагон дейман?

— Мен фақат бу ерга келган иккитасиникига борган-  
ман.

— Бека уйғонди шекилли? Ҳозир уйни бошига кўтара-  
ди, мен борай. Кристоф, қараб тур, сутга мушук тегмасин.

Сильвия беканинг хонасига чиқиб кетди.

— Бу нимаси, Сильвия? Соат чорак кам ўн бўлиб-  
ди-ю, мен ҳанузгача донг қотиб ухлаб ётибман, сизларнинг  
бўлса парвойингиз фалак. Ҳеч қачон бундай бўлмаганди.

— Ҳаммасига туман айбдор, бирам қуюқ тушибдики, асти қўяверасиз.

— Нонушта нима бўлди?

— Нонушта қаёқда дейсиз! Ижарадорларимиизга бир бало бўлганга ўхшайди: ҳаммаси ҳам тонг отди-отмади жўнаб қолишган.

— Гапни тўғри гапир, Сильвия,— деди Воке хоним,— тонг отар-отмас дейиш керак.

— Ҳўп, сиз айтгандек гапираман. Нонуштага соат ўнда тушсангиз ҳам бўлади. Мишонетка билан Пуаре ҳали уйғонишгани ҳам йўқ. Уйда фақат ўшалар қолишган, лекинига худди ўликдай ухлаб ётишибди: қимир этишмайди.

— Сенга нима бўлди, Сильвия, уларни доим бирга қўшиб гапирасан, гўё...

— Нима гўё?— деб гапни илиб кетди Сильвия, хиринглаб кулиб.— Икки киши бир жуфт бўлади-да.

— Ҳайронман, Сильвия, Кристоф эшикни тамбалаб қўйганидан кейин жаноб Вотрен қандай очиб киролди экан?

— Сираям унақа эмас, хоним. Кристоф жаноб Вотреннинг келганини эшитиб, тушиб эшикни очди. Сиз бўлсангиз, алланималарни ўйлаб юрибсиз...

— Кофтамни олиб бер, кейин чақон-чақон нонушта тайёрла. Кечагидан қолган қўй гўшти билан картошка пинширақол, кейин анави донаси икки лиар турадиган қайнатилган нокдан қўй.

Воке бир неча минутдан кейин пастга тушди, худди шу пайт мушук сут устига тўнкариб қўйилган тақсимчани олдинги оёғи билан суриб қўйиб, сутни шоша-пиша шапилатиб ичмоқда эди.

— Мистигри!— деб қичқирди Воке.

Мушук ура қочди, аммо бирпасдан кейин қайтиб келиб, эгасининг оёғига суркала бошлади.

— Ҳа, ҳа, суркалиб қол, қуриб кеттур, қари шайтон!— деди бека мушукка.— Сильвия! Сильвия!

— Ҳа, яна нима дейсиз, бегойим?

— Карагин, мушук қанча сутни ичиб қўйибди!

— Ҳамма айб анави йигит ўлгур Кристоффа, дастурхон ёз деб тайнилагандим унга, қаёққа йўқолди экан? Ташвиш қилманг, бегойим, бу сутни Горио отанинг кофесига солиб берақоламиз. Озроқ сув қўшиб юбораман, сезмайди ҳам. У шундай ҳам ҳеч нарсани сезмайди, ҳатто нима еяётганини ҳам.

— Аиави таъвия қаёққа йўқолди экан? — деб сўради Воке хоним дастурхонга тақсимчаларни тераркан.

— Ким билади дейсиз, қаерларда санқиб юрган экан.

— Кўп ухлаб шишиб кетибман,— деб қўйди Воке хоним.

— Лекин гулдексиз...

Худди шу пайт қўнғироқ жиринглади-да, емакхонага дўриллаган овози билан қўшиқ хиргойи қилганча Вотрен кириб келди.

Кевиб чиқдим барча элларни,  
Бахтли бўлдим, бўлдим ғоят шан...

— Хў! Хў! Салом бердик, онахоним Воке,— деди у, бекага кўзи тушиши билан, сўнг ҳазиллашиб уни қучоқлади.

— Э, қўйсангиз-чи...

— «Сурбет!» денг. Айтаверинг! Шундай демоқчи эдингиз-ку, а?.. Хўп, бўпти, дастурхон тузатишингизга қарашганим бўлсин. Наҳотки, мен ёмон одам бўлсам?

Қора, малла сочли гулларни  
Уза олдим... лек...

Ҳозир мен ғалати бир манзаранинг шоҳиди бўлдим...

тасодифан...

— А, нима дедингиз?

— Горою ота әрталаб соат саккиз яримда Дофина қўчасидаги, эски кумуш идиш-товоқлар ва уқалар сотиб оладиган заргарнинг уйида бўлди. У ҳар кимнинг ҳам қўлидан келавермайдиган даражада яхшилаб өзғилаб юмалоқлаган аллақандай зарҳалли кумуш идишларни заргарга мўмайгина пулга сотди.

— Йўғ-е, ростдан-а?

— Ростдан. Мен почта алоқалари комиссияси восита-сида Франциядан бутунлай жўнаб кетаётган бир ўртоғими-ни кузатиб қайтиб келаётган әдим; қани, нима қиласр экан деб, Горою отани атайин кутиб турдим — шунчаки, қизиқчилик учун. У бизнинг маҳалладаги де-Грэ қўчасига қайтиб келди-да, у ерда Гобсек деган бир судхўрнинг уйига кириб кетди,— Гобсек отасининг суягидан домино тоши

ясатишдан ҳам тоймайдиган шундай аблар одамки, бундай одамлар камдан-кам бўлади; у яхудий, араб, грек, лўли, аммо пулинин ўғирлаш мушкул масала: пулларини у банкда сақлади.

— Горио ота нима билан шуғулланяпти?

— Хонавайрон бўлиш билан,— деди Вотрен.— У каллаварам шу қадар эсини еб қўйибдики, бор-йўгини қизларга сарфлаб ётипти, улар эса...

— Ана ўзи!— деди Сильвия.

— Кристоф,— деб чақирди Горио ота,— менинг олдимга чиққин!

Кристоф Горио орқасидан юқори чиқиб кетди ва кўп ўтмай қайтиб тушди.

— Қаёққа кетяпсан?— деб сўради Воке хоним, хизматкоридан.

— Жаноб Горио иш буюрдилар.

— Бу нима?— деб сўради Вотрен, Кристофнинг қўлидан конвертни тортиб олиб; конверт устига: «Графиня Анастази де Рестога» деб ёзилган эди. Вотрен хатни Кристофга қайтиб берар экан:— Қаёққа кетяпсан?— деб сўради.

— Гельдер кўчасига. Бу хатни графинянинг ўз қўлига топширишим керак.

— Ичиди нимаси бор?— деди Вотрен хатни ёруққа солиб кўриб. Пулми?.. Йўқ, пулга ўҳшамайди!— У конвертнинг бир чеккасини салгина очиб кўрди.— Э, пули тўланган вексель экан!— деб юборди у.— Ана ҳалос! Ҳиммати баланд-ку овсар чолнинг. Борақол, шаввоз,— деди у катта кафтини Кристофнинг бошига қўйиб, унинг юзини эшик тарафга ўғираркан,— бор әнди, ароққа дурустгина пул ишлайдиган бўлдинг.

Дастурхон тузатиб бўлинди. Сильвия сут пиширади. Воке хоним печкага олов ёқиш билан банд әди; Вотрен эса, қўшигини хиргойи қилганича bekaga ёрдамлашарди:

Кезиб чиқдим барча влларни  
Бахтли бўлдим, бўлдим ғоят шан.

Ҳамма нарса тахт бўлганда, Кутюр хоним билан мадемуазель Тайфер қайтиб келишди.

— Бунча әрта қаёққа бориб келдинглар, тасаддуқ?— деб Кутюр хонимдан сўради Воке хоним.

— Иккаламиз авлиё Этьен дю-Монга сифиниб келдик; ахир, бугун жаноб Тайфернинг олдига боришимиз керак. Қиз шўрлик жудаям совуқ қотди,— деди Кутюр хоним печка олдига ўтириб, оёқларини ўтга тутаркан, унинг ботинкасидан буғ кўтарила бошлади.

— Исиниб олинг, Викторина,— деди Воке.

Худога илтижо қилиб отангизнинг кўнглини юмшатишни сўраш ҳам яхши гап,— деди етимча қизга стул қўйиб берар әкан Вотрен.— Аммо бунинг ўзи кифоя қилмайди. Бор гапни ўша чўчқа, ўша қонхўр отангизнинг юзига шарт-шарт гапириш учун сизга содиқ дўст керак, айтишларича, унинг уч миллион франк пули бор эмиш, аммо сизга сеп беришдан ҳам бош торяпти. Ҳозир шунака замонки, энг соҳибжамол қизлар ҳам сепсиз турмушга чиқолмайдиган бўлиб қолишли.

— Бечора қиз,— деб унга раҳми келган бўлди Воке.— Менга қаранг, қўзим, мени айтди дерсиэ,— ўша бераҳм отангиз бир балога учрамасайди ҳали.

Бу гапдан Викторинанинг кўзларида ёш пайдо бўлди, буни кўриб Кутюр хоним бекага имо қилган эди, у нафасини ичига ютди.

— Зора-мора уни учратсан, у билан икки оғизгина гаплашсаму, марҳума хотинининг васият хатини қўлига топширсам!— деб интендант комиссарининг беваси яна гап бошлади.— Васият хатини почта орқали юборишга юрагим бетламаяпти: у менинг хатимни яхши танийди.

— О, беғуноҳ, бебаҳт, жабрдийда аёллар,— деб Вотрен унинг гапини бўлди,— ҳолингиз шуми ҳали? Ҳадемай сизлар билан ўзим шугулланаман, кейин ишлар юришиб кетади.

— О, жаноб Вотрен,— деди Викторина нам кўзлари билан унга оташ нигоҳ ташлаб, аммо бу ўтли нигоҳ Вогреннинг хотиржамалигига заррача ҳам таъсир қилмади,— агар сиз отам билан кўришиш имконига мушарраф бўлсангиз, айтингки: унинг оталик меҳри билан онамнинг хотираси мен учун дунёдаги ҳамма бойликлардан афзал. Отамнинг кўнглини юмшата олсангиз, әрта-ю кеч ҳақингивга дуо қилган бўлардим. Яхшилингизни сира унутмасдим...

— «Дунёни чарх айландиму...» — деб истеҳзо билан куйлади Вотрен.

Шу пайт, емакхонага Пуаре, мадемуазель Мишон ва Горио тушиб қолишли; афтидан Сильвиянинг кеча қолган қўй гўштидан тайёрлаган қайласининг ҳиди димоқла-

рига урилган бўлса керак. Ҳўрандалар бир-бирлари билан салом-алик қилишиб, дастурхон атрофидан жой олишар әкан, соат ўнга занг урди, худди шу пайт қўчадан студентнинг ҳам оёқ товуши әшитилди.

— Жуда яхши бўлди, жаноб Эжен; бугун ҳамма билан бирга нонушта қиласиз,— деди Сильвия.

Студент ҳамма билан саломлашиб, Горио ота ёнига ўтириди. У тақсимчасига бир талай гўшт солди-да, каттагина қилиб нон кесиб оларкан (Воке хоним эса, одати бўйича унинг қанча нон кесиб олганини кўзи билан чамалаб қўйди):

— Бугун мен ажойиб саргузаштга учрадим,— деди.

— Саргузашт?!— деди Пуаре.

— Бунинг нимасига ҳайрон бўляпсиз, қари лапашанг?— деди Пуарега Вотрен.— Жаноб Эжен саргузаштлар учун яратилган.

Мадемуазель Тайфер студент йигитга қўрқа-писа қараб қўйди.

— Кечирган саргузаштингизни бизга ҳам гапириб беринг,— деб илтимос қилди Воке хоним.

— Кеча мен қариндошим виконте́сса де Босеанларнинг кига балга борган әдим, ажойиб данғиллама иморат, хоналарига шоҳи матолар тутилган. Қисқаси, виконте́сса зўр дабдабали базм уюштирибди, мен у балда худди қиролдек вақти ҷоғлиқ қилдим...

— Қорамолдек,— деб унинг гапини кесди Вотрен.

— Бу билан нима демоқчисиз?— деди қизариб Эжен.

— Мен қорамолдек деяпман, негаки қорамол қиролдан кўра анча беташвиш бўлади.

— Бу ҳақ гап,— деди «ҳайбаракаллачи» Пуаре,— мен ҳам қирол бўлишдан кўра ўша бегам-беташвиш қорамол бўлишни афзал кўрардим, нега десангиз...

— Шу балда,— деб шартта Пуаренинг гапини бўлиб ҳикоясини давом әтириди студент,— мен ғоят латофатли ва малоҳатли гўзаллар гўзали бир графиня билан танца тушдим, бунаقا соҳибжамол хонимни умрим бино бўлиб ҳеч қачон кўрмаган әдим. У бошига шафтоли гули қадаб олганди, чеккасига әса муаттар ҳид таратувчи ғоят ажиб гулдаста тақилган әди. Э, нимасини айтасиз! Ганцанинг сеҳрига берилиб кетган аёл кишини тасвир қилиб бўлармиди? Уни бундай пайтда томоша қилиш керак. Мана, бугун әрталаб соат тўққизларда ўша маъбудасифат графи-

нини кўчада қўриб қолдим; у де-Гра қўчасидан пиёда кетаётган экан. О, юрагим шундай ўйнаб кетдики, асти қўяси, ўйлабманки...

— ...бу ёққа келяпти деб ўйлагандирсиз-да,— деди Вотрен, студентга тикилиб туриб.— У бўлса, аниқроғи, судхўр Гобсек амакиникига кетаётган эди. Қачон бўлса ҳам сиз агар парижлик аёллар қалбига қўл солиб кўрсангиз, у ердан энг аввал судхўрни, ана ундан кейин ошиқларни топасиз. Ўша графинянгизнинг исми Анастази де Ресто, ўзи Гельдер кўчасида туради.

Бу номни эшитиши билан студент Вотренга тикилиб қараб қолди. Горио ота чўчиб кетиб, бошини кўтарди ва ҳаяжонли қўзлари билан икки суҳбатдошга шундай тикилдики, буни кўрган хўрандаларнинг ҳаммаси ҳам ҳангманг бўлиб қолди.

— Демак, Кристоф кечикибди: унинг ўзи келибдида!— деди алам билан Горио.

— Гумоним тўғри чиқди,— деди Вотрен Воке хонимнинг қулоғига шивирлади.

Горио нима овқат еяётганининг фарқига бормай, беихтиёр кавшанарди. У ҳеч қачон бунчалик овсар, паришон хотир бўлмаган эди.

— Жаноб Вотрен, унинг номини сизга қайси иблис етказди?— деб сўради Эжен.

— Аҳа! Ҳали шундай денг! Горио ота-ку бу номни жуда яхши билади! Ҳўш, шундай экан, нимага мен билмас әканман?!

— Жаноб Горио!— деб чақирди студент.

— А? Нима? Шундай денг, кеча жуда чиройли эдими?— деди бечора чол.

— Ким?

— Де Ресто хоним.

— Қоқвош чолнинг афтига қаранг, қўзлари ўйнаб кетяпти-я!— деди Воке хоним Вотренга.

— Чолнинг ўйнаши ўша хоним бўлмасин тағин?— деб студентнинг қулоғига шивирлади мадемуазель Мишоно.

— О, нимасини айтасиз! Гўзалликда тенги йўқ эди,— деб гапини давом эттириди Эжен, ўзидан кўзини узмай тикилиб ўтирган Горио отага қараб.— Де Босеан хоним бўлмаганда, менинг пари-пайкар гўзал графиням кечаги балнинг маликаси бўлиши турган гап эди, йигитларнинг ҳаммаси ундан кўзини олмасди, мен у билан танца қилишни хоҳлаганлар ичida ўн иккинчи бўлиб рўйхатга ёзилибман;

биронта танцада ҳам у четда қолмади. Бошқа ҳамма хонимларнинг алам қилганидан жонлари чиқиб кетди. Кечаги балда энг бахтai одам ўша әди деса түғри бўлади. Жамии елканларини ёйиб сузиб бораётган кемадан, елдек чопиб кетаётган отдан ва танца қилаётган аёлдан чиройлироқ нарса йўқ деб жуда түғри айтишган әкан.

— Кеча герцогиняникида балда бахт-иқбол чўққисида, буғун әрталаб вса қашшоқликнинг энг тубан поғонасида судхўрникидай! Мана сизга парижлик аёл қиёфаси,— деди Вотрен.— Эрлари кети узилмайдиган сарф-харажатларига пул етказиб беролмаса, хотинлаори ўзларини бозорга соладилар. Борди-ю ўзларини бозорга солишини эплай олмасалар, туқдан оналарининг ичак-чавагини ағдарсалар ағдарадилар, аммо унинг бисотидан ҳаммани маҳлиё қиласидиган бир нарса топмай қўймайдилар. Бу ҳаммага отниг қашқасидай маълум нарса!

Горио отанинг Растињяк ҳикоясини эшитиб ўтирганда очилиб кетган чеҳраси Вотреннинг аччиқ мулоҳазасидан кейин яна хиралашди қолди.

— Хўш, айтган саргузаштингиз қани?— деб сўради Воке хоним.— У билан гаплашдингизми? Ҳуқуқ фанини ўрганишини истамайсизми, деб сўрадингизми?

— У мени кўргани йўқ,— деб жавоб қилди Эжен.— Аммо энг чиройли парижлик аёллардан бирини әрталаб соат тўққиэда де-Гре кўчасида учратишнинг ўзи қизиқ эмасми, ахир, у балдан жуда кеч, кечаси соат иккиларда қайтгандир. Бундай саргузашт фақат Парижда рўй бериши мумкин.

— Бе-е! Бундан ҳам қизиқроқ ишлар бўлади!— деди Вотрен.

Мадемуазель Тайфер отаси билан бўладиган учрашувни ўйлаб шундай мияси шишган эдики, гапларнинг кўпичулогига кирмасди. Кутюр хоним унга энди тур, юқори чиқиб кийин дегандек имо қилди. Иккала хоним туриб кетишигандан кейин Горио ота ҳам қўзғалди.

— Қалай! Энди кўргандирсиз!— деди Воке, Вотрен билан бошқа хўрандаларига.— Мана шунаقا хотинларни деб хонавайрон бўлгани кўриниб турипти.

— Ўша гўзал Графиня де Ресто Горио отанинг ўйнаши деб мени ҳеч ким ишонтиrolмайди!— деди студент.

— Биз ҳам сизни ишонтирамиз деб уринаётганимиз йўқ,— Вотрен унинг гапини бўлди.— Парижни яхши билишга ҳали ёшлиқ қиласиз, әҳтирос телбалари деб юритилади-

ган одамлар ҳали кўп учраб туришини кейинроқ билиб оласиз.

Бу гапларни әшитган мадемуазель Мишоно ҳушёр тортди-да, труба овозини әшитган ҳарбийлар отидай қулоғини динг қилиб, Вотренга маънодор қараб қўйди.

— Хўш! Хўш! — деб ўзи бўлди Вотрен ва Мишонога тикилиб қаради.— Биз ҳам бир вақтлар әҳтирослар қозонида қайнаган әмасмизми?

Қари қиз яланғоч ҳайкалларга кўзи тушган монах хотинлардек кўзини ерга тикди.

— Шундай қилиб,— Вотрен гапини яна давом әттириди,— ўша тоифадаги одамлар бирон гояга шундай елим бўлиб ёпишиб оладиларки, кейин уларни бундан ажратиб олиш амри маҳол бўлади. Улар фақат маълум бир сувни, маълум бир қудуқнинг сувини ичаман деб туриб оладилар, бунга әришмоқ учун хотину бола-чақаларини сотишдан, ҳатто шайтонга хизматкор тушишдан ҳам тоймайдилар, ва ҳолонки, ўша қудуқнинг суви кўпинча бадбўй бўлади. Баъзи одамларга бундай қудуқ вазифасини — қимор, биржа, расмлар ёки ҳашаротларни коллекция қилиш, музика баҷаради, баъзилар учун эса ҳирсларини қондира оловучи хотин баҷаради. Бундай одамларга бутун дунёдаги хотинларни таклиф қилинг, уларга қайрилиб ҳам қарамайдилар: әҳтиросларини қондирувчи фақат ўша хотиннинг ўзи керак, холос. Кўпинча бундай хотинлар уларни сира ҳам севмайдилар, мавах қиласидилар ва бир онлик лаzzатларини жуда қимматга сотадилар. Оқибати-чи дерсиз? Оқибати шуки, бундай лақмаларга бу ҳам кор қилмайди: охирги кўрпа-естигини ҳам гаровга қўйиб, энг сўнгги чақасини ҳам ўшаларга элатиб берадилар. Горою ота ана шундай одамлар хилидан. Графиня уни сиқиб сувини ичиб ётибди, у эса ҳеч кимга сир айтмайдиган одам,— мана сизга зодагонларнинг қиёфаси! Бу лақма чол бўлса, фақат ўшани ўйлади. Ўзингиш шоҳиди бўлиб турибсиз — чол әҳтиросидан жудо бўлса ёирт ҳайвонга айланиб қолади. Лекин унга шу мавзуда гап очсангиз борми, кўзлари чақнаб кетганини кўрасиз. Бу сирнинг тагига етиш қийин әмас. Бугун әрталаб у кумуш идишларини эритгани олиб бориб берди; унинг де Грэ кўчасида турадиган Гобсек амакиникига кириб кетаётганини ўзим кўрдим. Гапимга яхшилаб қулоқ солиб туринг! У ердан қайтиб келиб, графиня де Рестоникига анави анқов Кристофни жўнатди, у эса лақиллаб конвертдаги адресни ва ичидаги пули тўланган векселни бизга кўрсатиб

қўйди. Масала равшан, модомики, графиня ҳам судхўрни-  
кига эрта билан ютурган әкан, демак, қарз жуда қистов-  
лик билан тўланиши лозим бўлган. Горио ота илтифот  
билан графинянинг ўрнига қарзни тўлаб келган. Бунақа  
гапнинг мағзини чақиши учун пешонанинг етти энлик бўли-  
ши шарт әмас. Бу демак, студент ука, ўша графиня кулиб,  
одамларга ноз қилиб, шафтоли гулини силакитиб ва бармоқ-  
ларининг уни билан кўйлагининг баридан ушлаб, танца  
қилиб юрганида, ўзининг ёки ўйнашининг муддати ўтиб  
кетган векселини ўйлаб, кўнгли жойида бўлмаган әкан.

— Бў гап билан сиз мени ҳар қандай қилиб бўлса  
ҳам ҳақиқатни билишга ундајпсиз. Эртагаёқ графиня де  
Ресто одига бўраман! — деди студент.

— Тўғри, — деди Пуаре, — эртагаёқ графиня де Ресто-  
нинг одига бориш керак.

— Эҳтимол ўша ерда, қилган хизмати әвазига ҳақ  
олгани борган анави тентаксифат Гориони ҳам учратиб қо-  
ларсиз.

— Демак, Парижингиз ифлос бир ботқоқ әкан-да? —  
деди Эжен нафрат билан.

— Ҳа, ботқоқ бўлгандаям жуда ғалати ботқоқ, — деб  
илова қилди Вотрен. — Бу ерда файтонда юриб лойга бот-  
танилар асилизода-ю, пиёда юриб лойга боттанилар товламачи  
ҳисобланади. Ўз бошингизга бало қилиб, биронта арзимас  
нарсани ўғирлаб кўринг-чи, сизни Адлия саройига қўйиб  
бир ажойибот сифатида одамларга намойиш қиласилар.  
Лекин сиз миллион ўғирланг, ҳамма меҳмонхоналарда сиз-  
ни өнг номусли одам сифатида иззат-икром билан қарши  
оладилар. Доимо шундай ахлоқли бўламан десангиз, жан-  
дармлар билан судга йилига ўттиз миллион тўлаб турасиз.  
Қойил-а?

— Нима дедингиз боя? Горио ота ўзининг зарҳалли  
кумуш идишини әритгани сотди дедингизми? — деб сўра-  
ди Воке.

— Қўпқорида иккита мусичанинг расми бор әдими? —  
деб сўради Эжен.

— Ҳудди ўзи.

— Афтидан, ўша идишини жудаям қадрлар әкан, ўша  
идиш билан тарелкани юмалоқла турив йиғлаганини мен  
тасодифан кўриб қолдим, — деди Эжен.

— Уларни жонидан ҳам ортиқ кўрардү, — деб жавоб  
қилди Воке.

— Тентак чолимизнинг нечоғлик ошиқи беқарор әка-

нини кўрдингизми!— деди Вотрен.— Уни қандай қилиб вассасага солим йўлини билиб олганда, ўша хоним.

Студент ҳонасига кўтарилди. Вотрен кўчага чиқиб кетди. Бир неча минутдан кейин Кутюр хоним билан Викторина Сильвия томиб келган киракаш файтонга тушиб жўнаб кетишиди, Пуаре мадемуазель Мишонога қўлини тутди,— иккаласи қўлтиқлашиб ботаника борига жўнашди, куннинг әнг яхши дамларидан икки соатни ўша ерда ўткашиб келишмоқчи әди.

— Ана, кўрдингизми, әр хотиндан қаери кам уларнинг,— деб гап қотди бақалоқ Сильвия.— Бугун биринчи марта бирга кўчага чиқишилари. Иккаласи ҳам биридан беш баттар ориқ, қоқ суяқ, фалокат босиб, бир-бирига уришиб кетса борми, нақ чақмоқ тошдан ўт чиққандек учқун чақнаб кетишими деч гап әмас.

— Унда мадемуазель Мишоно шол рўмолидан ажралди деяверинг,— худди пиликдай «пов» әтади, ёнади кетади,— деб кулди Воке.

Кундузи соат тўртда қайтиб келган Гorio ота тутаб ёнаётган чироқ ёруғида йифидан кўзлари қизарип кетган Викторинани кўрди. Воке хоним әрталаб жаноб Тайфер ҳузурига қилинган ташрифнинг муваффақиятсиз чиққани ҳақидаги ҳикояга қулоқ солиб ўтиради. Тайфер, қизи билан бу кекса хотиннинг әшиги тагида оёрини тираб туриб олгани учун, уларни қабул қилишга рози бўлипти.

— Буни қарангки, жонгинам,— деб Воке хонимга арз қилар әди Кутюр хоним,— у Викторинага ҳатто ўтиргин деб жой ҳам кўрсатмади, қиз то уйдан чиққунимизча тикика турди. Менга эса бепарволик билан совуқнина қилиб нималар деди денг-а: менинг олдимга ҳадеб овора бўлиб келиб юраверманглар, мадемуазель эса,— ўз Фарзандини лоақал қизим дейишшга ҳам тили бормади,— мени ҳадеб безовта қилаверғани учун ундан қўнглим қолган (ҳали бир йилда бир марта борганига шунаقا деяпти!); Викторинанинг даъво қилишга ҳеч қандай сабаби йўқ, негаки, онаси менга текканда икки қўлини бурнига тиқиб келган, деди; хулласи, чунонам қаттиқ ботадиган гапларни айтдики, буларни ёшитиб, бола бечора юм-юм йиглай бошлади. Қиз шўрлик отасининг оёғига йиқилиб, мен фақат онам туфайли шундай терслик қилган әдим, әнди сизнинг айтганларигизга сўзсиз итоат этаман, аммо марҳума онамнинг васижат хатини ўқиб кўришингизни сиздан ёлвориб сўрайман деб шахдам-шахдам гапириб, хатни отасига узатди; қиз

шунақанги юракка бориб тегадиган гапларни топиб гапирдики, асти қўяверасиз; бундай гапларни у-қаердан топдийкин, афтидан, худонинг ўзи дилига солиб турди шекилли, мен бўлсам эси паст хотинлардек юм-юм йигласам денг. Лекин анави ярамас одам нима қилиб ўтириденг? Тирногини олиб ўтириди, шўрлик Тайфер хонимнинг кўз ёшлари билан ювилган катни эса камин устига ташлаб: «Яхши!» деб қўя қолди. У қизини ўрнидан турғазиб қўймоқчи бўлган эди, аммо Викторина унинг қўлини маҳкам ушлаб олиб, ҳадеб ўпа бошлади, у бўлса қўлини тортиб олишга уринди. Ахир бу жиноят әмасми? Шу пайт унинг анави жиннисанги ўғли кириб қолди, синглиси билан ақалли кўришмади ҳам.

— Бу ахир разолат-ку! — деб юборди Горо ота.

— Кейин,— деб давом өттириди Кутюр хоним чолнинг нидосига әътибор бермай,— ота-бала зарур ишларимиз бор деб, биз билан хайр-маъзур қилишди. Қилиб келган ишимизнинг бори мана шу. Ҳар қалай, у қизини кўрди-ю. Тавба, қандай қилиб қизидан воз кечаркин, ахир. Викторина қуйиб қўйгандек отасининг ўзгинаси-ку.

Четдан келадиган хўрандалар бирин-кетин келишаверди, улар бир-бирлари билан саломлашиб, ҳар хил бўлар бўлмас гапларни айтиб ҳазил қилиша бошлади, бундай гаплар Париждаги маълум табака одамлар орасида аския ўрнини босади,— бундай хандон сұҳбатга бирон арзимас нарса асос бўлади-ю, унинг кулгига сабаб бўладиган жойи гапнинг талафуз этилишида-ю, одамларнинг шу сўзларни айтган вақтдаги қилиғида бўлади. Аммо бу шева сўзлари доим ўзгариб туради. Бундай аскияга сабаб бўлган «пайров» бир ойга ҳам етмайди. Бирор сиёсий воқеа, жиноий ишнинг кўрилиши, кўча қўшиғи, актёрларнинг бирор қилиғи,— буларнинг ҳаммаси ҳам «пайров»лик вазифасини бажараверади, «аскиячи»лар бирор сўз ёки фикрни ушлаб олиб, бир-бирларига шу сўз воситасида тегажаклик қила-верадилар. Яқинда, оптик панорамадан кўра кучлироқ бўлган диорама ихтиро қилингандан кейин бавъзи бир рас-сомлар устахоналарида ҳар бир сўзга шўхлик билан «рама» деган қўшимчани қўшиб айтиш расм бўлган эди, бу нарсани хўрандалар орасида овқатланадиган ёш бир рас-сом ҳосилдор қаламча навда сифатида «Воқе уйи»га ҳам пайванд қилди.

— Ҳўш, жаноб Пуарерама,— деди музей чиновники, соғлиқларингиз қалай? — Сўнг унинг жавобини ҳам кутиб

ўтиrmай, Кутюр хоним билан Викторинага ўгирилди:—  
Мұҳтарама хонимлар, хафа кўринасизлар?

— Овқат қиласизми-йўқми? Қорним usque ad ta-  
lones<sup>1</sup> кетди,— деб қичқири студент-медик Орас Бъян-  
шон, Растинъякнинг дўсти.

— Бугун анча салқинрама!— деб қўйди Вотрен.— Ка-  
ни сурилинг, Гороо ота. Бу юма қилганингиз! Оёғингиз  
билан печка олдини тўсиб олибсиз.

— Ҳурматли жаноб Вотрен,— деди Бъяншон,— нега  
«салқинрама» дейсиз? Бу тўғри өмас,— «совуқрама» де-  
йиш керак.

— Йўқ,— деб эътиroz билдири музей ходими,—  
«салқинрама» бўлиши керак, ахир, «салқин» деймиз-ку.

— Ҳа! Ҳа!

— Мана қингир фанлар доктори, маркиз де Растинъяк  
жаноблари ҳам ташриф буюрдилар!— деди Бъяншон  
Эженин бўғиб ўлдирмоқчидек бўйнидан маҳкам сиқиб.—  
Ҳей одамлар, ёрдамга!

Мадемуазель Мишоно секингина кириб келди, индамай  
ҳаммага таъзим қилди, индамай бориб учта аёл орасига  
ўтириди.

— Шу қари кўршапалакни кўрсам, доим өтим жун-  
жикиб кетади,— деб Вотреннинг қулогига шивирлади  
Бъяншон.— Мен шу кунларда Галль\* системасини ўрган-  
япман, Мишонода ҳам Иудада бўлган гуддаларни кўряп-  
ман.

— Сиз у билан танишэдингизми?

— У билан ким учрашмаган дейсиз!..— деб жавоб қил-  
ди Бъяншон.— Ҳудо ҳаққи, бу қари қиз бора-бора бутун  
бошли ҳарини ҳам кемириб тугатадиган узун қуртга ўх-  
шайди, назаримда.

— Бунинг маъноси мана бундай, йигитча,— Вотрен  
чакка соchlарини силаб туриб деди:

Худди гулдек яшади ул,

Фақат гул —

Эрта билан очилару,

Сўнг сўнар буткул...\*

— Мана, бир нимарамадан пиширилган шўрва ҳам  
келиб қолди!— деб юборди Пуаре, эҳтиром билан овқат  
кўтариб кириб келаётган Кристофни кўриб.

<sup>1</sup> «Қапишиб» маъносида. (Лат.)

— Кечирасиз, бу карам шўрва,— деб жавоб қилди Воке.

Ҳамма йигитлар хаҳолаб кулиб юборишди.

— Қўлга тушди Пуаре!

— Пуарета хоним қўлга тушди.

— Онахон Воке фойдасига икки очко ёзиб қўйинг-лар,— деди Вотрен.

— Бугун эрталабки туманга ҳеч ким эътибор бердими?— деб сўради музей ходими.

Бунга Бъяншон жавоб қилди:

— У жўшқин ва бекиёс, жоҳил ва хафақон, юракни сиқадиган, ичи қора туман худди Гориога ўхшайди.

— Гориорамага, нега десангиз ҳеч чеҳраси ёришганини кўрмаймиз унинг,— деб изоҳ берди рассом.

— Ҳей, милорд Гоуриотт, гап сиз тўғрингизда бўл-япти.

Горио ота столнинг нариги бошида, овқат ташиётган хизматкор кириб-чиқиб турган эшик олдида ўтиради; ў бошини хиёл кўтариб, устига сочиқ ёпиб қўйилган иондан бир бўлагини олиб ҳидлаб кўрди,— бу унга аллофлик қилиб юрган пайтидан одат бўлиб қолганди.

— Ҳа, нон ёмон әканми, нима бало?— Воке идиш-то-воқларнинг тақир-туқури ва одамлар овозини босиб қич-қирди.

— Аксинча, бегойим, бу нон биринчи нав Этамп унидан ёпилибди,— деди Горио.

— Буни қаёқдан билдингиз?— деб сўради Эжен.

— Оқдигидан, мазасидан.

— Мазасини бурнингиз билан биласизми? Ахир, нонни ҳидлаб ўтирибсиз-ку,— деди Воке хоним.— Шундай тежамли бўлиб кетяпсизки, нарироққа бориб, ошхонадан чиққан овқат ҳидининг ўзи билан кун кўриш йўлини ҳам топмасангиз леб турибман.

— Ундей бўлса бу иктиро учун патент олинг,— деб қичқирди музей ходими,— бойиб кетишингиз мумкин!

— Қўйсанглар-чи, вермишелчи бўлганига бизни ишонтириш учун жўрттага шундай қиласпти,— деди рассом.

— Демак, бурнингиз бурун эмас, дарбоза әкан-да?— деб яна тегажаклик қилди музей чиновниги.

— Нима? Дар...— деб сўради Бъяншон.

— Дар-гоҳ.

— Дар-ё.

— Дар-акчи.

- Дар-и-ча.
- Дар-пар-да.
- Дар-ра.
- Дар-ахт.
- Дар-рама.

Саккиз кишининг жавоби бир зумда ўқдек отилиб чи-  
қиб ҳаммани ҳаҳолаб кулишга мажбур этди, Горио ота  
эса худди нотаниш тилда гаплашаётган одамларнинг га-  
пига тушунишга уринаётгандек ҳамтовоқларнинг оғзига  
қараганча анграйиб қолди.

— Дар?..— деб сўради у ёнида ўтирган Вотрендан.

— Дар-да-рак, отахон!— деб жавоб қилди Вотрен ва  
Горио отанинг бошига кафти билан бир тушириб, унинг  
шляпасини то кўзигача тушириб қўйди. Бечора чол бун-  
дай кутилмаган ҳужумдан довдира, бирлас шу таҳлитда  
қимир этмай ўтириб қолди. Чол шўрвасини әнди ичмас  
экан шекилли деб ўйлаб, Кристоф унинг олдидаги идишни  
олиб кетди, шунинг учун Горио ота шляпасини кўтариб  
қўйиб, қошигини товоғига соламан деган әдик, қошиқ  
тақ этиб столга тегди. Яна қаҳқаҳа кўтарилди.

— Жаноб,— деди чол,— сиз бемаъни ҳазил қилар  
эксансиз; яна бир марта шляпамни шундай бостириб қўя-  
диган бўлсангиз...

— Унда нима бўлади, отахон?— деб чолнинг гапини  
бўлди Вотрен.

— Бир кунмас бир кун жазонгизни ейсиз...

— Дўзахга тушганда, тўғрими?— деб сўради рас-  
сом:— Шўхлик қилган болаларни турғазиб қўйишадиган  
дўзахнинг қоронги бурчагида!

— Мадемуазель, нега овқат емаяпсиз?— деб сўради  
Вотрен, Викторинадан.— Афтидан, отангиз жуда ўжар  
кўринади-а?

— Башараси қурсин,— деди Кутюр хоним.

— Ақдини жойига тушириб қўйиш керак унинг.

— Модомики, мадемуазель овқат емётган экан,— де-  
ди Бъяншон билан ёнма-ён ўтирган Растињяк,— овқат  
пулини қайтариб олиш тўғрисида иш қўзғали мумкин.  
Э! Э! Горио отанинг мадемуазель Тайфергә тикилиб қол-  
ганини қаранглар-а!..

Чол хафа бўлганини унутиб, бечора қизин қузатиб ўти-  
рарди, қизнинг бутун вужудидан беқиёс изтироб, ўз ота-  
сини чин юракдан яхши кўришига қарамай оқ қилинган  
фарзанднинг изтироби яққол кўриниб турарди.

— Азизим,— дерди Эжен Бъяншонга шивирлаб.—  
Горио ота тўғрисида янгилишибмиз. У аҳмоқ ҳам эмас, асаби ўлик ҳам эмас әкан. Унга нисбатан Галль системасини қўллаб, фикрингни менга айт. Бугун кечаси мен унинг зардалли кумуш идишларни мумдек әзғилаб бураганини ўз кўзим билан кўрдим, мана ҳозир ҳам юзидан ўткир ҳиссиятга бойлиги сезилиб турибди. Менинг фикримча у жуда мавхум ҳаёт кечирса керак. Ўрганса арзидиган кўринади. Бекор куляпсан, Бъяншон, ҳазил қилаётганим йўқ.

— Бу одамнинг врачлар текширса бўладиган хилидан ёканлигига қўшилишаман,— деди Бъяншон.— Агар рози бўлса, майли, миясини ёриб кўраман.

— Йўқ, шунчаки ушлаб кўр.

— Қўй-е, аҳмоқлиги юқумли бўлса-чи?!

Эртаси куни соат учларда Растињяк ғоят башанг кийиниб графиня де Ресто ҳузурига жўнади, йўл-йўлакай у одатда кўпроқ ёш йигитлар хаёлни қамраб олувчи ширин хаёллар, ҳаяжонли кечинмалар гирдобига гарқ бўлиб борди: бундай ширин хаёл сураттган киши нағовларни, на ҳавф-хатаорларни писанд қиласди; бундай дамларда уларнинг кўзига муваффақиятдан бошқа ҳеч нима кўринмайди, ёлғиз тасаввур билан турмушларининг нақадар тумтароқ бўлишини яққол кўрадилар, аммо кўкнори хаёллик билан тузилган режаларӣ пучга чиқсандан кейин эса, дарров ҳафа бўлиб қоладилар ва ўзларини баҳти қора деб ҳисоблайдилар. Яхшики, бундай йигитчалар тажрибасиз ва тоғтинчоқ бўладилар, акс ҳолда, жамоат тартибини сақлаш осон бўлмасди. Эжен кийимларига чанг юқтирумаслик учун ниҳоятда өҳтиёткорлик билан юриб борар, айни вақтда графиня де Ресто билан нималар тўғрисида суҳбат қилишини ҳам ўйларди, таъсиран гапларни эслар, графиня билан бўладиган суҳбатда гап айланиши мумкин бўлган мавзуларга боғлаб, ҳар хил саволларга жавоблар ҳозвирларди, у ўз келажагини шу хотин билан боғламоқчи бўлган муҳаббати устига қуарар ва гап келиб қолгудек бўлса, муҳаббат изҳор қилиб қолиш учун Талейран руҳидаги дабдабали ва назокатли ифодалардан жамғариб борарди. Студентнинг кийимлари барибир чанг бўлди — Пале-Роялда шими билан әтигини тозалатиб олишга тўғри келди.

— Бой бўлганимда,— дерди ўзига ўзи, ҳар әҳтимолга

қарши чўнтағига солиб олган юз сўмлик пулини майдалаштаркан,— каретада юриб, бамайлихотир хаёл сургаң бўлардим.

Ниҳоят у Гельдер кўчасига етиб борди ва графиня де Рестони сўради. Эжен ҳовлидан пиёда кириб келгани, ҳатто кўчадан ҳам файтон товуши әшитилмагани учун унга масхараомуз қараб туришган хизматкорларнинг кўзига, нечоғлиқ аччири чиқиб турган бўлса ҳам, ахири бир куни ғалаба қилишига ишончи комил одам сифатида тик қаради. Эжен ҳовлига кириб келганида эгасининг жуда бойваччалик билан кун кечиришидан ва Парижда суриш мумкин бўлган даври давроннинг ҳаммасидан баҳраманд эканлигидан дарак бериб турувчи чиройли аравага қўшилган отнинг ер тепиниб, пишқираётганини кўрди-ю, жуда ўқсиб кетди. Хизматкорларнинг менсимай бақрайиб туриши яна ҳам юрагини сиқиб юборди. Эжен ўзини бу ерда тамом бегона ҳис қиласи-ю хафа бўлди. Ўз мўлжали бўйича муттасил миясига қўйилиб келаётган таъсирчан гаплар қаёққадир учди кетди: у ақлинни йўқотди қўйди. Лакей меҳмон келганини кириб графиняга маълум қилиб чиққунча у даҳлиз деразасининг токчасига суюниб, оғирлигини бир оёғига олиб, беихтиёр ҳовлига қараб турди. Вақт жуда секин ўтарди, аҳд қиласи ишидан асло қайтмайдиган жанубликларга хос ўжарлиги (ҳар қандай ишга қодир ўжарлик) бўлмаса, кетиб ҳам қоларди.

— Тақсир,— деди унга қайтиб чиққан лакей,— графиня ўзининг хосхонасида ва жуда банд, менга жавоб қилмадилар; маъқул кўрсангиз, меҳмонхонага ўтсангиз, у ерда бошқа меҳмон ҳам бор.

Бир оғиз гап билан ўз хўжайнилари устидан ҳукм чиқариб қўя қоладиган хизматкорларнинг бундайин юксак мавқеидан ҳайрон қолиб, Растињяк бу сурбет лакейга графинянинг уйини беш қўлимдек биламан деб ўзини кўрсатиб қўймоқчи бўлди шекилли, ҳозиргина лакей чиқиб келган әшикни дадиллик билан очиб, ичкари кирди, лекин у буфетлар, лампалар ва ҳаммом сочиғини иситадиган асбоб турган хонага кириб қолди; бу хонадан қоронги йўлакка ва ички зинага чиқадиган әшик бор әди. Даҳлиздан аллакимнинг пиқирлаб кулгани әшитилди-ю, Эжен баттар хижолат бўлди.

— Тақсир, меҳмонхонага марҳамат қилиб, мана бу ёқдан киринг,— деди лакей сохта иззат-икром билан, бу эса Эженга янги масхарадек туюлди.

Эжен орқасига шундай шошилиб қайтдики, ванинага туртиниб кетди, шляпаси сал бўлмаса сув тўйдириб қўйилган ванинага тушиб кетаёзди, лекин баҳтига, уни ушлаб қолди. Шу пайт кичкинагина лампа билан ёритиб қўйилган узун йўлакнинг охиридаги эшик очилди, Растињак, графиня де Ресто билан Горио отанинг овозини эшилди, кейин ўпиш товуши қулогига чалинди. Эжен емакхонага ўтди, ундан лакейнинг кузатувида биринчи меҳмонхонага кирди, меҳмонхонанинг бир деразасидан ҳовли кўринишига кўзи етди-ю шу дераза олдида тўхтади. У Горио отани кўрмоқчи, ростдан ҳам ўшами ё бошқа одамми эканини аниқ билмоқчи эди. Эженинг юраги гурс-гурс тепарди: эсига Вотреннинг даҳшатли мулоҳазалари тушиб қолганди. Лакей Растињакни иккинчи меҳмонхона эшигига олдида кутиб турарди, шу пайт тўсатдан ўша эшикдан қаддиқомати келишган бир йигит чиқиб қолди ва диққати ошиб, деди:

— Морис, мен кетдим. Графиняга айтиб қўйинг, уни ярим соатдан кўпроқ кутдим.

Бу сурбет,— афтидан, бу ерда унинг хийла ҳуқуқи баланд кўринади,— аллақандай итальянча бир қўшиқни хиргойи қилганча, студентнинг афтини қўриб олмоқчи ва ҳовлига бир назар ташламоқчи бўлиб, Эжен турган дераза тарафга қараб келаверди.

— Жаноб граф, яна бир дақиқагина кутиб турсангиз бўларди, графиня ишларини тутатдилар,— деди Морис, ташқари даҳлизга қайтиб кетар экан.

Худди шу пайт Горио ота орқа зинадан дарвоза олдига чиқди. Чол дарвоза тавақалари ланг очиқ турганига ва орден лентаси тақиб олган бир йигит чиройли аравани ҳовлига буриб кириб келаётганига мутлақо эътибор қилмай, ҳадеб қўлидаги зонтини очишга уринарди. Горио ота ўзини аравадан зўрга четга олиб қолди. Зонтдан ҳуркиб кетган от аравани уй остонаси томон олиб қочди. Аравада ўтирган йигит Горио отани қўриб ўгирилиб қаради ва уни таниб, таъзим қилиб саломлашди, одатда, кунига ярайдиган судхўрлар билан ёки вазият тақозо қилган пайтда номига доғ тушиб, ёмонотлиқ бўлган одамлар билангиша шу таҳлидда, ўлганининг кунидан саломлашадилар, кейин эса, саломлашганлари учун яна ўзлари хижолат бўлиб юрадилар... Горио ота оқ кўнгиллик билан бош ирфитиб қўйди. Бу ишларнинг ҳаммаси кўз очиб-юмгунча ўтиб кетди. Бутун диккат-эътиборини шу воқеага қараттан Эжен меҳ-

монхонада ўзи ёлғиз әмаслигини сезмади, шу пайт тўсатдан графиня де Рестонинг овози әшитилиб қолди:

— Ийе, Максим, кетяпсизми?— деди у, бир оз хафа бўлгандай гина қилиб.

Дарвозадан кириб келган аравани графиня сезмай қолди. Растињяк шартта бурилиб қаради-ю, графиняга кўзи тушди: у пушти лентали оқ кашмири пеньюар\* кийиб олган, эрталаб бўлгани учун ҳамма парижлик аёллар сингари сочини нари-бери тараб қўйганди; ундан хушбўй атиrlар ҳиди анқиб турарди; ҳозиргина ваннадан чиқсан бўлса керак, қандайдир майнлашгандек туюлган ҳуснижамоли яна ҳам очилиб кетганди; кўзлари намланиброқ турарди. Йигитларнинг кўзи ҳар нарсани кўради, ўсимлик ўв ҳаётни учун зарур бўлган жамики моддаларни ҳаводан йигиб ола билганидек, йигитлар ҳиссиёти аёлларда юз бериб турган ҳамма ўзаришларни мужассамлаштира олади, графинянинг қўли ипакдек мулоимлигини сезиш учун Эжен унинг қўлидан ушлаб кўриши шарт әмасди. Графинянинг оч пушти рангдаги кўкраги оқ пеньюар остидан кўриниб турар, кўйлагининг ёқаси сал-пал очилиб кетганда яққол кўриниб кетар, бундай пайтларда Эженнинг кўзларини ўзига ром қилиб оларди. Графиня корсет тақиб юришга муҳтоҷ әмасди, унинг хипча беллиги белбоғининг боғланишидан яққол кўриниб турарди; чиройли бўйни одамларнинг қалбида муҳаббат ўтини ёқар, тунги бежирим туфли кийган оёқлари кишини ўзига тортиб турарди. Максим графинянинг қўлинин ўпгани ўз қўлига олганидагина Эжен уни пайқаб қолди, графинянинг кўзи эса Эженга тушди.

— Э, сизмидингиз, жаноб Растињяк, келганингиздан жуда хурсандман,— деди графиня, бу гапини шундай бир оданга айтдики, ақлли одамлар бундан қандай холосачиқариш кераклигини дарров фаҳмлаган бўлардилар.

Де Трай чақирилмаган меҳмонни тезроқ даф бўлишга ундаш даражасида маънодор қилиб, гоҳ Эженга, гоҳ графиняга қараб қўярди. «Бу яна қанақаси бўлди! Азизам, бу шоввозни тезроқ даф қилассан деб умид қиласман!» Графиня Анастази Максим деб атаган такаббур йигитнинг кўз қарашларидан мана шу маънони яққол ўқиш мумкин эди, графиня эса унинг ҳар бир амрини сўзсиз бажо келтиришга шай тургандек юзига тикилиб қарадики, бундай маънодор қарашлар хотин кишининг ихтиёри ва иродасидан ташқари бутун сирларини ошкор қилиб ташлайди.

Растинъяқ, бу йигитни жуда ёмон кўриб қолди. Биринчи галда у Максимнинг жингала қилиб чиройли ўрилган сарғиш сочларига қараб, ўзининг сочлари қанчалик хунук қилиб таралганини тушунди. Бунинг устига Максимнинг әтиги шинам ва озода эди; Эженинг әтигини, қанча авайлаганига қарамай, хиёл чанг босганди. Ниҳоят, анави олифта йигитнинг сюргуги қоматига чиппа ёпишиб турар, бундан у хушбичим аёлларга ўхшаб кетарди, Эжен эса куппа-кундузи соат икки яримда қора Фрак кийиб келганди. Шаранта\* бўйларида ўсган ақли расо йигит новча бўйли, нозик қоматли, шаҳло кўз, оппоқ танли, ҳатто етимесирлар ҳақидан ҳам тоймайдиган анави олифтанинг кийим-боши ўзиникидан нечоғлиқ устунлик қилишини англаб олди.

Графиня де Ресто Растинъякнинг жавобини кутиб ўтиромай, қанот пайдо қилиб учгандек пеньюарини ҳилдатиб, нариги меҳмонхонага чиқиб кетди: пеньюари ҳилдириб, гоҳ ёйилиб, гоҳ йигилиб, уни худди капалакка ўхшатиб юборди. Максим унинг кетидан юрди. Жони ҳикайлодига келган Эжен ҳам Максим билан графиня кетидан әргашди... Уччаласи ҳам катта меҳмонхона ўртасида, каминининг рўпарасида тўхташди. Студент ўзи ёмон кўриб қолган Максимга ҳалақит қилаётганини жуда яхши сезиб турарди. Лекин бу хатти-ҳаракатидан графинянинг норози бўлишини аниқ билса ҳам, у олифта йигитга ҳалақит беришига ажд қилди. Эжен бу йигитни де Босеан хонимикида балда кўрганини әслади ва шунда Максимнинг графиня де Рестолар уйида қандай роль ўйнашини дарров фаҳмлаб олди; ё ўта аҳмоқликка, ёки вўр муваффақиятга олиб борадиган ёшлиқ ғурури билан ўзига ўзи: мана шуменинг рақибим, унинг устидан ғалаба қилишим керак!— деб сўз берди.

Нодон йигитча! Максим де Трай ўзини ҳақорат қилганларга қарши дуэлда биринчи бўлиб ўқ узишини, рақибини шу тарзда ўлдириб юборишини ҳали билмас эди. Эжен тажрибали овчи эди, аммо нишонга олиш учун қўйилган нарсаларнинг йигирма иккитасидан ҳали йигирматасини ҳам уролмаган эди.

Граф камин олдидаги кичкина диванга ўтириб, қўлига оташкурак олди ва шундай жаҳл билан ўтни титкилай бошладики, Анастазининг гўзал чеҳраси хиралашди. Жувон Эженга ўгрилиб савол маъносида совуқцина назарташлади, унинг бу назарида: «Нега кетмаяпсиз?»— деган

саволни очиқ-ойдин ўқиса бўларди, бундай пайтларда ақли расо одамлар дарров хайр-маъзур қилиши вақтида айтилас-диган гапларни айтган бўлардилар.

Эжен очиқ чеҳра билан деди:

— Хоним, мен сизни кўриш учун ошиққанимнинг боин-си...— деди-ю, тутидиб қолди.

Эшик очилди. Тўсатдан хонага боя аравада келган бош яланг жаноб кириб келди, графиня билан саломлаш-мади, студентга қовогини солиб қараб қўйди, Максимга қўл берди ва худди ўз укаси билан кўришгандек: «Са-лом»,— деб қўйди, буни кўриб, Растињяк ҳанг-манг бў-либ қолди. Уч бурчак бўлиб яшашнинг бутун сир-асрорла-ри қишлоқдан келган йигитларга тамомила мавҳумдир.

— Жаноб де Ресто,— деб графиня эрини Эженга та-витди.

Эжен икки букилиб унга таъзим қилди.

— Жаноб де Растињяк,— деб графиня энди Эженин-граф де Рестога танитди,— Марсийяклар орқали виконте-сса де Босеан хонимга қариндош бўладилар, мен жаноб де Растињяк билан виконтессанинг охирги балида танишин шарафига мусассар бўлган эдим.

Графиня бу гапларни жуда дабдаба билан, бизнинг уйимида фақат юксак мавқе одамлари бўлади деб таъкид-лашни яхши кўрадиган бекаларга хос ғурур билан айтди: унинг:—«Жаноб де Растињяк Марсийяклар орқали викон-тессса де Босеан хонимга қариндош бўладилар»— деган гапи худди жодугарнинг сеҳридек таъсир кўрсатди: графининг чиройи очилди ва Эженин:

— Сиз билан танишганимдан ғоят баҳтиёрман,— деб табриклиди.

Хатто граф Максим де Трай ҳам Растињякка хавотир-ланиб назар ташлади-да, сурбетлигини тарқ қилди. Сеҳр-ли таёқчанинг кучи билан ёлгиз бир ном шунчалик катта иш қилдики, натижада боя Эжен йўл-йўлакай тайёрлаб келган жамики таъсирчан, дабдабали гаплар яна миясида пайдо бўлди — илҳом булоги яна қайнаб кетди. Эжен учун ҳали мавҳум бўлган Париж зодагонлари муҳитини қандай-дир бир нур тўсатдан йилт этиб ёритиб юборгандек бўлди. «Воке уйи», Горио ота унинг хаёлидан бутунлай кўта-рилиб кетди.

— Марсийяклар авлодидан ҳеч ким қолмаган деб юардим,— деди граф де Ресто.

— Тўғри,— деб жавоб қилди Эжен.— Отамнинг ама-

киси шевалье де Растињак Марсийяклар хонадонининг энг охирги намояндаси бўлган қизга уйланган әди. Улар фақат битта қиз кўришди, шу ёлғиз қизлари де Босеан хонимнинг она тарафдан бобоси бўлмиш маршал де Кларембога турмушга чиқсан әди. Биз эса кенжা ўтилнинг авлодимиз, камбагаллашиб қолган авлодмиз, айниқса вице-адмирал бобомиз қирол хизматида бўлиб, бутун бор будидан ажралгандан кейин камбагаллашиб қолганимиз. Революцион ҳукумат Ҳинд компаниясини\* тугатар әкан, унинг биздан қарзлигини тан олмади.

— Бобонгиз 1789 йилгача «Қасоскор»га қўмондонлик қилмаганими?

— Жуда тўғри.

— Бўлмаса у «Варвик»ка қўмондонлик қилган менинг бобомни таниган бўлиши керак.

Максим графиня де Рестога қараб, елкасини қисиб қўйди, бу билан у: «Эринг бу жаноб билан флот тўғрисида гап сотишга тушиб кетса, ишимиз пачава бўлади», — демоқчидек әди. Анастази унинг нима демоқчи бўлганига тушунди. Хотинлар ҳукмининг нечоғлик кучли бўлишини жуда яхши тушунадиган графиня бундан фойдаланди:

— Юринг, Максим, сиздан бир нарсани илтимос қилмоқчиман, — деди у кулиб туриб. — Жаноблар; биз сизларга «Қасоскор» билан «Варвик»да баъзур саёдат қилишлагизга имконият яратиб бермоқчимиз.

Графиня ўридан турди, муғамбirona табассум билан Максимга имо қилди, шундан кейин иккаласи ҳам графинянинг хосхонасига қараб йўналдилар. Бу икки Моргана-тик шахс — францууз тилида муносиб ифодаси бўлмаган ажойиб немис ибораси, — әшик олдига етар-етмас, граф Эжен билан қилаётган сұхбатини бўлиб, норози оҳангда деди:

— Анастази! Шу ерда қолинг, азизам, ўзингиз яхши биласизки...

— Ҳозир! Ҳозир! — деди графиня эрининг гапини бўлиб. — Мен фақат бир минутга чиқаман, холос: Максимга бир топшириқ бермоқчиман.

Графиня дарров қайтиб чиқди. Ўз билганларича иш тутиш ниятида, эрларининг авзойига бепарво қарамайдиган ҳамма хотинлар эрларининг қимматли ишончига путур етказмаслик учун, қай даражада ҳаддан ошишни яхши биладилар ва бўлар-бўлмас икир-чикир нарсаларни деб мозжаро қилиб юрмайдилар — шунинг учун графиня ҳам граф де Рестонинг овозидаги норозилик оҳангини сезиб.

хосхонада кўпроқ қолиши хавфли деб билди. Бунга Эжен сабабчи эди. Узининг бутун важоҳати билан хуноб бўлаётганини ифодалаб, графиня кўзи билан Максимга студентни кўрсатди, шундан кейин де Трай графга, унинг хотинига ва Растињакка қарата туриб, заҳарханда қилди:

— Жуда муҳим ишлар билан банд кўринасиз, сизларга халақит беришни истамайман, яхши қолинглар,— у тез юриб чиқиб кетди.

— Кетманг, Максим!— деб қичқирди граф.

— Овқат қилгани келинг,— деб илова қилди графиня ва Эжен билан граф иккаласини иккинчи марта ёлғиз қолдириб, Максим орқасидан олдинги меҳмонхонага чиқиб кетди, бу вақт ичидаграф студентни жўнатиб юборар деган умидда у ерда иккаласи анча туриб қолишиди.

Растињак уларнинг нариги меҳмонхонада гоҳ кулишганига, гоҳ гаплашганига, гоҳ жим қолишганига қулоқ солиб ўтири; аммо муғамбир студент графиняни яна бир кўриш, унинг Горио ота билан ҳандай алоқаси борлигини аниқлаш мақсадида граф де Ресто олдидаго ўзининг сўзамоллигини намойиш қилди, гоҳ унга хушомадгўйлик қилди, гоҳ у билан мунозара қилди. Максимга ошиқлиги очиқ-ойдин кўриниб турган, әрини истаган кўйига сола оладиган ва қари вёрмишельчи билан сирли муносабатда бўлган бу хотин Растињак учун бамисоли бир жумбоқ эди. У асл парижлик бўлган бу хотиннинг устидан тўла ҳукмрон бўлиш мақсадида графинянинг сирларини билиб олмоқни астойдил ният қилиб ўтиради.

— Анастази!— деб граф яна хотинини чақирди.

— Хайр, менинг шўрлик Максимим,— деди графиня йигитга,— итоат әтишдан бошқа илож йўқ. Кечқурунгача хайр...

— Нази,— деди Максим, унинг қулогига,— боя пеньюарингиз сал-пал очилиб кетган өди, анави шоввознинг кўзларида ўт чақнаб кетди. Уни уйингизга бошқа қўймасиз деб умид қиласман. У сизга муҳаббат изҳор қилиб, обрўйингизни тўкиб қўйиши мумкин, агар шундай қиласа, сиз учун уни ўлдиришга мажбур бўласман.

— Эсингизни еб қўйибсиз, Максим!— деди графиня.— Аксинча, бундай студентчалар одамларнинг кўзини чалғитиш учун жуда яхши хизмат қиласида! Албатта унинг граф де Рестога ёмонлаб кўрсатишга ҳаракат қиласман.

Максим хахолаб кулиб юборди ва графиня кузатувида ташқари чиқди. Графиня дераза олдидаграф, Максим-

нинг аравага чиққанини, отини тезлаганини, қамчи ўйнатганини қараб турди. У кўчага чиқиб, орқасидан дарвоза ёпилгандан кейин графиня де Ресто меҳмонхонага қайтиб кирди.

— Буни қаранг-а,— деди унга граф,— жаноб де Растињак оиласи турадиган мулк, Шаранта бўйида, Вертэйга яқин ерда экан. Жаноб Растињакнинг боболари билан менинг бобом таниш бўлишган экан.

— Таниш чиқиб қолганимиздан жуда хурсандман,— деди паришонлик билан графиня.

— Танишлигимиз сиз ўйлагандан ҳам зиёдроқ,— деди студент, овозини пасайтириб.

— Қандай қилиб,— деб қизиқиб сўради графиня.

— Ҳозиргина мен эшигим билан рўпарама-рўпара бўлган бир қўшнимнинг уйингиздан чиқиб кетганини кўрдим,— деди студент,— биз у киши билан бир пансионда турамиз, мен Горио отани айтипман.

Каминдаги ўтни титкилаб ўтирган граф «ота» сўзи қўшиб айтилған бу исмни эшитиб, қўли куйгандек оташкуракни итқитиб юборди-да, ўрнидан турди.

— Мұҳтарам жаноб, сиз «Жаноб Горио» дейишингиз ҳам мумкин эди,— деб юборди у.

Графиня эрининг жаҳли чиқиб кетганини сезиб, олдин оқарди, кейин қизарди, афтидан, у нима қилишини билмай қолган эди; сўнг гўё ҳеч нима содир бўлмагандек ясама бепарволик билан деди:

— Биз ҳеч кимни уни севганчалик яхши кўрмаймиз...

Аммо гапни охирига етказмай, миясидан «лип» ётиб ўтған аллақандай Фикр таъсирида кўзи тўсатдан Фортьянова тушиб қолди-да, гапни бошқа ёқقا бурди:

— Музикани яхши кўрасизми?— деб сўради у Растињакдан.

— Жуда ҳам,— деб жавоб қилди шошиб қолган Эжен. У аллақандай хатога йўл қўйганини ҳис қилганидан қизарип кетди.

— Ашула ҳам айтасизми?— деб сўради графиня фортьяно томон бораркан, сўнг клавишларини ҳаммаси устидан пастқи «до» дан юқориги «фа» гача қўлинни юргизиб ўтди!

— Йўқ, хоним.

Граф де Ресто меҳмонхонада у ёқдан-бу ёқقا кеёнб юарди.

— Афсус, муваффақият қозониш учун энг зарур воси-

тадан маҳрум, экансиз. Саго, caro, non dubitare!..!— деб куйлади графиня.

Горио отанинг номини тилга олиш билан Эжен яна сеҳрли таёқчани ишга солган әди, аммо бу сафар сеҳрли таёқча: «Виконтесса де Босеаннинг қариндоши» жумласидан ҳосил бўлган таассуротнинг аксини берди. У нодир ёдгорликларни йигиб юрадиган одамнинг уйига киришга ижозат олиб, ичкари кирган ва тасодифан туртиниб кетган, уч-тўртта ҳайкалчанинг омонатгина елимлаб қўйилган калласини учирив синдирган одамнинг адволига тушиб қолганди. Шунинг учун Эжен: «Ер ёрилсаю ерга кириб кетсам»,— деб қаттиқ хижолат бўлди. Графиня де Рестонинг чеҳраси илтифотсиз ва эътиборсиз қиёфага кирди, бепарво боқувчи кўзларини әса баҳти қора студентдан четга олиб қочарди.

— Хоним,— деди у,— граф де Рестога айтадиган гапнгиз бўлса керак, шунинг учун менинг сизга бўлган самимий эҳтиромимни қабул қиласангизу, менга...

Графиня қўл ишораси билан Эженинг сўзини бўлди ва шошиб-пишиб гапира бошлади:

— Қачон келсангиз мени ҳам, граф де Рестони ҳам бениҳоя хурсанд қиласиз.

Эжен эр-хотин иккаласига чуқур таъзим қилиб, хонадан чиқди; Эженинг асло овора бўлманг, деб айтганига қарамай, граф де Ресто остонаяча кузатиб қўйди.

Сўнг граф:

— Жаноб де Растињак қачон келмасин мен ҳам, графиня ҳам уйда йўқмиэ,— деб Морисга тайинлади.

Эжен эшик олдига чиқиб қараса, ёмғир ёғаётган экан. «Аттанг, бирон ножўя иш қилиб қўйдим шекилли, лекин нима қилганимни ҳам, унинг моҳиятини ҳам тушунолмаяпман.— деб ўйлади Эжен,— бунинг устига устак, энди фраким билан шляпам ҳам расво бўладиган бўлди. Бундан кўра ҳужрамда тинчгина ўтириб, қандай қилсам, баодоб суд чиновниги бўларкинман деб ўйлаб, ҳуқуқшунослик дарсини таҳлил қилсам бўлмасмиди?.. Эзодагонлар даврасига арадашибни менга ким қўйган әди! У жамият аҳли билан дурустроқ алоқада бўлиш учун одамжаҳон матоҳларинг бўлиши керак: тагингда шахсий кабриолет,\* оёғингда ярқираган этик, тилла занжирли соат ва шунга ўхшаш зарурий ашёлар, чунончи, әрталаб кийиш учун баҳоси олти

<sup>1</sup> Азизим, шубҳангни бас қил! (Итальянча.)

Франк турадиган юмшоқ чармдан тикилган қора қўлқоп, кечқурунга өса, албатта сариқ қўлқоп керак. Эҳ, Горио ота, қари фирибгар!

У дарвозадан чиққанда, ҳозиргина никоҳ ўқитган келайин-куёвни уйига келтириб қўйган ва шубҳасизки, бир қатнашда хўжайинга билдиримай иложи борича кўпроқ одам ташиб, кўпроқ пул ишлаб олиш дардидага бўлган ёлланма файтоннинг кучери Растињакни кўриб қолди; кучер йигитнинг ёғнига фрак, оқ жилет, сариқ қўлқоп ва тоза ётиқ кийиб олганини, аммо қўлида зонти йўқлигини пайқаб, уни имлаб файтонга таклиф қилди. Эжен аламидан ўзини қаёққа уришни билмай хуноб әди, бундай алам одатда ёш йигитларни ўзи қулаб бораётган жарга яна ҳам кўпроқ итарида, изтиробга қолган йигитча ҳам нажотни шу ёқдан топсам керак деб, жарга қараб қулайверади. Кучернинг таклифига у бош иргитиб розилигини билдири ва каратага чиқди; каратада сочилиб ётган оппоқ апельсин гуллари билан зар ип бўлаклари бу каратада ҳозиргина келин-куёв келиб тушганидан далолат бериб турарди.

— Буюрсинлар, қаерга борамиз? — деб сўради кучер, оқ қўлқопини ечиб.

«Падарига лънат,— деди Эжен, қатъий қарорга келиб,— шарманда бўлишга бўладиган өканман, нафи чиқадиган бўлсин-да!» Сўнг:

— Де Босеанларникига! — деди у баланд овоз билан.

— Кайси биринникига? — деб сўради кучер.

Бу foят муҳим савол Эженин довдиратиб қўйди. Ҳали жуда тўр бу олифта йигит де Босеанларнинг иккита ҳовлиси борлигини билмас, қариндошларининг бу қадар кўплигидан мутлақо хабари йўқ әди; аммо у қариндошларнинг ҳам бу билан уч пуллик иши йўқ әди.

— Де Босеанникига, кўчаси...

— Гронель кўчасида,— деб гапни илиб кетди кучер, бош чайқаб,— яна граф де Босеан билан маркиз де Босеанларнинг ҳам уйлари бор — Сен-Доминик кўчасида туришади,— деб қўшиб қўйди у пиллапояни кўтариб қўяркан.

— Биламан,— деди қуруққина қилиб Эжен.

«Бугун мени ҳамма масхара қиляпти! — деди у ўзиға ўзи, шляпасини рўпарасидаги ўриндиққа улоқтириб. — Ву шўхликларим менга қиммат тушадиган бўлди. Аммо мен, лоақал қариндошим ҳисобланмиш хонимниги тамомила зодагонлардек ташриф буюраман. Шу қари, ярамас Горио отани деб, ўн Франкча пулдан ажралдим! Яххиси, бугун-

ги саргузаштларимни де Босеан хонимга сўзлаб берай,— зора бу дангомалар билан уни кулдирсам! Турган гапки, у албатта анави қалтадум қари қаламуш билан соҳибжамол графиня ўртасидаги жиноий муносабатлар сирини билади. Ўша ахлоқсиз хотинни деб бошимни деворга уриб ётганимдан кўра, қариндошимга ёқсаним маъқулроқ, кейин, у хотин ўзиям хийла қиммат турадиган кўринади. Гўвал виконтессанинг ёлғиз исмики шундай зўр кучга өга экан,— унда унинг ўзи қандай экан? Олий табақалар тъсири доирасига мурожаат қиласиз. Осилсанг баланд дорга осилкӣ — обғинг ерга тегмасин!»

Растинъяк ўзига ўзи гапириб бораркан, миясидан минг хил хаёл ўтди. У ёмғирга тикилиб ўтиараркан, ўзини бир оз босиб олди ва анча дадиллашди.

«Охири икки юз су пулимдан ажралсам ҳам, барибир, бекорга ажралмайман, ботинкамни, фрак ва шляпамини ёмғирдан асраб қоламан» дерди Эжен ўзига ўзи. Кучернинг: «Очинглар дарвозани, барака топкурлар!»— деб қичқиргани кўнглини тағин ҳам кўтариб юборди. Заррин ҳошияли қизил камзул кийган швейцар дарвозанинг тавақасини итариб юборди, дарвоза гийқ өтиб очилиб кетди... ва Растинъяк ўзи тушган каретанинг ичкари кирганини, ҳовлини айланаб келиб, усти соябон остона олдида тўхтаганини ҳузур қилиб куватди. Қизил ҳошияли дағал зангори чопон кийган кучер арава пиллапоясини қўйиб бергани пастга тушди. Эжен каретадан туша туриб, устунлар орқасидан аллакимларнинг пиқиллаб кулганини эшишиб қолди. Уч-тўртта лакей мешчанлар тўйига хизмат қиладиган файтонни мазаҳ қилиб кулишаётган өди. Студент ўзи тушиб келган бесўнақай шалдироқ аравани Париждаги әнг чиройли кареталардан ҳисобланган икки ўринли ажойиб арава билан солиштириб кўргандан кейин лакейларнинг нимадан кулаётганига тушунди: у каретага қўшилган, қулоқларига гуллар қадалган ажойиб икки от сувлуқ чайнаб, ўйноқлаб турарди; упа-әлик суреб, яхши галстук тақиб олган кучер отларнинг жиловини маҳкам тортиб турарди. Ҳали, Шоссе д'Антен кўчасида, графиня де Рестонинг ҳовлисида йигирма олти яшар йигитнинг чиройли кабриолети турганди; Сен-Жермен даҳасида әса донгдор амалдорнинг ўттиз минг Франкка ҳам топиб бўлмайдиган ажойиб каретаси өгасини кутиб турарди.

«Бу ким бўлдийкин?— деб ўйлади Эжен, у Парижда бирон одам банд қилмаган аёл, албатта, камдан-кам бўли-

шини, бундайин маликаларни қўлга киритиш учун қуруқ фидойиликнинг ўзи камлик қилишини кечикиброқ тушуниб қолди.— Ё тавба! Ҳойнаҳой бу қариндошимнинг ҳам ўз Максими бўлса керак».

Эжен юрагини ҳовучлаб остонаяга кўтарили. У әшик олдига етиб бориши билан ойнабанд әшик очилиб кетди; қаршисида, қашлаганда ғўдайиб турадиган әшакларни эслатувчи такаббур лакейлар туришарди. Эжен иштироқ этган дабдабали бал де Босеанлар уйининг пастки қаватидаги катта меҳмонхоналарда бўлган эди. Уйга таклиф қилинган пайт билан балга борган вақт орасида у виконтеSSA дё Босеан ҳузурида бўла олмаган, қариндоши виконтеSSA де Босеанинг хосхоналарини ҳали кўрмаганди; Эжен бу маълума ва машҳура аёлнинг ички дунёси ва турмуш тарзини ифодаловчи шахсий нафосатлари билан энди танишуви лозим эди. Бу нафосат оламининг яна бир қизиқарли томони шунда әдикি — графиня де Рестонинг меҳмонхонаси бу хоналарни ўзаро муқояса қилиб кўриш имкониятини берарди. Соат тўрт яримдан бошлаб виконтеSSA меҳмон қабул қила бошларди. Қариндош Эжен беш минут олдин келганда ҳам виконтеSSA уни қабул қилмаган бўларди. Париж урф-одатларининг ҳеч бир фарқига бора олмайдиган Эженни гуллар билан безатилган, панжарасига зарҳал берилган ва қизил пояндоз гиламлар солинган кенг, оқ зинадан де Босеан хоним ҳузурига бошлаб кирдилар; Эжен Париж меҳмонхоналарида ҳар куни кечқурун шивирлаб айтиладиган, доим ўзгариб турадиган қиссалардан бири бўлган де Босеан хонимнинг пинҳона таржимаи ҳолини билмасди.

ВиконтеSSA уч йилдан бери Португалияning маълум ва машҳур энг бадавлат аъёнларидан бўлган маркиз д'Ажуда-Пинто билан алоқада эди. Бу ғоятда тўқис ва дилбар алоқа икковлари учун шундай ажиб жозиба баҳш этар әдики, улар учун учинчи шахс тамомила ортиқча эди. Шунинг учун виконт де Босеанинг ўзи ҳам бу гайри қонуний алоқани истар-истамас тан олиб, теварак-атрофида гиларга биринчи бўлиб намуна кўрсатди. Дўстлик алоқалари боғланган дастлабки пайтларда виконтеSSA билан кўришиш мақсадида келган ҳар бир киши кундузи соат иккиларда бу ерда доим маркиз д'Ажуда-Пинтони учратарди. Де Босеан хоним ташриф бу юрувчиларни қабул қилмай иложи йўқ эди, албатта, бу одобсизлик бўларди, аммо меҳмонларини у шундай совуқ қарши олар ва шифтга

шундай тикилиб қараб ўтиардики, ҳар бир меҳмон ҳам ўзининг бу ерда қанчалик ортиқча одам әканлигини дарров пайқаб оларди. Соат икки билан тўрт ўртасида меҳмон кутиш де Босеан хонимга малол келишини бутун Париж билгандан кейин, хоним бу вақтни ёлғиз ўтказадиган бўлди. Жаноб де Босеан ва маркиз д'Ажуда-Пинто билан у Опера ёки Буфонлар театрига борарди, аммо жаноб де Босеан ўзини қандай тутишни жуда яхши биларди. Португалиялик билан хотинини ёнма-ён ўтқазиб қўйиб, иккаласини ёлғиз ташлаб чиқиб кетарди. Энди эса маркиз д'Ажуда-Пинто мадемуазель де Рошфидга уйланмоқчи. Аммо олий табақа зодагонлар даврасида бу бўлғуси никоҳдан бехабар бирдан-бир одам де Босеан хонимнинг ўзи эди. Хонимнинг яқин дугоналаридан баъзилари унга бу тўғрида шама ҳам қилиб кўришди. Аммо хоним, булар ичқоралик қилиб, менинг бахтимга чанг солишимоқчи деб ўйлаб, кулиб қўя қолди. Ваҳоланки яқин орада никоҳ тўйи овоза қилиниши керак эди. Португалиялик хушрўй йигит ўзининг уйланаётганини виконтессага айтгани келган әди-ю, аммо бевафолик қилганини очиқ айтишга юраги бетламади. Нима учун? Чунки аёл кишига бундай оғир гапни айтишдан мусибатлироқ нарса йўқ дунёда! Баъзи эркаклар учун, икки соат муттасил кўз ёш тўкиб, оҳ-воҳ қилганидан кейин, ҳозир ўлиб қоладигандек ўзини ташлаб юборадиган ва ҳидлаш учун ҳушига келтирадиган дори сўрайдиган аёл олдида тургандан кўра яккама-якка олишувда ҳадемай кўксига шамширини санчиди олиши муқаррар бўлган ўзга эркак қарписида туриш осонроқ бўлади.

Эжен келганда, маркиз д'Ажуда-Пинто худди оёғи куйган товуқдай пигирлаб турган ва де Босеан хоним бу янгиликини ҳозир әшитмай қўя қолсин, яххиси, унга бу тўғрида ёзиб юборарман деб ўйлаб, кетишга шайланаётган эди: бундай оғир зарбани оғзаки суҳбат вақтида айтгандан, мактуб орқали маълум қилган осонроқ. Виконтессанинг лакейи Растињяк келганини хабар қилганда, маркиз д'Ажуда-Пинто хурсанд бўлганидан бир сесканиб кетди. Шуни ҳам айтиш керакки, севувчи аёлнинг, бирон нарсадан шубҳаланган пайтидаги моҳирлиги, унинг ошиғига лаззат бахш этишидаги хилма-хил усулларга бой маҳоратидан ўн чандон ошиб кетади. Яхши кўрган одамидан ажраб қолиш хавфи туғилса, бундай аёл ошиғининг бирон ишораси маъносини, Вергилийнинг таъриф қилиши бўйича, жуда узоқдан туриб, биянинг ҳидини сезган отдан кўра.

ҳам зийраклик билан сезиб олади. Имонингиз комил бўла-версийки, де Босеан хоним маркиздаги беихтиёр, сезилар-сезилмас, аммо самимий бўлгани учун қўрқинчли бу ички титроқни сезиб қолди. Эжен Парижнинг бир хусусиятини билмас эди: кимнинг олдига кирманг, бундан олдин шу оила дўстларидан әрининг, хотинининг, ҳатто болаларнинг ҳам ҳаёти тўғрисида бор гапларни суроштириб билиб олиш керак, акс ҳолда шундай ўсал бўласизки, битта зам- бил билан иккита ҳаммол зарур бўлиб қолади, ёки полякларнинг таърифи билан айтганда, ўсал бўлиб қолган жойи-нгиэдан олиб чиқиб кетиш учун аравасига бешта ҳўкия қўшишга мажбур бўласиз. Модомики, бундай таъриф Францияда йўқ әкан, бунга сабаб, шубҳасиз, шуки, ҳар қандай гийбат ҳам зудлик билан кенг тарқаб кетадиган мамлакатда ундан иборанинг вужудга келиши ўзи мумкин эмас.Faқат Эжен, графиня де Рестоникода бир марта ўсал бўлган ва бундай оғир аҳволдан ҳалос бўлиш учун аравасига бешта ҳўкиз қўшишга ҳам де Ресто хоним имкон бермаган Эженгина ўша ердан тўппа-тўғри де Босеан хоним олдига келиб, яна ҳўкизларга мұҳтож бўлиши мумкин эди. Лекин у биринчи сафар жаноб де Трай билан графиня де Рестога жуда малол келадиган иш қилган бўлса, бу ерда, ҳозир маркиз д'Ажуда-Пинтони мушкул аҳволдан ҳалос этганди.

Эжен унча катта бўлмаган, кул ранг билан пушти қо-ришмасида бўялган, безаклик, аммо безаклари оддий, чи-ройли жиҳозлардан иборат меҳмонхонага кириб келар әкан, португалиялик:

— Саломат қолинг,— деди-ю, эшик тарафга отилади.

— Faқат кечқурунгача, а?— деб сўради де Босеан хоним, ёлиз бошини буриб, маркизнинг юзига тикилиб қа-раркан.— Буфонлар театринга биз билан бирга бормайсиз-ми ҳали?

— Боролмайман,— деб жавоб қилди у эшик тутқичини ушлаб.

Де Босеан хоним ўриидан турди ва Растињакка асло парво қилмай, маркизни ўз ёнига чақирди; Растињак эса меҳмонхонадаги жиҳозларни кўриб, араб әртакларида тас-виirlangan дабдабали ҳаётнинг бўлганлигига ишонч ҳосил қилар даражада ҳайрон қолиб ва уни писанд қилмаган аёл олдида ўзини қаёқка уришини билмай, ҳант-манг бўлиб турарди.

Виконтесса кўрсаткич бармогини кўтариб, чиройли бир ҳаракат билан уни тушираркан, ўз ёнидан маркизга жой кўрсатди. Бу ҳаракатда эҳтиросларнинг шундай амирона кучи мавжуд эдик, маркиз эшик тутқичини қўйиб, қайтиб келди. Эжен унга ҳасад қилиб қараб турарди.

«Мана у, ҳалиги кичкина каретанинг әгаси. Парижлик аёлнинг өътиборига мусассар бўлиш учун наҳотки сувлуқ чайнаган отлару, зар уқали камзул кийган лакейлар ва тоғ-тоғ олтин зарур бўлса?»

Шайтон зеб-зийнатни кўз-кўз қилиб, унинг юрагини жароҳатлади, бой бўлиш орзуси қайнаб тошди, олтинга бўлган ташналикдан томоғи қуриб қолди. Эженнинг борйиги бир юз ўттиз франк пули бор эди, уни ҳам уч ойга етказиш керак эди. Отаси, онаси, ака-ука ва сингиллари, холаси — бутун оила бир ойда фақат икки юз франк билан тирикчилик қилишлари керак эди. Ўзининг ҳозирги аҳволи билан эришмоқчи бўлган мақсадини шу тарзда, кўз очиб юмгунча солиштириб кўрди-ю баттар довдираб қолди.

— Нега энди итальянлар театрига боролмайсиз? — деб сўради виконтесса кулиб туриб.

— Иш кўп! Бугун инглиз әлчисиникида зиёфатда бўламан.

— Ташланг ишларни!

Одам алдов йўлига бир киргандан кейин, ёлғонларни бири устига бирини қалаб ташлайверади. Маркиз д'Ажу́да кулиб юборди-да, деди:

— Шуни талаб қиласимми?

— Ха!

— Мен айнан мана шуни эшитмоқчи эдим,— деб жавоб қилди маркиз ва унга шундай бир оташин назар ташладики, бу нигоҳи бошқа ҳар қандай аёлнинг кўнглини тичлантирган бўларди. Маркиз виконтессанинг қўлидан ўпиб, чиқиб кетди.

Де Босеан хоним ниҳоят менга өътибор қиласар деган умидда Эжен қўли билан сочини силади-да, букилиб таъзим қилди. Босеан хоним эса иргиб ўрнидан туриб, галеряяга отилди, чопганича дераза олдига келиб д'Ажуданинг өкипажга чиқаётганига қараб турди, у дарвазабон лакеяга қаерга боришини айтганини қулоғининг учи билан илиб олди, кетидан лакей ҳам кучерга:

— Жаноб де Рошфидникига! — деб унинг буйруғини такрорлаганини эшитди.

Бу сўзлар ҳам, маркизнинг каретага нақадар тезлик билан сакраб чиқиб ўтириши ҳам, виконтеSSса учун чақмоқнинг ҷақнаши ва момақалдироқнинг гулдурашидек таъсир кўрсатди; уни ўлим даҳшати қамраб олди. Зодагонлар даврасида бундан ҳам мудҳишроқ фалокат бўлиши мумкин эмас. ВиконтеSSса ётоқхонасига кирди, столи олдига ўтириб, чиройли бир варақ қоғозни олдига сурди ва қўйидаги мактубни ёзди:

«Модомики, сиз инглиз әлчихонасида вмас, балки Рошфидларникида овқат қилар экансиз, бунинг боисини менга изоҳлаб беришингииз керак. Кутаман».

Сўнг у қўли қалтираганидан бир оз қийшиқ-қингир бўлиб чиққан ҳарфлардан уч-тўрттасини тўғрилаб, «К» деб имзо чекди-да, (бу ҳарф «Бургундли Клара» деган маънини билдиради) қўнгироқ чалди.

— Жак,— деди у, ҳузурига кирган лакейга,— соат етти яримда жаноб де Рошфидникига борасиз-да, маркиз д'Ажуда шу ердами деб сўрайсиз. Агар у ўша ерда бўлса, мана шу хатни унга бериб қўйинглар деб илтимос қиласизу, жавобини кутиб ўтирмайсиз. Борди-ю, маркиз у ерда йўқ бўлса, орқангизга қайтиб, ҳагни менга олиб келиб берасиз.

— ВиконтеSSсани меҳмонхонада кутиб туришибди.

— Ҳа-я, айтгандай! — деди виконтеSSса, эшикни очарвкан.

Эжен ўзини жуда ноқулай сеза бошлаган эди; баҳтига, виконтеSSса, ниҳоят кириб келди ва шундай ҳаяжон билан галирдики, Эженинг юраги ачишиб кетди.

— Маъзур кўрасиз, мен икки энли хат ёзиб юборишм лозим бўлиб қолди, энди тамомила сизнинг ихтиёри-игиздаман.

ВиконтеSSса хаёли бошқа жойда бўлгани учун нималар дёяётганини англамасди. «Д'Ажуда мадемуазель де Рошфидга уйланмоқчи. Лекин у банд-ку! Шу бугун кечқуруноқ бу никоқ бузилади, ёки мен... Ҳа! Эртага бу тўғрида гап ҳам бўлиши мумкин эмас!»

— Ҳөним... — деб Растињяк гап бошлаган эди, виконтеSSса:

— Нима? — деб сўраб қолди ва унга шундай такаббу-rona назар ташладики, бечоранинг юраги «шув» этиб кетди.

Эжен бу «нима» деган саволнинг маъносига тушунди. Кейинги уч соат ичидаги кўп нарсаларга ақли этиб, ҳушёр бўлиб қолганди.

— Хоним,— деб бошқатдан гап бошлади Эжен, қизарib; у бирпас ийманиб турди-ю аммо ўзини қўлга олиб, гапини давом әттири:— Кечиринг мени; ҳимоятингизга шундай муштоқманки, менга жиндаккина қариндошлик қилиб юборсангиз ғоят курсанд қилган бўлур эдингиз.

Де Босеан хоним ғамгилиқ билан жилмайиб қўйди: унинг фифони ортиб, осмонида энди момақалдироқ гулдурай бошлаган эди.

— Оилавий аҳволимнинг қай тарзда әканлигини билсангиз эди,— деб давом этди Эжен,— менга әртакларда ўз ҳимояти остидаги одамларнинг бошидан ҳар қандай фалокатни бартараф қилиб турадиган афсонавий пари вазифасини бажаришдан бош тортмаган бўлардингиз.

— Хўп, яхши, қариндош,— деб жавоб қилди хоним кулиб,— сизга қандай фойдам тегиши мумкин?

— Қайдам! Узоқлашиб кетиб, қариндошлигимиз узилиб қолай деган бир пайтда, яна шу қариндошлигимиз орқасида ўз кишингиз бўлиб туришнинг ўзи менга катта баҳт. Мени уялтириб юбордингиз, айтмоқчи бўлиб турган гапимни ҳам унугтиб қўйдим. Мен Парижда таниган бирдан-бир одам сизсиз. Сиз билан маслаҳатлашиб кўришни жуда ҳам истардим, қанотингиз остидан ўзига жой топишни орзу қилган ва сиз учун ўлимга ҳам тайёр турган мендек ожиз бир бола бечорани ҳимоятингиз остига олсангиз деб илмимос қилмоқчи эдим.

— Мен учун битта-яримтани ўлдира олармидингиз?

— Истасангиз, иккитасини ҳам ўлдираман.

— Еш бола-ей! Ҳа, ростдан ҳам ёш бола экансиз,— деди у кўз ёшларини зўрга тийиб.— Мана, сиз астойдил севишига қодир бўлсангиз керак!

— О, бўлмасам-чи!— деб юборди у бош ирғитиб.

Мана шу жавоби учун виконтесса шуҳратпараст стүдентнинг дардига қулоқ сола бошлади. Жанублик йигит биринчи марта ўз манфаатини ўйлаб иш тута бошлади. Шу вақт ичida, яъни графиня де Рестонинг зангори хосхонаси билан де Босеан хонимнинг пушти меҳмонхонасида ўтказган бир неча соат ичida у Париж ҳуқуқ илмингиз уч йиллик сабогини босиб ўтган эди, бу ҳуқуқ илми гарчи расмий бўлмаса ҳам, зодагонларнинг олий табақаси орасида ҳуқуқ фанлари мажмуаси вазифасини бажарарди, уни яхши ўзлаштириб олинса ва усталик билан фойдаланилса, амалда истаган нарсанни қўлга киритиш мумкин эди.

— Ҳа, айтгандай! — деди Эжен. — Сиз берган балда менга графиня де Ресто ёқиб қолган эди, шу бугун кундузи уницида бўлдим.

— Албатта, унга жуда халақит берган бўлсангиз керак, шундайми, — деди жилмайиб туриб де Босеан хоним.

— Мен жуда нодон одамман, ўзингиз ёрдам бермасангиз, ҳамма мендан юз ўгиради. Наваримда, Парижда ёш, чиройли, хушбичим, бадавлат ва айни вақтда ҳеч ким банд қилмаган аёлни учратиш қийинига ўхшайди, менга эса худди ана шундай бир аёл зарурки, у менга ҳаёт кечириш сабогини ўргатсин, бундай илмни фақат сиз аёллар дўндириб ўқита оласиз. Акс ҳолда қаерга бормайин, аллақандай граф де Трай деганларга дуч келавераман. Мен ҳозир у ерда қандай нодонлик қилиб қўйдим экан, шуни очиб берсангиз деб илтимос билан келган эдим. Мен у ерда бир чол тўғрисида гап очиб қолган эдим, унинг исми...

— Герцогиня де Ланже! — деб хабар бериб қолди Жақ, Эженнинг гапини бўлиб.

Студент жуда таъби тирриқ бўлиб кетганини билдириб, башарасини буриштириди.

— Агар муваффақият қозонаман десангиз, — деди овонини пасайтириб виконтесса, — биринчи галда, кўнглингиздаги ҳамма гапни бу қадар очиқ айтаверманг. — О! Келинг! Салом, азизам! — деди у ўринидан туриб, герцогинянинг қаршисига юрар экан; кейин меҳмонининг қўлни шундай сидқидиллик билан сиқдики, худди туғишган синглисини қарши оляпти деб ўйлаш мумкин эди; Герцогиня ҳам унга энг латиф эҳтиром билан жавоб қилди.

«Иккаласи жуда қалин дўст экан, — деб ўйлади Растинъяк. — Энди менинг ҳомийларим иккита бўлади; уларнинг диди ҳам бир хил бўлса керак, шунинг учун, иккинчиси ҳам мени ўз қаноти остига олиши муқаррар».

— Азизам Антуанета, қандай ёқимли шамоллар учирди сизни? — деб сўради де Босеан хоним.

— Маркиз д'Ажуда-Пинто Рошфидларникуга кириб кетаётганини кўриб, ўзингизни ёлғиз учратсан керак деб ўйлаган эдим, холос.

Герцогиня бу машъум хабарни айттаётганида, де Босеан хоним лабини тишлаб қолмади, қизарив кетмади, нигоҳлари ҳам ўзгармади, билъакс чеҳраси ҳатто ёришиб кетган-дек ҳам бўлди.

— Сизнинг банд әканлигинизни билганимда... — деб қўшимча қилди герцогиня, Эженга қайрилиб қараб.

— Бу йигит менинг қариндошим, жаноб Эжен де Растиньяк,— деди виконтесса.— Монриво тўғрисида ҳеч нарса биласизми?— деб сўради у.— Кеча Серизи ҳеч қаерда кўринмади деган әди, бугун сизникига боргани йўқми?

Бу заҳарли савол герцогиняниң қалбига ништардек санчилди: у генерал Монривонинг ишқида ёсини йўқотиб қўйган әди, аммо генерал уни ташлаб кетибди деган мишишлар тарқалган әди.

— Кечада у Елисей саройида әди,— деб жавоб берди герцогиня, чўрдек қизариб кетиб.

— Навбатчилик қилган бўлса керак-да!— деб тахминни билдириб виконтесса.

— Клара,— деб ўз навбатида кўзларидан ўт сачратиб гап бошлиди ичи қоралик билан герцогиня,— эртага марказ д'Ажуда-Пинто билан мадемуазель де Рошфиднинг тўйи тўғрисидаги хабар әълон қилинишини биларсиз, албатта?

Зарба жуда кучли әди. Виконтесса оппоқ оқариб кетди, аммо кулиб туриб жавоб қилди:

— Аҳмоқ одамлар ўзини шундай ғийбатлар билан овутиб юришибди. Маркиз д'Ажуда Португалиядаги ёнг машҳур хонадонлардан бирининг исмини Рошфидларга бериб ёсини ебдими? Рошфидлар кечагина юзага чиққав дворянлар.

— Тўғрику-я, аммо Бертанинг йиллик даромади, айтишларига қараганда, икки юз минг ливр бўлармиш.

— Маркиз д'Ажуда бундай мақсадни кўзда тутиб уйланадиганлардан әмас, у шундай ҳам бой одам.

— Лекин, азизам, мадемуазель де Рошфиднинг ўзи ҳам жуда чиройли қиз, ахир.

— Шундай денг-а!

— Хуллас, бугун у Рошфидларникида овқат қиласди, никод контракти аллақачон имволанган. Бундан шунчалик бехабарлигингизни кўриб, жуда ҳайрон бўлиб турибман.

— Ҳўш, қандай тентаклик қилиб қўйдим деяётган әдигиз, мұҳтарам жаноб?— деб Эжендан сўради де Босеан хоним.— Буни қарангки, азизам Антуанетта, мана бу гўдак водагонлар даврасига ёнди қадам қўйиб кириб келяпти, сиз билан менинг гапларимдан ҳеч нарса тушунгани йўқ. Унга бир муруват қилсангиз: гапларимизни эртагача қолдирсак. Эртага, шубҳасиз, ҳамма гаплар очиқ-ойдин маълум қилинади, ана ўшандан кейин сиз ҳам бу тўғрида баҳузур, ишонч билан овова қилаверасиз...

Герцогиня Эженга шундай тақаббуrona назар ташлади, бундай менсимаган назар билан бир қарашнинг ўзида одамзодни бошдан-обёқ әзиз-янчид, йўқ қилиб юбориш мумкин. Иккала хонимнинг дўстона тарзда гаплашаётган бўлишларига қарамай, бир-бирларини чақиб-чақиб олаётгандарини пайқашга ақли етган Эжен бундай деб жавоб қилди:

— Мен графиня де Рестонинг қалбига билмай туриб ханжар санчиб қўйибман. Менинг бутун айбим ҳам шу билмай иш тутишимда. Била туриб дилингизни оғритган одамлар билан яна учраша берасиз ва әҳтимолки, ундаи одамлардан чўчиб ҳам турасиз, борди-ю, бирор одам ўзи билмай туриб бошқа одамнинг дилини оғритса, уни ўзи учун ҳеч қандай наф кўролмайдиган бир аҳмоқ, бефаҳм деб ҳисоблайдилар, оқибат, бундай одамга ҳамма нафрат билан қарайди.

Де Босеан хоним студентга илиқина қилиб бир назар ташлади, бу билан у ҳам миннатдорлигини билдириди, ҳам ўзининг қадр-қиммати қанчалигини сездириди, бундай назокатли ишлар, фақат қалби зўр одамлар қўлидан келади. Виконтессанинг бу нигоҳи герцогинянинг Растињакка менсимай қараб, унинг қалбida ҳозиргина очган янги жароҳатга малҳам бўлиб тушди.

— Буни қарангки,— деди Эжен,— мен граф де Рестонинг илтифотини қозона олдим; ваҳоланки, сизга айтиб қўйишим керакки,— деб у мутелик ва айни вақтда маккорлик билан герцогиняга мурожаат қилди,— ҳозирча мен аянчли бир студентман, сўққабош ва жуда камбағал бир одамман...

— Бундай гапларни гапирманг, жаноб де Растињак. Биз аёллар ҳеч қачон ҳеч кимга лузуми бўлмаган йарсалар кетидан қувмаймиз.

— На чора!— деб жавоб берди Эжен.— Менинг ёшим бор-йўғи йигирма иккода. Бундай ёшда бошга тушадиган Фалокатларга бардош бера олиш керак. Бунинг устига мен ҳозир кўнглимдаги бор гапларимни очиқ айтиб тавба-тазарру қиляпман, тиз чўкиб тавба қилиш учун эса, бу ердан ҳам чиройлироқ ибодатхона топилмаса керак: лекин одатда, бундай даргоҳда фақат гуноҳга бош урасану, тавбани бошқа жойга бориб қиласан.

Герцогиня бу шаккокликка пинагини бузмай қулоқ солди ва уни одобсиз деб ҳисоблаб виконтессага:

— Қариндошингиз ҳали жуда ғўр кўринади...— деб қўйди.

Де Босеан хоним герцогиняниң ҳам, қариндошининг ҳам устидан астойдил ҳузур қилиб кулди.

— Тўғри айтдингиз, азизам, у ҳали ғўр, шунинг учун ўзига одоб ўргатадиган мураббия ахтариб юрибди.

— Герцогиня,— деб Эжен яна унга қараб сўз бошлади,— менимча, бизни мафтун этган одамнинг сир-асрорларидан воқиф бўлишга интилиш foят табиий ҳол бўлса керак, шундай эмасми? («Аммо,— деб қўйди у ичида,— бу хонимлар билан суҳбат қилиш учун сартарошларга муносиб ибораларни ишлатаётганимни қара»).

— Лекин, менимча, графиня де Рестонинг ўзи жаноб де Трайнинг шогирди бўлса керак-ку,— деб жавоб қилди герцогиня.

— Мана шунисидан мутлақо бехабар эканман,— деди студент.— Шунинг учун ҳам энг аҳмоқона бир тарзда икковларининг орасига ғов бўлибман. Шундай бўлса ҳам унинг әри билан анча улфатлашиб олдим, хотини ҳам, менинг уйида бўлганимга, гарчи вақтинча бўлса-да, чидаб турган әди-ю, бирдан тилим қичиб, ҳозиргина коридорда графиняни ўпган ва кўзим олдида орқа әшикдан чиқиб кетган одамни танийман деб юборибман.

— Ким экан у?— иккала хоним бараварига сўраб қолишиди.

— Битта ҷол; у ҳам мендай қашшоқ бир студент турадиган жойда, ойига икки луидорга Сен-Марсо даҳасидаги пастқам бир кавакда туради; у ростдан ҳам жуда баҳтсиз одам, ҳаммага майна бўлиб қолган, биз әса уни «Горио ота» деб атаемиз.

— Сиз, чиндан ҳам ёш бола экансиз!— деб юборди виконтесса.— Ахир, графиня де Рестонинг қизлик фамилияси Горио әди-да.

— Вермишелчининг қизи,— деб илова қилди герцогиня.— сарой сомсапазининг қизи билан бир кунда жаноб олийларига тавсия этилган мешчан хоним. Клара, эсингиздами? Ушанда Қирол ҳам кулиб қўйган ва лотинчасига унинг тўғрисида алланима деб қочириқ ҳам қилганди: икковиям... хаҳ, нимайди?.. Икковиям...

— Eiusdem farinae<sup>1</sup>,— деб айтиб берди Эжен.

— Жуда тўғри,— деди герцогиня.

— Ҳали Горио унинг отаси денг!— деди студент ваҳми келиб.

<sup>1</sup> Бир ҳамирдан (лот.). Сўзма сўзига: «Бир ундан».

— Ҳа-да; у тентак чолнинг икки қизи бор, уларни ўлгудек яхши кўради, лекин у қизиям, бу қизиям ундан аллақачон юз ўгиришган.

— Иккинчиси немисча фамилияли бир барон Нусинген деган аллақандай банкирга турмушга чиқмаганми? — деб сўради виконтесса, герцогиня де Ланжега ўгирилиб.— Исми Дельфина бўлса керак, шундай әмасми? Узи сариқ сочли, операда ён тарафдаги ложада ўтиради; у Буфонлар театрига ҳам бориб туради, одамларнинг диққатини ўзига тортиш учун қаттиқ-қаттиқ кулади, ўшами?

— Шундай одамларга ҳам парво қилганингизга ҳайронман, азизам,— деди истеҳзо билан герцогиня.— Муҳабатдан вс-ҳушини еб қўйган граф Рестодек одамгина мадемуавель Анастазининг унига булғаниши мумкин. О! Бу қилмишидан граф анча зарар кўради! Хотини граф де Трайнинг тувоғига илиниб қолди, граф у хонимни нобуд қилмай қўймайди.

— Демак, улар ўз оталаридан юз ўгиришган эканда? — деб такрор сўради Эжен.

— Ҳа, ўз отасидан,— деб жавоб берди герцогиня,— тушунасивми, қандай бўлишидан қатъи назар, ўз отасидан юз ўгиришган; бунинг устига уни жуда яхши, меҳрибон ота дейишади; ҳар бир қизига у беш юз мингми, олти юз мингдан сеп берган экан, қизларим баҳтли бўлсин деб яхшилаб уватган экан, ўзи эса йилига саккиз — ўн минг ливр даромад билан кифояланиб қолаверибди, иккала қизим ҳам ўз болам әмасми, иккаласининг уйида ҳам меҳр ва муҳаббат кўрарман деб ўйлади. Бунинг ўрнига икки йил ичиди куёвлари уни ўтакетган бир муттаҳамни қувлаб юборгандек уйларидан қувиб солишибди.

Эженинг кўзларида ёш кўринди: у яқингинада ўзининг қадрдон оиласидан қалбини мусаффо, муқаддас туйрулар билан тўлдириб қайтган әди, у ҳали ёшликнинг ширин орзу-умидлари билан маст әди, фақат бу ерда, Париж маданиятининг жанг майдонида у билан биринчи марта тўқнаш келиши әди. Юракдан чиққан чинакам ҳислар шундай таъсирили бўладики, натижада, учаласи ҳам анчагача бир оғиз сўз айттолмай бир-бирларига қараб жим ўтириб қолишибди.

— Вой, худойим-эй! — деб жимликни герцогиня бузди.— Буларнинг ҳаммаси даҳшатга ўхшайди, вадоланки, бундай ҳодисаларни биз ҳар куни кузатиб турамиз. Нима, ё бундай ҳолнинг юз беришига сабаб йўқ деб ўйлайсизми?

Қани, айтинг-чи, тасаддуқ, куёвнинг нималиги тўғрисида ҳеч ўйлаб кўрганмисиз? Куёв — сиз билан бизнинг ўн етти йил мобайнида ардоқлаб боқиб катта қилган, Ламартин таъбири билан айтганда, томир-томири билан жисмимизга тулашиб кетган, энг қимматли жигаримизни — оиласиз қувончини уйимиэдан олиб кетиб, кейин шу қувончни бoshимиизга битган балога айлантирувчи ёркак. Ёркак киши биздан ана шу жигарпорамизни олиб кетгандан кейин даставвал унинг муҳаббатидан болта ўрнида фойдалана-ди ва ўша фариштанинг қалбидаги оила билан боғлиқ бўлган ҳар бир риштани шарфта-шарфта узиб ташлайди. Қизи-миз кечагина бизнинг баҳту тахтимиз, бутун давлатимиз әди, биз ҳам унга энг яқин одам әдик; бир кечадан кейин әса у бизнинг ашаддий душманимизга айланади. Ажабо, бундай фожиалар қўзимиз олдида ҳар куни юз бериб тур-маяптими? Бир қарасанг, келин қайната билан чиқиша ол-майди, ваҳдоланки қайната бутун бор-будини шу ўғли йўлида қурбон қилиб юборган. Бир қарасанг, куёв қайна-тани уйидан қувиб юборган. Шундан кейин яна бизнинг ҳозирги жамиятимизда фожиа нима деб сўрашгани ортиқ-ча. Ҳўш, куёв-чи? Ахир, куёв деган нарса фожианинг худди ўзи-ку, фожиа бўлганда ҳам жуда даҳшатли фожиа, мутлақо бемаъниликка юз ўтирган никоҳларимиз тўғриси-да-ку, гапириб ўтираса ҳам бўлади. Ўша вермишелчи чол-нинг бошига қандай кунлар тушганини жуда аниқ тасаввур қиляпман. Эсимда, ўша Форио...

— Горо, хоним...

— Ҳа, яхши, ўша Морио революция йилларида сек-циялардан бирининг раиси әди\*; у ўша вақтда юзага кел-гани очарчилликнинг асл сабабларини биларди, шу сабабли, олган унини ўн ҳисса қимматига сотиб, бойий бошлаган әди. Ун унда жудаям сероб әди. Бувимнинг иш бошқарув-чиси уни ғоят кўп миқдорда ун билан таъминлаб турарди. Бу тоифадаги одамларнинг ҳаммаси сингари Норио ҳам қўрган фойдасидан Жамоатчиликни қутқариш комитетига\* ҳам бериб турарди. Эсимда, бувимнинг иш бошқарувчиси Гранвильедаги мулкингизда беташвиш яшайверинг, сиз-нинг еларингизда унган буғдой ишончли одам эканингиз-га гаров бўла олади деб ишонтирган әди. Шундай қилиб, каллакесарларга дон сотиш билан шуғулланган ўша Лорио фақат бир нарсанинг савдоиси әкан: у қизларини еру кўкка ишонмас әкан. У қизларидан биттасини граф де Рес-тога берди, иккинчисини әса ўзини роялист қилиб кўрса-

тұвчи бадавлат банкир барон Нусингенга тиқишириди. Үзінгизга маълумки, Империя ҳукмронлик қилаётган замонда күёвлар бир минг етти юз тұқсон учинчі йилнинг одами — қайнатани ўз уйига киргизишдан номус қила бошлайдылар: *Буонапарте замонида-ку* бутунлай бошқа гап әди. Лекин бурбонлар ҳуқумат тепасига қайтиб келишгандан кейин чолни уйидә сақлаш Рестога малол келиб қолады, банкирга эса ундан ҳам оғирлік қиласы. Қизлари, күринишдан, ҳали бу вақтда отасини яхши күришарди, шуннинг учун улар сих ҳам, кабоб ҳам күймасин қабилида иш күрадылар, яғни әрини ҳам, отасини ҳам хафа құлмасликка ҳаракат қиласылар. Ұлар Гориони уйда әеч ким йўқ вақтларда қабул қиласыган бўладилар. Буни улар отасига меҳрибон әканликларини кўрсатиш учун: «Ота, фалон вақтда келинг, ўзимиздан бўлак әеч ким бўлмайди, чақчақлашиб ўтирамиз!»— деб, ёки шунга ўхшаш гаплар билан ниқоблашади. Шахсан менинг ўйлашимча, ўргилай, чинакам әҳтиросларнинг ўз идроки, ўз кўзи бўлади, шуннинг учун бечора отанинг жигар-бағри қон бўлиб кетган. У қизларининг ундан андиша қилишадиганини, модомини ўз әрларини яхши күришар әкан, демак, у күёвларига ҳалақит берадиганини тушунади. Фидойилик қилиш пайти етиб келади. Чол қизлари йўлида ўзини фидо қиласы, нима қиссин ахир, ота-да: у қизлари уйидан ўзи чиқиб кетади, қизлари эса бундан мамнун бўлишади; бу мамнунликни сезиб, у тўғри иш қилганини тушунади. Мана шундай қилиб, ота билан қизлари иштироқида оиласиб жиноят содир бўлади. Бундай воқеаларни биз ҳар қадамда учратиб турамиз. Ахир, ўша Дорио ота қизларининг меҳмонхонасида дастурхонга тушган доғдек бўлиб қолмасми? Унинг ўзи ҳам бундай уйларда юраги сиқилиб, зерикиб қолган бўларди. Ўша отанинг бошига тушган кун эркак кишини чин юракдан яхши кўриб қолган энг чиройли хотинлар бошига ҳам тушиши мумкин: агар у аёл эркак кишига сени яхши кўраман деб жигига тегаверса, эркак кетади воради, бундай хотиндан ажраб кетиш учун қабиҳ ўйдга киришдан ҳам тоймайди. Жамики әҳтиросларнинг оқибати мана шундай. Бизнинг юрагимиз — бир хазина: уни бирдан сарфлаб қўйдингизми,— гадо бўласиз қоласиз. Биз ошкора әҳтиросларни ҳам, бир су пули қолмаган одамни ҳам аяб ўтирумаймиз. Бу ота бор будини улашиб бўлган. Қалбидаги ўтини, ўз муҳаббатини у йигирма йил мобайнинида улашиб қелган бўлса, бутун давлатини бир кунда бериб

қўйган. Қизлари лимоннинг бутун сувини сиқиб олиб, пўчоғини кўчага улоқтириб ташлаши.

— Жамият қанчалик разил-а,— деди виконтесса, кўзини ердан кўтармай ва шол рўмолининг попугини асаб билан силтаб тортиб: герцогиняниң ҳикоясидаги охирги жумлалар ўзига ҳарата айтилганини сезиб, виконтессанинг қаттиқ аччиғи чиққан ёди.

— Разил дедингиэм?.. Йўқ,— деди герцогиня,— анчайин, жамият ҳаётида ҳамма нарса ўз йўли билан боряпти. Бу билан жамият тўғрисида янгиш фикр юритмаётганимни кўрсатмоқчиман, холос. Умуман эса, мен ҳам сиз билан ҳамфикрман,— деди у виконтессанинг қўйини қисар экан.— Жамиятимиз — бир ботқоқ, биз баландликда туришга ҳаракат қиласмиш.

У ўрнидан турди ва де Босеан хонимнинг пешонасидан ўпиб, деди:

— Азизам, ҳозир жуда ҳам чиройли бўлиб кетибсиз. Мен ҳеч қачон одамзоднинг ранги бу қадар тоза бўлишини кўрмаган ёдим.

Сўнг Растинъякка ўгирилиб, сал бош иргитиб қўйди-ю, чиқиб кетди.

Эжен эса чолнинг кечаси кумуш идишини әэғилаганини әслаб:

— Горою ота ажойиб одам! — деб қўйди.

Де Босеан хоним ўйга толган ёди, шунинг учун унинг гапини эшитмади. Сукут бир неча дақиқа давом этди, бечора стўдент гапиришини ҳам, қолишини ҳам, кетишини ҳам билмай, хижолат тортиб, қисиниб-қимтиниб ўтиради.

— Ҳаёт ёвуз ва разил,— деб гап бошлади ниҳоят виконтесса.— Бошимизга бирор баҳтсизлик тушиши биланоқ, дарров бу хабарни етказиб, юрагимизга ханжар уриб, уни кавлайдиган ва ханжарнинг бежирим дастасини томоша қилишимиз учун, уни шу алфозда ташлаб кетадиган дўст ҳамма вақт ҳам топилиб туради. Уша замониёқ аччиқ пичингу киноялар бошланади! Шу заҳотиёқ масхарали гаплар авжга минади! О, мен ўзимни масхара қилдириб қўймайман!

У оқсуяк хонимларга хос бир ҳаракат билан бошини адл кўтарди, магрур назар ташлаб турган кўзларида ўт чақнарди.

— Аҳ, шу ердамидингиз ҳали! — деди у Эженни кўриб қолиб.

— Ҳа, ҳали шу ердаман! — деди студент, аянчли оҳангда.

— Гап бундай, жаноб де Растињяк, жамият билан ўзига муносиб равишда мумомала қилинг. Ўзингизга мовъе яратмоқчимисиз, яхши, сизга ёрдам қиласман. Хотинларнинг қай даражада бузуқлигини мукаммал ўрганинг, эркакларнинг аянчли шуҳратпарастлиги қай даражага етганига яхшилаб веҳн солинг. Шахсан мен ўзим жамият китобини жуда диққат билан мутолаа қилганмай, аммо мальум бўлдики, унинг баъзи саҳифаларини пайқамаган эканман. Энди мен ҳаммасини билиб олдим: қанча совуққонлик билан иш тутсангиз, шунча мартабангиз ошади. Ҳеч аямай зарба бераверинг, ана ўшандада қаршингизда титраб турадиган бўлишади. Эркакларни ҳам, хотинларни ҳам почта аравасига қўшиладиган от деб ҳисобланг, уларни беаёв ҳайданг, майли, улар ҳар бекатда ҳаром қотаверсин, майли, ана ўшандада бутун ўйлаган мурод-мақсадингизга етасиз. Едингида бўлсин, сизга ёрдам берадиган бирор хотин бўлмаса, бу жамиятда ҳеч нарсага өришолмайсиз. Сиз ўзингиз учун шундай хотин кишини топишингиз керакки, унда ҳам чирой, ҳам ёшлиқ, ҳам бойлик сифатлари мужассамлашган бўлсин. Борди-ю, қўнглингизда чинакам ҳиссиёт туғилиб қолгудек бўлса, уни ҳеч ким хаёлига ҳам келтиромлайдиган даражада қалбингизнинг теран ерига яшириб ташланг, акс ҳолда адои тамом бўласиз. Ҳаётда жаллод бўлинг, жаллод бўлмасангиз унинг ойболтаси остида ўзингиз далок бўласиз. Битта-яримтасини яхши кўриб қолсангиз, сирингизни асло ошкор қиласанг! Ўз юрагингизни очмоқчи бўлган одами жуда яхшилаб билиб олмагунингизча асло бу тўғрида оғиз оча кўрманг. Ҳали ҳозирча ҳеч кимни бу хиљаги муҳаббат билан севганингизча йўқ, аммо бунинг олдини олиб қўйган яхши, шунинг учун жамиятга ишонмасликни одат қилинг. Менга қаранг, Мигель (ўзи ҳам сезмаган ҳолда янгишиб, уни мана шу ном билан атади), иккала қизи ҳам отасидан юз ўтирган, эҳтимолки, унинг ўлимини истаётган бу ҳолдан ҳам даҳшатлироқ ишлар бор: бу — икки опа-сингил орасидаги рақобатдир. Ресто қадимги асилзодалардан, унинг хотинини оқсуяклар тан олди, саройга тавсия әтилди; унинг синглиси молиявий корчалоннинг хотини, бой-бадавлат гўзал Дельфина де Нусинген эса буни кўриб куйиб кетяпти; ич-этини еб ётибди: графиня де Ресто унга қарандада жуда юқорига кўтарилиб кетди; шундай қилиб,

энди опа-сингиллик тугади; энди улар отасидан юз ўгир-гандек, бир-бирларидан ҳам воз кечиб турибдилар. Шу сабабдан де Нусинген хоним менинг уйимга киришга муяссар бўлиш учун Сен-Лазар кўчасидан то Бренель кўча-сигача бўлган йўлдаги бутун чанг-лойни ялаб тозалашга ҳам рози. Бу мақсадига эришишда де Марсе ёрдам қиласар деб ўйлаб, де Нусинген хоним унинг чўриси бўлиб қолди ва унга ҳеч тинчлик бермай юрибди. Де Марсе эса уни назар-писанд ҳам қилмайди. Агар Дельфинани менга сиз тавсия өтсангиз, унинг кўнглидаги одам бўласиз, сизга сажда қиладиган бўлади. Кейинчалик уни яхши кўриб қолишингиз ҳам мумкин, борди-ю, яхши кўриб қолмасангиз, ундаи ўз мақсадингизга эришиш йўлида фойдаланаверасиз. Мен уни бир-икки марта кўпчилик меҳмонлар орасида қабул қиласман, аммо кундуз куни асло қабул қилмайман. Мен у билан салом-алиқ қиласман, шунинг ўзи ҳам кифоя. Графиняникида Горио отани тилга олиб, унинг эшигини ўзингизга ўзингиз ёпиб келибсиз. Ҳа, азивим, сиз графинянинг уйига йигирма марта борсангиз ҳам, графиня йигирма марта уйида йўқ бўлади. Сизни уйга киритмаслик тўғрисида буйруқ бериб қўйилган. Шундай әкан, Горио ота сизни Дельфина де Нусинген билан таништириб қўйисин. Гўзал де Нусинген сизга ниқоб ўрнида хизмат қиласди. Унинг маҳбуби бўлиб олсангиз, ҳамма хотинлар сизга шайдо бўлади. Дельфинанинг рақибалари, дугоналари, ҳатто энг яқин одамлари ҳам сизни ундан айнитиб, ўзига қаратиб олиш пайига тушиб қолади. Баъзи хонимлар бирорнинг маҳбубини афзал кўрадилар. Бу билан улар, бизнинг шляпаларимиздан нусха кўчириш билан гўё турмуш тарзимизни ҳам ўзлаштириб олгандек ўзларини ҳис қилувчи мешчан аёлларга ўхшаб жетадилар. Сиз муваффақият қозонасиз. Парижда муваффақият қозониш — ҳамма нарсанинг асоси, у ҳукмронлик гарови. Аёллар сизни истеъоддли ва ақлли йигит деб эътироф этишлари биланюқ, әркаклар бунга ишонадилар, уларнинг ҳафсаласини ўзингиз пир қилиб қўймасангиз бас. Ана ўшанда қўлингизни нимага чўзсангиз етади, ҳамма ерда сизга йўл очиқ бўлади. Жамиятимиз қаллоблар ва овсар одамлардан иборат эканини ўшанда билиб оласиз. Сиз қаллобларга ҳам, овсарларга ҳам қўшилманг. Бу чанглзорларда адашиб қолмаслигингиз учун Ариадна или\* ўрнига ўзимнинг исмимни қўлингизга бериб қўяман. Унга дор туширманг,— деди у, бошини кўтариб ва Растињакка шоҳона назар таш-

лаб,— гард юқтируманг. Энди боринг, мени ёлғиз қўйинг: биз аёлларнинг ҳам ўзимизга яраша курашимиз бўлади.

— Сизга чуқур қазиёттганларнинг адабини бериб қўядиган одам лозим бўлиб қолса...— деб унинг гапини бўлди Эжен.

— Унда нима бўларди?— деб сўради виконтеssa.

Эжен ўзининг кўкрагига уриб қўйди, қариндошининг табассумига жилмайиб жавоб қилди-да, уйдан чиқди. Соат беш эди. Эженнинг қорни очиб кетганди, овқатдан кеч қолмасмиканман деб ташвишга тушиб қолди. Шу ташвиш туфайли у Париж кўчаларида шамолдек елиб бораётган аравада юришнинг қандай гашти борлигига энди тушунди. Аммо бу жисмоний ҳузур миясига қуйилиб келаётган фикрларига халақит бермасди. Унинг ёшидаги йигит бирорнинг нафратига учраб камситилар экан, қизишиб кетади, жони ҳиқилдоғига келади, бутун жамиятни янисб, ўч олиш ҳақида шовқин кўтаради-ю, аммо бунга кучим етармикан деб ўзидан шубҳа қиласди. Ҳозир Эженини: «Графиняниң эшигини ўзингизга ўзингиз ёпиб келибсиз»,— деган гап изтиробга солар эди. «Мен барнибир бораман!— дерди у ўзига ўзи.— Борди-ю, де Босеан хоним тўғри айтган бўлса-ю мени қабул қилмасин деб тайинлаб қўйилган бўлса... унда... унда трафиня де Ресто ўзи бориб турадиган ҳамма меҳмонхоналарда мен билан учрашади. Мен қиличбозлик қилишни, тўппончадан отишни ўрганиб оламан-да, унинг Максимини ўлдираман!..» «Пул-чи?— деб ақли бунга эътироz билдиради.— Пулни қаердан оласан?» Шундай деб ўйлади-ю, бутун бойлигини одамларга кўз-кўз қилиб қўйган графиня де Рестонинг меҳмонхонаси кўз олдига келди. Эжен, қизлик фамилияси Горио бўлган хонимни, у жондан азиз яхши кўрган, кўзни қамаштирувчи зеб-зийнатларни, унинг ҳаддан ташқари қиммат турувчи уй жиҳозларини, хуллас, ўзбошимча, мақтанчоқ қизнинг давлатини, бадавлат суюқоёқ жувоннинг исрофгарчилигини тасаввур қилди. Босеанларнинг ҳашаматли иморатлари олдиди бу кўзни қамаштирувчи манзара дарҳол сўнди-қолди. Париж зодагонлари жамиятининг юқори доиралари билан маҳкам боғланган Эженнинг бутун орзу-умидлари унинг кўнглида ёмон ниятлар түғдирган, ақлинни ўткирлаб, виждонини ўтмаслаштирган эди. Дунё унга энди ҳақиқий башарасини очиб кўрсатганди: бойлик олдиди ахлоқ ва

қонун ожиз әди; *ultima ratio mundi*<sup>1</sup> пулда, әкани кўри-ниб турарди. «Вотрен тўғри айтади. Энг яхши фазилат бойлиқдир!»— дерди ўзига ўзи Эжен.

Нев-Сент-Женевьев кўчасига етиб боргандан кейин у физиллаб юқорига чиқиб тушди, извошчига ўн франк ҳа-қини берди-да, кишининг кўнглини айнитадиган қўланса ҳидли емакхонага кирди ва бир охурдан ем еяётган мол-лардек овқатланаётган хўрданаларни кўрди. Бу гарифона манзара, бу емакхонанинг кўриниши унинг нафратини қўз-гади. Бу қадар тез ўзгариш, бу қадар кескин фарқ унинг шуҳратнарастлик интилишларини бекиёс ошириб юбориши муқаррар әди. Бир тарафда — энг латофатли жамият то-монидан бунёд этилган, кишини мафтун қилувчи ёрқин қиёфалар, ажойиб санъат асарлари ва зеб-зийнатлар ора-сида кўмилиб кетган навқирон, шўх чеҳралар, эҳтиросли, шоирона шахслар; бошқа тарафда — ифлос қашшоқлик ботқогига фарқ бўлган даҳшатли манзаралар, бир вақтлар бор гайратини эҳтиросли ўйинларга сарфлаб, адойи тамом бўлган ва эндиликда чўп-устихон бўлиб қолган башаралар. Де Босеан хонимнинг, ўша алданган хотиннинг ғазабдан бўғилиб турганда берган маслаҳати, ўша қариндошининг кишини власвасага соладиган таклифлари Эженинг ёдига тушди, унинг муҳтоҷлиги эса маслаҳатларни қандай шарҳ-лаш кераклигини тушунтириди; бойлик орттириш учун Эжен иккита параллель йўл тутмоқчи бўлди: ҳам муҳаб-батга, ҳам илмга суюнмоқчи бўлди, ҳам зодагонлар жамия-ти одами, ҳам юридик фанлар доктори бўлишни ўйлаб қўйди. Унинг ёш болалиги ҳали ҳам қолмаганид. Бу икки йўл бир-бирига асимптота\* бўлиб, ҳеч вақт бир нуқтада бирлашмайди.

Вотрен кишининг кўнглидаги энг яширин сирларини билиб оладиган ғалати бир нигоҳ билан Растињякка тики-либ назар солди-да:

— Бугун нима учундир жуда хомуш кўринасиз, жаноб маркиз,— деди.

— Мени «жаноб маркиз» деб атовчиларнинг ҳазилини кўтаришга тоқатим йўқ,— деб жавоб қилди Растињяк.— Парижда чинакам маркиз бўлиш учун иилига юз минг ливр даромадинг бўлиши керак, модомики, «Воке уйи»да исти-қомат қиласкансан, сенга баҳт кулиб боқмаслиги муқар-пар.

<sup>1</sup> Дунёнинг замери (лотинча).

Вотрен Растињакка оталарча такаббурлиқ билан қараб қўйди, бу билан гўё: «Итвача! Хоҳласам, терингни шилиб оламан-ку!»— демоқчи эди. Кейин эса:

— Кайфингиз бузук, әҳтимол гўзал графиня де Рестога ёқмагандирсиз.

— У мени иккинчи уйга киритмасликни буюрди, чунки мен отангиз биз билан бир дастурхонда овқат ейди, деб юбордим,— деди Растињак.

Хўрандалар бир-бирларига қараб қўйишди. Горио ота ерга қаради ва кўзларини артиш учун тескари ўгрилди.

— Кўзимга тамака туширдингиз,— деди у ёнида ўтирган-қўшнисига.

— Кимки Горио отани хафа қилса, ўзим у одамнинг адабини бераман,— деди Эжен, вермишельчининг ёнида ўтирган-хўрандага қараб,— у ҳаммамиздан ҳам яхши одам!— Мен аёлларни назарда туваётганим йўқ,— деб қўшиб қўйди у мадемуазель Тайферга ўгрилиб.

Бу гап ҳар қандай таҳқирларга барҳам берди: Эжен шундай бир тарзда гапирдики, ҳамма хўрандалар жим бўлиб қолишиди.Faқат Вотрен истеъзо билан гап қотди:

— Горио отани ўз ҳимоясига олиш ва унинг масъул муҳаррири бўлиш учун уста қиличбоз ва яхши мерган бўлиш керак.

— Мен ҳам худди шундай қиласман,— деб жавоб қилди Эжен.

— Демак, бугундан бошлаб уруш бошларкансиш-да?

— Эҳтимол,— деди Растињак.— Лекин мен ўз ишларим тўғрисида ҳеч кимга ҳисобот бермоқчи эмасман, чунки ўзим ҳам бошқаларнинг кечалари нима иш билан шуғулланишини суриштирмайман.

Вотрен Растињакка ер остидан қараб қўйди.

— Яхши йигит, қўғирчоқлар ўйинини кўрганда, алдан иб қолмаслик учун парда девор йиртиғидан мўралаб ўтирмай, томошахона ичига кириш керак бўлади. Хўп, бас қилдик бу гапни,— деди у, Эженнинг аччиғи чиқиб келаётганини кўриб.— Бу тўғрида кейинчалик, хоҳлаган вақти-нгизда гаплашамиз.

Овқат вақтида хўрандалар қош-қовоқларини солиб, зўрма-зўраки гаплашиб ўтирдилар. Растињакнинг тапидан кейин бир ҳолатга тушиб қолган Горио ота, ўзига нисбатан одамларнинг муносабати ўзариги қолганини да бундан кейин унга тегажаклик қиласиганларнинг оғзиға урадиган ёш ҳомий пайдо бўлганини англамади.

— Бундан чиқди, жаноб Горо — графинянинг отаси  
вканда? — шивирлаб сўради Воке хоним.

— Ундан ташқари баронессанинг ҳам отаси,— деб жа-  
воб берди Растињак.

— У фақат шунга ярайди, холос,— деди Бъяншон  
Эженга.— Мен унинг бошини пайпаслаб кўрдим: бешида  
фақат битта гудда бор экан — у ҳам бўлса оталик гудда-  
си; бу одам оталик касалига мубтало бўлган.

Эжен жиддий кайфиятда ўтиради, шунинг учун Бъян-  
шоннинг ҳазили уни кулдиролмади. У де Босеан хоним  
маслаҳатларидан Фойдаланмоқчи, шунинг учун қаердан ва  
қандай қилиб пул топсан экан деб ўзига ўзи савол берар-  
ди. Унинг кўзи олдида айни вақтда ҳам тақир чўл, ҳам  
серҳосил бўлган зодагонлар водийси намоён бўлди, бу  
манзара уни ҳаяжонли ташвишга солиб қўйди. Овқатдан  
кейин ҳамма бирин-кетин тарқаб кетди, у емакхонада қөлди.

— Ростдан қивимни кўрдингизми? — деб сўради ундан  
Горо ота, сидқидиллик билан.

Чол студентни хаёл оғрушидан тортиб олди; Эжен унинг  
қўлидан ушлади, унга аллақандай меҳр билан қараб туриб  
жавоб берди:

— Сиз яхши, ҳурматга лойиқ одамсиз. Қизларингиз  
тўғрисида кейин гаплашамиз.

У Горо отанинг гапига ортиқ қулоқ солишни истамай,  
ўрнидан туриб, ўз хонасига чиқиб кетди ва онасига жат ёзди:

«Онажон, мени яна бир тўйдириш учун учинчи кўкраг-  
инг йўқми? Шундай вазият туғилиб келяптики, тез бойиб  
кетишим ҳам ажаб эмас. Менга бир минг икки юз Франк  
пул керак, уни ҳар қандай қилиб бўлса ҳам топишим ке-  
рак. Менинг илтимосимни отам билмай қўя қолсин! ҳой-  
наҳой, у бунга қаршилик қиласди, борди-ю, шу пулни то-  
полмасам, ўзимни ўлдириш даражасида умидсизликка  
тушиб қолишим мумкин. Ўз режаларим ҳақида сенга би-  
ринчи учрашганимиздаётқ гапириб бераман: ҳозир тушиб  
қолган вазиятими баён қилиш учун қанчадан-цанча даф-  
тарларни тўлдириб юборишим керак. Онажон, мен қимор-  
га пўл бой берганим ҳам, қарэларим ҳам йўқ; лекин ўзинг  
бахш этган ҳаётим сенга қимматли бўлса, ўша пулни топ.  
Қисқаси, мен виконтесса де Босеаникига бориб тураман,  
у менга ҳомийлик қиласди. Мен асильзода одамлар давраси-  
да бўлиб туришим керак, лекин това қўлқоп сотиб олишга

ақалли бир су ҳам пулим йўқ. Қуруқ нон еб, сувдан бошқа нарса ичмай яшашига тўғри келиб қолса, оч қолишга розиман; лекин Париж боғларида дәҳқончилик қилиш учун зарур бўлган асбоб-ускунаси турининг иложи йўқ. Мен ўзимга йўл очиб, бирон ердан чиқа оламанми ё ботқоққа ботганимча қолиб кетавераманми,— гап мана шунинг устидага боряпти. Мендан умидингиз катта эканини биламан, ўзим ҳам ўша умидларингизни тезроқ амалга ошириш пайдидаман. Ойижон, мерос қолган бирор зийнат буюмингни сот, кўп ўтмай қарзингни қайтариб бераман. Оиламизнинг қандай аҳволда кун кечиришини яхши биламан, пулни топиб юборсанглар, бунинг қанчалик қийин бўлганини тушуниб, қадрига етаман; ишон, мен пулни бежиз сўраётганим йўқ, шундай қилсан қабиҳлик қилган бўлардим. Менинг зорланиб қилган илтимосимни муҳтоҷлик нидоси деб қабул эт. Бизнинг бутун келажагимиз мана шу ёрдамга боғлиқ бўлиб турибди, ўша пул билан мен ҳарбий сафарга чиқишим керак, негаки Париждаги ҳаёт тинимсиз жанглардан иборат. Борди-ю, шунча пулни ўзинг топа олмасанг, ҳоламнинг тўрини сотишдан бўлак илож қолмас, унга айт, ўрнига ўзим ундан ҳам яхисини олиб юбораман...» ва ҳоказо.

У иккала синглисига ҳам, йиғиб юрган пулларингизни менга юборинглар, деб биттадан хат ёзи, иккала синглисинг ҳам унга пулларини жоқ деб юборишига ишонар эди, албатта, бу ишни оила ўртасида муҳокама қилишдан сақланинглар, буни сизнинг виждонингизга ҳавола қилдим, деб қистириб ўтди, ёшларнинг виждони доим тоза бўлади, улар виждон билан боғлиқ ишларга жуда жиддий муносабатда бўладилар. Шундай бўлса ҳам, хатларни ёзиб бўлгач, у бейхтиёр изтироб ичиди қолди, у ҳаяжонланар, ич-ичидан қалтирас эди. Ёш шуҳратпараст йигит хилават қишлоғда яшаб юрган сингилларининг жуда кўнгли тоза қизлар эканини ва бу илтимоси билан уларни қандай оғир кунга солаёттанини, лекин қизлар бу илтимосни бажариш билан қанчалик курсанд бўлишларини ва боғларининг бирор бурчагида ўтириб олиб, ҳеч кимга билдирамай, севикли ақалари тўғрисида ўзаро сұхбатлашиб нақадар ҳузур қилишларини биларди. Унинг тасаввурда бирдан сингилларининг бир чеккага чиқиб, ўзларининг озгина пулларини ўғринчи санаб кўришашётгани аниқ намоён бўлди; ўз пул-

ларини ҳеч кимга билдириш акасига жўнатиш учун қизларга хос ҳийла-найранглар қилишаётгани, олижаноблик қилиш, ҳиммат кўрсатиш учун умрларида биринчи марта айёрлик қилишаётганини тасаввур қилиб турарди. «Сингил кўнгли — тозадик гавдари, меҳр булоги!»— деб ўйлади у. Энди Эжен ёзган хати учун хижолат бўла бошлаган эди. Уларнинг ибодати нақадар қучли, худога илтижолари нақадар самимий бўларкин! Бор бисотларининг ҳаммасини улар қандайин ҳузур-ҳаловат билан акаларига ҳадя этишаркин! Онаси у сўраган пулнинг ҳаммасини то-па олмаса қанчалик изтироб чекаркин! Мана шу чексиз меҳрибонликлар ва унга кўрсатилган илтифотларнинг ҳаммаси Эжен учун Дельфина Нусинген ҳузурига кўтарилишда пиллапоя ҳизматини ўтайди. Унинг кўзларидан бир неча томчи ёш думалаб тушди — бу оиласининг муқаддас меҳробига ёқилган сўнгги шам эди. Азбаройи умидсизликка тушганидан хонасида у ёқдан-бу ёққа кезиб юради. Қия очиқ турган эшикдан унинг хона ичидаги кезиб юрганини кўрган Горо ота унинг олдига кирди.

— Сизга нима бўлди? — деб сўради Горо ота.

— Эҳ, қўшишжон, сиз ота бўлганингиздек, мен ҳам бирорвинг ўғли ва бирорвинг акасиман. Графиня Анастазидан хавотир олишингиз ўринли, у Максим де Трай деган бир кимсанинг қўлига тушиб қолган, у қизингизни нобуд қиласди ҳали.

Горо ота алланарсалар деб тўнғиллаганча чиқиб кетди, аммо нима деганини Эжен англамади.

Эртаси куни Растињяк хатларни жўнатиш учун почтага борди. У хатларни жўнатайми-йўқми деб охирги дақиқагача иккиланиб турди, шундай бўлса ҳам: «Омадимни берсин!»— деб хатларни почта қутисига ташлади; одатда, қиморбозлар ё буюк саркардалар шу сўз билан иш бошлийдилар, аммо бу ёмон гап; кўпинча у одамни ҳалос қиласмайди, балки ҳалок қиласди.

Бир неча кундан кейин Эжен графиня де Рестоникига борди, аммо уни қабул қилишмади. У яна уч марта графинянинг олдига кириншга уриниб кўрди, аммо у граф Максим де Трай йўқ вақтларни пойлаб борган бўлишига қарамай, графинянинг эшиги улинг учун ҳеч очилмади. Виконтесса ҳақ бўлиб чиқди! Студент ўқимай қўйди. У лекцияларга фақат йўқламадан ўтиш учун борар, йўқламадан ўтиши биланоқ дарров қочиб қоларди. У ҳам кўпчилик студентлар сингари йўл тутиб, ўқишини синовлар

бошланадиган пайтгача йифишириб қўйганди. Эжен бир йўла ҳам иккинчи, ҳам учинчи курс лекцияларига ёзилиб қўйишни, синовлар пайти кеши билан мук тушиб ўқишга астойдил берилиб, бир ўтиргандаёқ юридик факультетини биратўла битказиб кетишни мўлжаллаб қўйди. Мана шу қарорига кўра унинг ихтиёрида ўн беш ой вақт бўшаб қолди, бу вақтларда у баҳузур Париж океанида сузиши ва унда ўзига хотин овлаши ё бойликка тузоқ қўйиш билан шугулланиши мумкин эди.

Кейинги ҳафта ичидаги Эжен де Босеан хонимнига икки марта борди, лекин унинг олдига фақат д'Ажуданинг каретаси ҳовлидан чиқиб кетгандай кейин киради. Бутун Сен-Жермен даҳасида энг латофатли шахс ҳисобланган бу машҳура аёл маркиз д'Ажуда-Пинто билан ма-демуазель Рошфиднинг никоҳ тўйини кечикитиришга муяс-сан бўлиб, жанг майдонида маълум вақтгача голиба бўлиб қолган эди. Лекин баҳтдан ажраб қолиш хавфи туфайли, беқиёс зўр өҳтирослар билан тўлиб тошган бу кунлар, оқибат фалокатни бошлаб келиши лоэм эди. Маркиз д'Ажуда билан Рошфидлар, виконтессанинг маркиз билан аразлашиб яна ярашганини кўриб, де Босеан хонимни бў-лажак никоҳ ҳақидаги фикрга кўнишишга ва табиатнинг ўзи одам учун яратгани бу ҳодиса йўлида, ниҳоят, өрталаб-ки учрашувларидан воз кечишга рози бўлади деб ҳисобла-шарди. Шундай қилиб, д'Ажуда ҳар куни минг хил энг муқаддас қасамларни такрорлаб, кўзбўймачилик ўйинини олиб борар, виконтесса эса бу алдовларга бажону дил ишо-ниб келарди. Унинг энг яхши дугонаси, терцогиня де Лан-же виконтесса тўғрисида: «Шартта ўзини деразадан оти-ши ўрнига, у зинадан думалаб тушди»,— деб ўз фикрини билдириди. Нима бўлганда ҳам, қуёш ўзининг охирги нур-ларини виконтесса Парижда қанча вақт қолган бўлса, шун-ча вақт сочиб турди. Қариндошига нисбатан кўнглида қандайдир хурофий меҳрибонлик ҳис қилган виконтесса бу вақт ичидаги ёш йигитга анча ёрдам қилди. Эжен унга катта садоқат кўрсатди, аёл киши ҳолига ҳеч ким на ачи-надиган ва на уни юпатадиган бундай вазиятда Эжен унга чин юракдан раҳмдиалигини ошкор қилди. Бундай пайт-ларда аёлларга ширин сўз айтадиган әркаклар ҳам учрай-ди, аммо у әркаклар ширин сўзни бирор мақсадни кўзда тутиб айтадилар.

Нусинген хонадонига ҳужум қилишдан олдин, Растинь-як шахмат тахтасида ўз доналарининг қай вазиятда экан

нииц яхшилаб бир кўздан кечирмоқчи бўлди; бунинг учун у Горио отанинг аввалги ҳаётини ўрганиб чиқмоқчи бўлди ва бу борада аниқ маълумотлар тўпладики, улар қуидагилардан иборатдир.

Революциягача Жан-Жоашен Горио оддий вермишельчи ишчи әди, у шундай эпчил, тежамли ва уддабурон йигит әдик, 1789 йилда сира кутилмаганда дастлабки қўзғолонда қурбон бўлган хўжайнининг корхонасини сотиб олди. У кепон яқинидаги Жюсьен кўчасига ўрнаши ва ўша хавфли вақтдаги энг нуфузли одамлар ҳимояти остида савдо-сотиқ ишларини юргизиб юбориш учун шу соҳа секциясига раислик қилишни бўйнига олиб, жуда фаросатли одам эканини кўрсатди. Унинг бойиб кетишига мана шундай айёрлик билан тутилган иш асос бўлди: бу бойиш ё ростдан бўлган, ё атайн қилинган очарчилик пайтида бошланди, бу пайтда Парижда бўрдойнинг баҳоси жуда кўтарилиб кетган әди. Нон дўконлар олдида одам ўларди, аммо баъзи одамлар ана шундай қийинчилик пайтида ҳеч қандай қийинчиликсиз бақдоллик дўконларидан макарон сотиб олардилар. Ўша йили гражданин Горио шу даражада бойиб олдики, кейинчалик, фақат йирик капитали бўлган савдогаргина фойдалана оладиган ҳамма имкониятлардан фойдаланиб, савдо қила бошлади. Лекин қобилиятли одамларнинг ҳаммаси қандай кун кечирса у ҳам шундай яшади. Ўтра миёна одам бўлгани туфайли жонини омон сақлаб қолди. Бундан ташқари, унинг бойлигига ҳеч ким ҳасад қилмасди, чунки унинг бадавлат өканлиги, бойлар таҳдиддан халос бўлганларидан кейингина ошкор бўлди. Унинг бутун ақла-фаросати, кўринишдан, нон савдосига сарфланган әди. Гап ғалла, ун, ёрма, уларнинг сифати, қаердан келтирилгани, қандай сақлаш кераклиги тўғрисида боргандা, доннинг баҳоси келгусида қандай бўлишини, ҳосил кам ё мўл бўлишини олдиндан айтиб беришда, бугдойни арzon-гаров сотиб олишда, уни Сицилияда ё Украинаада ғамлаб қўйишда унга тенг келадиган одам топилмасди. Унинг ўз ишларини қандай эпчиллик билан олиб боришини, мамлакатда бурдой олиб келиш ёки ундан бурдой олиб чиқиш тўғрисидаги қонунларни таҳдил қилишини, уларнинг руҳини чуқур билишини ва баъзи камчиликларини кўрсатиб беришини кўриб, Горио министр бўлса ҳам уддалай оладиган одам деб ўйлаш мумкин әди. Сабртоқатли, гайрат, шиҷоатли, серҳаракат, гапида маҳкам турадиган, мақсадига эришишда тез иш кўрадиган, ўз иши

соҳасида бургутдек ўткир кўэли Горио ҳаммадан олдин ҳаракат қилас, ҳамма нарсани олдиндан кўрар, ҳамма нарсани билар ва ҳамма нарсани ичиди сир сақлар, у фикр қилишда — дипломат, сафарда — солдат эди. Аммо ўз иши соҳасидан четга чиққанди, ўзининг оддий ва қоронги дўконидан кўчага чиқиб, бўш вақтларида эшик кесакисига суюниб дам олиб ўтирганда, Горио яна аввалгидек тўпори ва калтафаҳм ишчига айланаб қолар, оддий нарсаларга ҳам ақли етмас, маънавий лаззатлардан маҳрум одамга айланаб қоларди, театрда ухлаб ўтирас ва Парижнинг тўпорилиги билан машҳур бўлган Долибанларидан\* бири бўларди қоларди. Бу тоифадаги одамларнинг деярли ҳаммаси бир-бирига ўхшаган бўлади. Лекин уларнинг ҳар бири қалбida юксак ҳиссиятларни учратишингиз мумкин. Вермишелчининг бутун миясини савдо-сотиқ банд қилиб олганидек, қалбининг бутун ҳароратини икки кучли ҳиссият тамомила қамраб олган эди. Брида яшовчи бир бадавлат фермернинг ёғиз қизи бўлган хотини эрининг чексиз яхши кўрадиган одами бўлиб қолди, хотинига у худога сажда қилғандек сажда қоларди. У ўша нозик, лекин маънавий жиҳатдан кучли, меҳрибон ва азиз бўлган, ўз табиатига тамом тескари табиатли хотинини еру кўкка ишонмасди. Агар эркак кишининг табиатида туфма ҳиссият мавжуд экан — бу ҳиссият ўзидан заиф кимсани ҳамма вақт ўз ҳимояси остида сақлай олишидан ғурурланишdir. Бунга муҳаббат деган нарсани, ҳамма соф виждонли одамларнинг лаззат оладиган манбаига бўлган қизғин миннатдорчилигини қўшсангиз, маънавий ҳаётдаги ўзига хос жуда кўп ишларга тушунасиз қўясиз. Етти йил ҳузур-ҳаловатда яшаганларидан кейин вермишелчи хотинидан жудо бўлди — бу баҳтининг кетгани эди: хотини секин-аста муҳаббатдан бошқа жиҳатлар бўйича ҳам уни қўлга ола бошлиған эди. Эҳтимол, у бу орқада қолга одамга мавжуд муҳит ва ҳаёт ҳақида сабоқ бериб, унинг ақлини ривожлантирган бўлармиди. Хотини ўлгандан кейин болаларига бўлган меҳр-муҳаббати телбалик даражасига етди. Хотинининг ўлими туфайли чуқур изтиробга маҳкум этилган қайноқ муҳаббатини у фарзандларига қаратди. Қизлари ҳам дастлабки пайтларда ота муҳаббатига муҳаббат билан жавоб бериб юрдилар. Савдогарлар ҳам, фермерлар ҳам Горонон ўзига куёв қилишга роса уриниб кўрдилар, аммо ҳар қандай фойдали никоҳлардан ҳам воз кечиб, у тул қолишга аҳд қилди. Эркаклар орасида вермишелчининг

бидан-бир илтифотига сазовор бўлган одам — қайнатаси. гарчи хотини ўлиб кетган бўлса ҳам Горои унга содиқ бўлиб қолишига аҳд қилган, деб таъкидларди. Каппондаги савдогарлар бундай телбаларча вафонинг маъносига тушуна олмай, уни масхара қилиб кулишарди, Гороига ҳатто аллақандай қулгили бир лақаб ҳам қўйишганди. Лекин улардан бири, навбатдаги олди-соттидан кейин ичib олиб, Гороонинг лақабини ҳаммага овоза қилганди, вермишечи унинг елкасига чунонам боллаб мушт туширдики, масхара-боз Олбен кўчаси бурчагидаги тумба олдига бориб тушди. Гороонинг чексиз садоқати, қизларига бўлган чексиз муҳаббати, улар устида парвона бўлиши, ҳаммага маълум бўлиб кетди: кунлардан бир кун унинг савдо соҳасидаги рақобатчиларидан бири уни бозордан чиқариб юбориш, бозорда ўзи қолиб, уннинг баҳосини яна ошириш мақсадида Гороига, Дельфинани арава уриб кетган әмиш, деб ҳабар қилди. Ранги мурданикидек оқариб кетган вермишечи ўша заҳотиёқ бозордан кетиб қолди. Алдамчининг хабаридан у шу қадар хилма-хил хаёлларга бордики, ҳатто бир неча кун бетоб бўлиб ётиб ҳам қолди. Горои у одамни елкасига турзидек мушт тушириб қақшатиб ўтирмади, лекин алдамчининг аҳволи оғирлашиб турган пайтни топиб туриб, уни хор-зор қилди-да, бозордан бутунлай қувди.

Иккала қизининг тарбияси жуда бемаъни олиб борилгани ўз-ўзидан маълум. Илига олтмиш минг франк даромад қилишига қарамай, Горои ўзига бир минг икки юз Франк ҳам сарфламасди, лекин қизларининг ҳар бир истагини жойига етказишини баҳт деб биларди: қизларига энг яхши мураббийлар ҳамма соҳадан сабоқ беришарди; қизларни компаньонка назорат қилиб турарди, буларнинг баҳтидан бўлиб, у ақлли ва дидли хотин әди; қизлар от миниб сайрга чиқишар, ўз аравалари бор әди — қисқаси, илгариги вақтларда бирор қари, бадавлат амалдорнинг маҳбубаси қандай дабдаба билан кун кечирган бўлса, қизлар ҳам шундай яшашарди; улар нимани хоҳлашса, у буюм қанчалик қиммат туришига қарамай, ота уларнинг истагини бажо келтиришга ошиқар, бу қилган иши әвазига қизларидан фақат ширин сўз ва меҳр кутарди. Бечора, қизларини фаришталар билан тенгглаштириб, бу қилимиши билан уларни ўзидан ҳам юқорига қўяр; унинг учун ҳатто қизларининг қилган ёмонликлари ҳам азиз әди. Қизларининг бўйи етиб, әрга тегадиган бўлишганда, улар ўз хоҳиш ва майлларига қараб әр танлаш имконига әга бўлдилар:

ҳар бир қизига у ўз давлатининг ярмини сеп қилиб берди. Ўз латофати билан граф де Рестони маҳлиё қилган Анастази оқсусяклар орасига киришни орзу қилди, олий табақалар орасига кириб олиш учун у отаси уйини ташлаб, турмушга чиқиб кетди. Дельфина пулни яхши кўрарди, шунинг учун, ўзи немис бўлса ҳам, Муқаддас Румо империясининг барони бўлиб қолган\* банкир Нусингента турмушга чиқди. Горио вермишелчи бўлиб қолаверди. Лекин кўп ўтмай куёвлари ҳам, қизлари ҳам унинг илгаригидек савдо билан машгул бўлиб юрганини ўз шаънларига ярашмаган иш деб топдилар, ваҳдоланки унинг бутун ҳаётини мана шу савдо билан чамбарчас боғланган эди. Горио беş йилгача уларнинг гапига кирмай юрди; ниҳоят, бир кун келиб уларнинг гапини ерда қолдирмай, савдо-сотиқни ташлади; дўконини сотди, яна кейинги йилларда қиаган савдо-сотиқдан ўзига тузуккина пул орттириб олди; Воке хонимнинг уйига кўчиб келганида, уй бекасининг тахминича, саккиз-ўн минг ливр йиллик даромад келтирадиган даражада пули бор әди. Горио, куёвларининг талабига биноан қизлари уни уйида туришигагина әмас, балки очиқ қабул қилишга рози бўлмаганларини кўргандан кейин, аламидан Воке уйига келиб тиқилган эди.

Горио отанинг дўкомини сотиб олган жаноб Миоре берган барча маълумот мана шулардан иборат. Шундай қилиб, геордогиня де Ланженинг Растињяк олдида айтган тахминлари тўғри бўлиб чиқди. Шу билан биз парижликлар ҳаётидаги фожианинг, сирли, аммо даҳшатли фожианинг муқаддимасини тамомлаймиз.

Декабрь ойининг биринчи ҳафтаси охирида Растињяк иккита хат олди: биттаси онасидан, иккинчиси катта синглиси Лорадан эди. Таниш қўллар билан ёзилган иккала хат уни ҳам ҳувур бағишловчи титроққа солди, ҳам даҳшатга солиб қалтиратди. Шу иккита шидироқ қоғоз унинг умидларига ҳукм олиб келганди — яшashi ё ўлиши шунга қараб бўларди. Ўз оиласининг қашшоқлигини ёслаганда, уни аллақандай қўрқинч босар, лекин шу билан бирга Эжен уйидагиларнинг уни жуда яхши кўришига шундай ишончи комил әники, уларнинг охирги томчи қонигача сўриб олиши ҳам мумкин эди. Онасининг хати қўйидаги мазмунда эди:

«Нуридийдам, сўраган нарсангни юбордим. Бу пулларни Фойдали ишларга сарфла, негаки ҳаёtingни сақлаб

қолищ учун керак бўлса ҳам, бунчалик кўп пулни отангга билдирамай яна бир марта тўплаб юбора олмайман, отангга билдиргудек бўлсан, оиласиз тинчи бузилади. Яна бир марта пул сўрайдиган бўлсанг, еримизни гаровга қўйишдан бўлақ иложимиш қолмайди. Тузган режаларингни билмаганим учун бу тўғрида бир нарса дейишга ожизман, лекин бу тўғрида менга очиқ айтишдан қўрқибсан, нима ишлар қилмоқчисан ўзи? Буни тушунтириш учун қанчадан-қанча дафтарларни тўлдириб ўтиришнинг сира ҳожати йўқ, она-лар учун бир оғиз гапнинг ўзи кифоя қилади, шу бир оғиз сўз билан кўнглим тинчийди қолади. Сендан яшира олмайман, юборган ҳатинг менга ёмон таъсир қилди. Уғлим, мени бундай ваҳимага солиб қўйишга нима мажбур қилди сени? Ҳатингни ёзib тугатгунча қаттиқ азоб чеккан кўринасан, негаки уни ўқиб чиққунча мен ҳам жуда қийналиб кетдим. Олдингга қандай ишларни мақсад қилиб қўйдинг ўзинг? Сенинг ҳаётинг ва тинчлигинг одамлардан ҳақиқий аҳволингни яшириш билан, имкони йўқ даражада пул ва илм орттираман деб, қимматли вақтингни сарф қидиш ҳисобигагина одамлар орасига кириш билан боғлиқ бўлиб қолмайдими? Ургилай, Эжен, онанг юрагига ишон: Қинғир йўл яхшиликка олиб бормайди. Сенинг вазиятингдаги йигитлар ҳар қандай ишратдан воз кечиб, сабр-тоқат билан ўқишилари керак. Сени койиётганим йўқ, юборган пулимизнинг сенга заҳар бўлиб ботишини истамайман. Айтаётган гапларим — оқ, кўнгил, әҳтиёткор онанинг гапларидир. Бурчинг нимадан иборат эканини билар экансан, унда хотиржамман, негаки сенинг қалбинг нечоглиқ поклигини, ниятинг қанчалик ҳолислигини мен билмасам, ким биласин. Демақ, сира қўрқмасдан:— Бор, тасаддуқ, ҳаракатингни қилавер,— деб айта оламан. Мен чўчияпман, негаки, ҳарна бўлганда ҳам онаман, лекин биз оналарнинг тоат-ибодатларимиз ва қилган дуоларимиз ҳар қадамингда сенга мадад бўлади. Эҳтиёт бўл, қўзичогим. Сен катта кишилардек ақдли бўлишинг керак, ахир, сен унун қимматли бўлган беш жоннинг тақдиди сенинг ақл-идрокингга боғлиқ бўлиб турибди. Ҳа, бизнинг қисматимиз сенинг қўлингда, сен баҳтли бўлсанг — бизнинг баҳтли бўлганимиз. Биз бу ерда худога илтижо қилиб, сен қилмоқчи бўлган ишларга ундан мадад тилаб ўтирамиз. Шундай кунда Марсийяк холанг жуда катта ҳиммат кўрсатди; менга қўлқоп тўғрисида ёзив юборганинг унинг ўзи фаҳмлаб қолди. «Ҳа, катта жиянимни ҳаммадан яхши кўраман»,— деди у хур-

санд бўлиб. Эжен, холангни ҳурмат қил: унинг сенга қилган яхшилигини, ниятларингга етганингдан кейин айтиб бераман, борди-ю, ўйлаган ниятингга ета олмасанг, холанг берган пуллар қўлингни куйдиргани куйдирган. Сиз болалар ёдгорлик буюмлардан жудо бўлишнинг нақадар оғирлигини билмайсизлар! Лекин сизларни деб не-не нарсаларимиздан воз кечмаймиз! «Жиянимнинг пешонасидан ўпаман, токим бу бўса уни доимо муввафқиятларга бошлиласин», деб ёзиб юбор,— деди менга холанг. У олийҳиммат, ажойиб аёл; агар хирагра\* касали бўлмаганда ўзиям сенга хат ёзиб юбормоқчи эди. Отанг соғ-саломат юрипти. Бу 1819 йил ҳосили мўлжалимииздан ҳам мўл бўлди. Энди хайр, ўғлим. Сингилларинг тўғрисида ҳеч нима демайман: Лоранинг ўзи сенга хат ёзяпти. Оиламиизда юз берган икир-чикир ҳодисалар тўғрисида гап сотиш имконини унга бера қолай. Худо ёр бўлсин сенга! О! Шундай бўлсин, илоҳо, Эжен, омадинг келсин: сени деб шундай ғам-ташвиш чекдимки, иккинчи мартасига дош бера олмайман. Уғлингга пул юбориш зарур бўлса-ю, ўзинг камбағал бўлсанг, шундай пайтда, нега бой бўлмаган эканиман, деб ўйлашнинг нақадар оғир эканини мен бошимдан ўтказиб билдим. Ҳўп, омон бўл. Бизни хат-хабарсиз қолдирма, ҳатимнинг охирида сени маҳкам қучиб ўпиб қоламан».

Эжен хатни ўқиб бўлганда, юзидан кўз ёшлари дув-дув оқиб тушмоқда эди; у қизининг векселини тўлаш учун кумуш идишни сотгани бураб-бураб юмадоқлаган Горою отани эслади. «Сенинг онанг ҳам ўз қимматбаҳо зийнатларини «юмалоқлаб» сотган!— дерди у ўзига ўзи.— Узининг ёдгорлик бўлиб қолган зийнат буюмларини сотаётганда холанг бечора ҳам роса йиғлагандир! Шундай экан, Анастасиини сўкишга нима ҳаққинг бор? Бундай ишни у ўз ўйнашини деб қилган экан, сен ўзингнинг шахсий истиқболингни ўйлаб қилдинг. Ким яхшироқ: сенми ё у?» Студент ичи ўт бўлиб ёниб кетганини ҳис қилди. Ҳозир у олий табақа даврасида ҳаёт кечиришдан воз кечишига ҳам, бу пулларни қайтариб юборишга ҳам тайёр эди. У олижаноб ва соғ виждоннинг пинҳона азоб чекиши қандай бўлишини бошидан кечирди, одамлар ўз яқинларининг бундай қилишидан гапиришар экан, бу хилдаги ишларга камдан-кам қойил қолиб тўғри баҳо берадилар, гарчи ер юзининг юристлари буни қораласалар ҳам, осмон Фаришталари буни

дай жиноятчиларнинг гуноҳидан ўтадилар. Эжен синглисинг иффат ва латофат тўла ёзилган хатини очиб ўқиркан, дарҳол дарди енгиллаши:

«Акажон, ёзган хатинг жуда вақтида етиб келди. Агата билан иккаламиз пулимизга ул-бул сотиб олмоқчи эдигу, фақат галимиз бир ердан чиқмай, нима олишни билолмай юргандик. Сен ҳам испан қиролининг хизматкори хўжайинининг ҳамма чўнтак соатларини ерга тушириб юберганда эришган нарсага етишдинг: бизни битиширидинг. Биз акажон, чиндан ҳам, иккаламизнинг ҳам истагимизни рўёбга чиқарадиган нарсани тополмаганимиздан, бир гапга келолмай гижиллашиб юрган эдик. Агата суюниб кетганидан дикир-дикир сакрай бошлади. Ҳуллас, хурсанд бўлганимиздан, то кечгача ўзимизни қаерга қўйишни билмай юрдик, бу ишимиз шундай сезиларли даражага (холамнинг ибораси) бориб етдики, ойим жаҳл билан: «Нима бўлди сизларга, а?»— деб сўраб қолди. У бизни өзгина уришиб берганда, ўйлайманки, яна ҳам хурсанд бўлардик. Яхши кўрган одами учун изтироб чекиши аёл кишига катта лаззат бағишлайди! Шундай хурсанд бўлишимизга қарамай ёлғиз мен ўйга толиб, хафа бўлиб қолдим. Мен эрга текканимда ёмон хотин бўлсан керак, нега десанг пулни ҳар балога исроф қиласман. Мен ўзимга иккита белбоғ, корсетим орасидаги тешикларни беркитиш учун яхшигина пунсон сотиб олувдим, ҳуллас қаёқдаги қаланғи-қасанғи нарсаларга пул сарф қилиб қўйгандим, натижада, менинг пуллим бақалоқ Агатаникidan анча камайиб қолганди, нега десанг у режали-тежамли қиз, пулларини хаккадек тўплаб юради — унинг пули икки юз франк экан. Менини эса, акажоним, бир юз әллик франк қолипти, хөлес. Қиласмиш им учун роса таъзиримни едим, кўзимга ёмон кўршиб кетган белбоғларимни қудуққа ташлаб юборгим келди, уларни кўргани кўзим йўқ. Сенинг ҳаққингни ўғирлаган бўлиб чиқдим. Агата бирам ақлли қизки, нима деди дегин-а: «Уч юз әллик франкни иккаламиз номимиздан юбора қолайлик!»— деди. Ҳамма гапни батафсил гапириб беришдан ўзимни тия олмайман. Айтганларингни бажариш учун нима қиласминизни биласанми? Ўзимнинг зифирдек пулларимизни олиб, айланиб келгани чиқиб кетдик, аммо катта йўлга чиқиб олишимиз биланоқ Рюфекка қараб югардик, у ерга бориб, пулларимизни Қирол почта алоқа-

си конторасининг хўжайини жаноб Гrimбертга топширдик! Шундан кейин уйга худди қушдай енгил бўлиб учиб келдик. «Балки баҳти бўлганимиз учун шундай енгил тортгандирмиз?»— деб қўйди Агата. Иккаламиз бир-биримизга жуда кўп гапларни гапириб юбордик, аммо у гапларни; жаноб парижлик, сизга такрорлаб ўтирамайман. Суҳбатимизнинг мавзуи асосан сиз өдингиз. Акажонгинам, сени жудаям яхши қўрамиз, гапимиз ана шу. Сир сақлашга келганда өса, холамнинг гапига қараганда биз шунақаям юраги дарё одамлар өмишмизи, ҳар қандай сирни ҳам ичимиизда яшириб, пинҳон тутишга қурбимиз етади. Ойим билан холам ўзларининг юксак сиёсий мақсадлари ҳақида ҳеч нарса демасдан, ҳеч кимга билдиримай Ангулемга бориб келишди, бу сафардан олдин узундан-узоқ мажлис қурилди, лекин бу мажлисга биз ҳам, шунингдек жаноб барон ҳам киритилмади. Растињяклар давлатида буюк ташаббусга донолар бош қўшяпти. Сарой хонимлари аввалгидек малика олий ҳазратлари учун нафис ҳошияли муслин кўйлаклар тикиш билан бандлар, бу иш жуда сир сақланган ҳолда олиб борилмоқда; фақат икки жойда оз-оздан чаласи бор. Вертәй тарафдан девор олмаслик тўғрисида қарор қабул қилинди, у тараф фақат четан девор билан тўсиб қўйилади. Маҳаллий аҳоли ўша тарафдан дарахт ва ишкомлардан мева ейиш имконидан маҳрум этилди, бунинг ҳисобига мусофиirlар учун чиройли маңзараларни томоша қилиш имкони қолдирилди. Мабодо валиаҳд дастрўмолчага зарур бўлиб қолган өрсалар, у жанобга етиб маълум бўлсинки, беваликда умр кечираётган малика де Марсийяк ўзининг Помпей ва Геркуланум деб номи чиққан сандиқларидаги ҳазиналари орасини титкилаб кўриб, хотираларидан тамоман фаромуш бўлган, голланд шоҳисидан тикилган бир нимарса топдилар; маликалардан Лора ва Агаталар иғна, ип ва илгаригидек қип-қизил қўлларини ул олий ҳазратларининг ихтиёрига топширадилар. Иккала ёш шаҳзода — дон Анри билан дон Габриэль ҳали ҳам бурунларидан чиққунча шинни ейиш одатларини, опаларининг жигига тегиш, ҳеч нима ўқимаслик, қушларининг инини бувиш, шовқин-сурон солиб юриш ва давлат қонунлари ман өтган бўлишига қарамай, тол новдаларини кесиб, ҳасса ясащдек ярамас одатларини тарқ өтишгани йўқ. Папа вакили, содда қилиб айтганда — бизнинг руҳоний отамиз эса, уларга бундан кейин ҳам хат-савод ўрганиш ўрнига лақиллаб юришни одат қиладиган бўлсанглар, сивларни

черков ҳимоясидан чиқарип юбораман, деб дўқ-пўписа қилиб қўядилар.

Хайр энди, акажон, ҳеч вақт биронта ҳам хатда сенинг баҳтли бўлишингни бу қадар тиламаган, бу қадар меҳро-муҳаббатимизни изҳор қилмаган эдик. Бу ерга келганингда бизга айтиб берадиган гапларинг жуда кўп бўлади! Мен катта синглингман, шунинг учун ҳам менга ҳамма гапнингни айтасан. Холам сенинг зодагонлар даврасида муваффақият қозонаётганингни бизга шипшитиб қўйди.

Сўзлашишар фақат-фақат жононлар ҳақда.

Бу бизнинг тўғримиэда, албатта! Биласанми, Эжен: хоҳласанг, биз дастрўмолчасиз ҳам кун кўра оламиз, ўрнига сенга кўйлак тикиб юборамиз. Бу тўғрида бизга тезроқ жавоб ёзиб юбор. Агар сенга пухта ва чиройли қилиб тикилган кўйлак жуда зарур бўлса, биз ҳозироқ ишга ўтирамиз; Парижда биз билмайдиган фасонлар бор бўлса, нусхасини юбор, айниқса манжетидан. Хайр, омон бўл! Пешонангнинг чап тарафидан — фақат менини ҳисобланган чаккангдан ўпиб қоламан. Ёзилмаган бир бет қофозни мен ёзганларимни ўқимаслик шарти билан Агата учун қолдирдим. Ушанда ҳам кўнглим тўқ бўлсин учун, у хатини ёзиб тугатгунча олдида тураман. Сени яхши кўрувчи синглинг

*Лора де Растиньяк».*

«О, албатта, албатта, бойлик орттириш керак, нима қилиб бўлса ҳам! — деб таъкидларди ўзига ўзи Эжен.— Бундай садоқатли меҳро-муҳаббатнинг қадрига етиш учун ҳар қанча хазина ҳам камлик қилади. Қани энди уларни бира-тўла баҳтли қила олсам!.. Бир ярим минг франк! — деб пиҷирлади у, бирпасдан кейин.— Бу пулнинг ҳар бир франки кўзланган мақсадга сарфланиши керак! Лора тўғри айтади. Ҳудо ҳақи! Ҳамма кўйлакларим оддий матодан тикилган. Қиз шўрлик акасининг баҳти йўлида ўғридек айёр бўлиб кетибди. Бу оқ кўнгил қиз фақат мен туфайли əҳтиёткор бўлиб қолипти; бу фариштанинг фоний дунёдаги гуноҳлардан хабари йўқ бўлса ҳам, уларни кечиради!»

Энди зодагонлар даврасига йўл очилди! Машиначи чақирилди, суҳбатлашилди, ром қилинди! Растиньяк ёш йигитлар ҳаётида кийим тикувчининг қандай катта роль ўй-

нашини Максим де Трайни кўрганидаёқ тушуниб олган эди. Аммо машиначи кийимни тикишига қараб ё одамнинг дўсти, ё ашаддий душмани бўлади.— Унинг тўғрисида бошқача тушунчанинг бўлиши мумкин эмас. Эжен топган машиначи ўз ҳунарини оталарча йўл-йўриқ кўрсатувчи касб деб тушунадиган ва ўзини ёш йигитларнинг ҳозирги ҳаёти билан келгуси ҳаётини улаб турадиган занжир деб ҳис қиласидиган одам бўлиб чиқди. Кейинчалик, сўзга чечалиги билан донг чиқарган Растинъяк битта ўткир гапи билан машиначини бадавлат одам бўлиб кетишига ёрдам берди.

— Мен,— дерди Растинъяк,— у тиккан иккита шимни биламан; у шимлар иккита никоҳга ва никоҳлар оқибатида кўёвнинг йилига йигирма минг франкдан даромад олишига сабабчи бўлган.

Бир ярим минг франк эвазига кўнглингга сиққанича франклар! Бечора жанублик йигит бундай пайтларда энди ҳеч нарсадан шубҳа қилмас эди, шунинг учун ҳам нонуштага тушиб келар экан, ёнига унча-мунча пул тушиб қолганидан кейин босар-тусарини билмай қоладиган ҳамма йигитлар сингари жуда ўзгариб кетган эди. Студентнинг чўнтағига пул тушдими, шу заҳоти кайфияти афсонавий тош устунлардек кўкларга қўтарилиб кетади-да, ўзини ўша юксак пъедесталда ҳис қила бошлайди. Студентнинг қадам қўйиши дарров чиройли бўлиб кетади, ҳар бир ишни дадил қиласидиган, одамларга тап тортмай тик қарайдиган, тез ҳаракат қиласидиган бўлиб қолади; кечагина у тортинчоқ, мўминтой, ҳатто қалтак еса ҳам индамай кетишига рози эди, әртага эса ўзи бош министрни калтаклашдан ҳам тап торгмайдиган бўлиб қолади. У аллақандай ҳолатни бошидан кечиради: унинг кўнгли ҳамма нарсани тусайди ва истаган ишини қила олади, мияси тўла чалкаш фикрлар, ўзи шодхуррам, қўли очиқ ва дилкаш. Қисқа қилиб айтганда, қаноти йўқ қушга улкан қанот баҳш этилгандек. Пули йўқ студент аҳён-аҳёнда бир роҳат қилиб қолади — у минг хил хавф-хатарлар орасидан чап бериб ўтиб, суяқ ўғирлаб қочган ва пастқам ерни топиб олиб кўмигини шимадиган, сўнг яна ўз йўлига қараб кетадиган итни эслатади; лекин ёш йигитнинг ёнида олтин жаранглаган ҳамёни бўлса, мазза қилиб кайф-сафо суради, олаётган лаззат муддатини чўзишга ҳаракат қиласиди, ўзидан-ўзи мамнун бўлади, «қашшоқлик» деган сўзнинг маъносини тамом унугиб, ўзини арш-аълода ҳис қиласиди. Бутун Париж унинг фармонига

мунтазир. О, ҳамма нарса ярқираб, учқунлар сочиб ва алангланиб ётган ёшлиқ даври, аёллар ҳам, әркаклар ҳам умрини бекор ўтказиб кайф-сафога берилган давр! Қарздорлик ва муттасил юрак ҳовучлаб юрадиган давр — бу эса турмуш лаззатини яна минг ҳисса ошириб юборади! Сена дарёсининг чап соҳилидаги, Сен-Жак кўчаси билан Сен-Пер кўчалари оралиғида\* бўлмаган киши инсон ҳаёти нима эканини асло тушумайди!

— «О, агар парижлик аёллар буни билишса, ишқ-муҳаббат ахтариб шу ерга келишган бўлар эди!»— Растинъяк ўзига ўзи шундай деб, бева Вокенинг донаси бир лиар турадиган пиширилган нокларини пақкос тушира бошлади.

Шу пайт Қирол почта алоқалари конторасининг ходими панжарали кўча әшикнинг қўнғироғини чалиб, емакхонага кириб келди. У жаноб Эжен де Растинъяк ким бўлади, деб сўраб, унинг олдига икки ҳамён пул билан имзо чекиши учун квитанция қўйди. Вотрен Растинъякка шундай қаттиқ тикилдиди, бу қараш гўё уни қамчи билан савалагандек таъсир этди.

— Шамширбозлик сабогини ҳам, тирда ўқ отиш санъатини ҳам ўрганиш имкони туғилибди-да,— деди у Эженга.

— Ахирги галионлар\* етиб келибди!— деб юборди Воке пул тўла ҳамёнларга қараб.

Мадемуазель Мишондо ўзининг очкўзлигини сездириб қўймаслик учун пулга қарашдан қўрқарди.

— Онангиз меҳрибон экан,— деди Кутюр хоним.

— Онаси меҳрибон экан,— деб такрорлади Пуаре.

— Ҳа, ойижони охирги қўр-қутларидан ажрабди,— деди Вотрен,— энди таъбингизга келган ишни қиласверасиз, олий табақа кишилар орасига кирасиз, сепи катта қизларга тузоқ қўясиз ва сочига шафтоли гули қистирган графиняларни танцага таклиф этасиз. Лекин менинг гапимга инонинг, йигитча, тирга ҳам тез-тез кириб туринг.

Вотрен гўё душманни мўлжалга олаётгандек ҳаракат қилди. Растинъяк почта ходимига чой пули бермоқчи эди, аммо ёнида майдада пули йўқ экан. Вотрен чўнтагини кавлаштириб, йигирма су топиб ходимга ташлади.

— Сизга қарз бериб туришга доим тайёрман,— деди, у, студентга қараб туриб.

Гарчи Растинъяк де Боссан хонимникидан қайтиб келган кундан бери бу кишини ёмон кўриб қолган бўлса ҳам. унга ташаккур билдирид. Сўнгги ҳафтада Вотрен билан Растинъяк учрашгандা индашмас ва фақат бир-бирларини

кузатишарди. Бунинг сабаби нима әкан деб студент бекордан-бекор бош қотирарди. Шубҳасизки, фикрлар узоқдан туриб ўз манбаи ҳисобланмиш кучга тўғри мутаносиб ра-вишда ҳаракат қиласи ва Мортимердан отилган бомбани бошқарадиган қандайдир математик қонунга ўхшаган би-рор қоидага асосан айнан мия йўналтирган нуқтага бориб урилади. Бунинг натижаси ҳар хил бўлиши мумкин. Юм-шоқ табиатли одамлар бўладики, бундай одамларнинг дили кўнгилга чуқур жойлашиб олган ўзгаларнинг фикридан вайрон бўлади; аммо шундай мустаҳкам иродали одамлар ҳам учрайдики, бундай одамларнинг мия қопқоғини гўё бронзадан қўйилган дейсиз,— деворга отилган ўқ унга урилиб ерга тушганидек, ўзга кишининг фикри ҳам унга урилиб пачақ-пачақ бўлади; булардан ташқари ожиз ва бўш табиатли одамлар ҳам бор: бундайлар миясига бошқа одамларнинг фикри траншея устига сепилган қумга чўккан ядролардек оппа-осон чўкиб иситаверади. Растињакнинг мияси порох билан тўлдирилган ва озгина учқундан портлаб кетишига тайёр турган одамларнинг миясидан эди. Растињак ёшлиарга хос қизғин эҳтиросларга тўла йигит эди, шу сабабли кишини беихтиёр ўзига тортиб кетадиган ажойиб фикрлар таъсирига, ўзига ром қилиб қўядиган эҳтирослар таъсирига берилиб кетмай иложи йўқ эди. Қалбидаги эҳтиросларнинг ўткирлиги барсники сингари кўзларининг ўткирлигидан қолишимасди. Ҳақиқатни икки ёқлама (ҳам ақли, ҳам ҳислари билан) шу қадар нозик ва чуқур ҳис қиласи эдики, алоҳида истеъоддога эга бўлган одамларгина, масалан, рақиби қандай совутга ўралган бўлишига қарамай, унинг ҳимоясиз ерларини биро лаҳзада сезиб оладиган моҳир шамширбозлар шундай одамлар бўлади. Шуниси ҳам борки, кейинги ой ичida Растињакнинг орттирган камчиликлари унинг фазилатларидан камлик қилмасди. Бу камчиликларнинг юзага келишига зодагонлар даврасининг талаблари ва тобора ортиб бораётган хоҳиш-истакларининг зўрлиги сабаб бўлди. Унинг фазилатларига эса ўша жанубликларга хос қизиқёнлигини қўшиш мумкин, бундай хусусият Луара соҳилларидан келган йигитни йўлда учраган тўсиқлар устига дадил бостириб юборишига, уни енгиб ўтишга ундейди ва бир ерда тараддуудланиб туриб қолишига йўл бермайди; шимолликлар бундай хусусиятни нуқсон деб ҳисоблайдилар; уларнинг фикрича, бундай қизғинлик Мюратнинг<sup>\*</sup> кўтарилиб кетишига сабаб бўлган эса-да, айни вақтда ҳалокатига ҳам сабабчи бўлган.

Булардан шундай хуроса чиқарса бўлади: жанублик одам шимолликларнинг фирибгарлиги билан Лаура бўйларида катта бўлган одамларнинг тап тортмаслигини мужассамлаштирган ҳолда иш кўра олса, ўзига яраша етук одам бўлади ва ҳеч кимга ҳақини юбормайди.

Шундай қилиб, Эжен Вотреннинг ўзига ким бўлишини: дўст ё душманлигини аниқлаб олмай туриб, унинг замбаракларидан отилаётган ўқлар остида узоқ қола олмасди. Баъзан Эженнинг назарида бу ғалати одам унинг дилидаги гапларни уқиб, эҳтиросларини сезиб тургандек туюларди, аммо Вотреннинг ўзи биронта ҳам сирини сездирмасди, гўё у ҳамма нарсани кўриб-билиб турса ҳам, гунг сфинкснинг\* ўзгинаси эди. Энди чўнтағи пулга тўлгандан кейин, Эжен бунга дош бера олмади.

Эжен Вотреннинг ўрнидан турганини ва кетмоқчи бўлиб, кофесининг охирги ҳўпламини ичайтганини кўриб:

— Йлтимос, бирпас тўхтағ турсангиз,— деди.

— Нега әкан?— деб сўради қирқларга кирган бу одам соябонли кенг шляпасини кийиб, темир таёгини қўлига оларкан; у агар қароқчи тўртта бўлса ҳам қўрқмайман деб шу темир таёғи билан кўпинча «тегирмон» қилиб кўрсатар — таёгини гир айлантиради.

— Қарзимни бермоқчиман,— деб жавоб қилди Растињак, шошиб-пишиб ҳамёнлардан бирини очаркан; у бекага бир юз қирқ франк санаб берди.— Ҳамённингни аясанг — ёру дўстсиз қоласан,— деди у Воке хонимга.— Сильвестр байрамигача орамиз очиқ\*. Менга юз суни майдалаб берсангиз.

— Дўстингни аясанг — ҳамёنسиз қоласан, — деб тақорлади Пуаре, Вотренга қараб туриб.

— Мана йигирма су пулингиз,— деди Растињак, парик кийган сфинксга танга узатаркан.

— Мендан жиндаккина қарздор бўлишдан ҳам қўрқяпсиз деб ўйлаш мумкин!— Вотрен ўзининг ўткир кўзлари билан йигитчани тешиб юборгудек тикилди ва Растињакнинг неча марталаб жонини чиқарган истеҳзоли кулгиси билан жилмайиб қўйди.

— Эҳтимол... шундайдир,— деди ҳамёнларини қўлига кўтариб юқорига, ўз хонасига чиқиб кетмоқчи бўлиб турган студент.

Вотрен меҳмонхонага очиладиган әшик олдига келди, студент эса зина олдидаги майдончага очиладиган әшикдан чиқиб кетмоқчи эди.

— Менга ҳозир айтган гапингиз одобдан эмаслигини биласизми, маркиз де Растинъякорама? — деб Вотрен, меҳмонхонага очиладиган эшикни таёғи билан бир урди-да, уни совуқчина кузатиб турган студент олдига келди.

Растинъяк емакхона эшигини ёпиб, Вотренни зинага ўтиладиган майдончага бошлади, бу ер емакхонани ошхонадан ажратиб туарди, унда боққа чиқадиган бир эшик бўлиб, унинг тепасида темир панжара қўйилган пастак ва узун туйнук ҳам бор әди. Шу пайт Сильвия ошхонадан чиқиб қолди ва студент унинг олдида Вотренга: «Жаноб Вотрен, биринчидан, мен маркиз эмасман, иккинчидан, менинг исмим Растинъякорама эмас», — деганини эшитди.

— Улар уришади энди, — деди бепарволик билан мадемуазель Мишоно.

— Уришишади, — деб такрорлади Пуаре.

— Э, бўлмаган гап, — деди устма-уст тахланган олтии тангаларни қўли билан сийпаб ўтирган Воке.

— Ахир улар аргувон тагига кетишапти-ку! — деб юборди мадемуазель Викторина, у боққа қараш учун дик этиб ўрнидан турган әди... — Бечора йигит, ахир, унинг гапи тўғри-ку!

— Юринг, ўргулай, уйимизга чиқайлик, бизнинг ишимиз эмас, — деди унга Кутюр хоним.

Кутюр хоним билан Викторина ўз хоналарига чиқиб кетиш учун ўринларидан туришди, лекин оstonада бақалоқ Сильвия уларнинг йўлини тўсади.

— Бир ками шу әди энди! — деди у. — Жаноб Вотрен жаноб Эженга: «Бир очиқасига гаплашиб олайлик!» — деди. Кейин у жаноб Эженни қўлтиқлаб олди, ана улар полизимиз ёнидан ўтиб кетишяпти.

Худди шу пайт Вотрен қайтиб кириб қолди.

— Онахоним, — деди у илжайиб туриб, — қўрқманг, ҳозир аргувон остида мен тўппончаларимни синаб кўрмоқчиман.

— О, жаноб Вотрен, нима учун Эженни ўлдиromoқчилиз? — деди Викторина, қўлларини бир-бирига уриб.

Вотрен орқага икки қадам чекиниб, бирпас Викторинага тикилиб туриб қолди.

— Ана ҳолес! — деб юборди у, ҳазил арадаш; бундан қиз бечора қизарив кетди. — Рост-а, йигит тушмагур дуруст бола, а? — деб қўшимча қилди у. — Миямда ажойиб бир Фикр тугдирдингиз, яхши қиз. Иккалангизни ҳам баҳтиёр қиласман.

Кутюр хоним ўз тарбиясидаги қизнинг қўлтиғидан олиб, қулоғига:

— Менга қаранг, Викторина, бугун мени жуда ҳайрон қолдиридингиз,— деди-да, юқорига бошлаб чиқиб кетди.

— Уйимда тўппонча отишингизни истамайман,— деб қолди Воке хоним.— Ҳозир ҳамма қўшинарни бошимизга йиғасиз, полиция ҳам келади.

— Хўп, бўпти, жим, онахон Воке,— деб жавоб қилди Вотрен.— Бай-бай, хўп дедик-ку, биз тирга бора қоламиз.

У Растињак олдига бориб, дўстона вазиятда унинг қўлтиғидан олди.

— Борди-ю,— деди у,— тирда қарға тузга ўттиз беш қадам жойдан кетма-кет беш марта теккиза олсан, ҳову-рингиздан тушасизми? Менинг ўйлашимча, бир оз тентакроққа ҳам ўхтайсиз, аҳмоқлардек ўлдириб юборишимига йўл очиб беряпсиз.

— Гапингиздан қайтиб қолдингиз дейман,— деди Эжен.

— Энсамни қотирманг,— деб огоҳлантириди Вотрен.— Бугун кун совуқ эмас, ҳув анави ерга бориб ўтирамиз, юринг,— деб таклиф қилди у кўк скамейкаларни кўрсатиб.— Ўша ерда гапимизни ҳеч ким әшифтмайди. Сиз билан гаплашиб олишим керак. Сиз яхши йигитсиз, мен эса сизга ёмонликни раво кўрмайман, бу Об... (туф-е, эсим қурсин!) Вотреннинг чин сўзи — сизни ҳатто яхши кўраман ҳам. Сизни нима учун яхши кўрганимни кейинроқ айтиб бераман. Ҳозир эса, сизни гўё ўзим бунёд қилгандек, мири-нгииздан сирингизгача жуда яхши биламан, буни исбот қилиб ҳам бераман. Ҳамёнларингизни мана бу ерга қўйинг,— деди у думалоқ столни кўрсатиб.

Растињак пулларини столга қўйди ва уни ҳозиргина ўлдирмоқчи бўлиб турган одамнинг муомаласи тўсатдан ўзгариб қолганидан, энди ўзини аллақандай ҳомий қилиб кўрсатаётганидан ниҳоятда ҳайрон қолиб, бунинг сабабини билишга жуда қизиқиб скамейкага ўтироди.

— Менинг кимлигимни, илгари нима иш билан шуғулланганимни ҳозир нималар қилаётганимни жуда ҳам биллингиз келади,— деб гап бошлади Вотрен.— Сиз жуда ҳам синчков экансиз, ука. Лекин тинчланинг, ҳозир анчамунча ҳар хил гапларни әшиласиз! Менинг омадим келмади. Олдин гапга қулоқ солинг. Гапингизни кейин айтасиз. Утмишими икки оғиз сўз билан айтсан, ана шу. Мен кимман? Вотренман. Нима иш қиласман? Нимани хоҳласам

шуни. Вассалом. Қандай табиатли одамлигимни билмоқчи-  
мисиз? Менга яхши кўз билан қараганларга ёки менга  
ёқкан одамларга яхшиман. Бундай одамлар нима қилсалар  
ҳам ҳатто улар оғимни босиб олишса ҳам индамайман.  
«Хей, кўзингга қара!» деб қичқирмайман. Аммо жаҳлимни  
чиқарган ёки менга ёқмаган одамларга нисбатан иблисдан  
ҳам ёмонман. Сизга айтиб қўйяй, мен учун одам ўлдириш—  
туф деб тупуришдан ҳам осон гап. Лекин ҳеч иложи қолма-  
ган тақдирдагина ўлдираман, ўлдирганда ҳам сира из қол-  
дирмайдиган қилиб ўлдираман: бу борада, мени артист  
деса ҳам бўлади. Шундай одамманки, Бенвенуто Челини-  
нинг «Хотиралар»ини ўқиганман! Каллакесар деб ана ўшани айтса бўла-  
ди, бизни минг оҳангга солиб ўлдирадиган тақдири авалга  
тақлид қилишни менга ўргатган ҳам ўша, бундан ташқари,  
у менга қачон ва қаерда бўлмасин гўзалликни севишни  
ҳам ўргатди. Бир ўзинг ҳаммага қарши борсангу, голиб  
чиқишингга ишонч бўлса, мана шундай одам ролини ўй-  
нашнинг ўзи гўзал эмасми? Мен сизларнинг ижтимоий  
тартибсизлигингизнинг ҳозирги пайтдаги тузуми тўғрисида  
кўп ўйлаганман. Дуэль, ўғлим, болалар эрмаги, аҳмоқлик.  
Дуэлда икки тирик одамдан бири ўлиши лозим бўлгандан  
кейин, фақат аҳмоқ одам ўзини тасодифлар қучогига ишо-  
ниб топширади. Ҳўш, дуэл-чи? Гардкам! Ана шу, холос.  
Қарға тузга мен кетма-кет беш марта устма-устига ўқ тек-  
киза оламан, яна ўттиз беш қадам жойдан! Мана шундай  
қобилиятинг бўлгандан кейин рақибингни ўлдира олишинг-  
га ишонсанг бўлади. Лекин бир одамга йигирма қадамдан  
ўқ отганману, теккиза олмаганман. Ўша тентак рақибим  
умрида тўппонча ушламаган одам экан. Мана, ушлаб кў-  
ринг!— деди бу ғалати табиатли одам жилетининг тугма-  
сини ешиб ва айиқнинг елкасидек сержун, жун бўлганда ҳам  
аллақандай ёқимсиз қўнғир-қизғиши жун қоплаб кетган  
кўкрагини очди; кейин Растинъяннинг бармоғини кўкраги-  
даги қандайдир чандиқ чуқурчага тиқиб кўрсатиб, гапини  
давом эттириди:— Ҳудди ўша она сути оғзидан кетмаган  
таъвия мана шундай қилиб жунимни куйдириб қўйган, ле-  
кин у вақтда ўзим ҳам сизга ўхшаган ёш бола эдим, ёшим  
йигирма бирда эди. Мен у вақтларда ҳали баъзи нарсалар-  
га, хотинлар муҳаббатига ва яна бир қанча бемаъни гап-  
ларга ишонардим, сиз ҳали ўшандай тузоққа илинасиз.  
Иккаламиз уришиб қолишимиш ҳам мумкин эди, шундай  
эмасми?! Эҳтимол, мени ўлдиредингиз ҳам деяйлик. Фараз

қилайлик, мени кўмиб ташлашдиям, хўп, сиз нима қиласиз? Швейцарияга қочиб, ўша ерда отангизнинг пулини еб ётишга мажбур бўлар әдингиз, отангизда эса пул йўқ. Мен ҳозирги аҳволингизни ёритиб бераман, буни сиздан устун бўлганим учун юксакликдан туриб қиласман, чунки мен бу дунёнинг ишларига батамом тушуниб олганман, ҳаётда мен фақат икки йўл борлигини яхши биламан: бири — тўпорилик билан бўйсуниш, иккинчиси — исён. Шахсан мен ҳеч нарсага бўйсунмайман, тушундингизми? Ҳозирги мўлжал қилиб турган ишларингизни амалга ошириш учун сизга нима кераклигини биласизми? Миллион керак, ўшанда ҳам жуда зудлик билан керакки, акс ҳолда, олий мавжуднинг бор-йўқлигига ишонч ҳосил қилиш учун, шу шўрлик бошимизни Сен-Клудаги тўрларга бориб ургани равона бўлсак\* ҳам ажаб эмас. Ўша миллионни сизга мен топиб бераман.— Вотрен Эженга тикилиб туриб бирпас гапдан тўхтади.— Аҳа! Мана энди Вотрен амакингизга анча очиқ чеҳра билан қарай бошладингиз. «Миллион» деган сўзни эшитиш биланоқ: «Бугун кечқурун»,— деб ваъда олган ёш қизга ўхшаб кетдингиз,— ундан қизлар бу гапни эшитиши биланоқ ўзларига оро бера бошлайдилар, сутни кўриб қолган мушукдек оғизларининг суви келиб тамшана бошлайдилар. Жуда соз. Демак, кетдикми? Қўлни қўлга бериб, кетдик! Пулингизни қўлингизга олиб олинг, йигитча. Қишлоқда бизнинг отамиз, онамиз, қари холамиз, бири ўн саккиз яшар, иккинчиси ўн етти яшар икки синглимиз, бири ўн бешда, иккинчиси ўнда икки укамиз бор — бутун командамиз рўйхати мана шундай. Холамиз сингилларимизга тарбия беради. Иккала укамизга эса Кюре лотин тилини ўқитади. Оила оқ нондан ҳам кўра кўпроқ атала билан тирикчилик ўтказиб туради, отамиз шимини жуда эҳтиёт қилиб кияди, онамизнинг нари борса битта қишлиқ, битта ёзлик кўйлаги бор, сингилларимиз эса әгнига тўғри келган нарсани илиб юришади. Менинг ҳаммасидан хабарим бор, жанубда бўлганман. Сизнинг аҳволингиз ҳам худди шундай; сизга йилига бир минг икки юз Франк юбориб туришган экан, демак, ерингиздан оладиган даромад уч минг франкдан ошмайди. Ошпаз хотин, оқсоч хотинлардан иборат хизматкорларимиз ҳам бор, ахир, сиртдан қараган одамларнинг кўзига дурустроқ бўлиб кўриниши керак-да, нима бўлганда ҳам, отамиз — барон. Аммо шахсан ўзимизга келсак, шуҳратпарастлигимиз йўқ эмас. Босеан деган қариндошимиз бору, ўзимиз пиёда юрамиз; бой бўлишни

орзу қиласи, чўнтағимизда бир су ҳам пулимиз йўқ. Воне онахонимизнинг маза-матрасиз овқатини еб тирикчилик қиласи, ўзимиз Сен-Жермен даҳасидаги лаззатли таомларни хуш кўрамиз, пачоқ каравотда ётиб юрамиз, ўзимизга алоҳида ҳовли сотиб олишни орзу қиласи! Орзу-ҳавасларингизни қоралаётганим йўқ. Ҳар ким ҳам, дўстим, шұҳратпараст бўла олмайди. Қандай әркакларни ёқтирасизлар деб хотинлардан сўраб кўринг,— шұҳратпараст йигитларни яхши кўришади. Бошқа әркакларга қараганда шұҳратпарастларнинг бели бақватроқ, қонида темир моддаси кўпроқ, қалби сероташ бўлади. Хотин киши эса авжи етилиб турганда ўзини шундай бахтли, шундай гўзал деб ҳисоблайди-ки, ўзини мажақлаб ташланишидан ҳам қўрқмай, ҳаммадан ҳам энг бақувват әркакларни афзал кўради. Бутун истакларингизни сизга бир-бир санаб беришимдан мақсад, битта савол бермоқчиман. Бермоқчи бўлган саволим бундай: иштаҳамиз карнай, тишларимиз ўткир, лекин қозонга солиш учун масаллиқни қаердан оламиз? Даставвал «Қонуналар мажмуаси»ни ўзлаштиришимиз керак; бунинг сира қизиги йўқ, ҳеч нарсага ўргатмайди ҳам; аммо керак. Шундай ҳам бўла қолсин; биз суд ҳайъатига аъзо бўламиз, кейинроқ бориб жинонӣ судга раис бўлиб кўтариламиз, ўшанда қиласиган ишимиз: ўзимиздан яхшироқ одамларнинг елкасига С. К.\* ҳарфларини тамға қилиб босамиз-да, уларни сургунга жўнатамиз, бу билан бой-бадавлат кишиларга тинч ухлашингиз мумкин деб, иш кўрсатган бўламиз. Бу ишларнинг ҳеч қизиқ ери йўқ, бунинг устига бош оғриғиси кўп. Аввалига икки йилча Парижда сарсон бўлиб юрамиз, ширин-шакар нарсаларни жуда яхши кўрсан ҳам, уларга асло қўл теккизмай, фақат узоқдан кўзимизни лўқ қилиб қараб юрамиз. Доим орзу қиласи, аммо ҳеч вақт орзуни ушата олмаслик — кишининг тинкасини қуригади. Агар сиз молюскалар сингари совуқлонли одам бўлганингизда эди, ҳеч нарсадан қўрқмасангиз бўларди; аммо сизнинг қонингиз арслонники сингари қайноқ, орзу-истакларингиз шу қадарки, бир кунда юз марта тентаклик қилишингизга ҳам ётиб ортади. Ҳудонинг дўзахидаги азоблағидан энг даҳшатлиси бўлган мана шундай азоб ичидаги ҳалок бўлиб кетасиз. Фараз қилайлик, сиз эсли-ҳушли одамсиз, фақат сут ичиб, мунгли шеврлар тўқиб юрасиз; унда жуда кўп кўнгилсизликлар ва ҳатто, ит ҳам чидай олмайдиган муҳтоҷиклардан кейин олижаноблигингиз сабаб бўлиб, бирор чекка шаҳарда ярамас бир прокурорнинг

ёрдамчиси бўлиб иш бошлайсиз, бу ишингизга ҳукумат йилига минг Франкдан пул тўлаб туради, бу эса қассоб итининг идишига ювинди солиб бергандек гап. Ўғриларга ирILLA, бойларни ҳимоя қил, довюракларни дор остига жўнат! Гоят миннатдорсиз! Ҳомийларингиз бўлмаса, шу таҳлилда вилоят трибуналида бутунлай қолиб, чириб кетасиз. Ўттизга кирганингизда бир минг икки юз франк йиллик маош оладиган судья бўласиз, агар ўшангача судьялик либосини улоқтириб юбормасангиз, албатта. Қирқларга кирганингизда бирор тегирмончининг қизига уйланиб, йилига олти минг ливр даромад әгаси бўласиз. Раҳмат! Ҳимоячиларингиз бўлган тақдирда эса, сиз ўттиз ёшингизда йилига минг экию оловчи вилоят прокурори бўласиз ва шаҳар ҳокимининг қизига уйланасиз. Борди-ю, сиёсатда бирор малъунлик қилишга, масалан, сайлов варақасида Манюэль ўрнига Виллеръ\* деган номни ўқишга рози бўлсангиз (уларнинг фамилияси қофиядош, шунинг учун виждан азобига тушмасангиз ҳам бўлади), унда қирққа кирганингизда генерал-прокурорлик лавозимига мусассар бўласиз, ҳатто депутат бўлиб олишингиз ҳам мумкин. Эътибор беринг-а, бўтам, энди виждонимиз аввалгидек пок эмас, йигирма йил ҳар кил хунобилкларни бошимиздан кечирдик, пинҳоний равишда муҳтоҷликда кун кўрдик, сингилларимиз эса қари қиз бўлиб қолиши. Яна шуни ҳам айтиш шарафига мусассарманки, бутун Францияда йигирмата генерал-прокурорлик лавозими бор, бу йигирмата ўринга ўтироқчи бўлиб юрганлар эса йигирма мингта, ўшалар орасида бир погона юқори кўтарилиш учун ўз оиласини сотишдан ҳам тоймайдиган қаллоблар учрайди. Бундай ҳунар сизга мақбул бўлмаса, бошқасини кўриб боқамиз. Барон де Растиньяк ёввакат бўлишни истамайдиларми? О! Жуда соз! Бунинг учун ўн йил азоб чекиш, ойига минг Франкдан пул харжлаш, кутубхона ва қабулхона очиш, зодагонлар орасида бўлиш, маҳмадоналиқ қилиш, ишсиз қолмаслик учун бирор судьянинг пинжига кириш керак бўлади. Агар шу касб сизга ёқса, менинг қаршилигим йўқ; аммо бутун Парижда ёши элликка етган, йилига эллик минг Франкдан ортиқ даромад қиласидиган бешта ҳам адвокат тополмайсиз. Бе-е! Виждонимни бундай булғашдан кўра, қароқчиликни афзал кўрган бўлардим. Буларнинг ҳаммаси ҳам майли-я, аммо бунга пулни қаердан оласиз? Буларнинг ҳеч қизиги йўқ. Энди битта имкониятингиз қолди — хотинингизнинг сепи. Уйланишни истайсизми? Сиз-

учун бу бўйнига тош осиб олгандек гап; бундан ташқари, пул учун уйланадиган бўлсангиз, виждан туйфуси қайда қолади-ю, олижаноб оиласдан чиққанингиз нима бўлади? Яхиси, кишилар ахлоқидаги расм-таомилларга қарши шу бугуноқ исён кўттарганингиз маъқул. Пулдор бўлишини ҳисобга олиб уйланиш — хотиннинг олдида икки букилиб қуллуқ қилиб туриш, қайнананинг оёғини ўпиш, ҳатто чўчқанинг ҳам ори келадиган даражада бемазагарчиликлар қилиш деган сўз, туф-ә! Турмушингиз баҳтли ўтса ҳам гўрга эди-я! Аммо бундай йўсинда хотин олсангиз, ўзингизни бутун ахлату ювиндилар чиқариб ташланадиган трубадек ҳис қиласиз. Ўз хотиннинг билан олишгандан кўра әркаклар билан жанг қилган яхшироқ. Сиз, йигитча, ҳозир ҳаёт чорраҳасида турибсиз, бир йўлни танланг! Сиз йўлингизни танлаб ҳам олдингиз: қариндошингиз де Босеанинида бўлдингиз — димоғингизга тумтарақ ҳаёт нафаси кирди; сиз Горио отанинг қизи, графиня де Рестоникига бордингиз — парижлик аёл ҳидини ҳис қилдингиз. Ўша куни, графинянидан уйга қайтиб келганингизда кўзингиздан қандай қилиб бўлмасин юзага чиқиши керак деган маънони ўқидим. Баракалла, дедим мен ичимда,— бундай йигит менга жуда ёқади. Сизга пул керак эди. Уни қаердан топса бўлади? Сиз сингилларингизнинг ёнг охирги пулларини ҳам тортиб олдингиз. Ҳамма акалар ҳам озми-кўпми, сингилларини товлаб туришади. Олтин тангалардан кўра каштанлар кўпроқ бўлган қишлоқдан бир минг беш юз франкни қандай қилиб топганингизни ёлғиз худонинг ўзи билади, аммо бу пуллар кафандўзд солдатлардек жойини топиб кетади. Үнда нима қиласиз? Эҳтимол, ишламоқчи-дирсиз? Лекин иш, ҳозир ўзингиз гувоҳи бўлиб турибсиз, Пуаре тоифасидаги одамларга қариган чогида онахонимиз Воке сингариларнинг уйидан битта хона бера олади холос. Ҳозир сизнинг аҳволингиздаги әллик минг ёш йигитлар тез бойиб олиш йўлини ахтариб юрибди, сиз эса ўшаларнинг бирисиз. Қаршингизда қандай ишлар турганини ўйлаб кўринг: қанчадан-қанча мاشаққату қанча шиддатли жанглар турибди. Әллик мингта сердаромад ўрин йўқ, шунинг учун ҳаммангиз битта банкага солиб қўйилган ўргимчаклардек бир-бирингизнинг гўштингизни ейишга мажбурсиз. Бу ўринда киши қандай қилиб ўзига йўл очиши мумкинлигини биласизми? Е ваковат кучи билан, ё ўзига оғдириш маҳорати билан. Бу одамлар оммаси орасига ё замбарак ўқидек ёриб, ёки вабодек суқулиб кириш керак.

Ҳалоллик билан ҳеч нарсага өришиб бўлмайди. Заковат қудрати олдида бош әгадилару, аммо айни вақтда уни ёмон кўрадилар, заковат ҳамма нарсани ҳеч ким билан бўлишмай ола олгани учун уни ёмонотлиқ қилишга уриниб кўрадилар, лекин у ўз ўрнида маҳкам турган пайтида уни қўкларга кўтарадилар, қисқаси, лойга қориштира олмаганларидан, унинг қаршисида тиз чўкиб, сажда қиладилар. Ҳоинлик ҳар қадамда учрайди, истеъдод әса ноёб нарса. Шунинг учун, ҳоинлик ҳамма ёқда тўлиб-тошиб ётган истеъдодсиз одамларнинг қуроли бўлиб қолган, сиз бундай одамларнинг найзаси тифига ҳар қадамда дуч келасиз. Сиз ҳамма топган-тутгани олти мингдан ортмайдиган одамларнинг хотини фақат кийим-боши учунгина ўн мингдан ортиқ пул сарф қилаётганини кўрасиз. Бир минг икки юз франк маош оладиган чиновникларнинг ер сотиб олишини кўрасиз. Франция пәрининг ўрлига тегишли каретада сайр қилиш учунгина ўзини сатаётган хотинларни кўрасиз, чунки унинг каретасида Лоншане кўчаси ўртасидан юриш мумкин. Сиз лақма Горио отанинг қизи имзо чеккан вексель учун пуд тўлашга мажбур бўлганини ўзингиз кўрдингиз, ваҳоланки, әрининг йилига эллик минг ливр даромади бор. Сиз билан гаров ййнайман: Парижда икки қадам қўйишингиз биланоқ иблисона ҳийла-найрангларга дуч келасиз. Калламни салатдан чиқсан мана шу қарам пўчоққа қарши гаровга қўйиб айтаманки, сизга ёқиб қолған биринчи хотиннинг уйидаёқ, агар у ёш, чиройли ва бадавлат аёл бўлса, газандалар уясига дуч келишингиз муқаррар. Ундай хотинларнинг биттаси ҳам қонун билан чиқиша олмайди, ҳаммаси ҳам бўлар-бўлмас нарсани баҳона қилиб, эри билан жанг қилгани қилган<sup>3</sup> Ҳар хил латта-путта деб, ўйнашлари, болалари деб, уй эҳтиёжлари ёки шуҳратпастликни деб тузиладиган битимлар тўғрисида гапирадиган бўлсам, гапим сира ҳам тугамайди, лекин амин бўлингки, бундай битимлар камдан-кам яхши ниятни кўзлаб тузилади. Ана шунинг учун ҳалол одам ҳаммага душман. Лекин сизнингча, ҳалол одам деб кимларни айтамиз? Парижда индамай ишини битказиб юрадиган ва ҳеч ким билан сирдош бўлмайдиган одам — ҳалол одамдир. Ҳеч вақт қилган меҳнатига яраша тақдирланмайдиган, тирикчилигини зўрга ўтказиб юрган ожиз қуллар тўғрисида индамай ўта қолай; мен уларни худо яратган аҳмоқлар биродарлиги деб айтаман. Аҳмоқона тарзда равноқ топган әзгу фазилатларнинг ҳаммаси ўшалар орасида, лекин муҳтожлик

ҳам ўша ерда. Агар худо-табло уларни лақиллатиб, қиёмат қойимни рад қиласудек бўлса, бу овсарларнинг афг-башараси қандай бужмайиб кетишини мен ҳозироқ кўриб турибман. Шундай қилиб, агар сиз зудлик билан бойимоқчи бўлсангиз, ё ҳозироқ бой бўлишингиз, ёки ўзингизни бой қилиб кўрсатишингиз керак. Бойиб кетиш учун пулни катта-катта тикиб ўйнаш керак, ўйинда зиқналик қилган одамнинг аҳволигавой. Қўлингизда юз хил ҳунарингиз бўлса-ю, шу ҳунарни билганлардан ўнтача одам тез бойиб кетса ҳамма уларни ўғри деб атайди. Мана шундан хуласа чиқариб олаверинг. Ҳаётнинг асл башараси мана шундай. Буларнинг ҳаммаси ошхонадан афзал нарса эмас: ҳар хил сассиқ ҳидлар истаганингча топилади; бир иш қиласман десанг, қўлинг ифлос бўлади, фақат ифлосини кейин яхшилаб ювиб ташлашни билсанг бўлгани,— давримизнинг ахлоқи мана шундай. Модомики мен кишилик жамиятни тўғрисида шундай фикрда эканман, демак, бунга ҳуқуқим бор, чунки мен жамиятни яхши биламан. Жамиятни таҳқирияти деб ўйларсиз? Асло. Жамият азалдан ўзи шундай. Ахлоқшунослар ҳам уни ҳеч вақт ўзгартира олмайдилар. Одам етуклек даражасидан узоқда. Одамзод хушомадгўйликни баъзан кўпроқ, баъзан камроқ қиласди, аҳмоқлар бўлса фалончининг ахлоқи яхши, пистончи ахлоқсиз деб юришади. Мен оддий одамларни мақтаб, бойларни қораламоқчи эмасман: одамзод ҳамма ерда ҳам—юқори табақада ҳам, ўртада ҳам, пастки табақада ҳам бир хил. Ҳар бир миллион одам подаси орасидан ўнтача азамат чиқиб қоладики, улар ўзини ҳамма нарсадан, ҳатто қонундан ҳам юқори қўяди; мен ҳам шундайларданман. Агар сиз олиймақом одамлардан бўлсангиз, мақсадга томон тўппа-тўғри дадил бораверинг. Лекин сиз истеъдодсиз одамларга, ичи қоралар ва туҳматчиларга қарши кураш олиб боришингиз, бутун жамиятга қарши боришингиз керак бўлади. Наполеон Обри деган ҳарбий министр билан тўқнашиб қолган, у Наполеонни мустамлака юрга сургун қилиб юборишига сал қолган эди. Ўзингизни текшириб кўринг! Ҳар куни эрта билан ўриндан тургандан кейин, иродам кечагидан маҳкамроқ бўлибдими-йўқми деб текширинг. Мана шуларнинг ҳаммасини ҳисобга олиб, сизга шундай бир иш таклиф қилмоқчиманки, бундан ҳеч ким ҳам бош тортмаса керак. Яхшилаб эшишиб олинг! Мен сизга айтсан, битта режа тузиб қўйибман. Мен Қўшма Штатлар жанубида, тахминан юз минг арпан\* келадиган катта бир мулкда

патриархал турмуш кечирмоқчи бўлиб юрибман. Плантаторлик қилмоқчиман, қулдор бўлмоқчиман ва тамаки, қорамол ва ёғоч сотиб, бир неча миллион пул ортироқчиман; нуфузли одам бўлишни, истаган ишимни қилишни ва бу ердаги ҳаётга, одамлар деворлари шувоқ қўдингган кавакда яшаб ўрганиб қолган ҳаётга сира ўхшамайдиган бир вазиятда ҳаёт кечирмоқчиман. Мен зўр шеирман. Менинг поэзиям ҳаракат ва ҳиссиёт билан ифодаланади. Лекин шеър ёзмайман. Менинг эллик минг франк пулим бор, лекин у қирқта негрга зўрга етади, патриархал турмуш кечиришга бўлган интилишларимни рўёбга чиқариш учун эса икки юзта негр керак, бунинг учун икки юз минг франк пул керак. Нима учун айнан негрлар сотиб олмоқчисиз дерсиз? Гап шундаки, негрлар — катта ёшдаги гўдаклардек гап, уларни истаган кўйга солишинг мумкин, бунинг учун ҳар нарсага қизиқаверадиган прокурорлардан биронтаси ҳам сени жавобгарликка тортмайди. Ўша қора капитал әгаси бўлиб олсан, ўн йилдан кейин уч-тўрт миллион пул ортириб оламан. Бойиб олганимдан кейин эса, мендан: «Кимсан?»— деб ҳеч ким суриштиrmайди. Мен жаноб Тўрт Миллион, Қўшима Штатлар граждани бўлиб оламан. Ёшим элликка киради, ҳали анча куч-куватим бўлади, кўнглим истаганича вақтчорлик қилиб турмуш кечираман. Қисқаси, агар сизга бир миллион сепли қиз топиб берсан, менга икки юз мингини берасизми? Хизматим эвазига йигрма процент, а? Нима, ё кўпми? Сиз бўлажак рафиқангизни ўзингизга ром қиласиз, уйланиб олгандан кейин, худди бошингизга бир нималар ташвиши тушгандек, виждон авобида қийналаётгандек, икки ҳаftача хафа кишидек хомуш юрасиз. Кўйин, бир кун кечаси бирпас ноз қиласан киши бўлиб турасизу, ўпишлар ва әркалатишлар орасида хотинингизга: «Ази зам, севгилим»,— деб туриб, икки юз минг қарзим бор әди дейсиз. Энг манаман деган йигитлар ҳам ҳар куни шундай лўттибоэлик қилишади. Ёш жувон ҳеч иккиданиб ўтирумай ҳамёнини юрагини ўғирлаган одамга топширади. Эҳтимол, бу билан ўзим зарап қилиб қоламан деб ўйларсиз? Йўқ. Сиз биронта ишни саранжом қиласизу ўша йўқотган икки юз минг пулингизни яна ишлаб оласиз. Шу ақлингиз бўладиган бўлса, бундай катта пул билан истаганингизча давлат ортириб оласиз. Ergo<sup>1</sup>, ярим йил

<sup>1</sup> Демак (лот.).

иичида сиз ўзингизни ҳам, хотинингизни ҳам, Вотрем амакингизни ҳам баҳтли қиласиз, ўти тоцилмаганидан қишида қулини оғзининг ҳовури билан иситиб ўтирадиган оиласигизни қанчалик баҳтли қилишингиз устида гапирмасак ҳам бўлади. Қилган таклифимга ҳам, қўйган шартимга ҳам ҳайрон бўлманг! Париждаги бой-бадавлат одамлар никоҳининг олтмиштасидан қирқ еттитаси мана шу асосга қурилган. Нотариал контора жаноб...

— Мен нима қилишим керак? — деб ҳовлиқиб сўради Растињъяк, Вотреннинг гапини бўлиб.

— Деярли ҳеч нарса,— деди у ва юзида балиқ қармоқса илинай деб турганини севган балиқчининг ич-иичидан хурсанд бўлиб кетганига ўхшаган бир маъно акс этди.— Гапимга диққат билан қулоқ осинг! Ожива, баҳтсиз, камбағал қизнинг юраги бамисоли муҳаббат шабнамига ташна бўлган қуруқ булат парчасидирким, унга севги деган нарсадан бир томчи тушиб қолгудек бўлса, у қалб бир зумда кўпчиб чиқади. Умидсизликка тушиб, сўққабош бўлиб қолган қамбағал, аммо, тез кунда жуда ҳам бадавлат бўлиб кетишидан ўзи ҳам бехабар қизнинг атрофида парвона бўлиш қандай соз! Худо урсин! Бу — ҳамма кузурларни қўлда ушлаб туриб қимор ўйнаш, лотерея билетларининг ютуқ чиқадиганини олдиндан билиш деган гап,— бу бутун маълумотларни олдиндан билиб туриб, рента курсининг кўтарилиш-пасайшига қараб пул ишланш деган гап. Бундай қиз сивга сўзсиз хотин бўлади. Ана шундай қиз миллион-миллион пулини ҳам пўчоқча кўрмай, гўё бир ҳас-чўпдек обёқларингиз остига тўкиб ташлайди. Ол, севгилим! Ол, Адольф, Альфред, ёки Эжен! — дейди у,— борди-ю, ўша Адольф, Альфред ё Эженнинг илгари у қизга бирон сахийлик қилишга ақли етган бўлса. Сахийлик деганимда, мен, бирор эскирган фракни сотиб, қизни «Зангори циферблат» ресторанига олиб бориб меҳмон қилишни, у ердан эса кечқурун Амбигю-Комик театрига олиб боришни назарда тутаман; соатни гаровга қўйиб, унга шол рўмол совға қилиш ҳам мумкин. Муҳаббат изҳор қилиб мактуб ёзишлар ва шу сингари хотинлар жуда ўч бўладиган бемаъни ишлар тўғрисида, масалан: севгилингдан узоқда бўлган пайтларингда, кўз ёши ўрнида қоғозга сув теккишиб қўйишлар ва шунга ўхшашлар устида гапириб ўтиромай ҳам қўя қолай; менимча, бундай юрак тили ўзингизга ҳам жуда таниш кўринади. Биласизми, Париж, жамоатчилик сўларида ов билан тирикчилик ўтказадиган гуронлар, ил-

линойлар ва бошқа хил ёввойи одамлар қабилалари яшай-  
диган Шимолий. Америка чангальзорларига ўхшайди. Сиз,  
масалан, миллионни қўлга киритиш учун ов қиласиз; унга  
қопқонлар қўясиз, тузоқлар, тўрлар ташлайсиз. Ов ҳам  
ҳар хил бўлади. Бирор сеп ови қилади, бошқа бирор рақи-  
бининг корхонасини тугатиш мақсадида ов қилади; бирин-  
чиси одамлар қалбини тузоққа илнитириш пайида бўлса,  
иккинчиси ўз ишончли кишиларининг қўл-оёғини боғлаб  
уларни сотиб юради. Кимда-ким ов тўрвасини ўлжага тўл-  
дириб қайтса, саломнинг қуюғи-ю иззат-икром ўшанга, у  
энг аслизодалар даврасига қабул қилинади. Бундай меҳ-  
мондўст жойнинг қадрига етиш керак: сиз дунёдаги энг  
сабр-тоқатли шаҳарда яшаб турибсиз. Европанинг бошқа  
пойтахтларидаги такаббур водагонлар фирибга миллио-  
нерларни ўз ораларига киритмаган бир пайтда, Париж ун-  
дайларга қўйинини кенг очади, уларнинг базмларига боради,  
уларнинг зиёфатини ейди ва қабиҳликларини мақтаб, қадаҳ  
уриштиради.

- Аммо бундай қизни қаердан топамиз?
- У сизнинг ёнгинангизда, у сизники!
- Мадемуазель Викторинами?
- Худди ўша.
- Қандай қилиб?
- Бўлажак баронессача де Растињак аллақачон сизни  
яхши кўриб қолган.
- Унинг ҳеч вақоси йўқ-ку,— деб эътиroz билдириди  
ҳайрон бўлган Эжен.

— Аҳа! Ана мақсадга ҳам етиб олдик. Яна икки оғиз  
гапдан кейин ҳаммаси равшан бўлади қолади,— деди Вот-  
рен.— Тайфер ота ўлгудек аглаҳ чол! У революция пайти-  
да ўзининг бир дўстини ўлдирган деб гумон қилишади. У  
менга ўхшаган шоввозлардан, ўз билганидан қолмайдиган  
одам. У банкир, «Фредерик Тайфер ва шериклари» деган  
банкнинг асосий пайчиси у Викторинани ҳамма нарсадан  
тамомила маҳрум қилиб, бутун бойлигини ёлғиз ўғлига  
қолдирмоқчи. Бундай адолатсизлик менга ёқмайди. Мен  
Дон-Кихотга ўхшаган одамман: ожизларни кучлилардан  
ҳимоя қилишни афзал кўраман. Борди-ю, худо унинг ўғли-  
ни ўз ёнига чақириб олса, Тайфер қизини уйига олиб кет-  
ган бўларди; у ўз меросхўри бўлишини истайди — бундай  
тентаклик одамзоднинг табиатида азалдан бор, энди бошқа  
бога туғдириш эса қўлидан келмайди, буни мен яхши би-  
ламан. Викторина ёқимтой, мўмин-маъқул қиз, отасини

ҳадемай ўзига қаратиб олади ва оталик меҳрини қўзғатиб, ўз ногорасига ўйнатадиган бўлади! Муҳаббат изҳор қиласангиз жуда эриб кетади, яхшилигингизни ҳеч қачон унумайди ва сизга турмушга чиқади. Мен эса тақдирни иломийлик вазифасини бўйнимга оламан-да, худонинг хоҳишини амалга ошираман. Менинг бир дўстим бор, унга жуда кўп яхшилик қилиб ўтқазиб қўйганман, ўзи әндигина қирор гвардиясига хизматга кирган, Луар қўшинининг\* полковники. Полковник менинг маслаҳатларимга кириб, ҳозир аштаддий роялист бўлиб олган, у аҳмоқ одам әмас, шунинг учун ўз эътиқодларини у қадар қадрлаб ўтиримайди. Сизга, яхши йигит, яна битта маслаҳат бериб қўймоқчиман: әътиқод ва лафз деган нарсалар билан ҳисоблашиб ўтиришни ташланг. Бундай нарсаларга харидор топилгудек бўлса, пуллаб юборинг. Одамзод ўз эътиқодларини сира ўзгартиримайман деб мақтандими,— ундан одам доим битта тўғри йўлдан бориш мажбуриятини зиммасига олган бўлади,— билингки, бундай одам ўзининг айбиззилигига ишонган аҳмоқдир, принцип деган нарса йўқ — воқеалар мавжуд; қонун йўқ — вазият бор; юксакка парвоз қиласиган одам ўша воқеалар билан вазиятни бошқариш учун ўзи уларга мослашади. Принциплар билан қонунлар ўзгармас нарсалар бўлганда әди, одамлар уларни биз кўйлак алмаштириб турганимиздек, ҳадеб алмаштиравермаган бўлардилар. Айрим шахс бутун бир миллатдан ақллироқ бўлиши шарт әмас. Францияга мутлақо арзимас хизмат кўрсатган одамини ҳар бир ишга жуда қизғинлик билан киришгани учунгина бир санам даражасига кўтариб юборишган, ваҳоланки у фақат Саноат музейидаги машиналар орасида *Лафайет*\* деган әтиктек билан кўргазмага қўйилишга лойик; холос; айни вақтда ҳар бир одам князга тош отиб ўтади\*, князъ эса инсониятга шу қадар чексиз нафрат билан қарайдики, унга содиқлиги ҳақида худди ерга тупургандек осонлик билан истаганича қасамёд қиласиди, аммо князъ Вена конгрессида Францияни парчалаб ташлашга йўл қўймади; уни шарафлаб, гулларга кўмиб ташлаш ўрнига лойга қоришириб, ёмонотлиқ қиласидар. О, бу гапларни мен яхши биламан! Кўп одамларнинг сиру асрори менинг қўлимда! Ҳўп, бас әнди! Бирор принципни қўллаш тўғрисида бир фикрга келган учта одамини учратганимдан кейингида бирор әътиқодни маҳкам ушлайман, аммо буни жуда узоқ кутишга тўғри келади! Қонуннинг бирор параграфи тўғрисида бир хил фикрда бўлган учта судьяни жамики судларни

ахтарсангиз ҳам топиб бўлмайди. Дўстим тўғрисидаги гапга қайтайлик. Ундан бир оғиз илтимос қиласам бас. Исони қайта хочга тортишдан ҳам қайтмайди. Вотрен амакининг бир оғиз гапи билан у, шўрлик синглисига бирон марта бўлсин беш франк ҳам пул юбормаган ўша муттаҳамни яккама якка жангга чақиради-ю...

Шундай деб Вотрен ўрнидан турди, жанг қилаётган киши бўлиб, рақибига ҳамла қилгандек ҳаракат қилди.

— ... қарабисизки, асфаласофилинга равона бўлиб турибди-да! — деб қўшиб қўйди у.

— Қандай даҳшат! — деди Эжен. — Сиз ҳазил қиляпиз, жаноб Вотрен.

— Бай-бай-бай, ўзингизни босинг! — деб жавоб қилди у. — Болалик қилманг... Йўғ-э, майли, агар хоҳласангиз аччиғланинг, ғазабдан бўғилинг! Мени разил, жиноятчи, аплаҳ, бандит деб сўкинг, лекин жосус ёки фирибгар дея кўрманг! Ҳа, қани, гапиринг, бирваракайига ўт очинг! Кечираман: сизнинг ёшингизда бу жуда табиий ҳол. Ўзим ҳам шунақа әдим! Ғақат ўйлаб кўринг. Бир кун вақти келиб бундан ҳам баттар ишларни қиласиз. Бирор дўндиққина хотин кетидан әргашиб ундан пул өладиган бўласиз. Шу тўғрида ўйлаб юрибсиз-ку, — деди Вотрен, — муҳаббатингизни сотмасангиз қандай қилиб ҳам илгарилайсиз? Эзгулик; азизим студент, қисмларга бўлинмайди; у ё бор, ё йўқ. Черковга бориб, қилган гуноҳларингизга тавба қилинглар дейишади бизга. Ҳа, дуруст усул! Шу усул туфайли, гуноҳлардан пок бўлиб чиқиш ва бунинг оқибатида унга қайғуриш мумкин. Ижтимоий зинанинг у ёки бу поғонасига кўтарилиш учун хотин кишини йўлдан оздириш, оиласа болалар ўртасида низо түғдириш, қисқаси, хуфия равишда қилинадиган ҳар қандай қаллобликлардан тап тортмаслик, — буларнинг ҳаммаси пировард мақсадда ё шахсий манфаатни, ё айш-ишратни назарда тутиб қилинади. Ҳўш, сизнингча, буларнинг ҳаммаси нима? Дин тарғиб қилган имон, умид ва муҳаббат йўлида қилинадиган ишларми? Бирор олифта йигит бир кечадаёқ болаларнинг ярим меросини ўмарид кетса, уни икки ой муддат билан қамоқ жазосига ҳукм қиласилар, лекин нима учун бирор камбағал «айбини оғирлаштирувчи шароитда» минг Франк пул ўғирласа, сургунга юборадилар? Қонунлар ана шундай. Унинг бемаъниликларга асосланмаган биронта ҳам моддаси йўқ. Модабоп қўлқоп кийган, сохта қалб одам қон тўқмади-ю, аммо бўхтон йўли билан одам ўлдирди; қотил

вса эшик қулфини бузиб очди — ҳар иккала жиноят ҳам кечаси юз берди. Ахир, мен таклиф қилаётган иш билан ўзингиз қилишингиз муқаррар бўлган иш ўртасида, тўкиладиган қонни эътиборга олмасак, ҳеч қандай фарқ йўқку. Сиз бўлсангиз бу дунёда қандайдир мустаҳкам қонун-қонда берлигига ишониб юрибсиз! Майли, одамлардан нафрат қилинг. Қонунлар мажмуаси орасидан жавобгар бўлмай тўғри ўтиб кетса бўладиган ерларини топинг. Қайтарэда йиғилгани мавҳум бўлган жамики хазиналар борки, ҳаммасининг тагида жиноят яшириниб ётади, улар унтилиб юборилган экан, бунинг сабаби ўша жиноятларни усталик билан амалга оширилганида.

— Бас қилинг, гапингизга қулоқ солишга ортиқ тоқатим қолмади, шундай гапираверсангиз, ўзимдан ҳам нафрат қилиб қоладиганга ўҳшайман. Ҳозир мен фақат ўз ҳиссиётим тақово қилаётган нарсаларни биламан, холес.

— Ихтиёргиз, ўқтам йигит. Асабингиз хийла бақувват деб ўйлаган эдим. Сизга бошқа ҳеч нарса демайман. Ҳа-я, яна битта охирги гапим бор экан.— У студентга тикилиб қараб туриб сўради:— Сиз менинг сиримни билиб олдингиз.

— Ҳизматингиздан бош тортган йигит, сирингизни ҳам унтиб юборишга қодир.

— Яхши гап айтдингиз, менга ёқади бу гап. Ҳар қандай одам ҳам бундай нозик табиатли бўла олмайди. Сизга қилмоқчи бўлган хизматимни унутманг. Сизга икки ҳафта муҳлат бераман. Ҳўп десангиз ҳам, йўқ десангиз ҳам — ўзингизга ҳавола.

«Бу одамнинг мулоҳазалари нақадар пухта-я!»— деди ўзига ўзи Растињяк, таёни қўлтиғига қисиб олганча хотиржамлик билан кетаётган Вотреннинг орқасидан қараб туриб. «Де Босеан хоним боадаблик билан айтган гапларнинг айнан ўзини қўпол суратда шартта-шартта гапириб ташлади. У юрагимни пўлат чангали билан пора-пора қилди. Дельфина Нусингенникига нима мақсадда кирмоқчи бўлиб юрибсан дейди-я? Юрагимда туғилган фикри дарров пайқаб олганини қаранг-а. Бу қароқчининг икки оғиз сўз билан айтган әзгулик ҳақидаги мулоҳазаси, мен китоблардан ўқиб одамлардан эшитганим әзгуликдан кўра сермазмунроқ. Модомики әзгулик виждонсиз бўлишга йўл қўймас экан, демак, мен сингилларим пулинни ўғирлабмандада?»— деб у ҳамёнини столга отиб юборди.

У кишини әсанкиратиб қўювчи фикрлардан анча вақтгача ўзига келолмай ўтириб қолди.

«Эзгуликка содиқ бўлиш — олижаноб фидойиликдир! Ҳа. Эзгуликка ҳамма ҳам ишонади, аммо өзгу ниятли одам борми ўзи? Ҳалқлар оводликка худди худога сингингандек сифинадилар, аммо ер юзининг қайси жойида овод ҳалқ бор? Ешлигинг ҳали шаффоф осмондек тоза, лекин сен нуфузли ё бой-бадавлат бўлмоқчисан, бу эса кўрабила туриб ёғон гапириш, икки букилиб таъзим қилиш, тиз чўкиш, яна қоматни тиклаш, хушомадгўйлик ва айёрик қилишга рози бўлиш эмасми? Ахир, бунинг ўзи яқинда икки букилиб, тиз чўкиб, ёғон гапириб юрган одамларга ихтиёрий равишда малайлик қилиш эмасми? Уларга шерик бўлишдан олдин уларнинг хизматини қилиш керак. Йўқ, аслол Олижаноблик билан, ҳалоллик билан меҳнат қиласман. Кечаси-ю кундузи ишлашга тайёрман, фақат шу йўсинда бойлик орттираман. Бу бойлик орттиришнинг энг мушкул йўли, аммо ҳар куни кечқурун ёстиқ-қа хотиржамлик билан бош қўяман, биронта ҳам ёмон фикр уйқумни ҳаром қилмайди. Кечирган ҳаётингга назар ташлаганингда, унинг нилуфардек покизалигини кўришдан ҳам яхши нарса борми? Мен ва менинг ҳаётим — куёв билан келиндек гап. Тўғри, аммо Вотрен оиласвий ҳаётнинг ўн йил кейин қандай бўлишини кўрсатиб берди-ку. Ә, падарига лаънат! Миям ғовлаб кетди. Ҳеч нарсани ўйлашни истамайман: юрагим — энг содиқ йўл бошловчи!»

Унинг фикрларини, машиначи келди, деб хабар қилган бақалоқ Сильвия бўлди. Растињиак икки қўлига икки ҳаминини кўтарганича машиначи олдига чиңди, маэкур вазиятдан у асло ўкинаётгани йўқ эди. Эжен кечқурунлари киядиган фракини қийиб кўрди, сўнг кундузи киядиган янги кийимини кийиб олди-ю, тайомила бошқа одам бўлиб кетди.

«Энди граф де Трайдан қолишадиган жойим йўқ,— деди ўзига ўзи у.— Ниҳоят дворянлар қиёфасига кирдим!»

— Жаноб Эжен,— деди ичкари кириб келган Гориօста,— де Нусинген хоним кимларникига бориб туради деб сўраган эдингиз мендан.

— Ҳа.

— Бўлмаса билиб қўйинг, келаётган душанбада у маршал Карильяноникига балга борар экан. Сиз ҳам ўша ерга бориш имкониятини топсангиз, қизларимнинг қандай

вақтичөглиқ қилишганини, қандай кийини шганини, хуллас, ҳаммасини гапириб берасиз.

— Буни қаердан билдингиз, азизим Горио ота? — деб сўради Эжен, уни камин олдига ўтқазар экан.

— Менга унинг уй ходимаси айтди. Констанция билан Терезадан қизларимнинг нималар қилишини билиб юраман,— деди хурсанд бўлиб Горио.

Чол ҳозир ҳеч кимда ҳеч қандай шубҳа туғдирмай ўз севгилиси ҳаётидан хабардор бўлиб туриш йўлини топгани билан баҳтиёр ошиқ йигитчаларга ўхшаб кетган эди.— Сиз уларни кўрасиша! — деб қўшиб қўйди у, ўзининг аламли ҳasad қилаётганини соддадиллик билан изҳор қиласкан.

— Билмадим,— деб жавоб қилди унга Эжен.— Ҳозир де Босеан хоним ҳузурига бориб, мени маршалнинг хотинига танишириб қўя оласизми деб сўраб кўраман.

Эжен энди бундан кейин доим кийиб юрадиган кийимида виконтесса ҳузурига боришини ажаб бир доҳиллий шодлик туйғусига гарқ бўлиб ўйлади. Ахлоқшунослар «киши қалбининг чексиз бойликлари» деб атаган нарса аслида сохта фикрлар, шахсий манфаат йўлидаги беихтиёр интилишлардир. Қанчадан қанча тумтарақ муҳокамаларга мавзу берадиган кўнгилнинг бу ҳамма бекарорликлари, бу кутилмаган ҳамма ўзгаришлар бир мақсадни: кўпроқ ҳузур қилишни кўзда тутади! Эжен яхши кийим-бош, модабоп қўлқен ва чиройли этик кийиб олгандан кейин әзгулик тўғрисидаги ҳамма мулоҳазаларини унуди. Одатда ёшлар ҳақиқатдан юв ўғиргандан кейин виждан ойнасига қарашга юраги бетламайди, ваҳоланки, катта ёшдаги кишилар эса бу пайтда у ойнага қараб тўйган бўладилар; одамлар ҳаётида икки давр ўртасидаги тафовут мана шу, холос.

Иккала қўшиш — Эжен билан Горио ота кейинги бир неча кун ичида дўстлашиб кетишиди. Уларнинг бир-бирига ёки қолганининг психологияк асоси студент дилида Вотренга нисбатан тамоман тескари ҳислар уйғотди. Агар бирор дадил файласуф ҳисларимизнинг жисмоний оламга таъсирини белгиламоқчи бўлса, ҳисларимизнинг сезиларли таъсири жониворлар билан бия ўртамишдаги муносабатларда амалда кўринишига кўпгина мисоллар топа олган бўларди, албатта. Бирон нотаниш одамни учратган ит унинг ўвига дўст ё душманлигини дарров ажратиб ола олади, лекин инсон характерини бунчалик тез фарқ қила олишга қайси физиономистнинг қурби етади? Епишқоқ атомлар — бу ибора худди мақолдек кенг тарқалиб кетган ва ҳамма

эски сўзларни тўпондек тўзитиб юборишни истаган одамларнинг фалсафий сафсаталарига парво қилмай жонли тилимизда яшаб келмоқда. Муҳаббат юқадиган нарса. Эҳтирослар ҳар нарсада ўз таъсирини қолдиради, улар узоқ масофалардан учиб ўтади. Мактуб — қалбнинг ўзгинаси, гапираётган одамнинг сўзлари унда акс садо бериб янграйди, бу янгроқ акс садони кўнгли нозик одамлар муҳаббатнинг энг қимматбаҳо хазиналаридан деб ҳисобладилар. Горою отанинг кўр-кўронга туйгулари итларнинг ҳушёригичалик ўткир әдиким, шунинг учун у студентнинг оқ кўнгил эканлигини, унинг қўнглида ўзига нисбатан туғилган меҳрни, ачиниш ҳисларини сезиб олди. Шундай бўлса ҳам, улар орасида туғилган яқинлик ҳислари сирдошлик дараҷасига етганича йўқ әди. Эжен де Нусинген хонимни кўриш истаги борлигини билдирган бўлса ҳам, чолнинг ёрдами билан унинг уйига кириб боришига кўзи етмас әди, у фақат бу ҳақда Горою қизининг олдида гап очиб қолар ва шу тарзда хизмат кўрсатар деган умидда әди. Горою ота Эженга қизлари тўғрисида гапирганда, у икки хоним олдига бориб келган куни ҳамманинг олдида унинг ўзи айтган гап доирасидан чиқмади. Эртасига Горою унга бундай деди:

— Азизим, де Ресто хоним менинг номимни тилга олганингиз учун аччиқланиб қолди деган фикрларга бориб юрибсиз? Нечук бундай қилдингиз? Иккала қизим ҳам мени жуда яхши кўради. Мен баҳтиёр отаман. Аммо иккита куёвим мен билан ёмон муомала қилишади. Азиз қизларимнинг мени деб әрлари билан уришиб юришларини истамадим, шу сабабдан ҳеч кимга кўринмай бориб, уларни кўриб келишни афзал кўрдим. Бу сирли учрашувлар менга кўп қувончлар бағишлайди, қизлари билан истаган вақтда кўриша оладиган оталар буни ҳеч вақт тушунолмайдилар. Аммо мен улар билан истаган вақтимда кўриша олмайман, тушуняксизми? Шунинг учун, ҳаво очиқ кунлари қизларимнинг уй ходималаридан уларнинг сайр қилгани чиқиши нияти бор-йўқлигини билиб олиб, Елисей Даласига бораман. Хуллас, мен қизларим ўтадиган жойда тураман, уларнинг каретаси рўпарамга келганда, юрагим гурсиллаб ура бошлайди; қизларимнинг кийимларини томоша қиласман; ёнимдан ўтиб кета түроқиб, қизларим менга жилмайиб салом беришади, шундай пайтларда бутун табиат гўё аллақандай, жудаям ёрқин қуёш шуъласида олтиндек жилоланиб кетгандек туолади. Кейин мен уларнинг орқага қайтишларини кутиб тураман. Шундай қилиб, уларни яна

бир марта кўраман! Очиқ ҳавога чиқишгани фойда қилибди,— рангларига қизил югурибди. Атрофимдан «Қандай гўзал ҳоним экан-а!»— деган товушлар эши-тилади. Кўнглим тоғдек кўтарилади. Амир, улар менинг фаэрзандларим эмасми! Уларнинг каретасига қўшилган от-ларни яхши кўраман, қизларим тивваларида олиб ўтирган кучукча бўлгим келади. Уларнинг ҳуэур-даловати менга ором беради. Ҳар ким ўзича яхши кўраркан. Менинг севгим кимга ҳалақит қиляпти? Нега одамлар мени тинч қўйишмайди? Мен ўзимга яраша баҳтлиман. Кечқурун бирор ерга балга кетишаётганди, қизларимни бир кўриб қолиш учун уларнинг дарвоваси олдига бориб турсам, бунинг нимаси жиноят? Кеч қолган пайтларимда, хизматкорлар менга: «Ҳоним жўнаб кетдилар!»— деб хабар қилишса, қандай хафа бўламан. Бир марта мен Назини ро-са икки кун кўрмадим, уни бир кўриш учун кечқурун борганимдан то әрталаб соат учгача кутиб турдим. Ҳурсанд бўлганимдан, юрагим ёрилиб ўлаёздим! Илтимос қиласман сиздан, бирон ерда менинг тўғримда гап бўлиб қолса, фа-қат қизларимнинг яхшилиги тўғрисида гапириング. Улар мени ҳар хил совға-саломларга кўмиб юборишади-ю, аммо бунга ўзим йўл қўймайман, уларга: «Пулингизни ўзингиз-учун эҳтиёт қилинг! Совға-саломни нима қиласман? Менга ҳеч нарсанинг кераги йўқ»,— дейман. Рост-да, мен нима деган одамман? Ожиз бир мурдаман, юрагим эса ҳамма вақт ва ҳар ерда қизларим билан бирга. Де Нусинген ҳонимни кўрсангиз, қизларимнинг қайси бири сизга кўпроқ ёққанини айтарсиз,— деб қўшимча қилди бир оз жим тургандан кейин чол, Эженнинг кетмоқчи бўлаётганини кўриби студент де Босеан ҳоним ҳузурига борадиган вақт бўлгунча Тюильрини бир айланиб қолмоқчи эди.

Мана шу сайр Растињакнинг тақдирини ҳал қилди. Бир неча аёл унга эътибор бериб қолди. У шундай нав-қирон, шундай ўқтам йигит эди, кийим-бошлари чунонам дид билан тикилган эди! Унга сұдланыб қарашаётганини кўриб, сингиллари билан холасини товлагани, ёвузвиклардан нафрлатланиб юз ўрганини унутди қўйди. Эжен бо-ши устидан фаришта қиёфасидаги иблис учиб ўтганини кўрди; бу олачипор қанотли иблис дур-гавҳарлар сочиш, шоҳ саройлари пештоқларига олтин найзалар қадаш, асл-ларни алвон ранг шоҳона либосларга буркаш ва анча га-рибона бўлган тахтларни бемаъни бевакларга ўраб ташлаш билан шуғулланарди; студент йигит биз қудрат рамзи деб

билган ярқироқ тақинчоқлар туфайли тумтароқ бўлиб кўринган шуҳратпастлик худосининг тузогига илингган ёди. «Мұҳаббату олтін десанг, истаганингча!»— деб вадда қиладиган бедаво қўшмачининг башараси қизнинг хотирасида қандай ўрнашиб қолса, Вотреннинг гапи ҳам, ҳар қанча беҳаёлик билан айтилган бўлишига қарамай, унинг кўнглига шундай ўрнашиб қолганди.

Эжен бепарво кезиб юриб, соат бешларда де Босеан хонимниги келди, келди-ю ёш йигитлар қалби дош берга олмайдиган жуда қаттиқ зарбага дучор бўлди. Шу пайтгача виконтесса уни ҳурмат, очиқ чехра ва хурсандлик билан қарши оларди. Аристократик тарбия натижасида әгалланадиган бу одат фақат чин юракдан бўлганда такомилаға ета олади. Эжен кириб келар экан,— де Босеан хоним қуруққина қилиб бош иргитиб қўйди-ю, очиқдан-очиқ қилиб деди:

— Жаноб де Растињяк, сизни қабул қилишга имконим йўқ; айниқса ҳозирги дақиқада! Жуда бандман...

Зийрак одам учун — Растињяк жуда тез вақтда ана шундай зийрак бўлиб қолганди,— хонимнинг гаплари, бош иргитиши, кўз қараси, овозидаги ўзгаришлар,— булатнинг ҳаммаси маълум мазҳаб кишининг ахлоқи ва характери ҳақидаги бир қисса ўринини босарди. У баҳмал қўлқоп ичидағи қўл пўлатдан эканини, олижаноблик ниқоби остида—ҳамма нарсадан ўз шахсини юқори қўйишилик, худбинлик ётганини, лок остида — бармоқ эмас, ёғоч эканини кўрди. У ниҳоят подшо тожидан бошланиб, энг ҳароб дворяннинг қалпогигача бориб уланадиган: «Бизким, қирол»,— деган тушунчанинг нималигини англаб етди. Эжен хотин кишининг гапига лаққа тушиб, унинг олижаноблигига осонгина ишонганди. Ҳамма баҳти қора одамлар сингари у ҳам ўзи истаган битимни ҳалоллик билан имзолаганди, бу битим валинеъмат билан унинг ҳимояси остидаги одамни бир-бирига маҳкам bogлайди ва биринчи моддасидаёқ бу саҳоватли одамларнинг иккаласини ҳам тенг деб өълон қилади. Бундай хайрли иш икки кишини бир-бирига боғлар экан, у чинакам муҳаббатга ўхшаган нодир ва бебаҳо бир ҳис баҳш этади. Бу ҳисларнинг ҳар иккиси ҳам фақат олижаноб қалблар совға қила оладиган нодир нарсалардир.

Герцогиня Карильянонинг балига бориш ниятида Растињяк қариндошининг бу қилиғига дош берди ва титроқ овоз билан деди:

— Хоним, муҳим иш чиқиб қолмаганда, келиб ғаши-  
нгизга тегавермасдим. Муруват қилиб, кечроқ бўлса ҳам  
яна бир ҳузурингизга келишимга рухсат берсангиз, кутиб  
туришим ҳам мумкин.

— Хўп, яхши, мен билан овқат қилгани келинг,— деди  
у, ўзининг қаттиқ гапириб юборганидан ўзи ҳам бир оз хи-  
жолат тортиб, бу чиндан ҳам оқ қўнгил ва олижаноб  
аёл эди.

Эжен унинг тўсатдан ўзгариб қолганидан қаттиқ таъ-  
сиrlаниб кетди, аммо шунда ҳам бу ердан чиқиб кетар  
экан хаёлига шундай фикрлар келди: «Ўнга хушомад қил,  
ҳаммасига чида. Аёллар ичидаги ўзиги яхшиси бўла туриб,  
дўстлик аҳдларини шунисики бир зумда чиппакка чиқа-  
риб, ўзингни эски ботинкадек улоқтириб ташлагандан  
кейин, бошқаларидан қандай хайр кутиб бўларди? Демак,  
ҳар ким ўзим деркан-да? Тўғри, мен унинг ҳимоятига  
муҳтоҷ бўлганим учун у айбдор әмас; унинг уйи дўкон  
ҳам әмас, албатта. Вотрен айтгандек, тўп ўқидек ёриб  
кириш керак булар орасига».

Де Босеан хонимникида овқат қилишини ўйлаб лаззат-  
ланганидан Растињакнинг аччиқ фикрлари тез тарқаб кет-  
ди. Шу тарзда, тақдирнинг тақозоси билан, ҳаётидаги  
ҳар бир арзир-арзимас ҳодисалар ҳам, гёё битишиб ол-  
гандек, уни шундай бир йўлга итармоқчи эдик, бу йўлда,  
у Воке пансионидаги сфинкснинг гапи билан айтганда,  
жанг майдонига чиқиши ва ўзи ўлиб кетмаслиги учун бош-  
қаларни ўлдириши, ўзи алданиб қолмаслиги учун бошқа-  
ларни алдаши керак; бу йўлга кириш учун йўл бошидаги  
бекатга виждон билан юракни ташлаб ўтиши, юзига ниқоб  
тортиши, одамларни қўғирчоқ қилиб ўйнатиши керак эди:  
гулчамбарга мусассар бўлиш учун Лакедемондаги сингари  
одамлар назаридан четда ғалаба қозонишга тайёрланиши  
лозим эди\*.

Эжен виконтессаникiga қайтиб келиб, унинг яна ҳар  
вақтдагидек ширин сўз ва очиқ юз бўлиб қолганини кўр-  
ди. Улар иккаласи емакхонага йўналишди, бу ерда виконт  
де Босеан хотинини кутиб турган экан. Дастурхон усти-  
даги жамики идиш-товоқларда олтин товланаарди; ҳаммага  
маълумки, Рестоврация даврида бундай гўзал идиш-товоқ-  
лар айниқса расм бўлган эди. Ҳар қандай ўзига тўқ одам  
сингари виконт учун ҳам мана шундай ажойиб тузалган  
дастурхонда овқат ейишдан бошқа лаззат қолмаганди. У

овқатга ўчлика Людовик XVIII ва герцог Эскар тойфасидаги одам эди\*. Унинг уйида тузаладиган дастурхон икки ёқлама лаззат бағишларди — ҳам кўз қувонарди, ҳам оғиз. Ҳанг-манг бўлиб қолган Растињяқ ҳали шу пайтгача бундай ажойиб манзарани сира кўрган эмасди; у умрида биринчи марта бундай сердабдаба вазиятда овқатланиши әди; ана шу дабдабали ҳаёт эса бу хонадонда авлоддан авлодга ўтиб келарди. Империя даврида расм бўлган, бал тугагандан кейин бериладиган зиёфатлар яқинда бекор қилинганди, у вақтларда ҳарбийлар бегона юртларда ҳам, ўз ватанида ҳам олиб бориладиган жангларда иштирок этиш учун куч-қувват тўплашлари керак эди. Бугунгача Эжен фақат балларда бўлган эди. Кейинчалик ўз мағурлиги билан донг чиқарган Эжен шу кунларданоқ ўзига ишонишни одат қила бошлаган эди, шунинг учун у ҳозир ҳам ўша ғурури туфайли, довдираб қолмади. Лекин тасаввuri зўр одам оила тамғаси босилган олтину кумуш идиш-товоқларни ва ҳашаматли дастурхонга қўйилган хилма-хил лаззатли таомларни, товуш чиқармай хизмат қилиб юрган хизматкорларни биринчи марта кўргандан кейин, гарчи қашшоқликда турмуш кечиришга шу бугун эрталаб аҳд қилган бўлса ҳам, бундай чиройли ҳаётдан ўша қашшоқликни афзал кўриши қийин, албатта. Эженинг хәёлида бирлаҳзагагина оилавий пансион манзараси намоён бўлди,— у шундай даҳшатга тушдики, январь ойидаёқ пансиондан кетаман, яхшигина бирор уйга кўчиб ўтаман, шу баҳонада Вотрендан ва доимо елкамга қўядиган унинг гурзилик вазмин кафтидан қутулиб кетаман деб қасам ичди. Бордию Парижда бузуқликнинг қанчадан қанча пинҳоний шакллари ёки ошкора хиллари мавжудлигини тасаввур қилишнинг иложи бўлса, фаросатли одам ўзига ўзи бундай деб савол берган бўларди: давлат нима сабабдан янгилишиб Парижда мактаблар очиб, унга ёшларни тўплаб юрибди, дўндиққина жувонлар нима сабабдан у ерда даҳисизлик ҳуқуқидан фойдаланиб юришибди, саррофларнинг ёғоч лаганчаларига териб қўйилган олтин тангалар сеҳр қилингандек нега ғойиб бўлиб қолмайди? Аммо ёвузликларни, ҳатто бузуқроқ ишларни ёшлар орасида кам учрашини ўйлаганингда, ўзи билан ўзи курашиб ётган ва бу курашда деярли ҳамма вақт устун чиқадиган сабр-тоқатли Танталларга нисбатан беихтиёр ўзингда ҳурмат ҳисси уйғонганини сезасан! Ҳеч бўлмаганда мана шу камбағал студентни мисолга олиб, унинг Парижга қарши олиб борган кураши-

ни тасаввур қилсангиз,— у асар ҳозирги маданий ҳаётимиздаги энг драматик эпизодлардан бири бўлиб ҳисобланарди.

Де Босеан хоним, дилидаги гапни айтармикин, деган ниятда Эженга қараб-қараб қўйса ҳам бўлмади — у виконт олдида дардини очиб гапиргиси келмади.

ВиконтеSSA эридан:

— Бугун мени итальянлар театрига кузатиб борасизми? — деб сўради.

Эри эса Растиньяк сезмай қолган бир истеҳзо билан:

— Сизга бўйсуниш менга жуда ҳам катта ҳузур бағишлаган бўлар өди,— деб жавоб қилди,— бунга шубҳаңгиз бўлмаса керак, албатта, лекин бугун Варьете театрида баъзи одамлар билан учрашишим керак өди.

«Маҳбубаси билан учрашади»— деб хаёлидан ўтказди де Босеан хоним.

— Д'Ажуда бугун кечқурун келмайдими? — деб сўради виконт.

— Йўқ,— деб жавоб қилди виконтеSSA алам билан.

— Унда, албатта бирор кавалер زارур бўлса, ўзингиз билан жаноб де Растиньякини олиб кета қолинг.

ВиконтеSSA жилмайиб туриб Растиньякка қаради.

— Бу иш сизга жуда зиён бўлади,— деб қўйди у.

— «Францууз хавф-хатарни яхши кўради, негаки шундан у шуҳрат ортириади», деган өди Шатобриан,— деб жавоб қилди Растиньяк, бош өғиб.

Бир неча минутдан кейин икки ўринли карета ғизиллағанча де Босеан хоним билан Эжени энг машҳур театрга олиб кетмоқда өди. У саҳна рўпарасидаги ложага киргандава валдагиларнинг ҳаммаси лорнетларини бағоят шинам кийинган виконтессага, наинки виконтессага балки унга ҳам қаратганларида ҳамма ёқ афсонавий бир манзара кашф етгандек бўлди. Хуллас, бир жозиба ўрнини иккинчиси згаллаб турди.

— Мен билан гаплашмоқчи әдингиз,— деб де Босеан хоним унга ёслатиб қўйди.— Қаранг, ҳув ана де Нусинген хоним, биздан уч ложа нарида ўтириби. Унинг қаршисида эса унинг опаси жаноб де Трай билан ўтириби.

ВиконтеSSA шундай деб туриб, мадемуазель де Рошфид банд қилган ложага кўз юргутириди-ю, дарров чеҳраси очилиб кетди: у ерда д'Ажуда йўқ өди.

— Жуда чиройли экан,— деди Эжен, де Нусинген хонимга қараб.

- Киприклари сарық.
- Аммо бели хипча, келишган экан.
- Лекин қўллари катта.
- Кўзлари қўҳлик экан.
- Юзи жуда чўзиқ.
- Юзининг чўзиқлиги — асил зотига тортган.
- Бахтли экан, шунчалик бўпти, лорнетини қандай тутиб, қандай тўширишига қаранг! Ҳар бир ҳаракатидан Гorio авлоди экани яққол кўриниб турибди,— деб жавоб қилди виконтеSSA, Эженини ғоят ҳайрон қолдириб.

Ҳақиқатан ҳам, де Босеан хоним де Нусинген хонимга мутлақо эътибор бермай лорнетчаси орқали театр ҳалини кўздан кечирмоқда эди, лекин де Нусинген хонимнинг биронта ҳам ҳаракати унинг вътиборидан четда қолмаётган эди. Театрга энг асилзода одамлар келган эди. Де Босеан хоним билан келган чиройли, хушбичим қариндошининг кўзини узмай унга тикилиб ўтиргани Дельфина Нусингенга манзур бўлди...

— Ундан кўз узмай қарайверсангиз, очиқдан-очиқ одёбсизлик бўлади бу. Хиralик билан ҳеч нарсага өриша олмайсив.

— Мухтарам хоним,— деди унга Эжен,— менга жуда катта яхшилик қиласингиз; агар шу яхшилигингизни охиригача давом эттироқчи бўлсангиз, сиздан фақат битта нарсани илтимос қилардим; сиз учун у ҳеч қийин эмас, мен эса ундан бактиёр бўламан. Мен севиб қолдим.

— Дарров-а?

— Ҳа.

— Шу аёлни-я?

— Истакларимга яна бошқа жойдан ҳам жавоб топа олармидим?— деб сўради у, қариндошига синовчан кўзлари билан тикилиб қараб; бир онлик сукутдан кейин яна гапини давом эттириди:— Герцогиня де Карильяно Беррий герцогиняси билан яқин, ҳойнаҳой сиз ҳам у билан учрашиб турсангиз керак, шундай экан, бир илтифот қилиб, мени унга тавсия қиласангиз ва унинг келаётган душанбадаги балига олиб борсангиз. У ерда мен де Нусинген хоним билан учрашиб, биринчи марта ҳужумга ўтиб кўраман.

— Жоним билан,— деди у.— уни ҳалитдан ёқтириб қолган бўлсангиз, ошиқлик фаолиятингиз жуда яхши юришиб кетипти. Ҳөв анави де Марсе, княгиня Галатион ложасида ўтирибди. Бу де Нусинген хоним учун бир авоб, ҳозир у рашк ўтида қоврилиб ўтирибди. Аёл кишига, ай-

ниқса банкирнинг хотинига яқинлашиш учун бундан ҳам қулай фурсат бўлмайди. Шоссе д'Антен кўчасида турадиган хонимларнинг ҳаммаси ҳам ўч олишини яхши кўришади.

— Бундай пайтда ўзингиз нима қилган бўлардингиз?

— Менми? Дардимни ичимга ютиб кетган бўлардим,

Шу пайт де Босеан хоним ложасига маркиз д'Ажуда кириб келди.

— Ишларни нари-бери битказдиму, сизни кўриш учун югурдим, бу қилган ишимни фидойилик демоқчи эмасман, шунинг учун ҳам сизни бундан хабардор қилиб қўяяпман.

Виконтессанинг юзи шодликдан очилиб кетганига қараб Эжен чин муҳаббат билан парижлик хонимларнинг сохта ноз-ишвалари орасидаги фарқни тушуниб олди. Қариндошини меҳр билан томоша қилиб туриб, жим қолди ва бир хўрсиниб, жойини маркиз д'Ажудага бўшатиб берди. «Бундай сева оладиган хотин нақадар олижаноб, нақадар чинакам олийзот бўлиши керак! — дерди ўзига ўзи Эжен. — Бу одам бўлса, аллақандай қўғирчоқ деб, ундан юз ўгирмоқчи бўлиб юрибди! Қандай бевафолик қилиб бўлади унга?» Унинг кўнглида болаларга хос бир ғазаб пайдо бўлди. Шунда у қариндошининг оёқлари остига ўзини ташлагуси келиб кетди, водийдан мурғак әчки боласини тикка осмонга олиб қочадиган бургутга ўхшаб, уни юрагида олиб кетиши учун иблисдек құдратли бўлиш орзуси ёнди. Бундай улкан нафосат музейига у ўз санами, яъни ўз маҳбубасисиз ташриф буюришни ўзига эп кўрмади. «Маҳбуба ва шоҳона вазият — құдрат нишонаси деб ана шуни айтса бўлади». Шундай деб ўйлади-ю, де Нусинген хонимга бир қараб қўйди — бу қараш ҳақоратланган одамнинг ҳақорат қилувчига тикилишига ўхшаб кетарди. Виконтесса унга ўгирилди ва фақат киприк қоқиб, камтарлиги учун Эженга ташаккур билдири. Биринчи парда тугади.

У марказ д'Ажудадан:

— Сиз де Нусинген хонимни де Растињак билан танишитириб қўя олиш даражасида яхши танийсизми? — деб сўради.

— Жаноб де Растињакни ўз ложасида кўриш хонимга тоят катта ҳузур бағишлигар бўларди, — деди маркиз.

Португалиялик ўқтам йигит ўрнидан туриб, студентни қўлтиқлаб олди ва бирпастдан кейин Эжен ўзини де Нусинген хоним қаршисида кўрди.

— Баронесса,— деди унга қараб д'Ажуда,— сизга ви-  
контесса де Босеаннинг қариндоши шевалье\* Эжен де Ра-  
стинъякни таништириш шарафига мұяссарман. Сиз уни  
шундай мафтун қилиб қўйибсизеки, тезроқ ҳузурингизга  
олиб келиб, уни бахтиёр қилишга ошиқдим.

Маркиз жумлаларининг дағал маъносини ниқоблаш  
мақсадида, уларни ҳазил оҳангида гапирди, чунки ҳар қан-  
дай жумла ҳам яхши қолипга солиниб айтилса, аёл кишида  
норозилик уйғотмайди. Де Нусинген хоним бунга жавобан  
жилмайиб қўйди ва Растинъякни ҳозиргина чиқиб кетган  
өрининг креслосига таклиф қилди.

— Мен билан шу ерда қолинг, деб айтишга журъат  
қилолмайман. Де Босеан хоним ҳузурида ўтиришдек бахтга  
сазовор одам ундай бахтдан воз кечиб кетолмайди.

— Лекин қариндошимнинг мендан рози бўлиши учун,  
вҳтимол, сиз билан шу ерда қолганим маъқул бўлар,—деди  
унга Эжен секингина, сўнгроқ овозини баландлатиб қў-  
шиб қўйди:— Маркиз келишидан олдин у билан сиз тўғ-  
рингизда, сизнинг ҳар жиҳатдан ғоят латофатли эканингиз  
тўғрисида гаплашиб ўтирган әдик.

Д'Ажуда таъзим қилиб, чиқиб кетди.

— Ростдан ҳам менинг олдимда қолмоқчимисиз?— деб  
сўради баронесса.— Унда бир-биримиз билан яқинроқ та-  
нишиб оламиз. Де Ресто хоним сизни кўришга менда иш-  
тиёқ уйғотди.

— Ундей бўлса, графинянинг гаплари унча самимий  
эмас, у мени қабул қиласмасликни тайинлаб қўйибди.

— Нима учун?

— Бунга нима сабаб бўлганини айтишдан хижолат  
қиласман, аммо бундай сирдан сизни воқиф қиласр эканман,  
сизнинг илтифотингизга умид бағишлийман. Отангиз би-  
лан мен бир уйда турадиган қўшнилармиз. Лекин гра-  
финя де Рестонинг унинг қизи эканлигидан бехабар әдим.  
Сира хафа бўладиган гап айтимаган бўлсан ҳам, отангиз  
тўғрисида оғиз очишдек әҳтиётсиаликка йўл қўйиб, опанг-  
из билан поччангизнинг ғазабини қўзғаб юборибман.  
Уларнинг отадан бундай воз кечиб юборишганини қарин-  
дошим де Босеан хоним билан герцогиня де Ланжега қан-  
дай мешчанлик бўлиб қўринганини билсангиз әди. Мен  
юз берган воқеани уларга айтиб берган әдим, улар роса  
хахолаб кулишди! Ана ўшанда де Босеан хоним сиз билан  
опангизни таққослаб, сизни жуда яхши сўзлар билан тилга  
олди ва менинг қўшним, жаноб Горо билан самимий му-

носабатда әканлигингизни таъкидлаб ўтди. Отангизни севмай бўлар әканми? У сизни шундай жон-дилидан яхши кўрадики, ростини айтсан, ҳатто рашким ҳам кела бошлади. Бугун эрталаб у билан иккаламиз сиз тўғрингизда роса икки соат гаплашдик. Кечқурун эса, отангиз айтган гапларни эслаб, овқат вақтида виконтессадан сиз тўғрингизда: «Наҳотки у отасига шунча меҳрибон бўлгани устига ўзи ҳам чиройли бўлса?»— деб сўрадим. Афтидан, де Босеан хоним менинг сизга бўлган оташин завқимни яна ҳам ошироқчи бўлди шекилли, ўзига хос муруват билан сизни шу ерда кўришим мумкинлигини айтиб, мени ўзи билан театрга олиб келди.

— Ана холос, аллақачон сизга миннатдорчилик билдиришим керак бўлиб қолибди-да?— деб сўради банкирнинг хотини.— Гап шу тарзда борса, кўп ўтмай қадрден дўст бўлиб кетамиз.

— Албатта, сиз билан ғайри табиий бир йўсинда дўстлашишимиз лозим, аммо сизга фақат дўст бўлиб қолишни ҳеч қачон истамас әдим.

Зодагонлар орасига әнди кириб келаётгандаргина ишлатадиган бундай маза-бемаза гаплар, четдан қараган одамга кулгили туюлади, аммо аёл киши учун доим ёқимли бўлиб қолаверади: чунки ёш йигитнинг гапириш оҳангি, нигоҳ ташлаши ва бундай пайтлардаги хатти-ҳаракатлари ҳар қандай маза-бемаза гапларга ҳам кўп маъно бағишлийди. Де Нусинген хоним Растињъакни дилбар йигит деб топди. Бундай дадиллик билан очилган гапга ҳамма хотинлар каби нима деб жавоб беришни билмай, хоним гапни бошқа тарафга бурди:

— Тўғри, опам бечора отамга бундай ёмон муомала қилиб, ўз обрўсига путур етказяпти, отамга биз худди худога сифингандек сифинишимиз керак. Мен отам билан фақат эрталабки пайтларда кўришишарканман, жаноб де Нусингеннинг қатъий бўйругига буйсунишга мажбур бўлганимдан шундай қиласман. Аммо кейин кўп вақтгача ўзими ни бахтсиз ҳис қилиб юрдим. Роса йигладим. Қўполдан қўпол оиласидай можаролар кетидан бундай зўравонлик оиласидай ҳаётимни заҳарланишига яна бир сабаб бўлди. Зодагонлар орасида мени Париждаги әнг бахтиёр аёл деб ўйлашади, ҳақиқатда эса мен бахтсиз хотинман. Сиз билан бундай гаплашаётганим бефаросатликдек бўлиб туюлиши мумкин. Лекин сия отамни танийсиз, унинг таниши бўлганингиз учун менга бегона әмассиз.

— Сизники бўлиш истаги билан менчалик ёнган бошқа ҳеч кимни ҳеч вақт топа олмайсиз,— деб унга жавоб қилди Эжен.— Сиз, аёллар, нима истайсиз ўзи? Бахт,— деб жон куйдириб гапида давом этди у.— Модомики аёл киши учун бахт деган нарса кимнингдир севгилиси бўлишдан, кимнидир ўзига мафтун қилишдан иборат бўлса, барча орзуистаклари, барча ширин умидларини, курсандлик ва хафаликларини ҳамдамлашадиган дўстга юрак дардини очиқ айта олиши, дилидаги жамики камчиликлар ва ажойиб фазилатларни ҳеч қандай хиёнатдан қўрқмай, баҳузур айта оладиган самимий дўстга эга бўлишдан иборат бўлса, унда, гапимга ишонаверингки, бундай дўстни ширин хаёллар қучогида юрган, сизнинг битта ишорангиз биланоқ жон Фидо қилишга ҳам тайёр турган, бир ўзингизни бутун оламдан ортиқ кўргани учун, оламни на билган ва на билишни истаган ёш йигитлар орасидан топасиз. Менинг соддадиллигимдан кулсангиз ҳам, ўз ҳақимда сизга тўғрисини айтиб қўя қолмоқчиман — мен хилват бир вилоятдан келганман, бу ерларда янги одамман, доим софдил одамлар қуршовида бўлганман, бу ерда эса севги деган нарсани учратмасам керак деб ўйлагандим. Тасодифан қариндошим билан учрашиб қолдим. У мен тўғримда астойдил жон куйдира бошлади; ана шундан кейин мен ўтли муҳаббат қучогида қанчадан-қанча хазиналар яшириниб ётганини сезиб қолдим; мен ҳам Керубиного ўхшаб, то биронта аёлга тамомила фидо бўлмагунимча, ҳамма аёлларга ошиқман. Театрга кириб, сизни кўрдиму, аллақандай бир тўлқин мени ўз гирдобига олиб, сиз тарафга сурис кетаверди. Сизни кўришимдан олдин ҳам сиз тўғрингизда жуда кўп ўйлагандим! Аммо сизни бунчалик гўзалсиз деб хаёлан ҳам тасаввур қилмаган әдим. Де Босеан хоним сизга узоқ қарашимга йўл қўймади. Сизнинг бежирим лаъли лабларингизга, момиқдек оппоқ юзингизга, хумор кўзларингизга қараш қандай лаззатли эканини у тушуна олмайди. Мен сизга ҳар хил бемулоҳаза гапларни айтиб юборяпман, аммо ўтинаман сиздан: мени гапиришдан маҳрум қилманг!

Аёл киши учун чашма сувининг жилдирашидек ёқимли, ширин гапларни әшитиб ўтиришдан ортиқ лаэзат йўқ. Бундай ширин гапларни әшитишга ҳуқуқи бўлмаган өнг художўй хотинлар ҳам, тутган мавқеи жавоб қайтаришга йўл қўймаса ҳам, индамай қулоқ соладилар. Мана шундай гап бошлаган Растињак ововипи пасайтириб, яна була-

лигўёдек сайраб кетди; де Нусинген хоним эса княгина Галатион ложасида қимир этмай ўтирган де Марсега қараб-қараб қўяр ва жилмайиб Эженга далда берарди. То бароннинг ўзи хотинини уйга кузатиб қўйиш учун қайтиб келгунча, Растињак де Нусинген хоним ложасида ўтири.

— Хоним,— деди Эжен,— герцогиня Карильяно балигача ҳузурингизга бир бориш умидидаман.

— Хотиним шижни таклиф қилган әкан, яхши кутип олишимижга ишонаферинг,— деди думалоқ юзидан айёр ва ҳийлакор одам экани кўриниб турган семиз эльзаслик немис.

«Ишларим хамирдан қил суғургандек осон юришиб кетди, у: «Мени сева олармидингиз?»— деган саволимдан ҳеч чўчиб кетмади-ку. Отим эгарланди, энди эгарга миниб олиб, жиловни қўлга олиш қолди»,— де Босеан хоним билан хайралашиш учун унинг ложасига кетаётган Эжен ма-на шундай деб ўйлар эди, виконтесса эса д'Ажуда билан бирга кетмоқчи бўлиб, ўрнидан тураётганди. Бечора студент баронессанинг дарди тамомила бошқа эканини билмасди: у де Марседан юракни эзib ташлайдиган, ҳал қилувчи охирги мактубни кутиб юрарди. Сохта муваффақиятдан оғзи қулогига етган Эжен виконтессани ҳар ким ўз каретасини кутиб турган ташқи колонналар остигача куза-тиб қўйди.

Эжен улар билан хайрлашиб кетгандан кейин португалиялик, де Босеан хонимга кулиб туриб деди:

— Қариндошингиз ўзида йўқ хурсанд. Бутун банкни тортиб слади ҳали. Жуда эпчил йигит кўринади, менимча унинг қўлидан ҳали кўп иш келади. Айнан мана шундай кўнгил овловчи йигитга муҳтож бўлган аёлни унга танлаб бериш фақат сизнинг қўлингиздан келади.

— Аммо у ўзини ташлаб кетаётган олдинги ошигини ҳали ҳам яхши кўрардими-йўқми, ана шуни билиш керак эди.

Студент ширин хаёллар сурисиб, Италиян театри хиёбонидан ўзининг Нев-Сент-Женевьев кўчасигача пиёда босиб ўтди. Эжен виконтессанинг, сўнг де Нусинген хонимнинг ложасида ўтирган вақтда графиня де Ресто унга тикилиб қараб ўтирганини кўрганди, бу эса графинянинг өшиги ёнди ҳам унинг учун ёпиқлигича қолмас деб ўйлашга ҳуқуқ берарди. Эжен маршал Карильянонинг хотинига ёқишига ҳаракат қилмоқчи, шу тарзда Париждаги энг олий табақа кишилари орасида ўзига тўртта юксак таянч орттироқчӣ эди. У умумий моддий манфаатларнинг мураккаб механизми орасида машинанинг юқори бўлимига чиқиб олиш учун

қандайдир бирор ғилдиракка ёпишиб олиш лозимлигини тушуниб қолган эди; бунга қандай қилиб эришиш мумкинлигини ҳали аниқ билмасди, аммо ўзини ўша асосий ғилдиракнинг кегайларидан бири бўлишга яроқли даражада маҳкам деб ҳисобларди. «Баронесса Нусинген менга ишқибоз бўлиб қолса, эрини истаган йўритигига солишни унга ўргатиб қўяман. У тоғ-тоғ олтинлар билан иш қиладиган одам, менга ҳам тез бойиб олишга ёрдам беради». Бу ганини у очиқ айтгани йўқ,— Эжен ҳали ҳар бир вазиятни пулга чақадиган, ҳар ишнинг қанча фойда-ю, қанча зиён келтиришини ўйладиган даражадаги уста сиёсатдон дарајасига ўсиб етганича йўқ; бу Фикрлар енгил булат парчалари сингари ҳали уфқда сузиб юрар ва Вотреннинг эътиқоди сингари аниқ бир шаклга кириб етилганича йўқ эди, аммо уларни виждан қўрасида бир тоблаб кўрилса хуносаси Вотреннинг фикридан бешбаттар бўлиб чиқарди... Одамлар виждан билан мана шундай битимлар тузиш орқали бизнинг авлод очиқдан-очиқ эътироф этган ахлоқий бузуклик дарајасига тушиб қоладилар, ёмонликка сира йўл қўймайдиган ва тўғри йўлдан садгина бўлса ҳам оғишни жиноят деб ҳисоблайдиган ажойиб иродали одамларни, жуда тўғри, ҳалол одамларни биз бу авлод орасида ҳар вақтдагидан ҳам камроқ учратяпмиз — бундай соғ вижданли одамларнинг ажойиб образларини бизга икки ижодкор тасвир қилиб берди: бири, Мольернинг Альцести\*, иккинчиси, яқинда Вальтер Скотт романидаги тасвирланган Женини Динс\* билан отасининг образларидир. Лекин бутунлай бошқача характердаги ажойиб асар ҳам, чунончи ташқаридан қараганда одобга хилоф бўлмаган йўл тутиб, ёвузвикларни четлаб ўтишга ва шу тарзда ўз мақсадига етишишга интилган юқори табақага мансуб шуҳратпараст йигитнинг босиб ўтган қинғир-қийшиқ айланма йўлларини ифода этган бадиний тасвир ҳам эҳтимол айнан шундай кишини ҳаяжонга соладиган, ажойиб асар бўлиб чиқар? Эжен пансионга етиб боргунча де Нусинген хонимга ишқибоз бўлиб қолди; хоним унга жуда хушбичим, нозанин бўлиб туюлди. Мулоим нигоҳлар, ипакдек майин бадан териси унга шундай нозик туюлдики, гўё унинг остидан оқаётган қон ҳам қўриниб тургандек өди,— кишини маст қиладиган хуш овози, оқ-сариқ соchlари — буларнинг ҳаммаси йигитнинг кўзи олдида намоён бўлди; эҳтимолки, тез юриб келганидан қон юриши тезлашиб, шундай ажиб

манзаранинг содир бўлишига олиб келгандир. Студент Горио отанинг эшигини қаттиқ тақиллатди.

— Қимматли қўшни, мен Дельфина хонимни кўрдим,— деб хабар қилди Эжен.

— Қаерда?

— Итальянлар театрида.

— Вақтини яхши ўтказдими у? Кирсангиз-чи бу ёқقا.

Чол кўйлакчанг ҳолда келиб эшикни очди ва югуриб бориб яна ўrniga ётиб олди.

— Қани, гапиринг,— деди у.

Эжен Горио отанинг хонасига биринчи марта кириши ёди, бунинг устига ҳозиргина қизининг дабдабали либосларини томоша қилғандан кейин кирганди, шунинг учун ота яшаб юрган бу каталакни кўриши билан юзида беихтиёр ажабланиш аломатлари пайдо бўлди. Деразаларда парда йўқ, нам тортиб қолган обой қофозлар бир неча жойдан кўчиб, тоб ташлаб қолибди, очилиб қолган ерларда деворнинг тутундан сарғайиб кетган шувоги кўриниб турибди. Чол йиртиқ-ямоқ кўрпа билан Воке хонимнинг эски кўйлакларидан қуроқ қилиб тикилган оёқса ташлаб қўйиладиган кичкинагина паҳталик кўрпача остига кириб ётибди. Пол нам ва чанг. Дераза рўпарасида пушти ранг ёғочдан ясалган эски бақалоқ жовон, жовоннинг тортмаларига узумнинг барғ ва новдалари шаклида ишланган тутқичлар ўрнатилган; тахта устига ўрнатилган эски умивальник, унда тос ичига қўйилган кўза ва соқол қириш буюмлари турипти. Бурчакда ташлаб юборилган шиппак ётибди, каравоти бошида эшикчаси ва мармар тахтаси йўқ тумба; каминнинг ичидаги кулдан асар ҳам йўқ; камин ёнида ёнгоқ ёғочидан қилинган оёқлари белдамчи билан уланган тўрт бурчак стол, Горио ота яқинда четига олтин ҳал юритилган кумуш идишни мана шу столда юмалоқлаган ёди. Кўримсизгина баланд столча, унинг устида Горионинг шляпаси; похол ўтиргичли кресло ва иккита стул билан хонадаги ғарифона жиҳозлар тугарди. Эшик пардаси осиладиган дор шифтга аллақандай латталар билан боғлаб қўйилган, аммо парда ўрнида оқ ва қизил доиралар босилган арzonгина бир парча латта тутиб қўйилганди. Энг камбағал хат ташувчилар ҳам ўз чердагида Горио отанинг Воке хоним уйидаги кечираётган кунидан тузукроқ турарди. Унинг хонасига бир кўз юргуртирган одамнинг ёти жунжикиб кетар, юраги эзиларди; бу хона турма камерасини эслатарди, эслатганда ҳам турманинг энг ёмон

камерасини эслатарди. Яхшиямки, студент столча устига шам қўяётганда Горио ота унинг юзини кўрмай қолди. Чол кўрпани иягигача тортиб олди-да, Эженга ўгрилди:

— Ҳўш, сизга қай бири кўпроқ ёқди, де Ресто хоним кўпроқ ёқдими, ё де Нусинген хонимми?

— Менга кўпроқ Дельфина хоним маъқул бўлди, чунки у сизни кўпроқ яхши кўради,— деди студент.

Бу ёқимли гапни эшишиб, Горио қўлини одеял ичидан чиқариб, Эженинг қўлини қисди.

— Раҳмат, раҳмаг,— деб тақорорлади таъсирланиб кетган чол.— Менинг тўғримда нималар деди у?

Растинъяк баронессанинг отаси тўғрисидаги гапларини бўяб, қўшиб-чатиб гапириб берди, Гориога эса унинг гапи бамисоли каломи оллодек эшитилди.

— Жоним қизим! Ҳа, тўғри, мени жуда яхши кўради. Аммо унинг Анастази тўғрисида айтган гапига ишонманг. Биласизми, қизларим мени бир-бирларидан қизғанишади. Бу уларнинг менга бўлган меҳрибончилигидан дарак беради. Де Ресто хоним ҳам мени жуда яхши кўради. Буни мен биламан. Ҳудои таоло ўз бандаларининг дилидаги ниятларигача билиб, ўшанга қараб ҳукм юритгандек, ота ҳам ўз фарзандларини жуда яхши билади. Иккаласи ҳам жуда меҳрибон менга. Эҳ, куёвларим ҳам яхши бўлишганда, дунёда энг баҳтли одам бўлардим! Бу дунёда тўла баҳтли одамнинг ўзи йўқ, албатта. Эҳ, қани энди улар билан бирга турсам. Уларнинг овозини эшишиб юрсам, улар шу орада, ёнгинамда эканини билиб, бирор ерга кетишашётган ё бирор жойдан келишган пайтларда кўриб турсам. менга шунинг ўзи бас эди,— бирга турган пайтимида турмушимиз худди шундай кечган эди, бундай пайтларда хурсанд бўлганимдан юрагим қинидан чиқиб кетаёзарди. Яхши кийиниб келишибдими?

— Ҳа,— деб жавоб қилди Эжен.— Лекин буниси қандай бўлди, жаноб Горио, қизларингиз шундай зеб-зийнатлар орасида яшаса-ю, сиз мана бундай ҳужрада турсангиз?

— Тўғрисини айтсан, менга бундан ортиқ жойнинг нима кераги ҳам бор?— деди Горио, ўзини бепарволикка олиб.— Буни сизга тушунтириб беришим қийин, жумлани жумлага улаб гапиришга уқувим йўқ. Ҳамма гап — мана бу ерда,— деди у кўкрагига бир уриб.— Менинг бутун ҳаётим қизларимда. Модомики улар яхши туришаркан, баҳтли экан, яхши кийиниб, пат гиламлар устида юришаркан, менинг кўйлагимнинг қандай матодан тикилгани-ю

қаерда ётиб ухлашимнинг нима аҳамияти бор? Улар иссиқ уйда туришса, мен ҳам совуқ қотмайман, улар хурсанд бўлишса, мен ҳам хафа бўлмайман. Уларнинг ғамидан ташқари менинг деч қандай ғамим йўқ. Ўзингиз ҳам ота бўлиб, болаларингиз овозини әшифтганингиздан кейин: «Булар менинг бир бўлагим!»— деб қоласиз ҳали, ўша кичкитойлар ўз қонингиздан эканини, наинки қонингиздан, жонингиздан эканини тушунасиз,— ҳақиқатан ҳам ўзи шундай!— назарингизда, улар билан бир жону бир тан бўлиб кетган-дек бўласив, улар қимираганда сиз ҳам бирга қимираёт-гандек бўласив. Ҳар тарафдан уларнинг овози әшитилиб туради менга. Уларнинг ғамгин кўзларига кўвим тушса бас, юрагим орқага тортиб кетади. Бир кун қелиб сиз ҳам ўз тинчингиздан кўра болаларингизнинг тинчидан кўпроқ баҳтли бўлиш мумкинлигини тушуниб қоласиз. Мен ҳамма гапни сизга тушунтириб бера олмайман: бу — ҳамма ёқа шодлик уруғини сочиб юрган юрак фаолияти. Қисқаси, мей уч ёқлама ҳаёт кечиряпман. Ҳоҳласангиз бир қизиқ гапни сўзлаб берай? Биласизми, мен ота бўлганимдан кейин ҳудога тушундим. Ҳамма мавжудот унинг қудрати билан пайдо бўлган, демак, у ҳар ерда ҳозири нозир. Қизларим билан менинг ўртамдаги муносабат ҳам худди шундай. Лёкин худо дунёни мен қизларимни яхши кўрганчалик яхши кўрмайди, негаки дунё худонинг ўзичалик гўзал эмас, аммо менинг қизларим ўзимдан минг бор яхшироқ. Қизларим менинг қалбимга шу қадар яқинки, шу бугун кечқурун сиз уларни кўрасив деган гап сира хаёлимдан нари кетмади. Е худо! Қани энди, бирор йигит Дельфина қизимни баҳтли қиласа, у бирор йигит тарафидан астойдил севилган аёл баҳтига мусассар бўлса,— мен ундан одамнинг ботин-каларини тозалайман, югурдаги бўламан. Қизимнинг уй ходимасидан әшифтганман ўша де Марсе деган бойвачча ярамас ит әкан. Бирам қўлим қишиб калласини сугуриб олгим келди-я. Шундай аёлни, булбулдек хушловоз, шундай бебаҳо, сарвқомат аёлни севмай бўладими? Ўша өлъязаслик тўнкага әрга чиқаётгандан қизимнинг кўзи қаёқда экан-а? Йикала қизим ҳам чиройли, хушмуомала, ширин-сўз йигитларга турмушга чиқиши керак эди. Ўзларининг инжиқлиги туфайли шундай кунларга қолиб ўтишибди.

Горио ота ҳозир жуда бошқача бўлиб кетганди. Эжен уни шу пайтгача бундай оталик меҳри жўш уриб турган ҳолда деч кўрмаган эди. Эҳтиросларимизнинг бехосдан жўш

уриб кетиши қандай яхши нарса. Энг жоҳил одамни мисол олиб кўринг: ўшандай одам ҳам чинакам муҳаббат ҳислари билан қайнаб-тошдими — бутунлай бошқа одам бўлиб кетади, бутун қиёфаси ўзгариб, хат-ҳаракатлари гўзаллашиб, овози жарангдор бўлиб кетади. Эҳтирослар таъсири остида ҳатто тўпори одамлар ҳам гапга чечан бўлиб кетади, у равон жумлалар тува олмаса ҳам, фикрлари сермазмун бўлади, аллақандай ёргу дунёга чиқиб қолгандек ўзгариб кетади. Мана ҳовир ҳам шундай бўлди: чолнинг ҳар бир имо-ишорасида, овозида кишини ўзига тортадиган қандайдир куч акс ётардики, бундай куч фақат буюк артистлардагина бўлади. Ажабо, бизнинг ёнг яхши ҳисларимиз ҳам иродамизнинг поэтик ифодаси өмасми?

— Демак, бундан чиқди, у де Маре билан алоқасини узса ҳам эҳтимол десам, хафа бўлмас экансиз-да? — деб сўради Эжен, Горио отадан.— Уша қуруқ савлат уни ташлаб, княгиня Галатионнинг пинжига кириб олибди. Лекин мен, бугун кечқурун Дельфина хонимни жуда ҳам яхши қўриб қолдим.

— Ростдан-а! — деб юборди Горио ота.

— Ҳа. Мен ҳам унга ёқдим шекилли. Биз бир соатча муҳаббат ҳақида сұхбатлашдик, индинга — шанба куни эса, албатта унинг ҳузурига бораман.

— О, қизимга ёққудек бўлсангиз, сизни шундай яхши кўрардимки, азизим. Сиз оққўнги одамсиз, сиз уни қийнамайсиз. Агар унга бевафолик қилгундек бўлсангиз, адидади этишиб ўтирасдан шартта каллангизни оламан. Хотин деган фақат бир марта севади, тушунасизми шуни? Е худо! Қандай бемаъни гапларни гапириб ўтирибман-а, жаноб Эжен! Бу ер сизга совуқ. Е худо! Демак, у билан гаплашибсиз-да? Менга бирон гап айтиб юбордими?

«Ҳеч нима», — деб хаёлидан ўтказди у, аммо овоз чиқариб:

— Сизга қизғин фарзандлик саломини етказишимни тайинлади, — деди.

— Хайр энди, қўшни, тинч ухланг, яхши тушлар кўринг, мен өса, сиз олиб келган гаплардан кейин жуда яхши тушлар кўришим турган гап. Илоё ниятингизга етинг, худонинг ўзи мададкор бўлсин сизга! Бугун кечқурун сиз қўзимга фаришта бўлиб кўриндингиз, сиздан қизимнинг ҳиди келиб турди.

«Бечора! — деб ўйлар өди Эжен, уйқуга ётар экан. — Буни қўриб, тош юраклар ҳам эриб кетса керак. Қизи турк

султони ҳақида ўйлаган бўлса ўйлагандирки, аммо отасини эсига ҳам олгани йўқ».

Мана шу сухбатдан кейин Горио ота қўшнисига ўз сирдоши, дўстидек қарай бошлади. Ўлар ўртасида чолни ўзга одам билан боғлай олишга қодир бўлган муносабатлар тикланди. Қизгин эҳтирослар ҳеч вақт ҳисобда янгишмайди. Горио ота, агар Эжен Дельфинага ёққудек бўлса, қизимга анча яқин бўлиб қоламан, унинг азиз меҳмони бўлиб турман деб орзу қиласди. Бундан ташқари, чол Эженга ўзининг изтироб чекиш сабабларидан бирини ошкор қилди. У бир кунда юз мартараб де Нусинген хонимнинг баҳти очилсин деб дуо қиласди, аммо у шу кунгача муҳаббат лаззатини ҳеч ҳам сурмади. Турган гапки, Эжен Горио ота назариди, ўзининг тан олишига кўра, шу пайтгача учратган йигитлар ичиди әнг ёқимтойи эди, шу пайтгача муҳаббат лаззатидан маҳрум бўлиб келаётган қизимни Растињяк баҳраманд қила олади, деб ўйласди. Шундай қилиб, Горио ота қўшниси билан дўстлашиб кетди, бу дўстлик тобора кучайиб боравердики, бусиз қиссамизнинг ечимини тушуниб бўлмасди.

Эртасига эрталаб ионушта пайтида Горио отанинг Растињяк ёнига ўтириб олиб, унга тикилиб-тиклиб қарашлари, Эженга айтган бир-икки оғиз сўзи, одатда ёғочдек қотиб, ҳеч қандай ҳисни ифода қилмайдиган, бугун эса бутунлай ўзгариб, жонланиб кетган юзи,—буларнинг ҳаммаси бошқа ҳўрандаларни ҳайрон қолдирди. Гунов кунги суҳбатдан кейин студентни энди учратаетган Вотрен унинг юзига тикилиб, дилидаги гапларни уқиб олишга уринарди. Бугун кечаси ухлашдан олдин Эжен қархисида очилган ҳаёт майдонининг бутун кенглигини бир назардан кечириб кўрган эди, ҳозир эса Вотрен билан тўқнаш келиб, у таклиф этган режаларнинг ҳаммаси лоп этиб эсига тушди-да, табиийки, мадемуазель Тайфернинг сепини ўйлаб, ўзини тута олмай Викторинага шундай қарадики әнг ээзгу ниятли йигитларгина бой-бадавлат қайлиқقا мана шундай назар билан қарайдилар. Тасодифан уларнинг кўзи кўзига тушди. Бечора қиз Растињякка янги кийим-бош жуда ярашганини эътироф этишга мажбур эди. Қиз билан маънодор-кўз уриштириб олгандан кейин, ўзини унга ёқиб қолганига шубҳаси қолмади, ёш қизларнинг ҳаммаси ҳам йўлида учраган, севишга арзидиган тузукроқ йигитларни мана шундай бир кўришда яхши кўриб қоладилар. Кўнглида: «Саккиз юз минг франк-а!»— деб ўйлаб қўйди. Лекин Эжен

дарҳол ўзини кечаги кун воқеалари устида ўйлашга мажбур қилди, де Нусинген хонимни яхши кўриб қолдим-ку. деган ясама ўйни ёмон хаёлларга қарши қўйишга қарор қилди.

— Кеча Итальянлар театрида Россинининг «Севилия сартароши» операсини кўрсатиши. Шу вақтгача бундан ажойиб музикани ҳеч эшитмаган эдим,— деди у атрофда гиларга.— Ё худо! Итальянлар театрида шахсий ложанг бўлса қандай баҳт-а!

Горио ота хўжайиннинг ҳар бир ҳаракатини бир лаҳза-да пайқаб оладиган итдек, бу гапнинг маъносини ҳам оғиздан чиқиши биланоқ билиб олди.

— Сиз әркакларнинг қозонингиз ҳам мой, чўмичингиз ҳам, кўнглингиз нимани истаса шуни қиласерасиз,— деди Воке хоним.

— Айтинг-чи, уйга қандай қайтдингиз?— деб сўради Вотрен.

— Пиёда,— деб жавоб қилди Растињак.

— Бунақа ярим-ёрти лаззатлар менга хуш келмайди. мен бўлсан, театрга ўз каретамда бориб, ўз ложамда ўтирган ва уйга ҳам мазза қилиб каретада қайтган бўлардим,— деди у йигитни васвасага солмоқчи бўлиб.— Менинг шиорим — ё мириқиб лаззатланиш, ё икки қўлни буринга тиқиб, оч-яланғоч ўтириш!

— Яхши шиор экан,— деб таъкидлади Воке хоним.

— Сиз, балки, де Нусинген хонимни кўргани борар сиз,— деб шивирлади Эжен Горио отанинг қулоғига.— У сизни қутоқ очиб қарши олади, менинг тўғримда ҳар хил тафсилотларни сўраб билгиси келар. Менга маълум бўлнишича у қандай қилиб бўлмасин, менинг қариндошим виконтесса де Босеанникига бора олиш орзусида юрибди. Гап келиб қолса айтиб қўйинг, мен уни жуда яхши кўраман ва унинг орзусини қандай қилиб рўёбга чиқарсам экан деб ўйлаб юрибман.

Растињак шошилганича ҳуқуқшунослик мактабига кетди. Бу кўнгилга теккан уйда у мумкин қадар камроқ бўлишни истарди. Деярли кун бўйи шаҳар кезиб юрди; калласи минг хил хаёл билан банд эди — ҳаддан ташқари давидил орзу-умидлар қучогида ёнган ҳамма йигитлар учун бу ҳолат жуда таниш. Эжен Вотрен келтирган далиллар таъсири остида жамият ҳаёти устида хаёл суриб юаркан. Бирдан Люксембург boginga кираверишда дўсти Бъяншонга дуч келиб қолди.

- Намунча қовоқ-тумшуғинг осилмаса? — деб сўради медик.
- Емон фикрлар тинкамни қуриятти.
- Қандай фикрлар өкан? Фикрлардан қутулишнинг дориси бор.
- Қандай дори?
- Уларни... амалга ошириш.
- Нима гаплигидан хабаринг йўқ-да, шунинг учун ҳазил қиляпсан. Руссони ўқиганмисан?
- Ҳа.
- Париждан чиқмасдан, иродасининг кучи билан Хитайдаги бирор қари мандаринни<sup>\*</sup> ўлдириб, шу орқали боийб кетишнинг иложи бўлса, нима қиласр әдингиз деб унинг китобхондан сўрайдиган бир жойи бор, шу өсингдами?
- Ҳа.
- Шунга нима дейсан?
- Шу ҳам қийин бўлибдими! Мен ҳозир ўттиз учинчи мандаринни ўлдирай деб турибман.
- Ҳазил қимла. Менга қара, шундай ишни ростдан ҳам амалга ошириш мумкинлигини сенга исбот қилиб беришса-ю, гап фақат розиман деб бош иргитиб қўйишинингга қараб турган бўлса, нима қиласрдинг, рози бўлармидинг?
- Уша мандарининг жуда қарими? Айтгандай, у қарими, ёшли, соғми ё касалми, ростимни айтсам... йўқ, худо ҳақи, рози бўлмасдим.
- Яхши йигитсан-да, Бъяншон! Борди-ю, бирор аёлни яхши кўриб қолдинг, шундай яхши кўриб қолдингки, жонингни фидо қилишга ҳам тайёрсан, сенга пул керак бўлиб қолди, керак бўлганда ҳам, унинг кийим-бошларига, каретада саир қилишларига ва шунга ўхшаш бошқа истакларини бажаришга етадиган жуда кўп пул керак бўлиб қолди, унда-чи?
- Ана холос! Аввалига эсимни олиб қўйдинг-да, энди бўлса ўйлашга мажбур қиляпсан.
- Мен эса, Бъяншон, ақлимдан озиб қолаёздим; мени давола. Менинг иккита синглим бор — иккови ҳам латофат ва иффат фариштаси, мен уларнинг баҳтли бўлишини хоҳдайман. Шу яқин беш йил ичиди икки юз минг Франк сеп пулини қаердан топсам бўлади уларга? Ҳётда шундай пайтлар бўладики, омадинг келганида майдалашиб ўтирамай, қулай вазиятдан фойдаланиб, катта пул тикиб ўйнаш керак бўлади,

— Сен ҳозир ҳаётга кириб келаётган ҳар бир одам берадиган саволни ўртага қўяяпсан, шундай чигал масалани қиличнинг бир зарби билан хал қилмоқчи бўласан. Бунинг учун, азизим, Искандар Эулқарнайн бўлиш керак, акс ҳолда сургуnga равона бўлишинг турган гап. Шахсан мен қишлоққа бориб отамдан мерос қоладиган ўринни эгалласам ва камтарона турмуш кечирсам, шунинг ўзи кифоя. Одамзот катта муҳит қучоғида қилиши керак бўлган ишларини кичиккина доира ичидаги амалга оширса ҳам қаноат ҳосил қилиши мумкин. Наполеон икки ҳисса овқат емасди. маъшуқалари ҳам капуцинлар касалхонаси ҳужраларида ётиб юрадиган оддий студентларнинг ўйнашларидан кўп өмасди. Бизнинг баҳтимиз, азиз дўстим, доим бошимиз билан товонимиз ўртасида бўлади, ундан ташқари чиқиб кета олмайди, баҳтимиз биз учун йилига бир миллионга тушадими, юз луидорга тушадими — ички сезгилаrimиз барибир бир хил қолаверади. Хитойлик мандариннинг ҳаёт қолишига овоз бераман.

— Раҳмат, Бъяншон, кўнглимдаги чигилни ёздинг! Биз доимо дўст бўлиб қоламиз.

— Менга қара,— деди медик-студент,— ҳозир Кювьеннинг\* лекциясидан келяпман, ундан Ботаника боғига чиқиб, Пуаре билан Мишонони кўриб қолдим. Улар скамейкада бир таъвия билан гаплашиб ўтиришипти, у одамни мен бултурги ғалаёнлар пайтида депутатлар Палатаси олдидаги кўрган эдим; назаримда, у оддий ижарахўр буржуа кийимини кийиб олган полициячи бўлса керак. Кел, ошиқмаъшуқаларнинг оёқ олишини кузатайлик, нималигини сенга кейин айтаман. Хўп, хайр, соат тўртдаги йўқламага боришим керак.

Эжен пансионга қайтиб келганида, Горио ста уни осто-нада кутиб турган әди.

— Манг, сизга ундан хат. Хатининг чиройлилигини қарант-а! — деди чол.

Эжен хатни очиб ўқиди:

«Муҳтарам жаноб, отам менга итальян музикасини яхши кўришингизни айтди. Менга илтифот билдириб, менинг ложамдан жой олсангиз, бениҳоя хурсанд бўлар эдим. Шанба куни бош ролларни Фодор билан Пеллегрини ижро этишади, аминманки, рад этмассиз. Жаноб Нусинген ҳам менинг таклифимга қўшилишиб, бизнисига овқатлангани bemalol келаверишингизни илтимос қиляпти. Сиз-

нинг ризолигингиз мени театрга кузатиб боришдек оилас-  
вий бурчдан уни халос әтади ва ғоят хурсанд қилади. Жа-  
вобнинг лозимлиги йўқ, бемалол келаверинг, энг яхши  
ниятларимни қабул қилгайсиз.

Д. де Н.»

— Менга беринг, бир кўрай,— деди чол, Эжен хатни  
ўқиб бўлганидан кейин.— Борасиз-а, албатта?— деб сўра-  
ди у хатни ҳидлаб туриб.— Ҳиди қандай хушбўй! Унинг  
бармоқлари теккан бунга.

«Хотин киши бу қадар осонлик билан әркак кишининг  
бўйнига осилмайди,— деб ўйлади Растињак.— Де Марсе-  
ни ўзига қайтариш учун мендан фойдаланмоқчи. Фақат  
аламидан шундай қилиши мумкин».

— Ҳўш, нимасини ўйлаб қолдингиз?— деб сўради Го-  
рио ота.

Эжен у вақтлардаги аёлларнинг кўпчилиги шуҳратпа-  
растлик балосига учраганини, жумладан, банкирнинг хоти-  
ни жонини жабборга бериб бўлса ҳам Сен-Жермен даҳаси-  
га бориш учун ўзига йўл очишига интилаётганини билмасди.  
У вақтларда Сен-Жермен даҳасидаги статс-хонимлар Кичик  
сарой деб ном олган тўғаракка кира олган аёлларни  
назар-эътиборга олиш расм бўлган әди, Кичик сарой статс-  
хонимлари орасида де Босеан хоним, унинг дугонаси гер-  
цогиня де Ланже ва герцогиня де Мофринъез энг нуфуали  
аёллар әди. Мана шундай кўзга кўринган хонимларнинг  
олий мақом даврасига кириш учун Шоссе д'Антен кўчаси-  
да турадиган хотинларнинг ўлиб-қутулишини ёлғиз Рас-  
тинъяк билмасди.

Лекин Эженнинг шубҳа билан қараши ўзига яхши бўл-  
ди, чунки шубҳалари уни совуққонлик билан, ҳамда ўзга-  
лар шартини қабул қилмай, ўз шартларини кўндаланг қў-  
йиш қобилиятини даъват этувчи зерикарли имтиёз билан  
қуроллантирган әди.

— Ҳа, бораман,— деб жавоб қилди у Горио отага.

Шундай қилиб, Эжени де Нусинген хонимникуга суд-  
раган нарса оддий қизиқиш бўлди, борди-ю у йигитни на-  
зар-писанд қилмаса, эҳтимол, унда Эжени хонимникуга  
эҳтирос ҳисси бошлаб борган бўлармиди. Шундай бўлса  
ҳам Эжен унинг ҳузурига борадиган әртанги кун ва соатни  
сабрсизлик билан кутди. Ёш йигит учун биринчи учрашув  
худди илк муҳаббатдек ширин туюлади. Муваффақият қо-  
зонишига бўлган ишонч кўпгина ширин туйгулар уйгота-

ди, аммо әркак киши буни әътироф әтмайди, ваҳоланки қўпгина аёлларнинг ўзига тортадиган нарсаси, жозибаси ҳам худди ана шундай туйғуларни туғдира олишидадир. Қизғин әҳтиросли орзулар, ҳам қийинлик билан қўлга киритилган галабадан, ҳам осон эришилган галабадан ўт олади. Одамзодда мавжуд бўлган жамики әҳтирослар, албатта, муҳаббат таъсиридаги ҳамма ишларни бошқа-бошқа жабҳага ажратиб ташловчи шу икки хил манба замирида қурилади ёки шу манбаларга суюнади. Эҳтимолки, бу тарздаги ажратиш ҳарна бўлгандаям, кишилик жамиятида әнг муҳим роль ўйновчи қалб ҳарорати ҳақидаги әнг мураккаб масаладан келиб чиқар. Агар хафақон одамлар учун маълум миқдорда ҳар хил ноз-ишвалар зарур бўлса, тажанг ёки хушчақчақ одамлар жанг майдонида жуда қаттиқ қаршиликка дуч келиб, қочиб қолишли мумкин. Бошқача қилиб айтганда, мунгли шеърнинг туғилишига сабаб — лимфа-ю\*, қасиданинг туғилишига сабаб — асабдир.

Эжен то кийиниб бўлгунча минг хил майдада-чуйда, аммо ширин туйғулар қучогида эди, бундай ширин туйғулар йигитлар ғурурини қўзғаса ҳам, одамлар масхара қилиб кулишидан қўрқиб, бу тўғрида зинҳор ҳеч кимга индамайдилар. Эжен, биронта чиройли хоним менга ўғринчи назар ташласа ажаб эмас, деган умид билан соchlарини тўғрилаб қўйди. Балга бориш олдидан ясанаётган қизларга ўҳшаб у ҳам кўзгуга қараб ўзини ўзи масхара қилди, фракини тўғрилаб қўяро әкан, хипча белига ўзи маҳлиё бўлиб томоша қилди. «Қомати меникидан баттар йигитлар ҳам бўлади!»— деб қўйди ўзига ўзи. Кейин ҳамма хўрандалар стол атрофига энди жойлашиб бўлган пайтда пастга тушди, унинг жуда олифта бўлиб кетгани тўғрисида бошланган ҳар хил маза-бемаза ҳавилларга ичидан қувониб дош берди. Ясанган одамни қўрганда ҳайрон қолиш оиласи пансионлар учун характерли белгилардан бири. Бундай жойларда битта-яримта янги кўйлак кийса, ҳамма одамлар унинг тўғрисида ўз фикрини айтмай қўймайди.

Бъяншон отини қистаб ҳайдоётгандек томоғини тақилатиб қўйди.

— Пэр ва герцогнинг худди ўзи-я,— деди Воке хоним.

— Битта-яримтасини мафтун қилгани кетяпсиз дейман-а?— деб сўради мадемуазель Мишоно.

— Қу-қу-қу-қу!— деб хўроz бўлиб қичқирди рассом.

— Рафиқангизга салом айтиб қўйинг!— деди музей ходими.

— Жаноб де Растињакнинг рафиқаси борми ҳали? —  
деб сўради Пуаре.

— У рафиқа йифма ва безакли, сувда чўкмайди, бўёғининг кўчмаслигига кафолат берамиш. Баҳоси йигирма бешдан қирқча, сўнгги мода бўйича катақ-катақ гулли мато, яхши ювилади, жуда чидамли, ўзи ярми жун, ярми канопдан тўқилган, пахта ипдан тўқилган мато, тиш оғриғидан тортиб то Қирол медицина академияси тасдиқлаган бошқа касалликларгача ҳаммасини даволайди! Болаларни даволашда энг яхши восита, бош оғригини тузатишга эса ундан ҳам фойдали, юраги дам бўлганлар ва бошқа ошқозон касалига учраганларга даво, қулоқ оғриғи-ю кўз оғригини кўрдим демай кетаси-и-из! — деб Вотрен қизиқчилик билан ярмаркадаги товламачилар сингари бидирлаб кетди. — «Бундай мўъжизанинг баҳоси қанча? Икки суми?» — деб сўрасиз. Йўқ, текин. Бу Буюк Мўғулга\* тайёрланган дори-дармондан қолган-қутганлари; европалик бутун ҳукмронлар, ҳатто Баден герроррордоги ҳам келиб кўрган! Тўғри кириб бораверасиз! Йўлда кассага киришни унумтманглар! Музика, бошла! Брум-ля-ля, тринь-ля-ля, бум-бум! — Кейин, овозини ўзгартириб, хириллаб қичқирди: — Хей, кларнет, бузяпсан! Калтак егинг келдими?

— Вой худо! Бирам хуш查қчақ одамки, у бор жойда сира зерикмайсан киши! — деди Воке хоним.

Вотреннинг бу қизиқчилигидан кейин бирдан бошланиб кетган кулги ва ҳазил-ҳузул гаплар орасида Эжен мадемузель Тайфернинг унга ўғринча назар ташлаб қўйиб Кутюр хоним қулоғига алланарса деб шивирлаётганини кўриб қолди.

— Ана кабриолет ҳам келиб қолди, — деди Сильвия.

— Қаерда овқат қилмоқчи у? — деб сўради Бьяншон.

— Жаноб Горионинг қизи баронесса де Нусингенницида, — деб тушунтириди Эжен.

Бу гапни әшитиш билан ҳамма, Растињакка ажиб бир ҳавас билан қараб ўтирган Горо отага ўғирилди.

Эжен Сен-Лазар кўчасида ингичка устунли оддийгина пеш айвонлик, Парижда умуман «шинамгина» деб атала-диган, bemаза услубда қурилган, аммо серзийнат, деворларига ҳар хил қўйма нақшлар ёпиширилган ва зиналарига мармар тошдан нақшинкор гуллар ўйилган банкирнинг типик уйига келиб тушди. Де Нусинген хонимни у итальянча дид билан гул солинган ва қаҳвахона сингари безатилган кичкинагина бир меҳмонхонадан топди. Баронесса

хафа эди. Ўзининг хафалигини Растинъяқдан яшиromoқчи бўлгани йигитга шунинг учун ҳам қаттиқ таъсир әтдики, хафалиги сохта әмасди. Йигит бу ерга ташриф буюриш билан аёлни хурсанд қилмоқчи эди, аммо уни хафа ҳолда учратди. Бундай аҳвол унинг иззат-нафсиға тегди.

Эжен унинг ташвишли қиёфаси устидан ҳазил қилиб, кейин жиддий одангда сўради:

— Менга ишонишингизни умид қилишга у қадар ҳаддим сиғмайди, мен билан самимий муомала қиласиз деган умиддаман: агар малоллик қилаётган бўлсан очиғини айтаверинг.

— Ёнимда қолинг,— деб жавоб қилди баронесса,— жаноб Нусинген бугун уйда овқат қилмайди, сиз ҳам кетиб қолсангиз, ёлғиз ўзим қоламан; ёлғиз қолишни асло истамайман, юрагим чигилини ёзишим керак.

— Нима бўлди ўзи сизга?

— Энди буни фақат сизга айтишим мумкин, холос.

— Мен билишни истамайман. Бундан чиқди, бу сирга менинг ҳам қандайдир муносабатим бор кўринади.

— Эҳтимол! Йўғ-э, бу фақат оилавий можаро, холос, уларни ичимга ютиб кетишим керак. Мен сира ҳам баҳтли хотин әмасман, деб тунов куни айтмабмидим сизга? Энг оғир занжир — олтин занжир.

Агар аёл киши ёш йигитга баҳтсизлигидан нолиса-ю, йигит фаросатли, башанг кийинган бўлса ва чўнтағида бир ярим минг франк пули бекор ётган бўлса, бундай йигит, ҳойнаҳой Эжен ўйлаган гапни ўйлайди ва мамнун олифта-га айланади.

— Ўзингиз ёш, чиройли, бой бўлсангиз, бунинг устига бир бечораки шайдо қилиб юрган бўлсангиз, яна нима ор-зуингиз қолди? — деб сўради Эжен.

— Келинг, мен тўғримдаги гапни бас қилайлик,— деди у, маъюслик билан бош чайқаб.— Иккаламиз бирга овқат қиласиз, кейин ажойиб музика эшитгани борамиз. Дидингиздагидек кийинибманми? — деб сўради у ва әгнидаги гўзаллиқда нодир өронча гуллар солинган оқ кашмири кўйлагини ёйиб кўрсатди.

— Менга қолса, бутунлай менини бўлишингизни истар әдим,— деди Эжен.— Жуда латофатли бўлиб кетибсиз.

Баронесса вса аччиқ табассум билан:

— Мен сизга ортиқча ташвиш бўлар әдим,— деб эъти-ров билдириди.— Ву уйда ҳеч қандай баҳтсизлик аломатини учратса олмайсиз, аммо ҳамма нарса муҳайё әканига қара-

май, ўзим шундай дилхастаманки, асти қўйинг. Гам-ташвиши муроҷаи зўрлигидан, ётиб уйқум кедмайди, бу аҳволда кўп утмай хунук бўлиб кетаман ҳали.

— О, бундай бўлиши мумкинмас! — деб вътиroz билдириди Эжен.— Қизиқ, оташин муҳаббат ҳам тарқата олмайдиган гам-ташвиш нима экан ўзи?

— Дардимни сизга очиб айтсам, мендан қочиб кетган бўлардингиз. Менга бўлган муҳаббатингиз — эркакларда бўладиган оддий хушомадгўйлик. Мени чиндан ҳам яхши кўрганингизда, сиз ҳам жуда хафа будиб кетардингиз. Кўрдингиами, шунинг учун сизга индамаслигим керак. Утиниб сўрайман сиздан, бошқа нарса тўғрисида сўзлашайлик. Юринг, ўзимнинг хоналаримни кўрсатай сизга.

— Йўқ, шу ерда ўтирамиз,— деди Растињъяк ва камин ёнида турган диванчага, де Нусинген хоним олдига ўтириб, унинг қўлини дадиллик билан ўз қўлига олди.

Хоним бунга қаршилик қилмади, ҳатто йигитнинг қўлини маҳкам қисиб, ўзининг қанчалик қаттиқ ҳаяжонда эканини севдириб қўиди.

— Менга қаранг,— деди унга Эжен,— бирор кўнгилсилик юз берган бўлса, мен билан ўртоқлашишингиз керак. Мен сизни ростдан ҳам яхши кўришимни исбот қилишим керак; ё гапингизни давом эттириб, нимадан хафалигингизни айтасизу, мен дардингизни тарқатиш учун бешолтига йигитни ўлдириш керак бўлса ҳам тап тортмай кўнглингизни очишга ҳаракат қилиб кўраман, ё мен ҳозир кетаману, бошқа ҳеч вақт қайтиб келмайман.

Де Нусинген хонимнинг миясига лоп этиб бир фикр келиб қолди шекидли, пешонасига бир уриб:

— Хўп, яхши! — деб рози бўлди.— Сизни ҳозироқ бир синаб кўраман.— Ҳа,— деди у ўйчанлик билан,— бошқа илож йўқ! — сўнг кўнгироқ чалди.

— Бароннинг каратаси тайёрми? — деб сўради у кириб келган лакейдан.

— Тайёр, хоним.

— Унда мен кетаман. Баронга менинг каратамни юборарсиз. Овқат соат эттига тайёр бўлсии.

— Қани, кетдик,— деб буюрди у Эженга.

Де Нусингенning ўзи юрадиган каратада унинг хотини билан ёнма-ён ўтиргани, студентга худди тушдек туяди.

— Пале-Роялга, Француз театрига,— деб буюрди у кучерга.

Йўлда, кўринишдан, жуда ҳаяжонланиб бўлса керак, Растињакнинг шунчалик ёлборишиларига ҳеч нарса деб жавоб бермади, йигит әса бундай қаршиликнинг, бундай ўжарлик билан жим ўтиришнинг тагига етолмай гаранг эди.

«Бир лаҳзада қўлдан чиқди кетди»,— деб хаёлидан ўтказди Растињак.

Карета тўхтади, йигитнинг ёлборишилари жуда авжига чиқдан пайтида баронесса бир назар ташлаши билан уни жим қилиб қўйди.

— Мени жуда ҳам яхши кўрасивми?— деб сўради у.

— Жуда,— деб жавоб қилди Эжен, тобора ортиб бораётган ҳаяжонини босишга уриниб.

— Нимани тадаб қилсан ҳам, мен тўғримда ёмон фикрга бориб ўтирамайсизми?

— Йўқ.

— Менга бўйсунишга тайёрмисиз?

— Кўр-кўроня.

— Сиз ҳеч қиморхонага кирганимисиз?— деб сўради у, овози қалтираб.

— Ҳеч қачон.

— О, унда кўнглимни тўқ тутсам бўлар экан. Омади-нгиз келади. Мана менинг ҳамёним,— деди у,— Олинг! Унда юв Франк пул бор,— баҳтиёр хотиннинг бутун бойлаги шу. Бирор қиморхонага киринг; уларнинг қаердалигини аниқ билмайман, аммо Пале-Роялда шундай жойлар борлигини өшитганман. Мана шу юв Франкни қиморга тишиг; ё ютқизинг, ё менга олти минг Франк пул олиб келинг. Қайтиб келганингиздан кейин нимадан хафалигим боисини айтиб бераман.

— Нима қилишим кераклигини тушунган бўлсанм ўл агар, аммо бўйсунаман,— деди Эжен, хурсандлик билан; ўзи әса: «Менга сирини очиб қўйди, энди нима десам ҳам йўқ демайди»,— деб ўлади.

Эжен чиройли ҳамённи олиб, каретадан тушди ва тайёр кийим билан савдо қилиб ўтирган бир дўкондордан ўл сўраб олиб, 9-подъездга, энг якин қиморхонага қараб югурди. Зинадан юқори чиқди, шляпасини топшириб ичкари кирди ва пилдироқ қаерда деб сўради. Ҳамиша шу ерда қолиб кетган қиморбозлар ҳайрон, валдаги лакей әса уни узун бир стол олдига бошлаб келди. Томошибинлар қуршовида қолган Эжен сира ҳам уялиб-нетиб ўтирмай, қаерга тикай пўлни, деб сўради.

— Мана шу доирадаги ўттиз олтига рақамдан бири устига бир луидор қўйсангизу, ўша рақам ютса, ўттиз олти луидор оласиз,— деб бир мўйсафид жаноб Эженга тушунтириди.

Растинъяк юз Франкнинг ҳаммасини ўзининг ёши рақамига — йигирма бир устига ташлади. Эс-ҳушини йигиб олгунча бўлмай, ҳамма ҳайрон бўлиб қичқириб юборди. Эжен ютганини ўзи ҳам билмай қолган эди.

— Пулларингизни олинг,— деди унга мўйсафид киши,— икки марта кетма-кет бундай ютуқ чиқиши қийин.

Чол унга пулларни йигиб оладиган куракчани тутқизди, Эжен уч минг олти юз франк пулни олдига тортиб олди-да, ўйиннинг моҳиятига ҳали ҳам тушунмаган ҳолда қизил катакка пул тикди. Унинг яна ўйнаётганини кўриб, ҳамма ҳавас билан қаради. Пилдироқ айлана бошлади, у яна ютди, банк қўйган одам унга яна уч минг олти юз Франкни сурисиб қўйди.

— Пулларингиз етти минг икки юз франк бўлди,— деб шивирлади унинг қулоғига бояги чол.— Маслаҳатимга кирсангиз — әнди кетинг: менга ишонаверинг, қизил катакка бугун саккиз марта ютуқ чиқди. Агар ҳиммат қиласангиз, берган яхши маслаҳатим учун мендек муҳтожликдаги собиқ Наполеон префектига бир нарса бериб кетинг.

Эжен саросимага тушиб қолиб, мўйсафидга ўн луидор олишга рухсат этди ва ўйиннинг моҳиятига ҳали ҳам тушуниб етмаганича, омади келганидан довдираб, етти минг Франкни ёнига солиб пастга тушди.

— Мана, олинг! Энди қаерга олиб борасиз мени?— деб сўради Эжен, карета эшиги ёпилгандан кейин де Нусинген хонимга етти минг Франкни тутқазиб.

Дельфина уни жон-жаҳди билан қучоқлаб қаттиқ ўпди, аммо ўпичи әҳтироссиз, совуқ эди.

— Мени қутқардингиз!

Юзидан шодлик кўз ёшлари дувиллаб оқа бошлади.

— Дўстим, сизга ҳамма гапни айтиб бераман. Менга дўст бўласиз әнди, шундай әмасми? Ўйлашингизча, мен бойман, ҳатто жуда бойман, менинг ҳамма нарсам бор, тўғрироғи, ҳамма нарсам бордек туюлади. Бўлмаса, билиб қўйинг, жаноб де Нусинген менга бир су ҳам харажат қилишга рухсат бермайди: уй-рўзгор харажатларининг ҳаммасини ўзи тўлайди, каретам учун театрга боришим учун ҳам ўзи ҳақ тўлайди, кийим-кечакларим учун арзимаган пул ажратиб, тушуна-била туриб, мени қашшоқларча кун

кечиришга мажбур әтади. Ўзимни камситиб ундан пул сўрашни истамайман. Агар мен унинг берган пули эвазига, талаб қилган йўлига юрсам, ўзимни өнг паст маҳлуқ деб ҳисоблаган бўлар әдим! Етти юз минг франқ пулим бўла туриб, ўзимни мана шундай талашга нечук йўл қўйиб бердим? Такаббурликдан, аччиқ устида шундай бўлди. Турмушга чиққан пайтимизда биз шундай гўл, шундай ёш бўламизки, асти қўясиз. Эримдан пул сўраш учун бир сўз айтсан кифоя қиласди, аммо у сўзни ҳеч қачон айтолмасдим, шунинг учун ундан ҳеч қачон пул сўрамасликка аҳд қилиб ўз жамғариқларимни ва отам шўрлик бериб турган пулларни сарфлаб юрдим, кейин өса — қарз кўтара бошлидим. Никоҳ — ҳаётимда ихласимни қайтарган өнг даҳшатли нарса бўлди, бу тўғрида сизга бир нарса дея олмайман; агар Нусинген билан алоҳида-алоҳида турмаганимда, ўзимни деразадан ташлаб юборган бўлардим, сизга шу гапнинг ўзи кифоя қиласди. Мен, қарз бўлиб қолганимни, яъни ёш жувоннинг қарзлари борлигини унга айтишга мажбур бўлганимда, қимматбаҳо вийнатлар ва бошқа ҳар хил орзуларимга пул сарф қилганимни (отам бизни ҳеч нарсадан камситмасликка одатланган әди) айтишга мажбур бўлганимда, жуда қийналадим; ниҳоят, ботиниб, унга қарзим борлигини айтдим. Ўзимнинг ҳам шахсий пулларим йўқми, ахир? Нусингенниң жони чиқиб кетди, мени хонавайрон қиласан деди, яна қанчадан-қанча ярамас гапларни гапириб юборди. Ер ёрилмади-ю, кириб кетмадим. Менинг сепимни ўзига олиб олгани учун, ҳар ҳолда, қарзимни тўлади, лекин ўшандан бери харажатларим учун ойига маълум миқдорда пул белгилаб қўйди; қулогим тинч бўлар деб, бунга мен ҳам рози бўлдим. Кейин мен, ўзингизга маълум, бир кишининг иззат-нафсини қўтармоқчи бўлдим. У мени алдаб кетган бўлишига қарамай, унинг олижаноб ҳислатини әътироф әтмасам, дуруст иш қилмаган бўламан. Шунга қарамай у мен билан жуда хунук тарзда ажralишди. Модомики әркак, муҳтоҷ аёлдан олтинларини аямай, унинг кунига яраган экан, бундай аёлни ташлаб кетмаслиги керак, бундай аёлни у умрбод севиши лозим! Сиз энди йигирма бирга кирдингиз, ҳали ёшсиз, кўнгли пок йигитсиз, аёл киши әркакдан қандай қилиб пул олиши мумкин ахир деб сўрасиз? Э худо, бизни баҳтиёр қилган одам билан ҳамма нарсани ўртада баҳам кўришимиз табиий ҳол өмасми, ахир? Бир-биrimizga бутун боримизни бағишила-гандан кейин, бир бутуннинг қандайдир арзимаган бўлак-

лари устида хижолат тортиб ўтиришимиз тўғри бўладими? Фақат муҳаббат туйгулари ғойиб бўлгандан кейингина пул роль ўйнай бошлайди. Ўз тақдирингни бошқа одам тақдиди билан қовуштирганингда — бир умрға деб ўйламайсанми? Қайси аёл ўвининг ҳақиқий севимли ёр эканига ишонган ҳолда, келажакда ҳижрон деган гап борлигини ўйлайди? Ахир, сиз өркаклар бизга ўла-ўлгунча севаман деб қасам ичасиз-ку, шундай әкан, қасам ичиб туриб, яна қандай бошқа маҳсус манфаатлар устида ўйлашингиз мумкин? Эрим бугун менга олти минг франк беришдан увил-кесил бош тортганда, қандай аҳволда қолганимни сира ҳам кўз олдингизга келтира олмайсиз, ваҳоланки, у шунчага пулни ўзининг маҳбубаси, опера театри раққосасига ҳар ой бериб туради! Жонимга қасд қўлмоқчи ҳам бўлиб кўрдим. Миямдан минг хил бемаъни фикрлар ўтди. Вақти вақти билан ўз хизматкорим, уй ходимамга ҳам давасим келди. Отамнинг олдига борайми деб ҳам ўйладим. Фойдаси йўқ! Анастази иккаламиз отам шўрликни талайвериб адойи тамом қилдик: агар бирор унга олти минг франк пул берадиган бўлса, ўзини сотишга ҳам рози бўлар әди-я! Аммо мен уни бекорга ранжитган бўлар әдим, холос. Гамдан ўлаёздим; ўлим ва шармандалиқдан сиз мени қутқардигиз. Буларнинг ҳаммасини сизга тушунтириб бериш им керак әди, албатта: сиз билан муомала қилишда мен жуда сингилтаклик ва бемулоҳазалик қилдим. Менинг олдимдан нари кетиб, кўзимдан ғойиб бўлганингиздан кейин қочиб кетай ҳам дедим... Лекин қаерга? Буни ўзим ҳам билмайман. Париж аёлларининг ярмиси мана шундай турмуш кечирадилар: усти ялтироқ, ичи қалтироқ. Мендан ҳам баҳтсизроқ, ивтироб ичиди қолган аёлларни биламан. Пул топиш учун баъзилари ўз таъминотчиларидан соҳта счётлар ёзиб беришини илтимос қилишга мажбур бўладилар, бошқалари эса өрларининг пулидан ўғирлашга мажбурлар; бир хил өрлар хотин беш юз франкка олган шол рўмолни икки мингга олган деб ўйласа, бошқа баъзи өрлар эса, икки мингга олинган рўмолнинг баҳосини беш юз франк деб ўйлайдилар. Шундай хотинлар ҳам борки, бирор янги кўйлак сотиб олиш учун болаларини оч қўядилар. Аммо мен бундай ярамас бўхтонларни ишлатмадим. Энди азоблардан қутулдим! Эрлари устидан ҳукмронлик қилиш учун боцқа хотинлар өрларига сотилаверсин, аммо мени өркин аёлман! Хоҳласам Нусинген мени олтинга кўми юбориши мумкин, аммо мени ўзим ҳурмат қилган бошқа өркакниш

қўксига бош қўйиб йирлашни афвад кўраман. О, бугун кеч-  
қурун де Марсе менинг юзимга пўли куйган одамдек қа-  
рай олмайди.

У юзини қўллари билан қоплаб, йирлаб юборди, лекин  
Эжен унинг юзини томоша қилиш учун қўлинни олиб қўй-  
ди: ҳозир у чинакам гўзал бўлиб кетган ёди.

— Эҳтиросларни пул билан боғлаш жуда хунум нарса,  
а, тўғри эмасми? Йўқ, сиз мени ҳеч қачон севмайсиз,— де-  
ди де Нусинген хоним.

Аёл кишини юксайларга кўтарувчи ажиг ҳиссиётлар  
билан жамиятнинг замонавий тўвуми туфайли вужудга  
кедган нуқсонларнинг бу қоришмаси Эженни довдиратиб  
қўйди; Эжен шундай гўзал, ўз қайғусини шундай бемудо-  
ҳазалик билан очиқдан-очиқ изҳор қилган бу аёлга қойил  
жолиб, ширин сўвлар билан унга тасалли бера боши-  
лади.

— Юрагимни очиб, айтган сўвларимдан қарши қурол  
сифатида фойдаланмаслик тўғрисида менга ваъда беринг,—  
деди у.

— О, нималар деяпсиз! Бундай ишлар менинг қўлим-  
дан келмайди,— деб жавоб қилди Эжен.

У авбаройи миннатдорчилиги ва меҳрибонлиги жўш  
урит кетганидан йигитнинг қўлинни олди-да, юраги устига  
босди.

— Сиз туфайли, мен яна руҳим сингил тортиб ўзимни  
зоркин ҳис қиляпман. Турмушими метиндең қаттиқ бир  
қўл өзиг турган ёди. Энди мен ўзим учун ҳеч пул сарф  
қилмай, оддийгина ҳаёт кечирмоқчиман. Сизага эса, ази-  
вим, шундай тарзда ҳам ёқавераман, тўғрими? Буниси  
сизга қодсин,— деди у, фақат олти минг франкни ажратиб  
олиб.— Йисоф ювасидан айтганда қиморни шерикликка  
ўйнаганимизни ёътиборга олсак, мен сизага уч минг қарз-  
ман.

Эжен худди тортиноқ қивлардек пулдан бош тортди.  
Лекин баронесса!

— Агар менга шерик бўлмасангиз, унда сизни душма-  
ним деб ҳисоблайман,— деб қистаб қўймагандан кейин,  
Эжен:

— Майли, ютқивиб қўйгундек бўлсан, яраб қолар,—  
деб пулни олишга рози бўлди.

— Мана шундан қўрқиб турган едим!— деб юборди  
ранги ўчиб баронесса.— Агар дўстона муносабатларимиз-  
ми қадрлайдиган бўлсангиз, бундан кейин сира қимор ўй-

намайман деб қасам ичинг. Ё тавба! Сизни мен бузсам-а?!  
Виждан азобидан ўлиб кетарман.

Улар баронессанинг уйига етиб келишди. Аблнинг уйидаги ҳашаматли жиҳозлар билан бу қадар муҳтожлиги орасидаги қарама-қаршилик Растињакни ҳайрон қолдирди, шунда Вотреннинг ёвуа гаплари яна өсига тушди.

— Манави ерга ўтиринг,— деди баронесса ўз уйига кириб келишар әкан, камин олдидаги диванчани кўрсатиб,— мен хат ёзишм керак! Илтимос, менга маслаҳат берсангиз.

— Хатнинг кераги йўқ,— деди Эжен.— Пулни конвертга солиб, адресини ёзинг-да, уй ходимангиздан бериб юборинг.

— Сиз жудаям жонон йигит әкансиз!— деди қойил қолиб баронесса.— Яхши тарбия олган деб мана буни айтади! Бу худди босеанчасига бўлди-да,— деди жилмайиб.

«Фоят дилбар аёл әкан»,— деб ўйлади Растињак, тобора кўпроқ унга ишқибозлиги ортиб.

У бой-бадавлат суюқоёқ хотинлар уйига жуда ўхшаб жетадиган хонани кўздан кечирди.

— Сизга ёқадими?— деб сўради баронесса ва қўнғироқ қилиб, уй ходимасини чақирди.— Тереза, мана буни жаноб де Марсега ўзингиз олиб бориб, ўз қўлига топшириб кўлинг. Уни уйдан топа олмасангиз, хатни қайтариб олиб келинг.

Тереза чиқиб кета туриб, Эженга муғамбirona бир назвар ташлаб қўйишдан ўзини тия олмади. Овқат тайёр деб хабар қилишди. Растињак де Нусинген хонимга қўлини тутди ва у билан емакхонага чиқди, бу ердаги дастурхон ҳам қариндошинникида кўрганидан қолишмасди.

— Италиянлар операси ишлайдиган кунларда овқат қилгани менинг олдимга келаверасиз, овқатдан кейин мени театрга кузатиб борасиз,— деди де Нусинген хоним.

— Аҳвол бу тарзда давом өтадиган бўлса, бундай ёқимли ҳётга ўрганиб қолишим мумкин, ваҳоланки мен камбагал бир студентман, ўзимга давлат орттиришим керак ҳали.

— Давлатнинг ўзи келади,— деди баронесса, кулиб.— Ҳамма ишларимиз жуда яхши юришиб боряпти: ахир, яна шундай баҳтиёр бўлиб кетарман деб мен ҳам сира ўйламаган әдим-ку.

Имконияти йўқ нарсаларни ҳам имкони бўлган нарсаларга асосланган ҳолда исбот қилиш ва яққол кўриниб

турган нарсани юрак ҳисларига асосланыб туриб инкор этиш аёлларга хос нарса. Де Нусинген хоним билан Растинъяк ложага кириб келишаётганда, баронессанинг чеҳраси мамнунликдан жуда очилиб кетган әдикى, залдагиларнинг ҳаммаси ҳам бу түргида бир оз гийбат қилиб олишдан ўзини тия олмади; аёл киши қанчалик ўзига тўғри бўлмасин, бадахлоқ деб өрмакка тўқилган ҳар хил бўлмағур тухматлардан у ўзини қимоя қила олмайди. Парижни яхши билган одам унда очиқ гапириладиган гаплардан биронтасига ҳам ишонмайди; ҳақиқатда содир бўлаётган ишлар тўғрисида әса, Парижда деч ким оғиз ҳам очмайди. Эжеи баронессанинг қўлини қисди, шундан кейин улар музикадан олган таассуротларини бир-бирларининг қўлини гоҳ қаттиқроқ, гоҳ секинироқ қисиши билан билдириб турдилар. Бу кунги оқшом иккаласи учун ҳам ғоят улкан роҳат баҳш ётган әди. Улар театрдан бирга чиқиши, де Нусинген хоним Эженни Янги кўприккача кузатиб қўймоқчи бўлди, лекин то у ерга этиб боришгунча Пале-Роялдаги сингари қизғин бир бўса совра қилиш тўғрисидаги Эженинг ёлво-ришларини рад қилиб борди. Эжен унинг бундай субутсизлигидан ўпка қилди.

— У кутилмагандан кўрсатган садоқатингиз учун миннатдорчилик аломати әди,— деди баронесса.— Эндиғиси әса, сизга бирор нарса ваъда қилиш билан баробар бўлар әди.

— Яхшиликни билмаган, менга нарса ваъда қилишини ҳам истамайсизми!

Эженинг аччиғи чиқди. Одатда ошиқларни мафтун қиладиган бир ҳаракат билан баронесса ўпиш учун унга қўлини чўзди, лекин Эжен унинг қўлини истамайгина ўпдики, бу баронессага жуда ёқиб тушди.

— Энди душанба куни балда кўришгунча хайр,— деди де Нусинген хоним.

Эжен ойдин кечада уйга қайтиб келар әкан, жиддий мулоҳазаларга берилди. У баҳтиёр ва айни вақтда норози әди. Шунинг учун хурсанд әдикى, у бошидан кечираётган ишқий саргузашт бир кун әмас, бир кун унга Парижнинг энг чиройли ва келишган аёлларидан бирини, ўзи орзу қилиб юрган бир хонимни ваъда қилиб турган әди; шунинг учун норози әдикى, давлат орттириш тўғрисидаги режалари чиппакка чиқай деб турган әди; у ўтган куни хаёлида гира-шира намоён бўлган фикрларининг асл мөҳиятига әнди аниқ тушунган әди. Муваффақиятсизлик ин-

тилишларимиз кучини доим ошкор қилиб қўяди. Растињяк Париж ҳаётидан қанча кўп лавзатланган сари, одамлар назаридан четда қолишини ва қашшоқликда яшашни шунчалик истамасди. У чўнтағидаги минг франкли пулни гижимларкан, уни ўзиники дея олиш учун минг хил баҳоналар ўйлаб топишга уринарди. Ниҳоят у Нев-Сент-Женевьев кўчасига етиб борди ва виценинг тепа қисмидаги майдончага етганда: у ерда ёруғ тушиб турганини кўрди. Горою ота, унинг таъбири билан айтганда, қизи тўғрисида бир отамлашиб олишини студент унутмасин деб ёщикни очиқ қолдирган ва шамни ўчирмаган ёди. Эжеи бўлган гапларни чолдан яшириб ўтирамади.

— Нима-нима? Улар мени хонавайрон бўлган деб юришибдими? — деб юборди жон аччиғида Горою ота. — Менинг бир минг уч юз франк даромад берадиган рентам бор! Е тавба! Бечора қивим, нима учун менинг олдимга келмайди? Ҳамма қофозларимни сотардим, қўлимга теккан пуллардан қаравини узардим, қолганига умрбод рента олиб қўярдим. Қўшнижон, унинг ташвишларидан нега мени ҳабардор қилмадингиз? Унинг арзимаган юз франк пулни қиморга тикишга қандай юрагингиз бетлади? Бу машъум хабардан юрагим эвилиб кетяпти. Ана куёвларининг ҳоли! О, қўлимга тушиб қолишса, ҳикилдоқларидан гицпа бўғиб олардим-а! Е худо! Йирлабди-я! Ростдан ҳам йирладими қизим?

— Жилемтимга юзини яшириб йирлади, — деб жавоб қилди Растињяк.

— О, менга совға қилинг уни! — деб ёлвориб қолди Горою ота. — Унга меҳрибон қизим Дельфинанинг кўз ёшлилари теккан; у болалигига сира ҳам йирламаган ёди. Уни бошқа кийманг, менга беринг, сизга бошқасини олиб бераман. Эри билан бўлган битимга кўра, у ўз пулларидан ўзи фойдалана олади. Мен эртагаёт ишончли вакилимиз Дервиль олдига бораман. Қизимнинг давлатини банкка қўйилишини талаб қиласман. Қонунларни мен яхши биламан, мен кўпни кўрган қари бўриман, ҳали уларга қандай ўтиришларим борлигини кўрсатиб қўяман.

— Мана бу, ота, ютуғимидан қолган минг франк; бу пулни қизингиз менга бермоқчи ёди; менинг жилемтим чўнтағига унинг ўзи учун асраб қўйинг.

Горою Растињякка бир қараб қўйди, унинг қўлини ўз қўлига олди, чолнинг бир томчи кўз ёши йигитнинг қўлига тушди.

— Мартабангиз баланд бўлиб кетади ҳали,— деди чол.— Худонинг марҳамати улуғ! Ҳалоллик нималигини мен биламан ва сизни ишонтириб айтаманки, сизга ўхшаган ҳалол одамлар жуда оз учрайди. Сиз ҳам менга фарзанд бўлишни истамайсивми? Ҳўп, види бориб ётинг. Ҳали ота әмассив, бемалол ухлашингиз мумкин. Қизим йиғлабди, мен-чи?.. Буни бошқа одамлардан ёшишиб ўтирибман! Қизим изтироб чеккан пайтда мен тўнка хотиржам овқат еб ўтирибман-а. Мен қизларимнинг бир томчи ҳам кўз ёши тўқмасликлари учун жамики авлиё-ю анбиёларни сотиб юборадим!

Уйқуга ётар әкан Эжен ўзига ўзи дерди: «Ростимни айтсан, умр бўйи ҳалол одам бўлиб қоладиган кўринаман. Виждонинг амрига қулоқ солиш қандай яхши».

Мана шундай пинҳона яхшилик қилиш фақат худога ишонадиган одамларнинг қўлидан келса керак, Эжен вса худога ишонар эди.

Эртаси куни балга бориш вақти келганда Эжен виконтесса де Босеан ҳузурида ҳозир бўлди, қариндоши уни балга олиб бориши ва герцогиня Карильянога таништириб қўйиши керак әди. Маршалнинг рафиқаси Эженини жуда очиқ чеҳра билан қарши олди, бу ерда у де Нусинген хонимни учратди. Дельфинанинг ҳаммага, айниқса Эженга ёкиш учун ниҳоятда башанг кийиниши яққол кўзга ташланиб турарди, Эженнинг унга назар ташлашини сабрсизлик билан тоқати тоқ бўлиб кутаркан, ўз ҳаяжонини одамларга беихтиёр сездириб қўяётган әди. Аёл кишининг ҳаяжонда әканини севиб турган йигит учун бундай пайтлар кўп ҳузур бағишлади: мақтовни кутиб турган аёлни куттириб толиқтириш ва ўз шодлигини бефарқлик ниқоби остига яшириб, олифтагарчилик қилиб унинг кўнглига минг хил фикрлар келиб кетгандан кейингина битта табасум билан бутун қўрқувларини тарқатиб юбориш кимга лаззат бағишламаган дейсиз? Мана шу тантанада студент ўзининг ҳозирги вазияти қанчалик қимматли әканини тұсатдан севиб қолді: виконтессанинг ҳар тарафлама өътироф әтилган қариндоши сифатида у водагонлар даврасидан ўз ўрнини әгаллаганди. Баронесса Нусинген устидан ғалаба қозонган деб қилинган тахминлар Растињакни шу даражада машҳур қилиб юбордикি, ёш йигитлар унга ҳавас билан қарай бошлидилар; буни севиб Эжен биринчи

марта ўзидан мамнун бўлди. Меҳмонхоналарни кевиб, тўп-тўп бўлиб турган меҳмонлар орасидан ўтиб юрар экан, у ўз муваффақиятлари тўғрисида айтилган мақтов гапларни эшишиб қоларди. Аёллар Эженни ҳар соҳада ҳам катта ютуқларга әришади деб таъкидлашарди. Ундан ажраб қолишдан чўчиган Дельфина ўтган куни асло рухсат әтмагани бўсани бугун ваъда қилди. Бал вақтида Растињак бир неча хонадонлардан меҳмон бўлиб бориш тўғрисида таклифлар олди. Виконтесса уни ёнг нозик дидли баъзи бир хонимлар билан танишириб қўйди, бу хонимлар ёнг дилбар хонадонлардан әдилар. Эжен ўзининг олий табақа аждлари сафига, Париждаги ёнг асилизодалар доирасига қабул қилинганини кўрди. Ўша кеча Эжен учун ёнг ширин туйгуларга тўла дастлабки кеча бўлди. Ёш қизлар биринчи балда қозонган муваффақиятларини умрбод ёдларидан чиқармаганларидек, Растињак ўша оқшомни ҳатто қариган ҷоғида ҳам әслаб юрган бўлса ажаб эмас.

Әртасига әрталаб, ионушта пайтида, ҳамма хўрандалар олдида Эжен ўз муваффақиятлари тўғрисида Гorio отага сўзлаб берар экан, Вотрен муттасил иршайиб ўтири.

— Шунча гаплардан кейин,— деб гапга аралашди раҳмисиз мантиқшунос,— киборлар даврасига қабул қилинган йигитнинг Нев-Сент-Женевьев қўчасида, «Воке уйи»да истиқомат қилишига ишонасизми? Тўғри, бу оиласвий пансион ҳар жиҳатдан ҳам ёмон жой эмас, аммо унча ҳашаматли жой ҳам эмас-да; бу ерда нуқсон сезилмайди. тўйиб овқат ейсиз, бу пансион Растињяклар авлодидан бирига вақтинча бошпана бўла олгани учун беҳад мағрур, аммо у ҳар ҳолда Нев-Сент-Женевьев қўчасида жойлашган, зеб-зийнатлар унга бегона, негаки, у фирт патриархалрама ҳукм сурган жой. Иним,— деб ярим ҳазил, ярим насиҳатомуз бир оҳангда гапни давом өттири Вотрен,— Парижда ўзингизни кўрсатмоқчи бўлсангиз, учта от тутишингиз, кундузи тильбюрида\*, кечқурун икки ўринли каретада юришингиз керак,— демак фақат аравада юришнинг ўзига жаъми тўқиз минг керак. Жуда бўлмаганда машиначига уч минг, парфюмерга олти юз, шляпачи билан этикдўзга уч юз франкдан сарф қилмасангиз, тутган мавқеингизга муносиб бўла олмайсиз. Кир ювадиган хотинга эса мингдан кам кетмайди. Кўпчиликнинг диққат-эътиборига савовор бўлган йигит айниқса ички кийимни озода тутмоғи лозим. Тўғри эмасми, биринчи галда ички кийимлар жуда диққат билан кўздан кечирилади? Муҳаббат

ҳам, черков ҳам ўз меҳроблари учун чиройли бошпана талаб қиласи. Шундай қилиб, харажатни ўн тўрт минг Франк ҳисобладик. Мен ҳали қимор ўйинига, совға-салом ва гаров ўйнашлар учун кетадиган пуллар тўғрисида гапиорганим ҳам йўқ. Майдо-чуйда харажатлар учун икки минг ажратмай сира илож йўқ. Мен ўзим ана шундай ҳаёт кечириб кўрганман, шунинг учун, унинг қанчага тушиувини яхши биламан. Энг зарур бўлган мана шу харажатлар ёнига яна олти мингни нони насибага ва бир мингни хонаи кулбага деб ажратинг. Ана кўрдингизми, бўтам, йиллик чиқим йигирма беш мингга бориб қолди, акс ҳолда номимиз лойга булғанади, ҳаммага шарманда бўламиш, унда на порлоқ келажакка, на муваффақиятга ва на маҳбубага мұяссар бўла оламиш! Мен яна грум\* билан Лакейни унугибман! Ишқий мактубларингизни Кристоф ташимайди-ку ахир! Кейин, наҳотки, ўшандага ҳам хатни ҳозир ишлатиб юрганингиз қоғозларга ёсанги? Бу ўз жонига қасд қилиш билан баравар-ку. Ҳаётнинг аччиқ-чучугини татиб кўрган мен қариянинг галига ишонаверинг!— деди у дўриллаган овоз билан. Ё сургунга бориб, ҳиммат юзасидан оғир меҳнат билан ошно бўлинг, ёки бошқача Йўл тутинг.

Вотрен кўзини қисиб туриб, ер остидан мадемуазель Тайферга шундай қараб қўйдики, бу қараши билан у Растињакни йўлдан урап өкан, унинг кўнглига солган ҳамма васвасаларига гўё якун ясад яна бир өслатиб ўтмоқчидай өди.

Растињак анча кундан бери жуда парокандаликда яшаб келмоқда өди. У деярли ҳар куни баронесса де Ну-сингенницида овқат қиласи ва у билан бирга асилзодалар даврасига бораради. Уйга фақат әрталаб, соат уч ё тўртларда қайтиб келар, соат ўн иккиларда ўрнидан турар ва Дельфина билан Булон ўрмонида айланиб келиш учун яна кетарди, у вақтнинг қадрига етмай, бутун вақтини мана шундай ишларга сарф қиласди; лекин Эжен дабдабали ҳаётнинг ҳар бир сабогини, ҳар бир ҳавас қиласидиган жиҳатини худди чангланишини муштоқлик билан кутиб турган хурмо дарахтининг гулидек очкўзлик билан ўзига қабул қиласди! Растињак катта пуллар қўйиб қимор ўйнар, гоҳ кўп пул ютқазиб қўяр, гоҳ ундан ҳам кўпроқ ютиб оларди, хуллас у бора-бора парижлик бебош йигитларнинг ҳаётига кўникиб кетди. Энг дастлабки ютиб олган пулларида у онаси билан сингилларининг бир ярим минг фран-

кини қайтариб юборди, пулнинг ёнига яна ажойиб совғасаломлар ҳам қўшиб юборди. Ҳаммага «Воқе уйи»дан кўчиб кетмоқчилигини айтишга айтиб қўйди-ю, ундан қандай қилиб чиқиб кетишини билмай, январь ойининг охириларида ҳам ҳамон шу ерда эди. Ҳамма йигитлар тушуниб бўлмайдиган бир қонунга бўйсунишгандек туюлади-ю, аммо аслида бу қонуннинг замирида уларнинг ёшлиги ҳар қандай роҳату лаззатларга мукасадан кетиш хислати ётади. Уларнинг бой ёки камбагаллигидан қатъи навар, кундалик ҳаражатлар учун ёшларнинг биронтасида ҳам пул топилмайди, аммо иўнглиға келган бемаъни ҳавасларга дарров пул топила қолади. Пулни нақд тўлаш керак бўлганда улар хасис, қарзга олиш мумкин бўлганда ёса — жуда сакий бўлиб кетадилар, ўзлари етиша олмаган нарсалар ҳисобига, өришиш мумкин бўлган нарсалардан иложи борича кўпроқ фойдаланиб қоладилар. Бу қонунни аниқроқ тушунтириб бериш учун мана бундай бир мисол келтириш мумкин: студент шляпасини фракига қараганда кўпроқ ёхтиёт қиласди. Фойдани катта қиладигай машиначи мижовдан ажраб қолмаслик учун фракни қарзга тикиб бериши керак, шляпа арвон нарса бўлгани учун ёса, шляпа-фуруш инг гапга юрмайдиган одамга айланаб қоладики, шляпа олгани келганда студент ҳар сафар у билан хийда савдолашибга тўғри келади. Бирор йигит ёгнидаги чиройли жилемти билан ёш хонимларнинг лорнетларини ўзига қаратиб театр балконида ўтирганда, унинг оғигида пайпоги бор-йўқдигига шубҳа қилиш мумкин: чунки пайпоқчилар ҳам ҳамённи кемириб турадиган куялар тоифасидандир. Растињи ҳам мана шундай ҳаёт кечиради. Вое хоним учун доим бўш ва ўвининг шуҳратпастлик ёхтиёжлари учун муттасил тўла ҳамбни шундай ажаб бир гарзда дамбадам тўлиб ва бўшаб турарди, аммо айни вақтда зарур ҳаётий ҳаражатларига пул тўланмай ғтарди. Агар у ўвининг олий табақага хос ҳамма орзу-ҳавасларига тамом қарама-қарши ҳусусиятдаги мана шу қўланса ва ярамас пансиондан чиқиб кетиш ниятида бўлса, бекага бир ойлий дақ тўлаш билан ўзига мустақил олифта йигит квартираси учун зарур анжомларни сотиб олиш нима деган гап эди унга? Лекин ҳар вақт айнан мана шу нарсанинг иложи топилмасди. Қимор ўйнашга доим пул топа олиш учун, ўйнинда ютган кунлари варгардан олтин ванжири билан олтин соат сотиб олишга ақли ғтарди, ютқазиб қўйган найтларида ёса соатини ёшларнинг ёқимсиз дўсти ва сир-

доши бўлиб қолган судхурларга гаровга қўйарди, аммо тал овқат, бошпана ҳақига ва жамият орасида юра олиш учун варур бўлган буюмларни сотиб олишга қелганда, қандай пул топишга ақли ҳам етмас, юраги ҳам бетламасди. Кундалик майдада харажатлари, ҳар кунги варурат туфайли ортирган қарзлари тўғрисида сира ўйлагиси келмасди. Гардкамига кун ўтказишга одатланиб қолган одамларнинг кўпчилиги сингари Эжени ҳам мешчанлар наварида муқаддас бўлган қарзларни тўлаш муддатини иложи борича орқага суриб келарди; Мирабо ҳам шу тарзда кун кўрган, насияга сотиб олган галласи то кўзи олдида бамисоли рад этилган векселдай гавдаланмагунча у ғалла ҳақини тўламаган. Растињак бор пулини қиморга бой бериб, қарз бўлиб қолган вақт етиб келди. У маълум бир даромад манбаи бўлмаган ҳолда бундай ҳаёт кечиришнинг иложи йўқлигини тушуна бошлади. Лекин у бундай ножӯя аҳволда, дуч келиши муқаррар бўлган қаттиқ зарбалар остида қанчалик инқилламасин, барибир, айшу ишратдан воз кеча олмаслигини ҳис этар ва ҳар қандай қилиб бўлса ҳам шундай умр кечиришни давом этирмоқчи әди. Гасодифан бой бўлиб кетарман деб қилган умидлари пучга чиқди, бунинг ўрнига йўлини тўсувчи ғовлар тобора орта борди. Эжен Нусингенлар хонадонидаги сир-асрорлардан хабардор бўлгандан кейин, мұҳаббат деган нарсани бойлик ортириш қуролига айлантириш учун олижаноб ғоялардан воз кечиши, шармандалик қадаҳини охиригача шимириши лозимлигини тушундик, мана шу олижаноб ғояларга қаттиқ амал қилгандари сабабли ёшларнинг бутун гуноҳлари кечирилади. У усти ялтироқ, аммо аслида виждан авобидан заҳарданган, доим юрак ҳовучлаб хавотирлика яшаш ҳисобига бир лаъзалик лаззат берадиган турмушга зулукдек ёпишиб қолганди, Лабрюйернинг\* кўчадаги ариқларни ўзига мақон қилган «Паришонхотир»ига ўхщаб, ариқ остидаги лойга қоришиб ётар, аммо худди ўша «Паришонхотир»дек, ҳозирча фақат кўйлаги лой бўлган әди, холос.

— Ҳўш, қалай? Мандаринни Ҳадирдингизми? — деб бир кун сўраб қолди Бъяншон, дастурхондан турар вкан.

— Йўқ ҳали, лекин жон талвасасида ҳириллай бошлади, — деди Растињак.

Медик-студент буни ҳазилга йўйди, аммо бу ҳавил эмас әди. Кўп вақтлардан бери бугун биринчи марта уйда овқат қилган Эжен индамай овқат еб, алланарсаларни ўйлаб ўтиради. Шириликтан кейин ҳам хонасига чиқиб

кетиши ўрнига мадемуазель Тайфернинг ёнида ўтираверди; Эжен аҳён-аҳёнда унга маънодор қилиб кўз қирини ташлаб қўярди. Ҳўрандалардан баъзилари ҳали дастурхондан турмасдан ёнғоқ чақиб еб ўтиришар, бошқа бир хиллари ўрниларидан туриб, у ёқдан-бу ёққа юриб, бошлаган муновараларини давом эттиришарди. Кечқурунлари деярли доим аҳвол мана шундай бўларди, ҳар ким истаган вақтида уйига чиқиб кетарди, бу уларнинг бошланган сұхбатга қанчалик қизиқишига ва овқатни қанчалик осон ё қийинлик билан ҳазм қилишига боғлиқ әди. Қишида емакхона соат саккиздан олдин бўшайдиган вақтлар камдан-кам бўларди, аниа ўшанда тўрт хотин, эркаклар кўплиги туфайли индамай ўтирганларининг ҳиссасини чиқариб, роса сұхбатлашиб хумордан чиқишиарди. Уша куни кечқурун Вотрен овқатни еб бўлгандан кейин кетмоқчи бўлиб турғандай әди-ю, аммо студентнинг кайфияти уни ўйлантириб қўйди, шундан кейин, Эжен уни кетди деб ўйласин учун унинг кўзвига кўринмасликка ҳаракат қилиб, шу ерда қолди. Вотрен әни охирги ҳўранда чиқиб кетгандан кейин ҳам кетмади, балки қўшни меҳмонхонада пойлаб ўтироди. У студентнинг юрагидаги ҳамма гапларни севган ва ҳал қилувчи ўзгариш юз беринини кутаётган әди.

Растинъякнинг аҳволи чиидан ҳам жуда оғир әди, бундай аҳвол кўп йигитлар учун таниш бўлса ҳам вҳтимол. Яхши кўрганиданми ё нов қилибми, ҳар нечук де Нусинген хоним парижлик аёллар бисотидаги бутун дипломатик усулларни ишлатиб, Эженини чинакам ошиқликнинг бутун қийноқларини бошидан кечиришга мажбур қилди. Дель-Фина виконтесса де Босеанинг қариндошини ўзининг ёнида ушлаб қолиш учун жамоатчилик назарида номига дор қўндириган бўлса ҳам, шунга қарамай хоним ҳамманинг назарида Эжен аллақачон эга бўлиб олган ҳуқуқларни унга бермай келарди. У роса бир ойгача Растинъякнинг кўнглига ўт солиб юрди, ниҳоят бу ҳислар йигитнинг юрагидан ҳам жой олди. Улар бир-бирига яқинлашган дастлабки кунларда Эжен ўвини устун келдим деб ҳисоблаб юрган бўлса ҳам, кўп ўтмай парижлик йигитлар сиймосида айни бир вақтда мавжуд бўладиган икки ё уч эркакнинг ҳамма яхши ва ёмон хислатларини Растинъякда ҳам уйғотиб, де Нусинген хоним ундан устун бўлиб олди. Бундай қилишдан бирон мақсадни кўзлаганмиди? Йўқ, хотинлар ҳатто беҳаёларча алдамчилик қилган пайтларида ҳам, бирор табиий ҳисга бўйсуниб ҳақиқатгўй бўлиб қоладилар. Дель-

Фина дастлабки пайтларда Эженинг ўидан устун келишига йўл қўйган ва балки унга нисбатан ҳаддан зиёда хас-сослик кўрсатган бўлса ҳам энди ўзининг аёллик ғурури талабларига бўйсуниб, ўзининг йўл қўйган ён босишлари-га барҳам бермоқчи ёки уларни орқароққа сурмоқчи эди. Ўз келажагини топширмоқчи бўлган әр кишининг қалбини синаб кўриш учун шавқу-завқ айни жўш уриб турган пайтла ҳам, таслим бўлиш пайтини орқага суриш парижлик аёллар учун жуда табиий ҳолдири! Де Нусинген хонимнинг умидлари бир марта пучга чиқдан әди: унинг кўнглидаги бир худбин йигитга нисбатан бўлган эҳтирослар қаноатланмай қолганди. Шубҳаланишга унда асос бор әди. Мувваффақиятга тез әришганидан Эжен ўзига бино қўйиб қолди, эҳтимол, шунинг учун ҳам Дельфина, ораларида ювага келган ғалати муносабатлар натижасида йигитнинг муомалаларида ўзига нисбатан ҳурматсизлик аломатларини сезиб қолди. Де Нусинген ўзидан воз кечиб кетган олдинги ошиғи олдида узоқ вақт ўзини қанчалик ерга уриб хор бўлган бўлса, ажаб әмаски, энди бу навқирон ошиқнинг кўз олдида шунчалик юксакка кўтарилишга, унда ўзига нисбатан иззат-икром туйғусини уйғотишига ҳаракат қилаётгандир. Эжен Дельфинанинг де Марсе билан яқин муносабатда бўлганини биларди, айнан шунинг учун ҳам хоним Эженинг осонгина ғалаба қозондим деб юришини истамасди. Қисқаси, ҳақиқатан ҳам даҳшатли бир махлуқ бўлган бузуқ йигитдан, унинг одамни камситадиган шахватпарастлигидан қутулиб олган Дельфина энди муҳаббат чаманининг гуллаб-яшнаган қучогида таърифга сифмас даражада бир қувонч топдики, бу чаманда муҳаббат манзараларини тўйиб-тўйиб томоша қилишнинг, юракка ширин туйғулар соладиган титроқ товушларга қулоқ солишининг ва маъсумалик шабадаси эркалатишларига берилишнинг ҳамма имкониятлари муҳайё әди. Чин муҳаббат сохта муҳаббатнинг жафосини тортмоқда әди. Афсуски, әркаклар ўвларининг биринчи алдамчилиги ёш жувонлар кўнглида қанчадан-қанча очилиб келаётган гулларни пайҳон қилиб кетишини тушуниб олишмагунча бундай бемаънилик ҳали тез-тез учраб туради. Аммо қандай сабаб бўлишидан қатъи назар, Дельфина Растињакни ўз ногорасига ўйнатиб келар, ўшанда ҳам ҳувур билан ўйнатиб келарди, негаки Эженинг уни яхши кўришига шубҳа қилмас ва севганининг бутун хафаиликларини истаган вақтда бартараф қила олишининг өнг тўғри воситалари ўзининг қўлида эка-

нини биларди. Растињакнинг иззат-нафси эса биринчи курашда ёқ галабани қўлдан бой беришни истамасди, шунинг учун у, овга рухсат берилган биринчи куни ҳар қандай қилиб бўлса ҳам каклик отиб келиш пайига тушган овчи-дек, ўз ўлжасини қатъий туриб, таъқиб қилганди. Камситилган иззат-нафс, хавотирликлар, чинакам ё сохта бўлишидан қатъи назар, умидсизлик васвасалари — буларнинг ҳаммаси уни мана шу аёлга тобора кўпроқ boglamoқда әди. Унинг де Нусинген хоним устидан қилган галабаси бутун Париж аҳлининг оғзида әди, ваҳоланки унинг бу аёл устидан қозонган галабаси улар танишган дастлабки кунда өришган муваффақиятдан нарига ўтганича йўқ әди. Баъзан аёл кишининг ноз-карашмаси, унинг муҳаббатидан баҳраманд бўлишга нисбатан кўпроқ қувонч бағишлади, аммо Растињак ҳали бундан бехабар әди, шунинг учун ҳам, тентакларча хуноб бўларди. Аёл киши муҳаббат билан кураш олиб борган вақт Растињакка ўзининг дастлабки меваларини совфа қилди: бу мевалар ҳали жуда гўр, норден әди-ю, кишига кўп лаззат бағишларди, аммо ўзи ҳам кўп қимматга тушмоқда әди. Баъзан сарис ҷақасиз қолиб, бўлғуси ҳаётини ҳеч тасаввур қила олмай қолгандা Эжен виждон амрига ҳам парво қилмай Вотрен кўрсатган йўл ва восита билан бойиб олишни,— мадемуазель Тайферга уйланиши ўйларди. Энди эса пулсизлик балоси уни ўз домига шундай тортиб олдики, у даҳшатли сфинкснинг оғир назарларига дош бериб, унинг васвасаси таъсирiga берила бошлади.

Ниқоят, Пуаре билан мадемуазель Мишоно ўз хоналарига чиқиб кетишгач, Боке хоним билан жун енгча тўқиб ўтирган Кутюр хоним ёлғиэ қолиши; печка олдида мудраб ўтирган Растињак әркаклардан фақат ўзим қолдим деб ўйлаб мадемуазель Тайферга шундай меҳр билан қарадики, қиз ерга боқди. Сўнг:

— Бир нарсадан хафамисиз, жаноб Эжен? — деб сўради Викторина, биропас жим ўтиргандан кейин.

— Кимда хафагарчилик йўқ дейсиз! — жавоб қилди Растињак.— Биз йигитлар жафо чекишига доим тайёр турганимиз эвазига арзийдиган дараражада қаттиқ, садоқат билан севилишдек бахтга ишончнимиз комил бўлса, эҳтимол, хафагарчиликни унча билмаган бўлармидик.

Мадемуазель Тайфер бу гапга шундай бир нигоҳ билан жавоб қилдики, у нигоҳнинг замирида қандай вўр эҳтирос ётганлигига ҳеч шубҳа қолмаган әди.

— Тўғри, сиз бугун ўз қалбимга ишонаман деб ўйлай-сиз,— деди Растинъяк гапини давом эттириб,— аммо келажакда ҳам сира ўзгариб қолмаслигингизга кўзингиз етадими?

Бечора қизнинг лабларидаги табассум жилваланди, гўё қизнинг қалбини ўтдек ёндириб ётган ёрқин шуъла юзига тепгандек, чеҳраси шу қадар ёришиб кетдик, уни бу қадар ҳаяжонга солганини кўриб, Растинъякнинг ўзи ҳам қўрқиб кетди.

— Борди-ю, эртага бой-бадавлат бўлиб баҳтингиз очилиб кетса, борди-ю, ғойибдан келган катта давлат әгаси бўлиб қолсангиз, камбағал пайтингида сизни севган йигитни ўшанда ҳам яхши кўрамидингиз?

Қиз чиройли қилиб бош иргатиб қўйди.

— Жуда камбағал йигит бўлса ҳам-а?

Қиз яна бош иргатди.

— Нималарни вайсаяпсизлар ўзи?— деб сўраб қолди Воке хоним.

— Бизни ўз ҳолимизга қўйинг, ўзимизнинг гапимиз бор,— деди Эжен.

— Ундай бўлса, бу гаплардан кейин кавалер Эжен де Растинъяк билан мадемуазель Тайфер орасида никоҳ тўғрисида аҳду паймонлар туғилиб қолмасмикин?— деб сўради емакхона остонасида пайдо бўлиб қолган Вотрен.

— Вой-ей, бирам чўчитиб юбордингилик!— деб юбо-ришди Кутюр хоним билан Воке хоним иккаласи.

Вотреннинг овози уни жуда қаттиқ ҳаяжонга солган бўлса ҳам, Растинъяк:

— Бундан маъқулроқ йўлни тополмасам керак дейман,— деб кулиб туриб жавоб қилди.

— Бундай ўринисиз ҳазилларни қўйинг!— деди уларга Кутюр хоним.— Викторина, уйимизга чиқамиз.

Воке хоним ўз хонасида шам ҳам, ўтин ҳам ёқмаслик учун ижаракчилари орқасидан уларнинг хонасига чиқиб кетди. Эжен Вотрен билан ёлғиз қолди.

— Шундай қарорга келишингизни билардим,— деди Вотрен ўта совуққонлик билан.— Аммо гапимга қулоқ солинг: мен ҳам ўзимга яраша табиати нозик одамман. Ҳовирча бирор қарор қабул қилишдан ўзингизни тийиб туринг, ҳозир эс-ҳүшингиз жойида эмас. Қарзларингиз бор. Истардимки, сизни менинг олдимга эҳтиросингиз ёки умидсизлигинги эмас, балки ақл-идрокингиз бошлаб кел-

са. Балки сизга бир неча минг зарур бўлиб тургандир? Марҳамат. Берайми?

Васвасага солувчи бу иблис ёнидан кармонини чиқарди-да, ундан ҳар бири минг франклик учта қофоз пул олиб, Растињак кўзи олдида айлантира бошлади. Эжен жуда мушкул аҳволга тушиб қолганди. У маркиз д'Ажуда билан граф де Трайга икки минг франк ютқазиб қўйгану, аммо пули йўқлигидан, кейин бераман деб вაъда қилган әди, шунинг учун, графиня де Рестоникида уни кутишаётган бўлса ҳам, у ерга боролмай ўтиради. Графиняникида бугун оддийгина бир кечаки, бундай кечаларда фақат печенеъ еб, чой ичиларди, аммо қарта ўйнаб, олти минг ютқазиб кетиш ҳеч гап әмас әди.

— Жаноб Вотрен,— деди унга Растињак, аъзойи баданинг титрофини зўрға босиб,— менга таклиф қилган ишларингиздан кейин сиздан ҳеч нима қабул қила олмаслигимни ўзингиз тушунсангиз керак.

— Жуда соэ! Бошқача жавоб берсангиз, мени ёмон хафа қилган бўлардингиз,— деди васвасачи.— Сиз ўқтам, күштабиат, арслондек мағрур ва ёш қизлардек назокатли йигиттисиз. Йўлдан урувчи шайтонга жуда қўл келасиз! Йигит кишининг мана шундай фазилатли бўлганини яхши кўраман. Шуниси ҳам борки, олий сиёсат соҳасидаги яна икки-уч фикрни сингдириб олсангиз, бу дунёning қандайлигини ўзингиз ҳам тўғри тушунадиган бўлиб қоласиз. Бу дунёда ҳиммат — саҳоват кўрсатиш бобида кичик-кичик томоша қўйиб туриш керак, ана шунда, юксакларга парвоз қила оладиган одам партердаги аҳмоқларнинг гулдурос олқишлири остида истаган инжиқлукларини таъминлай оладиган бўлади. Яна бир неча қун ўтади-ю, бизники бўласив қоласиз. Эҳ, агар менга шогирд тушишга рози бўлганингизда борми, кўнглингиз истаган нарсага муяссар бўлардингиз. Нимани кўнглингиз тусаса — шон-шуҳрат дейсизми, пул дейсизми, хотинлар дейсизми — ҳамма-ҳаммаси оғзингиздан чиқмасданоқ муҳайё бўлиб турарди. Маданиятнинг жамики меваларини бир қилиб, ундан сизга жанинат шароби ҳозирлардик. Сиз бизнинг әркамиз, бизнинг Вениаминимиз\* бўлардингиз, сиз учун биз жон-жон деб, ўт деса ўтдан, сув деса сувдан кечган бўлардик. Йўлингизга ғов бўлган ҳар қандай нарса супуриб ташланган бўларди. Мендан пул олишга номус қиласиз, демак, мени ёвуз одам деб ҳисобласангиз керак-да? Аммо худди сизга ўхшаб ўзини виждонли одамлар қаторига қўшиб юр-

ган одамлардан бири, жаноб дю Тюренни<sup>\*</sup> қароқчилар билан баъзан кичик-кичик битимлар тузар, аммо бу билан ўзини ёмонотлиқ бўлган деб ҳисобламасди. Менга қарздор бўлиб қолиши истамайсиз, а? Бунинг йўли осон,— деб заҳарханда билан гапини давом өттириди Вотрен.— Мана бу бир парча қофозни олинг-да,— деб у Эженга давлат герби босилган бланк узатди,— «Бир йил мобайнida тўлаш шарти билан уч минг беш юз франк олдим»,— деб ёзиб, имзо чекиб беринг. Тагига чисолосини ёзинг! Проценти шу қадар баландки, сизни ҳар қандай виждон азобидан халос қиласди, мени судхўр деб ҳисоблашингиз ва ўзингизни ҳар қандай миннатдорчиликдан ҳоли деб билишингиз мумкин. Бир вақт келиб, мени яхши кўриб қолишингизга ишончим комил бўлгани учун, шу бугундан бошлаб мендан нафратланишингизга ижозат бераман. Сиз менда шундай мавҳум, шундай кучли, мужассам туйгуларни учратишингиз мумкинки, аҳмоқ одамлар буарни нуқсон деб ҳисоблашади, аммо ҳеч вақт кўрнамаклик ва аблаликни учратмайсиз. Қисқаси, ўғлим, мен пиёда әмас, фил ҳам әмас, балки руҳман.

— Қандай одамсиз ўзингиз?— деб юборди Эжен.— Менинг тинчимни бузиш учун яратилгансиз!

— Асло, мен шунчаки оқ кўнгил одамман, то умрингиз охиригача ёмонотлиқ бўлмаслигингиз учун, сизнинг ўрнигизга ўзим ёмонотлиқ бўлишга тайёр бир одамман. Бундай садоқатнинг боиси нима деб ўзингиздан сўраётгандирсиз? Яхши, бир кун әмас, бир кун буни секингина қулогишингизга айтаман. Жамият тувуми механизмни ва ўша машинанинг қандай бошқарилишини кўрсатиб, аввалига сизни қўрқитиб юбордим; аммо янги солдатликка олинган йигитларнинг қўрқуви жанг майдонида қандай тез ўтиб кетса, сиздаги бу дастлабки қўрқув ҳам шундай тез ўтиб кетади, шунда сиз, одамлар ўзини-ӯзи тождор деб зълон қилгалиари учун жанг майдонларида қирилиб кетишга маҳкум этилган солдатларнинг худди ўзгинаси экан, деган фикрга қўнишиб кетасиз. Замонлар жуда ўзгариб кетди. Бир вақтларда одамлар бирор довюрак йигитга: «Мана бу юз тиллани олу, фалончини ўлдириб кел»,— деб тайинлаб, ҳеч қандай сабабсиз бир бечорани у дунёга жўнатиб, ўзлари хотиржам овқат қилиб ўтиришаверарди. Мен эса энди, розиман деб бош иргатиб қўйишингиз учунгина сизга катта давлат ваъда қилиб турибман, бундан сиз ҳеч қандай

зарар кўрмайсизу, яна иккиланиб ўтирибсиз. Қандай замонларга қолдик!

Эжен векселга имзо чекиб берди-да, пулни олди.

— Жуда соз! Энди жиддий гаплашиб олайлик,— деб давом этди Вотрен.— Мен бир неча ойдан кейин тамаки етиштириш учун Америкага жўнамоқчиман. Дўстлигимиша ҳурмати учун сизга сигаралар юбориб тураман. Бойиб кетсам, сизга ёрдамлашаман. Бола кўрмасам (шундай бўлиши аниқроқ: уруғимни сочишнинг мен учун қизиги йўқ), бутун давлатимни сизга васият қилиб кетаман. Дўстлик бундан ортиқ бўладими? Аммо мен сизни яхши кўраман. Мен одамлар учун жон фидо қилишга ишқибозман. Азалдан шундай қилиб келганман. Гап шундаки, ўғлим, мен бошқа одамларга қараганда юқорироқ доирада яшайман. Ҳаракат қилишни восита деб ҳисоблаб, фақат мақсадни кўзлаб иш кўраман. Одам мен учун нима? Мана у!— деб бош бармоғининг тирноғи билан тишига чертиб қўйди,— Одам ё ҳамма нарса, ё ҳеч нарса эмас. Агар у одамнинг номи Пуаре бўлса, у ҳеч нарсага арзимайди,— у шундай кўримсиз, сассиқ махлуқки, уни канадек әзиб ташлаш мумкин. Аммо одам сизга ўҳшаган бўлса, у худо: у устига тери ёпилган механизм эмас, балки энг яхши ҳиссиётлар макони қурган театр, мен эса ёлғиз ҳиссиёт билан яшайман. Ажабо, ҳиссиёт — бир бутун тафаккурга мужассамланган бутун олам эмасми? Шу Горио отанинг ўзини мисолга олайлик, унинг учун бутун олам, унга йўл кўрсатувчи ҳаёт риштаси ўша иккита қизи. Мен бу дунёни жуда синчилаб ўрганганман ва фақат битта чинакам ҳисни — икки әрқак ўртасидаги чинакам дўстликни тан оламан. Мен яхши кўрган нарса — Пьер билан Жафъер\*. Мен «Халос этилган Венеция»ни ёд биламан. Ўртоғи: «Юр, мурдани кўмиб келайлик!»— деганда чурқ этмасдан, кишининг гашига гегадиган сафсата сотмасдан ўша ўртоғи орқасидан кетадиган одамлардан қанчасини топиб бера оласиз? Мен мана шундай ишларни қилганман. Бундай гапларни ҳар кимга ҳам айтиб бўлмайди, аммо сиз юксак даражадаги фаросатли одамлардансиз, сизга ҳамма нарсани айтса бўлади, сиз ҳамма гапга тушунасиз. Сиз ботқоқликда итбалиқлар қуршовида узоқ қолиб кетмайсиз. Келишиб олдик шекилли, чамамда? Сиз уйланасиз. Шамширлар яланғочланиб, тикка ҳужумга ўтамиш! Менинг шамширим пўлатдан, ҳеч вақт қайилиб кетмайди, гап ана шундай!

Вотрен рад жавоби олмаслик учун ва Эжен эс-хушини тўплаб олсин учун дарҳол хонадан чиқиб кетди. Афтидан, бу оживона қаршилик кўрсатишлар, бу барча мунозаралар — кишининг ўз айбини оқлаш мақсадида қилган ҳаракат эканини у яхши тушунарди.

«Билганини қиласверсинг, аммо мен мадемуазель Тай-ферга уйланмайман!»— деди ўзига ўзи Эжен.

Ўзини қўрқитиб юборган, аммо айни вақтда ҳамма гапларини беҳаёлик билан гапириши ва жамият тузумининг моҳиятини бундай аниқ тушунишидан унинг назарида ўсиб бораётган одам билан битим тузиб қўйганидан эси чиқиб кетган Растињяк ўзими босиб олди-да, карета чақириб келишни буюрди ва кийиниб чиқиб, графиня де Рестоникига жўнади. Графиня кун сайин олий табақа даврасига кўпроқ кириб бораётган ва вақти келиб, графиня учун хавфли таъсир кўрсатиши мумкин бўлган бу йигитга кейинги кунларда икки ҳисса кўпроқ эътибор бериб кузатा бошлаган эди. Эжен д’Ажуда билан граф де Трайга қарзларини тўлади, кечаси билан қарта ўйнаб, ютқазган пулларини яна ютиб олди. Ўзи учун ўзи йўл очадиган одамларниг жуда кўпчилиги озми-кўпми фаталист\* бўлади. Растињяк ҳам хурофотчи эди: бугун қимордан пул ютиб олганини — ўзининг тўғри йўлдан оғмасликка ажд қиласани учун қудрати илоҳий юборган олий мукофот деб ўйлади. Эртаси куни эрталаб у Вотренни учратган заҳоти, мен берган векселни нима қилдингиз деб сўради. Вотреннинг, вексел ёнимда, деган жавобини әшитиши биланоқ Эжен ўзининг бундан жуда мамнунлигини яшириб ҳам ўтирумай, унга уч минг франкни қайтариб берди.

— Ҳамма иш йўриғи билан боряпти,— деди унга Вотрен.

— Аммо мен сизга шерик эмасман,— деб жавоб қилди Растињяк.

— Биламан, биламан,— деб унинг гапини бўлди Вотрен.— Ҳали ҳам ёш болалик қилиб, остоңага етганда ҳар қандай ҳуда-бехуда баҳоналар билан тўхтаб қоляпсиз.

Икки кундан кейин Пуаре билан мадемуазель Мишонो Ботаника ботаникага чекка бир ерида, офтоб тушиб турган скамейкада қандайдир жаноб билан гаплашиб ўтиришарди, у жаноб Бъяншонга шубҳали бўлиб кўринди.

— Мадемуазель сизни виждон азобига солаётган нарса нима,— шунга тушуна олмаяпман,— дер эди Гондюро.— Давлат полицияси министри жаноб олийлари...

— Э! Давлат полицияси министри жаноб олийлари денг-а...— деб такрорлади Пуаре.

— Ха, жаноб олийлари бу ишга қизиқиб қолдилар,— деди Гондюро.

Лекин фикр юритиш қобилиятидан маҳрумлиги аниқ бўлса ҳам, истеъфога чиққан ва ҳар ҳолда мешчанлик Фазилатларига ёга бўлган собиқ чиновник Пуаре Бюффон кўчасидан келганман деб ўзини танитган ва айни вақтда «полиция»га шама қилиб, Иерусалим кўчасидан келган агент\* өканини севдириб қўйган оддий буржуя ниқобидаги одамнинг гапларига қулоқ солиб ўтирадики, бунга ишониш амри маҳол эди. Аммо бунинг ҳеч ажабланадиган ери йўқ. Шундай бир гўл одамлар туркуми борки,— Пуаре ҳам кенг тарқалган ана шундай одамлар қаторига киради,— уларни баъзи тадқиқотчиларнинг ҳали ёълон қилинмаган, аммо охирига етказилган ишлари билан танишгандан кейингина тушуниб олиш мумкин: шундай кўчма чиновник туркуми борки, улар давлат бюджети томонидан йиллик маоши бир минг икки юз Frank бўладиган биринчи дараҷа кенглик (буни маъмуриятчиликдаги Гренландия дейиш мумкин) билан учинчи дараҷа кенглик ўртасига суқиб қўйилган, бу кенгликда иқлим анча юмшайди, негаки дурустгина маошли — уч мингдан то олти минггача — ўринлар бошланади, мукофот пуллари ҳам тушиб туради, маошга мукофот пулларини чатиштириш қийин бўлишига қарамай, ҳар ҳолда, у гуллаб, ҳатто мева ҳам бериб туради. Бошлиқларга бўйсуниб ўрганган бу одамларнинг тўпорилигини кўрсатадиган карактерли белгиларидан бири ҳар бир министрликдаги далай-ламага\* инстинктив равиша, сира суриштиромай кўр-кўронা бўйсунишидир, ваҳоланки уни фақат қотозлардаги «министр жаноб олийлари» деган жойга ўқиб бўлмайдиган даражада ноаниқ қилиб чеккан имвосидангина билса бўлади, мана шу «министр жаноб олийлари» деган учта сўз «Бағдод халифаси»\* даги II Вопдо Canі деган сеҳрли сўвлардек қудратли ҳисобланади ва ўша тўпорилашиб кетган чиновниклар аҳли учун муқаддас, шак-шубҳасив ҳокимият ўрнида ўтади: католиклар назарида папа сира гуноҳсив бўлганидек, чиновник назарида ҳам министр мутлақо айбу нуқсонсиз одамдир, министр деган номнинг қудрати унинг ҳаракатлари, гап-сўзларига, ҳатто унинг номидан айтилган гапларга ҳам ўтиб кетади; зарҳал мундириининг таъсири унинг буйруғи билан қилинадиган ҳамма ишларга ўтади ва қонум тусини беради; унинг ния-

ти холислиги ва буйруқларининг муқаддаслигига гувоҳ бўлиб қолган олий унвони ёнг номаълум ғояларга ҳам йўл бошловчи бўлиб хизмат қиласверади. Мана шу аянч, ожиз одамлар «жаноб олийлари» деган гапни эшитиш билан шундай тиришиб ишлайдиларки, ҳатто ўз манфаатлари йўлида ҳам бундай гайрат билан ишламаган бўлардилар. Армияда интизом қаттиқ бўлганидек, маҳкамаларда ҳам сўёсиз итоат этиш деган нарса ҳукмронлик сурисиб келади, бу тартиб-қоида одамни вижданидан жудо қиласди, уни тў-порилаштиради ва бора-бора уни давлат маъмуриятидаги анчайин бир гайка ё бирор михга айлантириб юборади. Гондюро, афтидан, одамларнинг фарқига тез етадиган одам әди, шунинг учун Пуаренинг расмиятпараст тентаклардан ёканини дарҳол фаҳмлаб олди, Мишоно Пуаренинг маҳбубаси вазиятидаги одам бўлганидек, агентнинг фикрича, Пуаре ҳам Мишононинг ош-ғидек одам әди, шуни ҳисобга олиб, пайт келиши билан Пуарени ҳайрон қолдириш мақсадида ўзининг Deus ex machina\* — яъғуз «жаноб олийлари» деган сеҳрли иборасини гап орасига қистириб кетди.

— Агарки жаноб олийларининг шахсан ўзлари шундай деган ёканлар... жаноб ми... О, унда бутунлай бошқа гап! — деди Пуаре.

— Сив у жанобнинг гапларини эшитасиз ва гўё, унинг фикрларига қўшилгандаи бўласиз,— деб гапини давом эттириди сохта буржуа, мадемуавель Мишонога қараб.— Гап шундай, «Воке уйи»да яшаб юрган, ўзини Вотрен деб атовчи одам Тулон сургунидан қочган, у ерда «Ажални алдар» деган лақаб билан машҳур бўлган қочқиннинг худди ўзи ёканига әнди министр жаноб олийларининг сира шубҳалари қолмади.

— Al! Ажални алдар! — деб такрорлади Пуаре.— Шундай лақаб олган бўлса, жуда омади келган ёкан-да.

— Бўлмасам-чи,— деди агент.— Жуда омади келганидан шундай лақаб олган:— ўзининг ўтакетган хатарли ишларидан ҳам ҳеч зиён кўрмай омон қутулиб чиқсан. Кўриб турибсизки, у ҳавфли одам! Баъзи хусусиятларига қаранганди, у гайри оддий одамлардан. Уни сургун қилиш катта бир воқеа бўлди ва ўз одамлари орасида унинг обрўсими жуда ошириб юборди...

— Демак, обрўли одам ёкан-да у? — деб сўради Пуаре.

— Уз йўлида. У бирорнинг жиноятини бир чиройли

йигитнинг, ўзи яхши кўрган ўртоғининг қалбаки ҳужжатлар ясаб қилган жиноятини ўз ихтиёри билан бўйнига олади, у жиноятчи ўтакетган қиморбоз, итальян йигит эди; кейинчалик у ҳарбий хизматга кириб, ўзини жуда яхши тутиб юра бошлади.

— Полиция министри жаноб олийлари Вотреннинг ўша Ажални алдар эканига ишонар эканлар, унда менинг нима керагим бор? — деб сўради мадемуазель Мишоно.

— Xa, дарвоқе,— деди Пуаре,— ўзингиз айтгандек, министрнинг бунга озми-кўпми ишончи комил бўлса...

— Жуда ҳам ишончи комил деб бўлмас: фақат шундай шубҳа бор. Гапнинг нимадалигини ҳозир тушунасиз. Ажални алдар лақабли Жак Коллен ўз агенти ва банкири қилиб сайлаган учта сургун турмасининг ишончига сазовор бўлган одамдир. Мана шу сингари ишлардан у кўпгина пул ишлайди бундай иш учун алоҳида хусусиятга эга бўлган одам керак.

— Эҳ-ҳа! Гапнинг тагига тушундингиэми, мадемуазель? — деб сўради Пуаре.— Жаноб Гондюро уни алоҳида хусусиятга эга одам деди, нега десангиз унга тамға босилган.

— Сохта Вотрен,— деб гапини давом өттириди агент,— сургун қилинган жанобларнинг пулларини қабул қилиб олиб, ҳар хил фойдали ишларга топшириб қўяди, агар улар сургундан қочишига муваффақ бўлсалар, ўзига, ёки сургун қилинган одам васият қолдирган бўлса, уларнинг оиласарига ё маҳбубаларига Вотрен номига берилган вексель орқали пулларини ўtkазиб беради.

— Маҳбубаларига дейсиэми? Хотинларига денг,— деди Пуаре.

— Йўқ, сургун қилинганлар одатда қонуний хотин олмайдилар, биз уларни ўйнаш деймиз.

— Демак, уларнинг ўйнашлари бўларкан-да?

— Демак, шундай экан.

— Жаноб министр бундай қабиҳликларга йўл қўймаслиги керак эди. Сиз у кишининг ҳузурларига кириб туриш шарафига мұяссарсиз ва ўйлашибимча, инсонпарвар одам кўринасиз, шундай экан, ундай одамларнинг қай даражада ахлоқсиз эканини ва бунинг жамият учун қанчалик ёмон таъсир кўрсатишни у кишига тушунтириб қўйсангиз бўларди.

— Ахир, ҳукумат уларни саҳоватли одамлар намунаси сифатида турмага қамамайди-ку.

— Ҳақ гапни айтдингиз. Бироқ рухсатингиз билан...  
— Азизим, қўйинг, жаноб Бондюро гапини айтиб бўлсин,— деб сұдбатга аралашди мадемуазель Мишоно.  
— Биласизми, мадемуазель,— деб давом қилди Гондюро,— ўша гайри қонуний кассани қўлга туширса, ҳукумат жуда катта наф кўриши мумкин, у кассада овозаларга қараганда, жуда катта маблағ бор эмиш. Ажални алдарнинг қўлида жуда катта давлат бормиш, фақат ўзининг баъзи ўртоқларига тегишли пуллар әмас, балки «Ўн мингчилар» иттифоқига қарашли пуллар ҳам унинг қўлида әмиш.

— Ўн мингта ўғри дейсизми?— деб юборди қўрқиб Пуаре.

— Йўқ, «Ўн мингчилар» иттифоқи катта ўғрилар ташкилоти, катта иш қилиб ўрганган бу ўғрилар ўлжа ўн минг франкдан кам бўлса, ундаи ишга қўл урмайдилар. Бу иттифоққа энг сараланган ўғрилар киради — биз тўппа-тўғри Олий жиноий судга юборадиган шоввоздар ана шулар. Улар Қонунлар мажмуасини жуда яхши билишади, шунинг учун ҳатто жиноят устида қўлга тушгудек бўлсалар ҳам, ҳеч вақт ўлим жазоси оладиган моддага тўғри келадиган қилиб жавоб бермайдилар. Коллен уларнинг ишончли вакили, маслаҳатчиси. Қўлида ҳисобсиз маблағи борлиги туфайли ўз полициясини барпо қилган, кўп таниш-билишлар орттирган, аммо бу ишларини ҳеч ким пайқаб олмайдиган қилиб, сир сақлаб келади. Мана бир йил бўлибдики, биз уни жосуслар билан ўраб ташлаганмиз, аммо шундай бўлса ҳам, ҳануз унинг ишларидан бехабармиз. Шундай қилиб, ўша касса ҳам, унинг истеъоди ҳам ёвуз ишларга пул сарфлаб, жиноий ишларга далда беради ва доим жамият билан жанг қилиб келаётган қаллоблар армиясини шай тутиб туришга ёрдам беради. Ажални алдарни қамоққа олиш ва бутун шерикларини қўлга тушириш — ёвуэликнинг илдизи билан йўқотиш бўларди. Ана шунинг учун ҳам бу пайсалга солиб бўлмайдиган чора давлат аҳамиятига, сиёсий аҳамиятга әга бўлган иш бўлиб қолди, шунинг учун ҳам бу ишни амалга оширишда ёрдам кўрсатганлар ҳурматга лойиқ одамлар бўлиб қолади. Сиз ўзингиз ҳам яна бошқатдан маъмурий ишга киришишингиз мумкин, полиция комиссарининг секретари бўлиб ишлардингиз, бу эса нафақангизни олишингизга асло халал бермасди.

— Нега Ажални алдар кассани олиб қочиб кетмайди?— деб сўради мадемуазель Мишоно.

— Бе, сургундагиларни қоқлаб кетадиган бўлса, қаёқ-қа кетса ҳам орқасидан уни ўлдиргани одам юборишган бўларди! Ундан ташқари, кассани ўғирлаб кетиш, бирор бадавлат хонадоннинг қизини ўғирлаб кетишдек осон иш эмас. Аммо Коллен азамат йигит, бундай ишга у қўл урмайди, шундай қилса, ўзини ўзи шарманда бўлган ҳисобларди.

— Тўғри айтасиз,— деди Пуаре,— у тамомила шарманда бўларди.

— Лекин бу гаплардан, нега уни тўғридан-тўғри қамоққа олиб қўя қолмадингиз, деган саволга жавоб чиқмади,— деди мадемуазель Мишоно.

— Хўп, мен жавоб бераман... (фақат бир илтимос,— деб шивирлади у, мадемуазелнинг қулоғига,— кавалерингиз гапимни ҳадеб бўлавермасин, бўлмаса гапимиз сира тугамайди. Бу чолнинг гапига қулоқ солиш учун у ниҳоятда бадавлат бўлиши керак.) Ажални алдар бу ерга келганда номусли одам ниқобини кийиб олди, ҳурматли парижлик бир одам қиёфасига кириб, кишилар назаридан четдаги пансионга жойлашди. У шундай устаки, уни асло рафлатда қолдириб бўлмайди. Қисқаси, Вотрен чакана одамлардан өмас, қилиб юрган ишлари ҳам чакана ишлардан өмас.

— Мутлақо турган гап,— деб қўйди ўвига ўзи Пуаре.

— Борди-ю, бирдан янгишиб чинакам Вотренни қамаб қўйсак-чи? Лекин министр Парижнинг бутун тијкорат аҳли билан жамоатчилик оммасининг таънасига қолиб кетишин истамайди. Полиция префектининг душманлари кўп, шунинг учун у худди игна устида ўтиргандек ўнгайсив ҳис қиласи ӯзини. Борди-ю, тувиљган режа барбод бўлиб қолса, унинг ўрнига кўз олайтириб юрганлар, либериалларнинг ириллашлари ва акиллашларидан фойдаланиб уни арадаришга киришадилар. Бу ишда Конъянринг, яъни сохта граф де Сент-Эленнинг сирини очгандагидек эҳтиёткорлик билан ҳаракат қилиш керак. Ўшанда у ростдан ҳам граф де Сент-Элен бўлиб чиқса, роса шўримиз қуриган бўларди. Ана шунинг учун текшириб кўриш керак!

— Демак, сизга бирор дўндиққина аёл керак эканда?— деди мадемуазель Мишоно.

— Йўқ, у аёл кишини яқинига йўлатмайди. Сизларга сирни айтиб қўя қолай: Ажални алдар хотинларни ёмон кўради.

— Ундай бўлса, агар бу ишни икки минг өвазига бўй-  
нимга олганимда ҳам, менинг қандай фойдам тегишига ту-  
шунолмай турибман.

— Буни тушуниш жуда осон,— деди нотаниш одам.—  
Мен сизга бир хил суюқлик солинган шишача бераман —  
у суюқликнинг хусусияти шундаки, қони мияга уради, худ-  
ди одамнинг миясига қон қўйилиб кетгандек беҳуш қилиб  
қўяди-ю, аммо соғлиққа зарари йўқ. Ўша дорини кофега  
ё винога қўшиб берса бўлади. Дори кучини кўрсатиши би-  
ланоқ ҳастани каравотга олиб ётқизасизлар, ўлиб қоли-  
шидан қўрқаётган киши бўлиб, ечинтирасизлар. У билан  
фақат ўзингиз ёғиз қолгандан кейин мана бундай қилиб,  
елкасига кафтингиз билан бир урасиз, тамғаси бор-йўқли-  
ги кўринади қўяди.

— Оппа-осон экан,— деб қўйди Пуаре.

— Ҳўш, розимисиз?— деб сўради Гандюро, қари қиз-  
дан.

— Борди-ю, тамға ҳарфлари йўқ бўлса-чи, ўшанда ҳам  
икки мингни олавераманми?

— Йўқ.

— Унда хизмат ҳақи қанча бўлади?

— Беш юз.

— Шундай арзимаган пул экан — қўлимни урганимга  
арзимайди! Озмунча виждон азобига қовриламанми, виж-  
донимни тинчтишимнинг ўзи бўлмайди.

— Ишонаверинг,— деб гапга аралашди Пуаре,— маде-  
муазель жуда виждонли аёл, унинг меҳрибонлиги ва идрок-  
лилиги тўғрисида гапирмаса ҳам бўлади.

— Майли,— деди мадемуазель Мишоно,— агар у  
Ажални алдар бўлса, уч минг берасиз, борди-ю, у бошқа  
одам бўлса, ҳеч нарса бермай қўя қолинг.

— Бўпти,— деди Гондюро, аммо битта шартим бор,  
бу ишни эртагаёқ бажарасиз.

— Бундай тез қиломайман, азизим, мен ҳали ўз руҳо-  
ний отам билан маслаҳатлашиб олишим керак!

— Айёр өкансиш!— деди агент, ўрнидан тураркан.—  
Демак, эртагача хайр. Агар мен билан гаплашиш зарурати  
туғилиб қолса, Сент-Анн тор кўчасига, Сент-Шапель орқа-  
сидаги чerkov ҳовалисига келинг. У ерда фақат битта эшик  
бор, Гондюро қаерда туради деб сўранг.

Шу пайт Кювье лекциясидан чиқиб келаётган Бъян-  
шон булар олдидан ўтиб қолди, «Ажални алдар» деган  
галати лақаб унинг диққатини ўзига тортди, шу сабабдан

махфий полициянинг машҳур бошлиги оғзидан чиққан: «Бўпти»,— деган сўзни ҳам эшилди.

— Нега ишни биратूла пишишиб қўя қолмадингиз, ахир, бу умр бўйи уч юз франқдан даромад келтириб турадиган рента деган гап-ку!— деди Пуаре мадемуазель Мишонога.

— Нега дейсизми? Буни ҳали пухта ўйлаб кўриш керак. Вотрен ростдан ҳам ўша Ажални алдар бўлса, эҳтимол, у билан тил биритирганимиз фойдалироқдир. Лекин ундан пул талаб қилиш деган сўз — уни огоҳлантириб қўйиш бўлади, ким билади дейсиз, эҳтимол, бизга пул бермай, ура қочиб қолар. Бурнимизга қўлимизни тиқиб қолаверамиз.

— Уни огоҳлантириб қўйисак, барибир бояги жаноб айтгандек уни назорат қилиб турувчилар бор экан-ку,— деб өътиroz билдири Пуаре.— Тўғри, бунда сиз қуруқ қолган бўлардингиз.

«Бунинг устига у одамни ўзим ёмон кўраман,— деб хаёлидан ўтказди мадемуазель Мишоно.— Менга у фақат раңжитадиган гаплар гапиради».

— Аммо жуда яхши иш қилишингиз мумкин,— деб давом этди Пуаре.— Ахир, бояги жаноб, менимча, туппа-тузук одамга ўхшайди, кийим-бошлари ҳам бинойидек, ана ўша жаноб нима деди: жиноятчининг ҳар қандай яхши фазилатлари бўлса ҳам қонун бундай одамдан жамиятни тозалаши керак, деди. Ароқхўр ҳеч вақт ичишини ташламайди. Борди-ю, бирдан ҳаммамизни ўлдиргиси қистаб қолса-чи? Йие, унда, қотилликнинг содир бўлишига биз айблор бўлиб чиқишимиз мумкин-ку, ҳали ҳаммадан олдин ўзимиз ўлиб кетишимиз мумкинлиги тўғрисида гапирмаёқ қўя қолай!

Мишоно хаёлга толганлигидан, худди ёмон бураган кран жўмрагидан тинмай чакиллаб турган сувдай оқиб чиқаётган Пуаренинг сўзларини эшитолмасди. Бу чоли тушмагур бир гапга тушиб кетса борми, то Мишоно уни тўхтатмагунча, худди яхшилаб бураб қўйилган автоматдек тинмай жаврагани жавраган эди. У бир мавзудан гап бошлаб, уни охирига етказмас, хulosса чиқармас ва тамомила олдинги мавзуга эид бўлган гапларга ўтиб кетарди. «Воқе уйи»га яқинлашиб келишганда, Пуаре мавзудан мавзуга сакраб ўтавериб, калавасининг учини тамом йўқотиб қўйганди, шундай бўлса ҳам нафасини бир ростлаб олди-ю, ниҳоят ўзи ҳимоячи сифатида гувоҳлик бериб иштирок

этган жаноб Рагуло билан Морен хоним иши тўғрисида гапириб кетди. Ичкари киришлари билан мадемуазель Мишоно Эжен билан мадемуазель Тайфернинг ниҳоятда муҳим бир мавзуда қизгин суҳбатлашиб ўтиришганини кўриб қолди, иккала ёш шу қадар юракдан суҳбат қилишаётган эдик, икки кекса хўранданинг емакхона орқали ичкари ўтиб кетганига заррача ҳам эътибор беришмади.

— Оқибат, иш шунга келиб тақалиши керак эди ўзи,— деди мадемуазель Мишоно Пуарега қараб.— Кейинги ҳафта ичидаги улар бир-бирларига кўзларини сузиб қарашгани қарашган.

— Ҳа, ҳа,— деб жавоб қилди Пуаре.— Шунинг учун ҳам уни қамаб юборишди-да.

— Кимни?

— Морен хонимни.

— Мен мадемуазель Тайферни айтяпман,— деди паришонлик билан Пуаренинг хонасига кириб келган мадемуазель Мишоно,— сиз бўлсангиз, Морен хонимни гапириб ўтирибсиз. Қанақа хотин эди у?

— Мадемуазель Викторинанинг айби нимада?— деб сўради Пуаре.

— Айби шуки, Эжен де Растињакни яхши кўради, шўрлик қиз нима қилаётганини ўзи ҳам билмайди.

Эрталаб Нусинген хоним Эженини умидсизликка солиб қўйди. Эжен Вотреннинг нега унга ўзини яқин олаётганини бу муносабатларнинг оқибати нима бўлишини атайлаб ўйламай, кўнглининг чуқур бир ерида ўзини тамомила бу гайри оддий одамнинг ихтиёрига топширган эди. Бундан бир соат бурун у мадемуазель Тайфер билан астойдил аҳду-паймон қилиб, жар ёқасига бориб қолган, энди уни жарга қулагб кетишдан фақат бирон мўъжиза халос этиши лозим эди. Викторина, назарида, фариштанинг овозини өшитгандек бўлди, самовий дарвозалар унинг кўзи олдида ланг очилди, «Воқе уйи» эса қизнинг назарида рассомнинг мўъжизакор қўли остида саҳналарда пайдо бўладиган ағсонавий саройларга ўхшаб кетди: қиз Эженини яхши кўраради, у ўзининг ҳам севилишига тамоман ишонган эди. Ахир Растињакка қараб ўтириб ва пансион тўрткўзларининг кўзини шамрагат қилиб, унинг ширин гапларига роса бир соат қулоқ солган бўлса, унинг ўрнида бошқа ҳар қандай қиз ҳам бундай муҳаббатга ишонмай қола олармиди?

Эжен ўзининг абллаҳлик қилаётганини жуда яхши англаган ва лекин айни вақтда ўз ииятларидан қайтмасликка

аҳд қилган ҳолда, аёл кишини баҳтиёр қилиш билан бутун гуноҳларимни юваман деб ўзини ишонтироқчи бўларди, у ўз вижданни билан шундай курашаркан, астойдил кескин ҳаракат қилганидан чеҳраси ёришиб кетди, қалбидагур-гур ёнаётган жаҳаннам алангаси тамомила юзига урилганидан яна ҳам чиройлироқ бўлиб кетди. Баҳтидан бўлиб, мўъжиза юз берди: шод-хуррам ҳолда Вотрен келиб қолди, ўзининг иблисона идроки туфайли қовушиб ўтирган бу иккала ёшнинг қўнглида нималар бўлаётганини дарров фадмлаб олди-да, дўриллаган овозини баланд қўйиб, мас-харапомуз:

Соддалиги билан Фаншетам  
Ҳам дилрабо, ҳам жуда кўркам..—

деб куйлаб юборди-ю, уларнинг ширин сұҳбатини бўлди қўйди.

Викторина умрида шу пайтгача қанча азоб тортиб келган бўлса, ҳозир ўшанча баҳтиёлик ҳисси билан хонасига қочиб кириб кетди. Бечора қис! Қўл қисишилар, қизнинг юзига Эжен сочининг тегиб кетгани, оғзиning ҳовури урилар даражада яқин келиб қулоғига ширин гап айтгани, белидан қучоқлаган қўлнинг титрофи, бўйнидан олинган бўсалар — буларнинг ҳаммаси илоҳий бир муҳаббатнинг ифодалари әдиким, унинг нуридан товланиб кетган емакхонага ҳар онда кириб қолиши мумкин бўлган бақалоқ Сильвиянинг шу яқин орадалиги, қизнинг муҳаббатини севги тўғрисида ёзилган ҳамма қиссаларда тасвиrlанган муҳаббатдан ҳам алангалироқ, ўткирроқ ва қизиқроқ қилиб юборган эди.

Муҳаббатнинг, ота-боболаримиз тили билан айтганда, мана шу хуфия ифодалари ҳар икки ҳафтада бир марта тавба қилгани черковга бориб турадиган ёш, художўй қизга жиноятдек туюлди! У бадавлат хотин бўлиб олгандан кейин, ўзини бутунлайнин фидо қилганда ҳам, кўнгил бойликларини ҳозиргичалик кўп сарфлай олмасди.

— Масала ҳал,— деди Вотрен Эженга.— Бизнинг олифталар гижиллашиб қолишиди. Ҳаммаси хамирдан қил сурургандек осон битди. Жанжал эътиқод масадасидан чиқди. У шоввоз менинг лочинимни ҳақорат қилди. Учрашув ёртага Клинъянкур тупроқ қўргонида бўлади. Мадемуавель Тайфер соат саккиз яримда, хстиржамлик билан бўн

ғирсоғини кофесига ивитиб ионушта қилаётганида отаси-нинг бугун давлати-ю муҳаббати унга мерос бўлиб ўтиб қолади. Бу ҳазил гап әмас! Еш Тайфер шамширбозликка уста ва кузур туздек ўзига бино қўйган йигит, аммо лочиним унинг қонини мен ўйлаб чиқарган бир усул билан оқизиб ташлади: шамширни кўтаради-ю, шартта пешона-сига санчади. Бу услубни сизга ўргатиб қўяман — ўлгудек Фойдали нарса!

Растинъяк тўпорилик билан қулоқ солиб ўтирар ва ҳеч нарса деб жавоб қила олмасди. Шу пайт Горио ота, Бъян-шон ва бир неча хўрандалар келиб қолишли.

— Сизни худди шу қиёфада кўрмоқчи әдим,— деди Вотрен.— Сиз нима қилаётганингизни биласиз. Жуда соз-лочиним! Сиз одамларга бош бўлиш учун яратилгансиз, сиз кучли, иродали, азамат йигитсиз, мен сизни ҳурмат қи-ламан.

Вотрен унинг қўлинини қисмоқчи бўлган эди, Растинъяк шартта қўлинини тортиб олди ва ранги ўчиб, стулга ўзини ташлади: оёғи остида, полда қон ҳалқоб бўлиб ётгандек кўриниди кўзига.

— Э, эзгу фазилатлардан ҳали ҳам бор әкан-ку! — деди унга секингина Вотрен.— Долибан отанинг уч миллиони бор, унинг давлати менга маълум. Қайлиғингиз сепини ол-гандан кейин ҳамма гуноҳлардан фориғ бўлиб, худди ни-коҳ қўйлагидай оппоқ бўлиб кетасиз.

Растинъяк әнди иккиламасди. У кечқурун бориб, ота-бала Тайферларни огоҳлантириб қўймоқчи бўлди. Вотрен унинг олдидан нари кетди, шундан кейин Горио ота унинг қулоғига:

— Ўғлим, хафа бўлиб ўтирибсиз! — деб шивирлади.— Ҳозир сизни хурсанд қилиб юбораман. Юринг!

Кекса вермишелчи ўзининг ўрама шамини лампадан ён-дириб олди. Эжен нима гап әканини тезроқ билишга қизи-киб, унга эргашди.

Сильвиядан студент турадиган хонанинг қалитини ол-ган чол:

— Сизнинг хонангизга кирамиз,— деди.— Бугун эрталаб, мени яхши кўрмас әкан деб ўйлаган бўлсангиз ке-рак-а? Қизим сизни неиложликдан чиқариб юбөрган, сиз бўлсангиз дарров аччиқланиб, умидсизликка тушиб чиқиб кетибсиз. Тентаквой! У мени кутиб турган эди. Тушунди-нгизми? Биз иккаламиз бирә ажойиб квартирани жиҳозла-гани боришимииз керак эди, уч кундан кейин сиз у ерга кў-

чиб ўтасиз. Сизга айтганимни қизим билмасин тағин. У сизни бир суюнтирмақчи, лекин мен сиримизни сиздан ортиқ яширасак бўлмас деб ўйлайман, жойни д'Артуа кўчасидан топдик, у Сен-Лазар кўчасидан икки қадамгина нарида. Сиз у ерда даврон суриб турмуш кечирасиз. Жиҳозларни ҳам янги турмуш қурганларга муносибини ахтариб топдик. Кейинги ойда анча-мунча иш қилиб юбордик, аммо сизга билдирамадик. Менинг ишончли вакилим ҳарбийчасига иш бошлаб юборди, қизимнинг йиллик даромади ўтиз олти минг франк бўлади — бу унга берган сепимдан оладиган даромад; мен унинг саккиз юз минг франк пули яхши даромад бериб турадиган бирор мулк ҳисобига қўйилишини талаб қиласман.

Эжениндамас, қўлини кўкрагига чалиштириб, ўзининг йифиштирилмаган аянчли хонасида у ёқдан-бу ёққа юрарди. У орқасини ўғирган пайтини мўлжаллаб туриб, Горою олтин ҳал билан Растињяклар хонадонининг герби ўйиб ишланган қизил саҳтиён филофии камин устига қўйиб қўйди.

— Мен, ўғлим, мана шунаقا ишларга жуда берилганман. Аммо ростимни айтсан, ўзимни ҳам унутмаганман. Сизнинг бошқа жойга кўчиб ўтишингиздан мен ҳам манфаатдорман. Бир нарсанни илтимос қилсан, йўқ демайсизми?

— Нима экан?

— Сизнинг квартирангиз тепасида, олтинчи қаватда, сизнинг ўйлагингиздан чиқиладиган бир бўш хона бор; ана ўша ерга мен кўчиб бораман, майлими? Мен қариб қолдим, аммо қизларимдан узоқда тураман. Сизга халақит қилмайман. Шунчаки яқинингизда тураман. Ҳар куни кечқурун сиз менга қизим тўғрисида гапириб берасиз. Сизга малол келмайди, аммо мен уйга қайтиб келганингизни эшитиб тураман ва ўзимга: «У ҳозиргина Фифинамни кўриб келди. У қизим билан балга борди, қизимни баҳтиёр қилди», — деб ўтираман. Борди-ю, тобим қочиб қолса, уйга келганингизни, у ёқ-бу ёққа юрганингизни, стулларни сурганингизни эшитиб ётишнинг ўзи менга энг яхши даво бўлади. Ахир, дилингиз Дельфинадан олган таассуротлар билан лиммо-лим бўлади-ку! У ердан қизларим ҳар куни каретасида сайр қилиб ўтадиган Елисей Даласига икки қадам, ҳолос: ана шунда мен уларни доим кўриб тураман, бўлмаса, ҳозир баъзан анча кечикиб қоляпман. Эҳтимол, қизимнинг ўзи ҳам уйингизга келиб турар! Унда унинг

овозини эшитиб тураман, әрталабки кийимда, у ёқ-бу ёқ-қа югуриб-елганини, ё хиромон қадамлар ташлаб юрганини кўриб ҳам қоларман. Кейинги бир ой ичидаги сингари яна очилиб кетди, хушчақчақ ва танноз бўлиб қолди. Кўнгли тоғдек қўтарилиб кетди, бунга сиз сабабчисиз. О, сиз учун мен иложи йўқ ишларни қилишга ҳам ҳозирман! Ҳозир қайтиб келаётганимизда у: «Дада, мен жуда баҳтлиман!»— деди. Улар менга салобат билан: «Ота!»— дейишса, юрагим увушиб кетади, аммо: «Дада»,— дейишганда, улар менга ёш болалардек кўриниб кетишади, энг яхши хотираларимни өсимга солишади. Ўшандай пайтларда уларнинг отаси өканимни кўпроқ ҳис қиласман. Назаримда, улар ҳали ҳеч кимнинг маҳрига тушмагандек туюлиб кетади.

Чол кўз ёшлини артди, у йигланмоқда эди.

— Кўп вақтлардан бери қизимнинг бундай гапларини эшитганим йўқ эди, кўпдан бери у қўлтиғимдан олмаган эди. Ҳа, ҳа, мана, ўн йил бўлибдики, қизларимнинг биттаси билан ҳам ёнма-ён сайр қилиб юрмадим! Унинг кўйлагига тегиб кетиш, қадамига мослаб қадам ташлаш, баданиннинг иссиғини ҳис қилиш қандай ёқимли! Бугун әрталаб Дельфинани ҳамма жойга кузатиб бордим. Дўконларни айландик. Уни уйигача кузатиб қўйдим. О, яқинингизда яшашимга рухсат беринг! Баъзан бирор ишингири чиқиб қолиши мумкин, мен эса ёнгинангизда бўламан. Эҳ, ўша эльзаслик тўнка тезроқ ўла қолса эди, қани энди, байталмон касали қорнига ўта қолса, қизим жуда баҳтли бўларди-да! Сиз менга куёв бўлардингиз, очиқдан-очиқ унинг эри бўлардингиз. Қизим ҳанузгача бу дунёнинг лаззатларини тотиб кўргани йўқ, шундай баҳтсизки, ҳамма айбларини кечираман. Ҳудо ўз фарзандларини яхши кўрадиган оталарни ҳимоя қилиши керак.— У жим бўлиб қолди, кейин бошини чайқаб, яна қўшимча қилди:— У сизни жуда яхши кўради, жуда! Йўл-йўлакай фақат сизни гапирди: «Жуда яхши йигит-а, тўғрими, дада, юраги ҳам тоза? Менниг тўғримда ҳам ҳеч гапирадими?» Д'Артуа кўчасидан Панорама растисига боргунимизча сиз тўғрингизда олам-жаҳон гапларни гапириб берди. Фифинамнинг мен билан энди юрагини очиб гаплашиши! Бугун әрталаб баҳтиёригимдан ҳарилликни ҳам унутиб юбордим, ўзимни қушдек енгил ҳис қилдим. Минг франк пулни менга берганингизни унга айтдим. Вой, оппоқ қизим-эй! Таъсирланганидан кўзларига ёш олди. Каминингиз устидаги анави нима?— деб

ниҳоят ортиқ тоқат қилолмай сўраб қолди Горио ота, Рас-  
тињакнинг қимирламай тўхтаб қолганини кўриб.

Мияси мутлақо гангиб қолган Эжен қўшнисига бақра-  
йиб қараб турарди. Вотреннинг гапига қараганда, эртага  
эрталабга тайинланган ўша дуэль унинг энди рўёбга чиқа-  
ётган энг қимматли орзуларидан шу қадар кескин фарқ  
қилардики, буларнинг ҳаммасини у худди ёмон туш кўр-  
гандек бошидан кечирди. У камин тарафга ўгирилиб, тўрт  
бурчак ғилофни кўриб қолди, уни очиб, ичида турган бир-  
варақ қофозга ва қофоз тагидаги Брегет соатига кўзи туш-  
ди. Қофозга бундай деб ёзилган эди:

«Ҳар он, ҳар соатда мени ўйлашингизни истайман,  
чунки...

### Дельфина».

Охириги сўз билан у ўз муносабатларида бўлиб ўтган  
бирон ҳодисага ишора қилган бўлса керак. Эжен ийиб кет-  
ди. Соатнинг олтин қопқоғи ичкарисига эмаль билан унинг  
герби ишланганди. Кўпдан бери ўзи орзу қилиб юрган бу  
қимматбаҳо буюм, унинг занжирчаси, қалити, шакли ва  
ўймакор гуллар ҳаммаси дидига жуда монанд эди. Горио  
отанинг оғзи қулоғида эди. Албатта, у Эженнинг бу сов-  
гадан қандай хурсанд бўлиб кетганини, қандай ҳайрон  
қолганини қизига гапириб беришни бўйнига олган эди,  
гарчи учинчи шахс сифатида бўлса ҳам, ёшларнинг ҳая-  
жонларига шерик эди, аммо ўзи ҳам улар сингари ғоят  
бахтиёр эди. У Эженни ажойиб инсоний фазилатлари учун  
ҳам, қизини бахтиёр қилгани учун ҳам яхши кўриб қол-  
ган эди.

— Бугун кечқурун қизимнинг олдига боринг, у сизни  
кутиб ўтиради. Эльзаслик тўнка кечқурун ўзининг раққо-  
сасиникида овқат қиласди. Йишончли вакилим унга ҳамма  
гапни очиб солганда, овсар одамга ўхшаб бақрайиб қолга-  
нини бир кўрсангиз эди! Тағин у қизимни жон-дилидан  
яхши кўрармиш! Қани унга қўлини теккизиб кўрсинчи,  
ўлдираман қўяман! Дельфинам унинг қўлида эканини ўй-  
ласам... (у чуқур хўрсиниб қўйди), жиноят қиласдан ҳам  
ўзимни тиёлмайман, аммо уни ўлдирганим билан одам ўл-  
дирган бўлмайман, ахир у бузоқнинг калласи чўчқанинг  
танасига ўрнатилгандек бир нарса. Ҳўш, мени олиб кета-  
сизми?

— Албатта, қимматли Горио дадажон, сизни яхши кўришимни ўзингиз яхши биласиз-ку.

— Мендан ҳазар қилмаслигингизни биламан! Рухсат этинг, сизни бир ўпай!— У студентни маҳкам қулоқлади.— Уни бахтани қиласман деб менга сўз беринг! Кечқурун борасизми унинг олдига?

— Бўлмасам-чи! Фақат зарур иш билан бир жойга бориб келишим керак.

— Менинг фойдам тегмайдими?

— Рост-а! Мен Нусинген хоним ҳузурида бўламан, унгача сиз кекса Тайфер олдига бориб, жуда муҳим бир иш тўғрисида гаплашиб олиш учун менга шу бугун кечқурун вақт тайин қилишини сўранг.

— Ҳой, йигит, демак, тўғри гап экан-да бу?— деди Горио ота бир ҳолатга тушиб.— Пастдаги аҳмоқлар айтгандек, ростдан ҳам унинг қизи орқасидан илакишиб юрибсиз дейман-а? Е қудратингдан! Горионинг муштини татиб кўрмагансиз ҳали! Бизни алдаб юрган бўлсангиз, мана шу муштим билан сизни... О, бу асло ақлга сиғадиган гап эмас.

— Сизга қасамёд қилиб айтаманки, дунёда фақат битта аёлни яхши кўраман, аммо шу бугунга қадар буни сезмай юрган эканман,— деди Растињяк.

— Қандай яхши!— деб юборди Горио ота.

— Аммо гап шундаки,— деб давом этди студент,— Тайфернинг ўғли эртага дуэлга чиқиши керак, эшлишишмча, уни дуэлда ўлдиришади.

— Сизга нима?— деди Горио.

— Отасига айтиб қўйиш керак, ўғлини юбормасин,— деб жавоб қилди Эжен.

Шу пайт эшик орқасида ашула айтиб юборган Вотренинг овози унинг гапини бўлди:

— Тарқ өтмоқда ҳамма ҳам сени  
О, сен Ричард, менинг қиролим...  
Так-тум, так-тум, тум!  
Кезиб чиқдим бутун дунёни,  
Ҳамда ортиқ баҳтиёр бўлдим...  
Лай-ла-ла-ла-лум...

— Жаноблар,— деб қичқирди Кристоф,— шўрва торғилди, ҳамма дастурхон атрофига тўпланди!

— Менга қара,— деди унга Вотрен,— бориб, менинг хонамдан бир шиша бордо олиб чиқ.

— Соат сизга ёқдими?— деб сўради Горио ота.— Қизимнинг диди яхши.

Вотрен, Горио ота ва Растињак пастга бирга тушдилар ва дастурхонга кечикиб келганлари учун ёнма-ён ўтириб қолдилар. Воке хонимнинг таъбири билан айтганда, умуман ёқимтойгина бўлган бу Вотрен бугун айниқса очилиб кетган бўлишига қарамай, Эжен у билан ниҳоятда соvuқ муомала қилди. Ў асқияни авжига чиқариб ҳамма хўрандаларнинг руҳини кўтарди. Унинг ўзига бу қадар ишониши, бу қадар совуққонлиги Растињакни ваҳимага соларди.

— Бугун сизга нима бўлди асти?— деб сўради Воке хоним.— Жудаям хурсанд кўринасиз.

— Яхши битим тузганимдан кейин доим хурсанд бўламан.

— Битим?— деб сўради Эжен.

— Ҳа-да! Бир тўп молни пулладим, энди комиссион ҳақ олишга тўла ҳуқуқим бор.— Мадемуазель Мишоно унга қараб-қараб қўяётганини сезиб, Вотрен унга ўгирилди:— Мадемуазель Мишоно, ҳадеб кўзларингизни менга тикиб қолдингиз. Ё юзимда бирор нарса сизга ёқмаяптими? Очигини айтаверинг! Сизга ёқиш учун мен... Ҳўш, Пуаре, бу борада сиз билан уришиб қолмаймизми?— деди у қари чиновникка кўз қисиб.

— Ё тавба, ярмарка Геркулеси деган расм учун сиздан нусха олса бўларкан!— деб юборди рассом.

— Бўпти! Мадемуазель Мишоно ҳам қабристон Венераси расмини ўзидан олишга рухсат берса, мен розиман,— деди Вотрен.

— Пуаре-чи?— деб сўради Бъяншон.

— О, Пуаредан фақат Пуаре расмини олиш мумкин!— деди Вотрен.— Боғлар ва полизлар худосининг тап-тайёр расми бўлади қўяди. Сильвиянинг талаффузи тўғри бўлса, унинг номи «порей» деган сўздан келиб чиқсан-да.

— Ийе, ириган пиёздан денг-а!— деб гапни илиб кетди Бъяншон.— Ана сабзвот!

— Булалинг ҳаммаси бемаънилик,— деб гапни кесди Воке хоним. Ундан кўра анави учи кўриниб турган шишадаги бордодан қуйиб бизни меҳмон қилинг. Руҳимизни яна ҳам кўтаришга шу ёрдам беради. Бундан ташқари қорнимизга ҳам фойдали.

— Муҳтарам жаноблар,— деб ҳаммага мурожаат қилди Вотрен,— раисамиз бизни тартибга чақиряпти. Кутюр хоним билан мадемуазель Викторина енгилтак суҳбати-нгиздан хафа бўлишмайди, аммо Горио отанинг соддалиги-га раҳмингиз келсин. Мен сизларга бир шишарама бордо ичишни таклиф қиласман, Лафит номи билан боғлиқ бўлгани учун бу вино икки ҳисса машҳурдир\*, гапимни сиёсатга ишора деб қабул қиласлигингиэни сўрайман. Қани, ҳей, тентаквой!— деб қичқирди у, жойидан қимирамай турган Кристофга.— Бери кел, Кристоф! Бу нимаси? Отингни эсингдан чиқариб қўйдингми? Келтир винони, тентак!

— Марҳамат,— деди Кристоф, унга шишани узатиб.

Эжен билан Горио отанинг стаканига тўлдириб вино қўйгач, Вотрен ўз стаканига шошилмай бир неча томчи қўйди, қўшнилари винони кўтариб ичишар экан, у ўз виносини фақат татиб кўрди-да, бирдан башарасини буриштириди.

— Эҳ, жин урсин! Пробка мазаси келяпти! Буни ўзинга ола қол, Кристоф, бизга бошқасидан олиб кел, ўнг та-рафда турганидан, биласанми? Биз ўн олти кишимиз, сак-киз шишасини олиб кел.

— Сиз шунчалик сахий экансиз, юзта каштан ёнғоги мендан,— деди рассом.

— Ҳо! Ҳо!

— Эҳе!

— Бэр!

Ҳамма хўрандалар чекка-чеккадан бақириб-чақириб, ўз шодликларини билдира бошладилар.

— Қани, онахонимиз Воке, икки шиша шампан вино-сидан қўйинг сиз ҳам!— деб қичқирди Вотрен.

— Кўнглингиз яна нималар хоҳлайди! Бутун уйимни қўйиб қўя қолай! Йигирма франк-а! Бунақада хонавайрон бўлиш ҳеч гап әмас! Йўқ! Аммо пулини жаноб Эжен тўла-са, қора смородина ароғидан қўяман.

— Қора смородина ароғи шумурт ароғи сингари қорин оғритади,— деди секингина Бъяншон.

— Жим, Бъяншон,— деди Растињяк,— шумурт деган сўзни әшитишга тобим йўқ, номини әшитишм бўланоқ қорнимга оғриқ киради... Яхши, шампан виносига мен пул тўлайман!— деб қичқирди студент.

— Сильвия, бисквит билан вафля олиб келинг.

— Вафляларингиз эскириб, кафелга айданиб кетган. Бисквитларни эса, олиб келинг дастурхонга! — деди Вотрен.

Вино ўртага қўйилди, хўрандаларга жон кирди, хурсандчилик яна ҳам авжига чиқди. Ҳамма хахолаб кулар, ҳар хил жониворларга тақлид қилиб қичқиришарди. Музей ходими мов бўлган мушукнинг овозига ўхшатиб миёвлааб юборди, унинг кетидан дарров саккиз киши оғзига келганини қайтармай бақира бошлади:

- Қайчи, пичноқ чархлайман!
- Сайратма қушларга ин!
- Обакидандон, лаблари қантдан!
- Чинни идиш чегалайман!
- Устрицага кеп қолинг, устрицага!
- Эски-туски оламан! Эски-туски!
- Олча кетди! Ширин олча!
- Эонт, кимга зонт!

Аммо энг ўткир гапни Бъяншон топди, у димогида пўн-филлаб.

— Таёқ кетди, кимга таёқ — хотин уришга ҳам, чанг қоқишига ҳам ярайверади! — деб қичқириб, биринчиликни олиб кетди.

Бир неча минут давом этган бундай шовқин-сурондан кишининг боши тарс ёрилар даражага келди, гўё бу нима дейилаётганини тушуниб бўлмайдиган чинакам опера әди-ю унга Вотрен дирижёрик қилаётган әди; дирижёр айни вақтда, афтидан, аллақачон кайфи ошиб қолган Эжен билан Горио отадан кўзини узмасди. Икковлари ҳам стулга суюниб олиб, ҳаддан ташқари авжга чиқсан бу шовқин-суронга жиддий қараб ўтиришар ва кам ичишарди: уларни бугун кечқурун қилишмоқчи бўлган ишлари ташвишга солмоқда әди, лекин ўринлайдан туриб кетиш учун мадорлари йўқ әди. Вотрен уларни ер остидан кузатаркан, чеҳраларида содир бўлаетган ўзгаришларни назардан қочирмай ўтиради, уларнинг аҳволи шу даражага бордики, кўзлари юмилай-юмилай деб пириллай бошлади, шунда Вотрен пайт пойлаб туриб, Эженнинг қулогига деди:

— Иш мана бунаقا бўлади, шоввоз, Вотрен амакингиз билан олишмоқ учун ҳали ёшлиқ қиласиз, у эса сизни жуда яхши кўради ва тентаклик қилишга йўл қўймайди. Мен бир қарорга келдимми, тамом — ёлғиз худо йўлимдан қайтара олади. Ҳал Ҳал! Сиз кекса Тайферни огоҳлантириб, мактаб болаларига муносиб хатога йўл қўймоқчи әди-

нгиз! Тандир қизиб турибди, хамир ошган, ион ёпишга тайёр, эртага уни икки лунжимизни тўлдириб ея берамиз. Шундай әкан, нега әнди уни ёпмай ўтирас эканмиз, йўқ, йўқ, ёпамиз! Борди-ю, биронта виждан азобига учрагудек бўлсак, у ҳам ҳазм қилиш пайтида ўтиб кетади. Энди эса, то полковник граф Франкессини Мишель Тайфернинг месросини шамширининг тифи билан бизга олиб бергунча, жиндек мизғиб оламиз. Акаси ўрнига меросхўр бўлиб қолгандан кейин Викторина йилига ўн беш минглик даромадга әга бўлиб олади. Мен аллақачон суриштириб билдим, онасидан қолган мерос ҳам уч юз мингдан ортиқ экан.

Эжен унинг гапини эшитиб туради-ю, аммо жавоб қайтаришга қодир әмас әди: тили танглайига ёпишиб қолган, уни уйқу элитаради, дастурхон ҳам, унинг атрофида ўтирган хўрандалар ҳам унга аллақандай туман орасида хира кўринарди. Секин-аста шовқин-сурон тинди, хўрандалар бирин-кетин тарқала бошлашди. Хонада фақат бева Воке, Кутюр хоним, мадемуазель Викторина, Вотрен ва Горо ота қолишганидан кейин, Эжен уйқу аралаш Вокенинг ҳамма шишаларни йиғиб, тагида қолган виноларни силқитиб бир шишага қуяётганини кўриб ўтири.

— Аҳ, қандай тентак, қандай ғўр-а улар! — дерди Воке.

Эжен маъносига тушуна олган охирги гап мана шу бўлди.

— Бунаقا ишда ҳеч ким жаноб Вотренга тенг кела олмайди,— деди Сильвия.— Эшитяпсизми, Кристоф ҳам худди фирғиракка ўхшаб ғўлдираб қолибди.

— Хайр, саломат қолинг, онахон,— деди Вотрен.— Хиёбонга бориб «Ёввойи тоғ»да ўйнаётган Мартини бир томоша қилиб келмоқчиман. «Узлатга чекилган»ни\* шу номда катта пьеса қилишяпти. Хоҳласангиз, сизни ҳам, ўзимизнинг хонимларимизни ҳам бирга олиб борай.

— Ташаккур, биз бормаймиз,— деди Кутюр хоним.

— Нега ундан қиласиз, қўшни? — деб юборди Воке.— Наҳотки «Узлатга чекилган»нинг саҳнага қўйилганини кўришдан бош тортсангиз? Ахир, у Шатобрианнинг «Атала»сига\* ўхшаган нарса-я! Бултурлари уни армуғон остида ўқишини бирам яхши кўрардикки, ўқиганда бамисоли Магдалина сингари йиглардик,— шундай ажойиб нарса у! Жуда маънавий асар, қизингизга ҳам жуда ўрнак бўладиган нарса.

— Театр кўнглимиизга сиғмайди ҳозир,— деди Викторина.

— Ана, таппа-тайёр бўлишди,— деб қўйди Вотрен, Эжен билан Горио отанинг бошларини қизиқ бир тарзда буриб қўйиб.

Вотрен студентнинг бошини қийналмай ухласин учун стул суюнчиғига сяяб қўйиб, меҳр билан унинг пешонасидан ўпди ва куйлаб қўйди:

Ухла, ором олгин севгилим,  
Мен бор, тинчинг бузолмас ҳеч ким!

— Касал бўлиб қолмаса эди деб қўрқаман,— деди Викторина.

— Бўлмаса сиз унга қараб туринг,— деб жавоб қилди Вотрен.— Вафодор хотин сифатида, бу сизнинг бурчингиз, ахир,— деб қизининг қулоғига шивирлаб қўйди.— У сизни жуда яхши кўради, сиз унинг севимли хотини бўласиз ҳали, олдиндан башорат қилиб айтиб қўя қолай. Шундай қилиб,— деди у овозини баланд кўтариб,— улар ҳамманинг ҳурматига сазовор бўлишиб, баҳтли ҳаёт кечиришиб, ували-жували бўлишиб, мурод-мақсадларига етишипти. Ишқий романларнинг ҳаммаси мана шундай тугайди. Қани, онахон,— деди у ўгирилиб бева Вокени қучоқлар әкан,— шляпангизни, кўчага киядиган гулли кўйлагингизни кийинг, графинялар ўрайдиган шарфингизни ўранг. Сизга извош олиб келгани шахсан ўзим бораман.— Шундай деди-ю, қўшиқ айтиб, чиқиб кетди:

Қўёшингда, яратган оллоҳ,  
Тез пишади ҳатто ошқовоқ.

— Ҳудо ҳаққи, Кутюр хоним, мана шундай одам билан товуқ катагида турсам ҳам баҳтли бўлардим! Горио ота ҳам маст бўлиб қолди-я!— деб гапини давом этдириди Воке, вермишельчи тарафга ўгирилиб.— Бу хасис чол мени бирор жойга бир марта ҳам таклиф қилмабди-я! Вой тавба! Ҳозир ерга йиқилиб тушади-ку! Кекса одамнинг эс-ҳушини йўқотиб қўйгунча ичиши яхши әмас. Аммо эси ўзи, тагида бўлмагандан кейин, нимасини ҳам йўқотарди. Сильвия, чолни ўз хонасига чиқариб қўйинглар!

Сильвия чолнинг қўлтиғига кириб, уни хонасига олиб чиқди ва ечинтириб ҳам ўтирмаи, қопни тап этиб ташлагандек, каравотига кўндалангига ётқизиб чиқаверди.

— Бечора йигит,— деди Кутюр хоним, Эженинг кўзига тушиб турган соchlарини тўғрилаб, худди қиз болага ўхшайди-я: ортиқча ишратга одатланмаган-да.

— О, мана, ўттиз бир йил бўлибдики, пансионни бошқариб келаман, бу вақт ичидаги қўлимдан қанчадан-қанча йигитлар ўтмади дейсиз!— деди бева Воке.— Аммо жаноб Эженек ёқимтой, тарбия кўрган йигитни ҳали шу вақтгача кўрганим йўқ. Ухлаганда бирам чиройли бўлиб кетарканки! Кутюр хоним, бошини елкангизга қўйиб олинг. Э, унинг боши мадемуазель Викторинанинг елкасига оғиб кетяпти-ку! Болаларни худонинг ўзи асрайди: сал бўлмаганда, бошини стулга уриб ёради. Эҳ, қандай яхши эр-хотин бўлишади!

— Бас қилинг, тасаддуқ,— деб юборди Кутюр хоним,— шундай гапларни гапирияпсизки...

— Уйқусида эшишиб ўтирибдими-я,— деди бева Воке,— Сильвия, юр, мен кийинишим керак. Корсетнинг энлигини боғламоқчиман.

— Ана холос! Овқатдан кейин энлик корсет боғлаб бўларканми-я?— деб ётироz билдириди Сильвия.— Йўқ, уни тортгани бошқа одам топинг: қотилингиз бўлишни истамайман. Бунақада ўлиб қолиш ҳам ҳеч гап эмас.

— Барibir, жаноб Вотреннинг сўзини ерда қолдириш яхши эмас.

— Бундан чиқди, меросхўрларингизни жудаям яхши кўрар экансиз-да?

— Бас, Сильвия, етар шунча гап сотганинг,— деди ўз хонасига чиқиб кетар экан бева.

— Шу ёшида корсет тақмоқчи-я!— деди Сильвия Викторинага бекасини кўрсатиб.

Емакхонада, Эженинг ёнида Кутюр хоним ўз тарбиясидаги қиз билан ёлғиз қолди. Эжен Викторинанинг елкасига бош қўйиб ухлаб ётарди. Кристофнинг хурраги жимлик чўккан уйни бошига кўтапар, болалардек хотиржам ва чиройли пишиллаб ухлаб ётган Эжен диққатни тортарди. Викторина баҳтиёр эди: у аёллик меҳрини бериб, савоб бир ишга берилиши, ҳеч қандай оғир гуноҳ орттиромай, ёнгинасидаги йигитнинг юраги уришига қулоқ солиб ўтириши мумкин эди, юзида оналарга хос аллақандай меҳрибонлик ва бу меҳрибонлик оқибатида ҳосил бўлган ғурур ҳислари акс этиб турарди. Юрагида туғилган ҳар хил фикрлар орасидан ёш йигитнинг илиқ ва мусаффо нафасидан уйғонган жўшқин әҳтирослар бўрони қайнаб чиқарди.

— Бечора қизим! — деди Кутюр хоним Викторинанинг қўлини қисиб.

Кекса хотин унинг кўп изтироб чеккан, бегуноҳ чеҳрасининг ҳозир баҳтиёрик шуъласидан ёришиб кетганини томоша қилиб ўтиради. Викторина қадимий санамга ўхшаб кетарди; одатда рассом бундай расмни чизишда унинг ҳамма тафсилотларига кўп эътибор бериб ўтирамай, хотиржам ва улуғвор мўй қаламининг бутун сеҳрли кучини санамнинг хиёл сарғиш тусда бўлса ҳам, шу сарғишлиги билан гўё самонинг заррин шуъласини ўзида акс ёттираётгандек товланувчи чеҳрасини тасвирлашга сарфлаган эди.

— Онажон, ахир, у икки стакандан ортиқ ичгани ҳам йўқ-ку, — дерди Викторина, Эженнинг сочини силар экан.

— Агар ароқхўр бўлганида, бошқаларга ўхшаб писанд қилмай ичаверарди, — деб жавоб қилди Кутюр хоним. — Маст бўлиб қолгани яхши йигитлигидан далолат беради.

Кўчадан арава овози эшитилди.

— Онажон, бу жаноб Вотрен. Жаноб Эженни ушлаб туринг. Уша одам мени мана шу аҳволда кўришини истамайман; у шундай гапларни гапирадики, одамнинг имони қочади, унинг аёл кишига қарashi ҳам қандайдир даҳшатли, гўё уни ечинтириб қараётгандек туюлади.

— Йўқ, янгишасан, — деб эътироҳ билдириди Кутюр хоним. — Жаноб Вотрен яхши одам, у қисман менинг раҳматлик эримга ўхшаб кетади: ўзи дағалроқ одаму, аммо кўнгли пок айиққа ўхшайди.

Шу пайт секингина Вотрен кириб келди ва қархисидаги манзарага, чироқ ёргуғида гулдек яшнаб ўтирган иккала ёшга кўзи тушди.

— Мана шундай манзара, — деди у қўлини кўкрагига чалиштириб, — «Павел ва Виргиния»<sup>\*</sup>нинг муаллифи муҳтарам Бернарден де Сен-Пьерни ажойиб қиссалар ёзишга илҳомлантирган бўларди. Ешлик қандай ажойиб нарса, а, Кутюр хоним! Ухла, ўғлим, — деб қўйди у Эженга қараб, — баъзан энг яхши нарсаларни тушида кўради киши. Хоним, — деди у, бевага ўғирилиб, — бу йигитнинг қалби билан чеҳрасининг бир хилда гўзаллиги мени маҳдиё қилиб қўйди. Қаранг: фаришта елкасига бош қўйиб ухлаб қолган энг олий малак-ку. Яхши кўрса арзийдиган йигит! Аёл киши бўлсан, унинг йўлида жон-жон деб ўзимни фидо қилиб юборардим (йўғ-э, унчалик аҳмоқ эмасман!), унинг учун яшаган бўлардим. — Кейин беванинг қулоғига энга-

шиб, шивирлади:— Буларни томоша қилган сарим, худо икковини бир-бири учун яратган, деган фикрдан ўзимни тия олмаяпман. Тақдирнинг йўллари кўп сирли йўллар, у одамларнинг юраги-ю белини кўп синовлардан ўтказади,— деди у, әнди баланд овоз билан.— Сиз ёшлар ҳам қалбингизнинг, ҳам жамиий инсоний хислатларингизнинг поклиги билан бир-бирингизга шу қадар яқинсизки, икковларингга тикилиб туриб, ўзимга-ўзим: келгусида ҳам сизлар ҳижрон нималигини билмайсиз, деб айтаман. Ҳудо ёрлақасин! Ҳа-я!— деди у қизга қараб.— Эсимда, бир вақт мен қўлингизда баҳт чизиқлари борлигини кўриб қолганж әдим. Мадемуазель Викторина, қўлингизни менга беринг. Фолбинликдан ҳам унча-мунча хабарим бор, фол очишига ҳам бир неча марта тўғри келган әди. Қани, қўрқмай бераверинг! О, буни қаранг-а! Ҳудо ҳаққи, сиз ҳадемай Париждаги әнг бадавлат меросхўрлардан бири бўлиб қоласиз. Яхши кўрган йигитингизни ҳаддан зиёд баҳтиёр қиласиз... Сизни отангиз олиб кетади. Тагли-тахти, чиройли, ёш йигитга турмушга чиқасиз, у сизни бошига кўтариб юради.

Ноҳ-карашма билан пастга тушиб келаётган беванинг оғир қадам товушлари Вотреннинг фолини узиб қўйди.

— Ана, онахонимиз Воке ҳам тушиб қолдилар, жудда соз, худди юлдуззек чараклаб кетибсизз, қамишшдек ингичка тортиб кетибсиз. Ўзимизни сал-пал бўғиб қўйганимиз йўқми?— деб сўради у беванинг корсет тақсан ерини устидан пайпаслаб кўриб.— Қўлтифингиз тагини, онахон жудаям тортиб юборибсиз. Ҳудо кўрсатмасин, портлаш юз бергудек бўлса ёмон хароб бўламиш-да: мен-ку, албатта, йиғиштириб оламан-а, ёдгорликларни йиғиб юрадиган одамлардек парча-пурчаларингизни битталаб йиғиштириб оламан-а.

— Француздарга хос эҳтиромни мана шу одам билади-да!— деди бева Кутюр хоним қулогига.

— Саломат қолинглар, болаларим,— деди Вотрен, Викторина билан Эжен тарафга ўгирилиб. Кейин қўлини иккаласининг боши устига қўйиб қўшимча қилди:— Қўша қаринглар. Менга ишонаверинг, мадемуазель, ҳалол одамнинг фотиҳасида гап кўп, у баҳт келтиради. Бундай одамнинг дуоси худога ҳам етади.

— Омон бўлинг, тасаддуқ,— деди Воке хоним, Кутюр хонимга. Сўнг пичирлаб илова қилди:— Жаноб Вотреннинг

менга нисбатан бирор жиддий нияти йўқмикин-а, нима деб ўйлайсиз?

— Ҳм! Ҳм!

Иккала аёл ёлғиз қолишгандан кейин Викторина кафтига қараб туриб деди:

— Оҳ, онажон, қани әнди, жаноб Вотреннинг айтганинг түғри чиқса!

— Бунинг фақат битта йўли бор: анави жодугар аканг отдан учиб кетиши керак,— деди қари хоним.

— О онажон!

— Худоё тавба, душманга ёмонликни раво кўриш балки гуноҳдир,— деди бева.— Начора, бу гуноҳим учун тавба қиласман, албатта! Ростини айтсан, унинг қабрига чин юракдан гулдаста қўйган бўлардим. Ноинсоф! Онаси тўғрисида бир оғиз гап айтишга юраги бетламайди-я, ахир, у ҳийла-найранг билан сени четга сурис, онасидан қолган меросни ўзиники қилиб олди. Онанг раҳматликнинг дурустгина давлати бор эди. Бахтинг келмаганини қараки, никоҳ битимида шу тўғрида бирор нарса деб қистириб ўтиш ҳеч кимнинг хаёлига ҳам келмаган.

— Бирорнинг ҳаёти ҳисобига бой-бадавлат бўладиган бўлсан, ундаи давлатдан фойдаланиш менга оғир ботарди,— деди Викторина.— Бахтли бўлишим учун акамнинг ўлиши шарт бўлса, унда умр бўйи шу ерда қолишини афзал кўраман.

— Е раббий! Бу муҳтарам жаноб Вотреннинг художўй одам эканини ўзинг ҳам кўряпсан,— деди Кутюр хоним,— унинг шайтондан ҳам баттар ҳурматсизлик билан худони тилга оладиган шаккоклардан эмаслигини кўриб, жуда хурсанд бўлдим. Ана шу жаноб Вотрен, пешонамизга нима ёзилганини ҳеч ким билмайди, деди.

Сильвиянинг ёрдами иккала аёл Эженни ўз хонасига олиб кириб, жойига ётқизиб қўйдилар; ошпаз хотин у қийналмасин деб, ёқасининг тутгмаларини ечиб қўйди. Чиқиб кетиш олдидан, Викторина Кутюр хонимнинг орқасига ўгирилганидан фойдаланиб, гуноҳга қолишига қарамай, Эженнинг пешонасидан бир ўпид, хумордан чиқди. У йигитнинг хонасини бир кўздан кечирди, бугун кечирган жамии ширин ҳаяжонларини битта Фикр билан мужассамлаштириб, ўша манзарани кўз олдига келтирганча узоқ вақт ўйланиб ётди ва ўзини Парижнинг әнг баҳтиёр қизи деб ҳисоблаганча ухлаб кетди.

Вотрен Эжен билан Гориога ухлатадиган дори аралаш-

тирилган вино ичириш учун бугунги базмни атайлаб уюштирган эди, аммо бу иши ўзининг ҳам бошига етди. Ширақайф бўлиб қолган Бъяншон мадемуазель Мишонодан Ажални алдар тўғрисида сўрашни унубтиб қўйди. Агарда Бъяншон ўша лақабни тилга олганда, бу билан, шубҳасиз, Вотренни, ёки сургун қилингандар ичидаги энг доңгдорларидан бири бўлган бу одамни, ўз номи билан айтсак, Жак Колленни ҳушёр тортишига сабаб бўларди. Бунинг устига яна, мадемуазель Мишоно Колленнинг қўли очиқлигидан умид қилиб, уни огоҳлантириб қўя қолай, шу бугун кечасиёндек гойиб бўлсин, деб турганида, бирдан Вотрен уни қабриситон Венераси деб қолди-ю, шундан кейин қари қиз уни полицияга тутиб беришга аҳд қилди. Шу заҳотиёқ у Пуаре кузатувида уйдан чиқиб, Сент-Анн тор кўчасига, қидирув полициясининг машҳур бошлиги олдига қараб кетди; у яна Гондюро исмли чиновник билан учрашарман деб ўйлаган эди, уни эса жуда очиқ чеҳра билан қидирув полицияси бошлигининг ўзи қабул қилди. У билан сұхбатда мадемуазель Мишоно ҳамма шартларини аниқ ифодалаб бериб, тамга ростдан ҳам борми ё йўқлигини текшириб кўриш учун ўша ваъда қилинган дорини беришларини илтимос қилди. Сент-Анн тор кўчасида катта нуфузга эга бўлган мана шу одам ёзув столининг ғаладонларини тортиб, кичкина шишани ахтарар экан, унинг юзида акс әтган мамнунликдан мадемуазель Мишоно, Вотренни қамоққа олиш сургундан қочган оддий бир қочоқни ушлагандан кўра муҳимроқ иш эканини тушунди. У миясини ишлатиб кўриб, полиция сургунда ётиб хоинлик қилғанларнинг баъзи бир гувоҳликлари асосида жуда катта маблагни қўлга туширмоқчига ўштайди, деган тахминга келди. У ўзининг ана шу тахминларини бошлиққа баён қиласан әди, у кулиб юборди ва қари қизнинг кўнглини тинчтишга ошиқди.

— Янглишасиз,— деди у.— Коллен ўғрилар дунёсида шу вақтгача учрамаган энг хавфли сорбонна. Бор гап шу. Буни ҳамма абллаҳлар яхши билишади: у уларнинг байрони, таянчи, қисқаси, уларнинг Бонапарти; ҳаммаси уни яхши кўришади. Бундай эпчил одам ҳеч вақт Грэв майдонида\* ўз тўйнкасини ташлаб кетмайди.

Мадемуазель Мишоно унинг гапига тушунмади; шундан кейин Гондюро ўғрилар тилидан олинган бу сўзнинг маъносини тушунтириб берди. «Сорбонна» ва «тўйнка» ўғрилар тилидаги иккита кучли ифода: киши калласига иккичил нуқтаи назардан қараш кераклигини энг олдин ўғри-

лар ҳис қилишган. «Сорбонна» — тирик одамнинг калласи, унинг маслаҳатчиси, фикри. «Тұнка» әса — ўша калланинг кесилгандан кейинги номи, калла кесилиб, ожиз бўлиб қолгандан кейин ана шундай нафратли исм олади.

— Коллен бизни майна қиляпти,— деб гапида давом этди у.— Биз инглиз пўлатидан қилинган гўладек пишиқ одамга дуч келиб, уни қамоқча олмоқчи бўлганимизда салгина қаршилик кўрсатгудек бўлса ҳам, уни ўлдириш имкониятига эгамиз. Эртага әрталаб Колленни ўлдиromoқчи эканмиз, унинг қаршилик кўрсатишига аминмиз. Агар шундай қиласак, на уни суд қилиш, на сақлаш ва қўриқлашга харажат керак бўлади, жамоатчилик ҳамма ташвишлардан халос бўлади. Суд қилиш ишларига, гувоҳларга, уларнинг сарф-харажатларига пул тўлаш, қатл қилиш — қисқаси, бундай аплаҳлардан ҳар бирини қонуний йўл билан бир ёқлиқ қилиш учун зарур бўлган пул харажатлари сизга бериладиган минг әкюдан анча ортиб кетади, қанча вақт тежаб қолишимиз тўғрисида-ку, гапирмай ҳам қўя қолай. Ажални алдарнинг қорнига найза саншиб, биз юзлаб жиноятларнинг олдини оламиз ва юзлаб аплаҳларнинг ярамас бўлиб кетишига йўл қўймаймиз, улар ахлоқ тузатувчи полиция кўмагидә әс-ҳуспларини йиғиб оладилар. Мана шуни «яхши ташкид қилинган полиция» деб айтамиз. Ҳақиқий филантроплар фикрича,— мана шундай йўл тутиш— жиноятнинг олдини олиш бўлади.

— Шу билан бирга бу — ватанга хизмат қилиш бўлади! — деди Пуаре.

— Бугун жуда бамаъни гапиряпсиз,— деди полиция бошлиғи.— Ҳа, шубҳасиз, биз ўз мамлакатимизга хизмат қиламиз. Одамлар эса, биз тўғримизда нотўғри фикр юритишади. Биз жамиятга жуда катта хизматлар кўрсатяпмиз, аммо буни ҳеч кимга билдиримай қиламиз. Шунга кўра тафаккур аҳли бидъатлардан узоқроқда бўлиши керак, христиан аҳли эса, умум жамият манфаатлари фойдасини кўзлаб қилинаётган ишлар натижасида ҳам баҳтсизликлар рўй бериши мумкинлигига кўниши керак. Тушунинг, Париж — Парижлигича қолади! Менинг ҳаётимнинг исботи ҳам — ана шунда. Эртага мен ўз одамларим билан қирол боғида шай бўлиб тураман. Ҳайр, саломат бўлинг, хоним. Кристофни Бюффон кўчасидаги ўзингиз мен билан гаплашган ўша уйга — Гөндюро ҳузурига юборинг. Камтарин қулингизман, тақсир. Қачон бўлмасин, уйингизни ўғри

уриб кетса, менинг олдимга келаверинглар, ўғирлатган нарсаларингиз топиб берилади: хизматингизга ҳозирман.

— «Полиция» деган ўзининг ўзидан жони чиқиб кетадиган бефаҳмлар бор-а,— дерди Пуаре, мадемуазель Мишонога.— Бунча ҳам хушмуомала жаноб әкан, сиздан илтимос қилаётган нарсаси эса, оппа-осон нарса.

Эртанги кун «Воке уйи» тарихига фавқулодда бир кун бўлиб кирадиган бўлди. Бундан олдин бу сокин пансион ҳаётида диққатга сазовор бўларли воқеа — графиня де л'Амберменилнинг худди ялт этиб ёниб ўчган юлдузdek келиб кетиши бўлганди. Лекин бу воқеаларнинг ҳаммаси, улуғ айёмда юз бериб, кейинчалик Воке хонимнинг оғзидан тушмай қолган воқеалар олдида ҳеч гап бўлмай қолиши керак. Авваламбор, Эжен билан Горо соат ўн биргача ухлаб қолишди. Беванинг ўзи ҳам Гетэ театридан яrim кечада қайтиб келиб, әрталаб соат ўн яримгача ўрнидан турмади. Вотрен берган шишада қолган винони ичиб олган Кристоф роса қотиб ухлагани натижасида, пансиондаги ҳаёт ўз изидан чиқиб кетди. Пуаре билан мадемуазель Мишоно нонушта кечикканига мутлақо қарши әмас әдилар. Викторина билан Кутюр хоним ҳам әрталаб алламаҳалгача ухлаб қолишди. Вотрен соат саккиз бўлмасиданоқ ўздан чиқиб кетди ва фақат нонуштага этиб келди. Шунинг учун Сильвия билан Кристоф, нонушта тайёр, деб уймайдай әшик тақиллата бошлагандан, соат ўн бирдан чорак ўтган бўлишига қарамай, ҳеч кимнинг аччиғи чиқмади. Хизматкор билан Сильвия йўғида биринчи бўлиб пастга тушган мадемуазель Мишоно ҳамма хўрандалар идиши қаторида иссиқ сувда иситилётган Вотреннинг кумуш стакансидаги кофега солинадиган сутга дорини солиб қўйди. Қари қиз ниятини амалга ошириш учун пансиондаги маҳсус расмлардан фойдаланмоқчи әди. Пансионерлардан етитаси дарров йигила қолмади. Эжен керишиб-kerishiб, ҳаммадан кейин зинадан пастга тушиб келар әкан, хат олиб келган хизматкор унга де Нусинген хонимнинг мактубини топшироди. Хатда бундай дейилган әди:

«Сизга нисбатан, азиз дўстим, на жаҳлим чиқди, на ўзимни камситилган деб ҳисобладим. Сизни кечаси соат иккигача кутдим. Яхши кўрган одамингни кутиш! Бундай азобни бир тортган одам, бошқани ҳеч куттириб қўймайди. Бу сизнинг биринчи муҳаббатингиз бўлса керак. Нима

бўлди? Хавотир олиб ўтирибман. Юрак сиримни билдириб қўйишдан чўчимаганимда, нима гап бўлганини: яхшиликми ё ёмонликми, билиб келиш учун ўзим борган бўлардим. Аммо шундай бемаҳалда уйдан чиқиб кетсам, ўзимни шарманда қилган бўлмасмидим? Мен аёл киши бўлиш нақадар катта бахтсизлик эканини ҳис қилдим. Кўнглимни тинчтинг, отам ҳамма гапни гапириб бергандан кейин ҳам нега келмаганингизни тушунтириинг. Бир оз жаҳдим чиқади, аммо кечираман. Е бетоб бўлиб қолдингизми? Нега бунчалик узоқда турасиз! Худо ҳаққи, бир оғиз сўз айтиб юборсангиз, бас. Тезда кўришамиз, шундай әмасми? Агар банд бўлсангиз, шуни бир оғиз айтиб юборсангиз кифоя. «Кетяпман» ё «бетобман» деб ёзиб юборинг. Аммо тобигиз қочиб қолган бўлса, отам келиб бундан хабардор қилган бўларди. Нима гап ўзи?..

— Рост-а, нима бўлди ўзи? — деб юборди Эжен ва хатни ўқиб тугатмасданоқ ғижимлаб, емакхонага югурди.— Соат неча?

— Ун бир ярим,— деб жавоб қилди кофесига қанд сола туриб Вотрен.

Қочқин маҳбус Эженга сеҳрловчи назар билан тикилиб қаради: бундай ўткир назар иродаси жуда кучли одамларда бўлади ва айтишларига қараганда, бундай одамлар жиннихонадаги ақлдан озган тўполончиларни ҳам бир қарашда тинчтиб қўя олармиш. Эженинг аъзойи бадани жимирашиб кетди. Кўчадан карета овози эштилди, бирпастдан кейин ичкарига қўрқувдан ранги ўчиб кетган бир лакей ўқдай отилиб кириб келди, Кутюр хоним унинг жаноб Тайфер хизматкорларидан бири эканини кийим-бошидан дарров таниди.

— Мадемуазель,— деди лакей.— Отангиз сизни чақирияптилар. Катта бахтсизлик юз берди. Жаноб Фредерик дуэль қилибди, дуэлда пешонасига шамшир билан уришипти, врачлар уни қутқариб қола олмаймиз дейишяпти, у билан видолашиб қолишга зўрга улгурасиз, у ҳозир ҳушидан кетиб бўлган.

— Бечора йигит! — деди баланд овоз билан Вотрен.— Илига ўттиз мингдан даромади бўла туриб, жанжал қилиш нимаси экан-а? Ёшларимиз ҳеч ўзини тутишни билишмайди-да!

— Муҳтарам жаноб! — деб чақирди уни Эжен.

— Нима дейсиз, катта бола? Дуэль деган нарса Парижда ҳар куни бўлиб турмайди дейсизми?— деб сўради Вотрен совуқонлик билан кофесини ичиб тугатар экан; бу пайт мадемуазель Мишоно унга шундай диққат билан тикилиб қараб турар эдики, ҳаммани саросимага солиб қўйган ҳозирги воқеани у мутлақо сезмади ҳам.

— Викторина, мен ҳам сиз билан бирга бораман,— деди Кутюр хоним.

Шундан кейин, икковлари шляпа ҳам киймай, шол рўмол ҳам ўрамай Тайферникига жўнаб кетишиди.

Жўнаб кетиш олдидан Викторина кўзларига ёш келиб, Эженга шундай қарадики, унинг бу қарашидан: «Бундай кўз ёши тўкиб, бахтли бўламан деб ўйламаган эдим!»— деган маънони ўқиш мумкин эди.

— Авлиё әмасмисиз, жаноб Вотрен?— деб сўради бева Воке.

— Ким десангиз, ўшаман,— деди Жак Коллен.

— Жуда қизиқ-а!— деб Воке хоним гапида давом әтаркан, бу воқеага тааллуқли бўлган маза-бемаза гапларни бири устига иккинчисини қалаштириб ташлайверди.— Ўлим ҳеч суриштиромай илиб кетавераркан. Кўпинча ёшлар қарилардан өлдин ўлиб кетади. Яхшиямки, бизлар хотин кишимиз, дуэлда уришмаймиз; аммо бизнинг ҳам ўзимизга яраша азобларимиз борки, әрқаклар ундан холидирлар. Биз бола тугамиз, оналик азоблари узоқ давом әтади! Викторинанинг роса омади келди-да! Энди отаси уни болам деб тан олишга мажбур бўлади.

— Қаранг-а!— деди Вотрен, Эженга қараб.— Кеча унинг бир су ҳам пули йўқ өди, бугун вса бир неча миллионлик бўлиб олди.

— Менга қаранг, жаноб Эжен!— деди Воке хоним.— Сиз ҳеч ютқазмадингиз!

Шу пайт Горио ота студентга ўгирилиб қаради-ю, унинг қўлидаги фижимланган хатни кўриб қолди.

— Ўқиб ҳам чиқмадингиз! Бу нима деган гап? Наҳотки сиз ҳам бошқалар сингари бўлсангиз?— деб сўради у Растињакдан.

— Воке хоним, мен ҳеч вақт мадемуазель Викторинага ўйланмайман,— деди Эжен, бу гапини шундай нафрат ва ғазаб билан айтдики, ҳамма ҳанг-манг бўлиб қолди.

Горио ота студентнинг қўлинини қўлига олиб, маҳкам қисди. У йигитни ўпиб олгиси келди.

— Ўҳў! Итальянларнинг: *col tempo!* деган яхши гапи бор,— деди Вотрен.

— Мен жавоб кутиб турибман,— деб ёслатди де Ну-синген хонимнинг хизматкори.

— Кёлар эмиш денг.

Хизматкор чиқиб кетди. Эжен шундай ҳаяжонда эдики, вҳтиёткорликни ҳам унтиб қўйди.

— Нима қилиш керак?— деб овозини чиқариб ўзидан-ўзи гапиради у.— Ҳеч қандай далил, исбот йўқ!

Вотрен мийифида кулиб қўйди. Шу пайт ичимлик қонига сингиб, кучини кўрсата бошлади. Лекин қочқин шу қадар бақувват әканки, ўриндан туриб, Растињъакка қараб бўғиқ товуш билан деди:

— Ҳой йигит, яхши ишлар биз ухлаб ётганда юз беради.

Шундай деди-ю ҳушидан кетиб йиқилди.

— Демак, худо бор өкан,— деди Растињъак.

— Бояқиши жаноб Вотренимиизга нима бўлдийкин-а?

— Ҳушидан кетиб йиқилди!— деб юборди мадемуазель Мишоно.

— Сильвия, тасаддуқ, дарров врачни топиб кел,— деб буюрди бева.— Сиз эса, жаноб Растињъак, Бьяншонни топиб келинг: Сильвия ўз врачимиз жаноб Гренпрелни топиб келолмай қолиши мумкин.

Растињъак бу даҳшатли ўғрихонадан чиқиб кетишга сабаб топилганидан хурсанд бўлди ва чопганича кўчага отилди.

— Хей, Кристоф, югур дориҳонага, ҳушидан кетганга қарши бир нарса беринг дегин!

Кристоф чиқиб кетди.

— Горио ота, ёрдамлашиб юборсангиз-чи, уни юқорига олиб чиқайлик.

Вотренни кўтариб олиб, бир амаллаб юқорига олиб чиқдилар ва каравотига ётқизиб қўйдилар.

— Мендан ҳеч қандай фойда йўқ, қизларимни кўргани кетдим,— деди Горио ота.

— Ҳудбин чол!— деди Воке хоним.— Кетавер! Илоё, ит ўлимини берсин сенга!

Мадемуазель Мишоно Пуаре ёрдамида Вотреннинг устки кийимини ечаркан, Воке хонимга қараб:

<sup>1</sup> Келажак кўрсатади (итал.).

— Бориб қаранг, у ер-бу ерда ётган эфир йўқмикин,— деди.

Бева Воке мадемуазель Мишонони жанг майдонида ёл-ғиз қолдириб, ўз хонасига тушиб кетди.

— Қани тезроқ бўлинг, кўйлагини ечиб орқасини ўгининг. Лоақал бир нарсага фойдангиҳ тегсин: бунинг яланғоч баданини кўришдан мени қутқарсангиз-чи,— деб буюрди мадемуазель Мишоно Пуарега.— Нега қаққайиб турибисиз?

Вотреннинг орқасини ўгиришган заҳоти мадемуазель Мишоно беморнинг елкасига қаттиқ шапати урди, шу пайт унинг қизариб кетган елкасида иккита машъум ҳарф — тамға оппоқ бўлиб кўринди.

— Аナンини қаранг, уч минг мукофотни осонгина ишлаб олдингиз-а! — деди Вотренни ушлаб турган Пуаре; мадемуазель Мишоно унга кўйлак кийгизарди.— Уф, лекин ўзиям хирсадай оғир әкан-да,— деди Пуаре Вотренни жонига ётқизаркан.

— Секин! Касса шу ерда эмасмикан? — деди гапни шарт кесиб қари қиз; у деворларни тешиб юборгудек қилиб хонадаги ҳар бир буюмни харислик билан бир-бир кўздан кечира бошлади. Мана бу секретерни бирор баҳона билан очишининг иложи йўқмикан-а! — деб қўйди у яна.

— Яхши бўлмас, дейман,— деб жавоб қилди Пуаре.

— Йўқ! Ўғирланган пуллар ҳар кимники эди, энди эса ҳеч кимники эмас. Улгура олмаймиз,— деб илова қилди у,— Воке чиқиб келяпти.

— Мана эфир,— деди Воке унга.— Бугун жуда ғалати кун бўлди-да. Э худо! Шу одамни бетоб деб бўладими, а, қўзичоқдек, момиқдек оппоққина бўлиб ётишини қаранг.

— Қўзичоқдек? — деб сўради Пуаре.

— Юраги бир текис уриб турибди,— деди бева қўлини беморнинг кўксига қўйиб.

— Бир текис? — деди ҳайрон бўлиб Пуаре.

— У соппа-соғ.

— Шундай деб ўйлайсизми? — деб яна сўради Пуаре.

— Ҳа, худди ухлаб ётганга ўхшайди. Сильвия врачни олиб келгани кетди. Қаранг, қаранг, мадемуазель Мишоно, эфирни ҳидлаяпти. Демак, шунчаки ҳушдан кетган әканда. Томир уриши ҳам яхши. Бақувват киши у. Қўкрагидаги жунларини кўрдинтизми: бунаقا одам юз йил яшайди. Париги бўлса, хиёл ҳам силжимапти. Ие, ёпиштириб қўйган әкан. Ўзи қизил сочли бўлгани учун парик кийиб ол-

ган экан шекилли. Қизил сочли одамлар ё жуда яхши, ё жуда ёмон бўлишади дейишади. Лекин бу яхши одам кўринади.

— Осишга яхши,— деб юборди Пуаре.

— Бирорта жононнинг бўйнига осилишга демоқчисизда,— деб мадемуазель Мишоно унинг гапини чўрт бўлди. Чиқиб кетинг бу ердан. Бетоб эркакларни парвариш қилиш биз аёлларнинг ишимиз. Яхиси, бориб бир айланиб кeling, сиз ана шунга ярайсиз,— деб қўшиб қўйди у.— Биз муҳтарам жаноб Вотренга Воке хоним билан ўзимиз қараб турдикамиз.

Пуаре әгасидан тепки еган итдек индамай, секингина чиқиб кетди.

Растинъяк бир оз айланиш ва тоза ҳаводан нафас олиш учун чиқиб кетган эди, у бўғилиб кетаётган эди. Ахир, у кечагина бу қотилликни тўхтатиб қолмоқчи эди-ку, аммо у худди белгиланган вақтда юз берди. Нима бўлди ўзи? Энди нима қилиши керак? Ўзининг ҳам жиноятга шерик өванини ўйлар экан, аъзойи баданига титроқ турарди. Вотреннинг совуққонлиги ҳали ҳам уни даҳшатга соларди.

— Борди-ю, Вотрен ҳеч нарса демай ўлиб кетса-чи?— деб сўрап эди Растинъяк ўзидан ўзи.

У Люксенбург боғида зир югуриб юрарди, тасаввуррида гўё бир гала ит орқасидан қувиб келаётгандек, гўё уларнинг акиллашлари ҳам қулогига әшитилаётгандек эди.

— Хўш, қалай,— деб қичқириди унга Бъяншон.—«Дарға»ни ўқидингми?

«Дарға» Тиссо муҳаррирлигига чиқадиган радикаль газета эди, эрталабки газеталар чиқиб бўлгандан кейин вилюятларга бир кун олдин етиб борадиган куннинг ҳамма янгиликларини шу газета босиб чиқарар эди.

— Унда ажойиб бир воқеа босилибди,— деди Кошен номли касалхона практиканти.— Тайфернинг ўғли эски гвардия офицери граф Франкассини билан дуэль қилибди, дуэлда граф унинг қоқ пешонасига шамширнинг икки дюймини тиқиб олибди. Энди Викторина Париждаги энг бадавлат қайлиқлардан бири бўлиб қолди. Қани энди олдин билганимда! Ўлим ҳам, гардкамига қимор ўйнагандек гап! Викторинанинг сенга майли борлиги рост гапми?

— Жим бўл, Бъяншон, мен унга ҳеч қачон уйланмайман. Мен ажойиб бир аёлни яхши кўраман, у ҳам мени севади, мен...

— Гўё ҳеч қачон унга бевафолик қилмайдиган одамдек

гапирасан-а. Мұхтарам Тайфернинг давлатидан воз кечиш-  
га арзийдиган аёл бўлса, уни менга ҳам кўрсат-чи!

— Наҳотки жамики иблислар мени таъқиб остига ол-  
ган бўлса? — деди Растињак.

— Қани ўша иблислар? Сенга нима бўлди, эсингни  
едингми? Қани, қўлингни бер-чи, томир уришини кўрай,—  
деди Бъяншон.— Безгак бўлиб қолибсан.

— Онахон Вокеникига бор,— деди Растињак,— анави  
қароқчи Вотрен ўлар ҳолатда ётибди.

— Ҳа-а! Тахминларимни тўғрига чиқаряпсан, бориб  
текшириб кўрайчи,— деб Бъяншон Растињакни ёлғиз таш-  
лаб кетди.

Юрист-студентнинг жуда чўзилиб кетган сайди тантана-  
ли тус олганди. У ўз виждонини ҳар тарафлама текши-  
риб кўрди десак ҳам бўлади. Тўғри, у узоқ мулоҳаза қил-  
ди, таққослаб кўрди, тараддулланди, лекин, шунга қара-  
май, унинг виждони бу шафқатсиз ва даҳшатли синовдан  
худди ҳар қандай зарбага ҳам дош бера оладиган метин-  
дек мустаҳкам әкани маълум бўлди. У кеча Горио ота айт-  
ган гапларни хотирлади, Дельфинанинг унга атаб топиб  
қўйган д’Артуа кўчасидаги квартирани кўз олдига келти-  
ришга уриниб кўрди, унинг хатини ёнидан чиқариб яна  
ўқиб чиқди-да, ўпид қўйди.

«Бундай муҳаббат — менинг халоскор лангарим,— деб  
ўйлади у.— Бечора чол роса изтироб чекканга ўхшайди.  
Тортган азоблари тўғрисида ҳеч нарса демайди-ю, аммо  
буни ким сезмайди дейсиз! Ҳўп, бўпти, энди унга ўз отам-  
дек ғамхўрлик қиласай, уни қўпроқ хурсанд қилишга ури-  
най. Дельфина мени яхши кўрар әкан, тез-тез уйимга ке-  
либ, отаси билан учрашиб туради. Анави такаббур графи-  
ни де Ресто эса — ярамас хотин, у ўз отасини малай қилиб  
ишлатишдан ҳам тоймайди. Жоним Дельфина! Унинг чол  
билан муомаласи анча яхши, севса арзийди уни. Ниҳоят  
бугун кечқурун бахтиёр бўламан».

У ёнидан соатини олиб, томоша қилди.

«Ишларим жуда муваффақиятли бўлди! Астойдил ва  
тоабад севишганлар бир-бирига кўмаклашиши ҳам мум-  
кин, демак, бу совғани қабул қилиб олсан бўлади. Ундан  
кейин, мен муваффақиятга әришаман, ўшанда юз ҳисса  
қилиб қайтараман. Муносабатларимизнинг ҳеч қандай жи-  
ноий томони йўқ, энг номусли одам ҳам бизнинг муносаба-  
тимиздан айб топа олмайди. Қанчадан-қанча туппа-тузук  
одамлар мана шундай муносабатда яшашади-ю! Биз ҳеч

Жимни алдаётганимис ўйқ, одамни, айнан ўша ёлғон гап ерга уради, камситади. Ёлғон галириш — ўзингдан юз ўгириш деган гап! У аллақачондан бери әри билан бирга турмас әкан. Модомики, ўша өльзаслик уни баҳтиёр қила олмас әкан, Дельфинани менга қўйиб қўйсин-да, буни ундан ўзим талаб қиласман.

Эженинг кўнглидаги кураш узоқ давом өтди. Ёшликнинг әнг яхши орзулари зафар қозонди, лекин шундай бўлса ҳам, уйда нималар бўлди әкан деган қизиқиш билан соат тўрт яримда, қош қорая бошлаганда «Воке уий»га келаркан, бу ердан албатта кўчиб кетаман, деб аҳд қилди. Эжен Вотреннинг ўлган-ўлмаганини билмоқчи эди. Бъяншон Вотренга қусдирадиган дори ичирди, кейин қусуқни кимёвий анализ қилиб кўриш учун касалхонага юборди. Беморнинг қусугини мадемуазель Мишоно ювинди идишига тўкиб юбориш пайига тушиб типирчилаб қолганини кўриб, Бъяншоннинг шубҳаси ортди. Бунинг устига, Вотрен дарров тузалиб қола қолдики, бундан Бъяншон, пансионнинг хушчақчақ қизиқчисига қарши бирор фитна борга ўхшайди, деган фикрға келди. Растињяк қайтиб келганди, Вотрен емакхонага тушган, у печка олдида туарди. Тайфернинг ўғли дуэль қилгани тўғрисидаги хабарни эшишиб, бу дуэль оқибати Викторина тақдирига қандай таъсир кўрсатаркин деб қизиқиб, хўрандалар ҳар кунгидан вақтлироқ тўпланиши: Горио отадан ташқари ҳамма йигилганди, ҳозир ҳамма шу мавзуда муҳокама қилмоқда эди. Эжен ичкари кириши биланоқ, кўзи совуқкон Вотреннинг қўвлари билан тўқнашди, Вотрен унга шундай қаттиқ тикилиб, юрагининг нозик торларини шундай варб билан юлқидики, Эжен қалтираб кетди.

— Шундай қилиб, бўтам.— деди унга қочоқ маҳбус,— ажалнинг ҳали кўп вақтгача менга кучи етмайди. Ҳонимларимизнинг гапига қараганда, шундай қаттиқ дардга дош берибманки, ундаи варбага ҳўқиз ҳам чидамаган бўларкан.

— О! Ҳўқиз деганингиз нимаси, буқа денг! — деди бе-  
за Воке.

— Эҳтимол, ўлмай қолганимдан ҳаффадирсиз? — деди Вотрен Эженинг қулоғига, гўё унинг дилидаги гапларни билан тургандек. Бу фақат ниҳоятда иредаси кучли одамнинг қўлидан келади!

— Ҳа-я! — деб гапга аралашди Бъяншон: — Ўтган куни мадемуазель Мишоно қандайдир Ажални алдар деган

лақабли бир жаноб тўғрисида гапирган әди, ўша лақаб сизга жуда мос келар әкан.

Бу хабар Вотренга худди яшин ургандек қаттиқ таъсири кўрсатди. Унинг ранги оқариб, ўзи гандираклаб кетди, ўткир кўзлари худди қўёш нуридек Мишонога тушди ва ўз иродасининг ўткир шуъласи зарби билан ургандек, қари қизининг кучини синдириди. У стулга ўтириб қолди. Пуаре Мишононинг хавф остида қолганини сезиб, шошганча у билан Вотрен ўртасига келиб туриб олди — қочқин маҳбус ўзининг бутун ниқобларини олиб ташлаганда юзида ана шундай даҳшатли шафқатсизлик аломатлари пайдо бўлган әди. Воқеага тушуниб етмаган хўрандалар донг қотиб қолишиди. Шу пайт кўчадан бир қанча одамнинг оёқ товуши, кетидан тош кўчага гурсиллатиб қўйилган солдатларнинг милтиқ қўндоги товуши әшитилди. Коллен беижтиёр дераза ва эшикларга қараб қутулиб кетишнинг йўлини ахтарар әкан, меҳмонхона эшигига тўрт киши пайдо бўлди. Энг олдинда қидирув полициясининг бошлиги, унинг орқасида вса учта полициячи турарди.

— Конун ва қирол номи билан!.. — деди полициячилардан бири, аммо ҳамма ҳайрон бўлиб ғовур кўтартганидан, гапининг охири әшитилмади,

Кейин бирдан орага жимлик чўкиди, хўрандалар учта полициячига йўл бериб, ўзларини четга олишиди, уларнинг ҳар бири қўлинин чўнтағига тиққан ҳолда тепкиси кўтарилиган пистолетни ушлаб олганди. Полиция вакиллари кетидан кириб келган икки жандарм остононда туриб олди, бошқа иккитаси зинага олиб чиқадиган өшик тарафда кўринди. Уйнинг олди тарафидаги тош ётказилган йўлкадан солдатларнинг оёқ товуши билан милтиқ қўндокларининг ерга қўйилган овози әшитилди. Қочиш ҳақида ўйлашнинг ҳам фойдаси йўқ әди,— ҳамма Ажални алдарга ўгирилиб қаради. Полиция бошлиги Вотрен олдига келиб, унинг бошига шундай куч билан урдики, париги учиб кетди, шундан кейин Колленнинг хунукдан бедаво боши ҳамманинг кўз олдида очилиб қолди. Унинг калта қилиб олинган тўқ қизил соchlари забардаст кўкси билан ажаб бир тарзда уйғунашган боши ва юзига аллақандай макрона куч иродасини баҳш өтар ва гўё жаҳаннам алангасининг шуъласидек юз-кўзини маънодор бир тарзда ёритиб турарди. Вотреннинг кимлигини, унинг ўтмишини, ҳозирги ҳаёти ва келаражаги қандай бўлишини, унинг шафқатсиз өътиқодини ўз иродасини ҳаммадан юқори қўйишини, фикрлари ва

хатти-ҳаракатидаги очиқдан-очиқ бехаёлик, ҳар нарсага мослашган баданинг пишиқлиги туфайли бошқалар устидан ҳукмрон бўлиб олганини ҳамма тушунди. Колленнинг қони юзига урди, кўзлари ёввойи мушукнинг кўзидек ўт сочиб чақнай бошлади. Куч ва газабдан қайнаб кетиб, турган ерида шундай бир сакради, шундай ўкириб юбордики, хўрандаларнинг даҳшатдан ўтакаси ёрилаёзди. Унинг арслонсифат ҳаракатидан ҳамма довдираб қолганди, бундан фойдаланиб, полициячилар чўнтакларидан пистолетларини чиқардилар. Ўзига тўғриланган пистолетларнинг ярқираб турган тепкиларига кўзи тушиши билан, Коллен хавфнинг нақадар зўр эканини англади ва бир ондаёқ иродаси кучли одамнинг нималарга қодир бўлишини кўрсатди. Даҳшатли ва ажойиб манзара! Юзида шундай бир ўзгариш пайдо бўлдики, буни фақат буғ қайнаб турган қозондаги ўзгаришга ўхшатиш мумкин, бу тоғларни қўпориб ташлашга қодир сиқиб қўйилган буффа бир томчи совуқ сув тушса бас, шу заҳоти мана шундай таптидан тушади қолади. Қочқиннинг газабини сўндирган бир томчи сув вазифасини ўтаган нарса миясидан яшин тезлигига ўтган биттагина фикр бўлди. У мийигида кулиб қўйди ва парикига кўз ташлади.— Илгарилари хушмуомала әдинг,— деди у, қидирув полициясининг бошлиғига. Кейин, жандармларни боши билан имлаб чақирди-да, уларга қўлини узатди.— Муҳтарам жаноблар, жаноб жандармлар, қўлимни кишанланглар. Қаршилик кўрсатмаганим тўғрисида шу ердагиларнинг ҳаммасини гувоҳликка оламан.

Одам қиёфасидаги бу вулқондан ўт билан лаванинг қандай тезлик билан қайнаб чиққани ва яна жойига шундай тезлик билан қайтиб кетгани ҳаммани ҳайратда қолдирди, хўрандалар пичирлашиб, Вотренга қойил қолганларни бир-бирларига изҳор этардилар.

— Ўйинда ютқаздим, жаноб босқинчи,— деб гапини давом эттириди Коллен, қидирув полициясининг машҳур бошлиғига қараб.

— Қани, ечин!— деди ниҳоятда нафрат билан Сент-Анн кўчасидан келган одам.

— Нима кераги бор?— деб эътироz билдиради Коллен.— Бу ерда аёллар бор. Мен тонаётганим ҳам йўқ, таслам бўлдим.

У бирпас жим турди ва ҳаммани қойил қолдирувчи гап айтмоқчи бўлган нотиқдай, одамларни бир-бир кўздан кешириб чиқди.

— Ёзинг, Ляшапель ота,— деди у столнинг нариги босига ўтириб портфелидан қамоққа олиш тўғрисида протокол ёзиш учун қодоз чиқарган мўйсафид чолга қараб,— өътироф қиласман: мен кишанбанд қилиниб, йигирма йил муддат билан сургун қилинган Ажални алдар лақабли Жак Колленман, бундай лақабни бекорга кўтариб юрмаганимни ҳозир яна бир марта исботладим.— Кейин хўрандаларга ўғирилиб деди:— Агар бармоғимни қимирлатгудек бўлсам, мана бу учта жосус бутун *клюквә* сувларимни онахонимиз Вокенинг хонаки кўчасига оқизишган бўларди. Тентаклар! Яна тузоқ ҳам қўйиб юришибди!

Бундай қўрқинчли гапларни әшишиб Воке хонимнинг ахонаси чиқиб кетди.

— Ё тавба! Бундақада касал бўлиб қолиш ҳеч гап әмас! Ахир, мен кеча у билан Гетэ театрига борувдим-а,— деб Сильвияга қараб нолиди у.

— Сал-пал файласуф ҳам бўлиш керак, онахон,— деб гапини давом эттириди Коллен.— Кеча Гетэ театрида менинг ложамда ўтирган бўлсангиз, нима бўлибди?— деди у.— Ё биздан яхшироқмидингиз? Бизнинг елкамизга бошилган тамға йиринг боғлаган жамиятнинг сиздек заиф аъзолари қалбига босилган тамғачалик шармандали әмас; сизларнинг әнг зўрингиз ҳам менга қарши дош беролмади.

Коллен Растинъякка ўғирилди, унга меҳр билан кулиб боқди, бу табассуми унинг жиддий юзига сира ёпишиб тушмасди.

— Келишган гапимиз кучида қолади, азиизим, албатта розилик бўлса! Кимнинг розилиги дерсиз? Бу маълум!— Шундай деди-да, куйлаб юборди:

Соддалиги билан Фаншетам  
Ҳам дилрабо, ҳам жуда кўркам...

— Хотиржам бўлинг,— деб яна давом әтди у,— ўзимга тегишли нарсани албатта оламан. Мендан жуда қўрқиншади, ҳаққимни ейишмайди!

Сургуннинг одати ва тили, ҳазил қилиб туриб бирдан даҳшатли гапларга ўтиб кетиш, унинг баҳайбат улуғворлиги, бетакаллуплиги, пасткашлиги — бу хусусиятларнинг ҳаммаси юқорида зикр этилган гапларда ва әнди алоҳида бир одамни әмас, балки аллақандай ваҳший ва доно йиртқич, эпчил кишилар зотининг бир вакили сифатида гавда-

ланган шу одамда мужасасмлашган эди. Бир лаҳзада Коллен қандайdir дўзахий бир достоннинг қаҳрамони тимсолига кирдик, тавба-тазарудан бошқа жамикий инсоний туйгулар унда мавжуд эди. У талафотга учраган бўлишига қарамай, курашни саркашлик билан давом өттиришга ажд қилган фариштага ўхшаб тикилиб турарди. Растињяк кўзини ерга тикди, чунки у Вотреннинг шарманда қилувчи дўстлагини ўзининг ҳамма ёмон ниятлари ҳисобига берилган жазо деб қабул қилган эди.

— Мени ким сотди? — деб сўради Коллен, даҳшатли кўзларини ҳаммага бир-бир тикиб, сўнг мадемуазель Мишонога қараб туриб, деди: — Сен бўлсанг керак, қари ялмоғиз? Мени атайлаб касал қиласан ҳали сенми, жосус? Икки оғиз сўз айтсам бас, бир ҳафтадан кейин сени бўғизлаб кетишади. Лекин мен христианман, сени кечирдим. Кейин, мени сотган ҳам сен әмассан. Аммо, ким қилди?.. Ҳей! Ҳей! Нималарни титяпсизлар? — деб қичқирди у, полициячилар юқорида унинг хонасидаги жовонларни бузиб, буюмларини олишаётганини әшитиб қолган эди. — Қушчалар кеча учеб кетган инидан. Ҳеч нарсани била олмайсизлар. Менинг савдо китобим мана бу ерда, — деди у пешонасига уриб қўйиб. — Мени ким сотганини энди билдим. Ҳойнаҳой анови аblaҳ Ипакойим бўлса керак. Тўғрими, томтешар ота? — деб сўради Коллен, полиция бошлиғидан. — Червонларимиз юқорида турарди, ўша ерини қидиришингиздан, мўлжалим тўғри чиқаётганга ўхшайди. Ҳозир, шоввоз жосуслар, у ерда ҳеч вақо йўқ. Ипакойимга келсак, жамики жандармларингизни унга қоровул қилиб қўйсангиз ҳам, икки ҳафта ўтмасидан суробини тўғрилаб кетишади. Мишонеткага қанча тўладинглар? — деб сўради у Полициячилардан. — Бир неча мингдир-да? Мен ундан қимматроқ тураман. Эҳ, сени қара-ю, могоғ босган Нинон\* қабристон Венераси, жулдуровоқи Помпадур\*. Борди-ю, мени огоҳлантириб қўйганингда, олти минг олардинг. А-а! Одам гўштини сотувчи кампиршо, бунга ақлинг етмабдида, бўлмаса мен билан байлашган бўлардинг. Ҳа, мен учун асло зарурати бўлмаган ва фақат заарар келтирадиган бундай саёҳатдан қутулиб қолиш учун шунча пулни берган бўлардим сенга, — дерди у қўлига кишан солишаётгандиа. — Энди бўлса мана бу шоввозлар ўзларига эрмак топиб олдилар, ёнди мени қийноққа солиб роса у ёқдам-бу ёққа судрайдилар. Агар мени ҳозирнинг ўзида сургун қилиб юборишса-ку, соҳилдаги Заргарлик кўчасида турувчи ай-

гоқчиларнинг зийраклигига қарамай\*, тез орада ўз ишимга қайтиб келган бўлар эдим-а. Сургунда ҳамма бадағра қилингандар ӯзларининг севимли генераллари — Ажалинн алдарни қочириб юбориш учун, ўлиб-қутулиб ҳаракат қилишади-я! Жонини йўлингизда қурбон қилишга шай бўлиб турган ўн мингдан ортиқ ошна-оғайнини қайси бирингда бор? — деб сўради у ғурур билан. — Мана бу ерда озмикўпми яхши ҳислатлар бор,— деди у қўксига уриб,— мен ѡч қачон, ѡч кимга хиёнат қилмаганман! Ҳей, ароҳ,— деди у, қари қизга ўгрилиб,— мана буларга қара! Менга даҳшат билан қараб туришибти, сенга эса жирканч билан ўқчигиси келиб боқишияпти! Сазовор бўлганинг ана шу!

У хўрандаларга қараб жим қолди.

— Мунча анқаймасанглар! Сургун қилингандар одамни кўрмагансизларми ѡч? Қаршингизда турган Жак Коллендек сургун қилингандар одам — бошқаларга қараганда юраклироқ, у Жан-Жак айтган ижтимоий битимнинг тамомила бузилишига қарши эътиroz билдиради, мен унинг шогирди бўлганим билан фахрланаман. Бутун жандармлари, бюджетлари, судлари билан бир қилиб ҳукуматга қарши мен якка ўзим бош кўтарганман ва уларни роса лақиллатиб юрибман.

— Оббо шайтон-е! Роса суратга олишга бол бўлиб кетди-да,— деди ёш рассом.

— Ҳей, сен, жаллод жаноб олийларининг тоғаси, Беванинг гофмейстери (сургун қилингандар, кишини даҳшатга соловчи мана шундай лақабни гильотинога беришган әди),— деди Коллен, қидирув полицияси бошлиғи томон ўгрилиб,— бир ҳиммат қил, мени тутиб берган одам — Ипакойим бўлса, тўғрисини айт! Унинг бошқалар учун жавобгарликка тортилишини истамайман, бу жуда адолатсизлик бўларди.

Бу орада полициячилар унинг хонасини роса тити-питети қилиб ва ундаги буюмларни рўйхатга олиб қайтиб тушдилар-да, бошлиқлари олдига келиб бор гапни унга пицирлаб айта бошладилар! Тергов тамом бўлди.

— Жаноблар,— деди Коллен хўрандаларга,— ҳозир мени олиб кетишади. Бу ерда турган вақтимда, ҳаммангиҳам мен билан яхши муомалада бўлдинглар, бунинг учун сиздан доимо миннатдор бўлиб қоламан. Хайр әнди, омон бўлинглар. Розилик берсангиз, сизга Провансдан узум юбориб турсам\*.

У бир неча қадам ташлади-ю, лекин Растињакка қараш учун орқасига ўгрилди.

— Хайр энди, Эжен,— деди у,— одатдаги дағал гапларига сира ўхшамаган мулойимлик ва маъюслик билан.— Қийналиб қолгудек бўлсанг, кунингга ярайдиган содиқ бир дўст қолдириб кетяпман.

Қўлига кишан солинган бўлишига қарамай, у қиличбозлик ўқитувчилирдек оёқларини кериб туриб олди-да: «Бир, икки!» деб гўё шамшир билан бировнинг устига отилгандек бир ҳаракат қилиб кўрсатди.

— Бошингга кулфат тушса, ўша ёқقا мурожаат қила-вер. Унинг ўзи ҳам, пули ҳам хизматингга ҳозир.

Бу ғайри оддий одам кейинги гапларини шундай май-набозчилик билан айтдики, бунинг маъносини ўзи билан Растињакдан бошқа ҳеч ким тушуна олмади. Жандармлар, солдатлар ва полициячилар уйдан чиқиб кетишгандан кейин, Сильвия бекасининг пешонасини сирка билан ишқаб туриб, серрайиб туриб қолишган хўрандаларга қаради.

— Ҳарна бўлганда ҳам, у яхши одам эди,— деди Сильвия.

Унинг сўзлари бу воқеа туфайли минг хил хаёлларга бориб, донг қотиб қолган одамларни ҳушига келтирди, ҳамма бир-бирига қаради, ҳамманинг кўзи чўпдек озғин, қоқ суюк, шамдек қотиб турган мадемуазель Мишонога тушди; у печкага суқилиб, гўё шляпасининг соябони жуда тиниғу, ундан тушган соя кўзларидағи ифодани яшира олмагандай, қўрққанидан ерга тикилиб турарди.

Илгари ҳам ҳеч ким ёқтирумаган бу хотиннинг бутун маразлиги тамомила фош бўлди қўиди. Ҳамма ундан нафрлатланиб, ғовур-ғувур кўтарилди.

Мадемуазель Мишоно ҳамма гапни эшитиб турган бўлса ҳам, хонадан чиқиб кетмади. Биринчи бўлиб Бъяншон ёнида турган одамнинг қулоғига пичирлаб деди:

— Агар бу махлуқ бундан кейин ҳам биз билан овқатланадиган бўлса, мен бошқа жойга кўчиб кетаман.

Ўша заҳотиёқ Пуаредан бошқа ҳамма бу гапга қўшилди, шундан кейин Бъяншон ҳамманинг фикрига таяниб туриб чолнинг олдига борди.

— Сиз мадемуазель Мишоно билан анча яқинсиз,— деди у,— у билан гаплашинг ва бу ердан ҳозироқ чиқиб кетиши кераклигини уқтиринг.

— Ҳозироқ? — ҳайрон бўлиб сўради Пуаре.

Кейин у қари қиз олдига бориб, қулогига алланарса деб шивирлади.

— Ахир мен бир ойлик ҳақни олдиндан тўлаб қўйганман-ку, мен бу ерда ҳамма қатоди ўз пулимга турибман,— деб жавоб қилди у, хўрандаларга заҳарли илондек назар ташлаб.

— Бунинг аҳамияти йўқ. Биз пул йиғиб, ҳақингизни қайтариб берамиз,— деди Растињак.

— Жаноб де Растињак, албатта, Коллен тарафдори,— деди у студентга синовчан, заҳарли назар ташлаб,— сабини тушуниш қийин эмас.

Эжен қари қизнинг устига ташланиб, уни бўғиб ташла-моқчи бўлгандай, бир ҳамла қилди. Мишононинг бу маккорона қўзлари унинг қалбини тешиб ўтгандек бўлди.

— Уша билан teng келиб ўтирасизми! — дейишди хўрандалар.

Растињак қўлинни кўксига қовуштириб олди-ю, индамади.

Рассом йигит бева Вокега ўгрилди:

— Келинг, мадемуазель хонинни даф қилайлик,— деди пансион бекасига.— Агар Мишонони ҳайдаб чиқармасангиз ҳаммамиз бу каталагингиздан чиқиб кетамиз ва ҳамма ерда, уйингиз сургун қилинганлар билан жосуслар макони деб овоза қиласигиз. Гапимизга кирсангиз, биз ҳам бўлгани ишлар тўғрисида оғиз очмаймиз, бундай ишлар асилзода-лар орасида ҳам юз бериши мумкинку ахир; то сургун қилинганларнинг пешонасига тамфа босадиган бўлишма-тунча, уларнинг парижликлар қиёфасида әркин юришини тақиқлашмагунча, улар ҳамманинг бошини қотириб юраве-радилар.

Бундай талабни әшитган заҳоти Воке хоним бирпасда тузалди қўйди: у қаддини ростлади, қўлларини кўксига чалиштириди, шишага ўҳшаган қўзларини катта-катта очди, қўзларида ёшдан асар ҳам йўқ өди.

— Нималар деяпсиз ўзи, азизим, мени хонавайрон қилмоқчимисиз? Оббо жаноб Вотрен-ей... Вой, худойим!— деб ўз гапини ўзи бўлди.— Уни тўғри одам деб атамасликка ҳеч тилим бормайди. Мана, битта хонам бўшаб қолди, әнди сиз яна иккита хонамнинг бўшаб қолишини истайсизми, яна келиб-келиб ҳеч ким бошпанага муҳтож бўлмаган бир пайтда-я.

— Жаноблар, олинглар шляпаларингизни, овқат қил-

гани Сорбонна майдонига, Фликотоникига борамиш,— деб таклиф қилди Бъяншон.

Бева Воке нима фойда-ю, нима зиён өканини дарров ғафмлади ва пидираганича мадемуазель Мишоно олдига келди.

— Менга қаранг, оппоқ қиз, менинг хонавайрон бўлишими истамассиз дейман, а? Кўриб турибсиз-ку, бу жаноблар мени шунга мажбур қилишялти... бугун кечқурун ўз хонангизда ўтириб тура туриш.

— Йўқ, ҳеч ҳам ундаи деганимиз йўқ! — деб қичқиришиди хўрандалар.— Биз унинг бу ердан бутунлай кетишини, кетганда ҳам ҳозир чиқиб кетишини хоҳлаймиз!

— Ахир, бечора мадемуазель ҳали овқатлангани йўқ-ку,— деди Пуаре аянчли ёлбориб.

— Хоҳлаган ерида овқат қиласверсин! — деб қичқиришиди хўрандалар.

— Жосуснинг думини туғиш керак!

— Жосусларни ҳайданглар!

— Жаноблар,— деди тўсатдан Пуаре, юраги ботиниб,— муҳаббат ҳатто қўйларни ҳам ботир қилиб юборади,— жуда бўлмаса жинсини ҳурмат қилинглар!

— Жосусларда жинс бўлмайди,— деди рассом.

— Ана жинсорама!

— Думини тугорама!

— Жаноблар! Шармандалик бу. Одамларни уйдан кўчиримоқчи бўлсангиз ҳам одобга хилоф қилмаслигингиз керак. Биз пул тўлаганмиз, биз шу ерда қоламиз,— деди Пуаре фурожкасини кийиб, мадемуазель Мишоно ёнидаги стулга ўтириб олар өкан, Воке эса бу пайт мадемуазелини уйдан чиқиб кетишга унатиш билан овора әди.

— Вой шумтака-е,— деди рассом, Пуарени майна қилиб,— оббо шумтакаси тушмагур-е!

— Бўпти, сизлар кетмасангиз, унда биз кетамиш,— деди Бъяншон.

Шунда ҳамма хўрандалар бирваракайига эшик томон юришиди.

— Мадемуазель, бу нима қилганингиз? — деб қичқириб юбёрди бева,— хонавайрон қилдингиз-ку. Бу ерда қолишингиз мумкин өмас: зўрлик билан кўчага чиқариб ташлашлари ҳам мумкин-а.

Мадемуазель Мишоно ўрнидан турди.

— Кетади!

— Кетмайди!

— Кетади!

— Кетмайди!

Кети узилмайдиган бундай қичқириқлар ва адоват билан айтилган ҳар хил гаплардан кейин мадемуазель бека билан бир оз шивирлашиб олди-да, сўнг кўчиб кетишга мажбур бўлди.

— Мен Бюно хонимнинг уйига кўчиб кетаман,— деди у пўписа билан.

— Хоҳлаган ерингизга кўчиб бораверинг, мадемуазель,— деб жавоб қилди, бу жавобдан жуда хафа бўлган бева Воке, негаки, Бюно пансиони «Воке уйи» билан рақо-батда эди ва шу сабабли бева уни жуда ёмон кўрарди.— Бюно пансионига кўчиб бораверинг, у ерда шундай вино қўйиб беришадики, башарангиз бурушиб кетади, овқатларини ҳам оғизга олиб бўлмайди.

Хўрандалар чурқ этмай икки қатор бўлиб тизилиб туришарди. Пуаре мадемуазель Мишонога шундай меҳр ва садоқат билан қаради, унинг кетидан кетиш-кетмаслигини билолмай, шундай саросимага тушиб қолдикни, қари қизнинг кетмоқчи бўлганидан курсанд бўлган хўрандалар бир-биirlарига қараб, кулиша бошлади.

— Пиш, пиш, пиш, Пуаре!— деб қичқирди унга рас-сом.— Қани, бўла қолинг, бир, икки, уч!

Музей ходими майнабозчилик қилиб ўша вақтдаги маш-ҳур бир романсининг бошланишини куйлаб юборди:

Отланганди Суряя томон  
Ўқтам йигит Дюнуа шу он...

— Бўла қолинг энди, ахир ўзингиз учиб-қўниб туриб-сиз-ку,—trahit sua қечтое voшptas<sup>1</sup>— деди Бъяншон.

— Ҳар ким ўз маъшуқасининг орқасидан кетади — Вергилийнинг шеърини эркин таржима қилсан, шундай маъно чиқади,— деб илова қилди репетитор\*.

Мадемуазель Мишоно Пуарега ўғрилиб қаради ва гўё қўли билан кимнингдир қўлтиғидан олгандек ҳаракат қилди; Пуаре бундай талабга дош беролмай, унинг олдига борди ва унга қўлинни тутди.

Ҳамма бирдан хахолаб кулиб юборди, қарсаклар ча-линди.

<sup>1</sup> Ҳар ким ўз хирсига әргашади (лотинча).

- Браво, Пуаре!
- Чоли тушмагур, Пуаре!
- Апполон\* Пуаре!
- Марс\* Пуаре!
- Баракалла, Пуаре!

Шу пайт хат ташувчи кириб келиб, Воке хонимга бир хат тутқазди; уни ўқиб чиқиб, бева бўшашганича ўтириб қолди.

— Ўйимга энди ўт қўйиб юбориш қолди, холос, самовий жабр-ситамларнинг барчаси бошимга дўлдай ёғиляпти. Соат учда Тайфернинг ўғли ўлибди. Бечора йигитнинг бозига тушадиган бахтсизлик эвазига Кутюр хоним билан Викторина учун яхшилик тилаган эканман, мана жазоийимни тортиб ўтирибман. Хонимлар, буюмларимизни бериб юборинг, биз шу ерда қоламиз, деб ёзиб юборишибди. Тайфер Кутюр хонимга қизи олдида компанияонка бўлиб қолишига рухсат берибди. Гўртта хона бўшаб қолди, бешта ижарадор қўлдан кетди! Бало келса, қўша келади деиншгани рост экан!— дерди йигфамоқдан бери бўлиб Воке хоним.

Кўчадан әштилган арава овози эшик олдига келиб бирдан тўхтади.

— Яна бир бало бўлди шекилли,— деди Сильвия.

Тўсатдан Горио кириб келди; чол худди дунёга қайта келгандек юзидан нур ёғилиб турар, ниҳоятда бахтиёр кўринарди.

— Горио аравада келибди-я! Ахир бу қиёмат-ку!— деб ажабланишиди ҳўрандалар.

Чол тўппа-тўғри бурчакда ўйга толиб турган Эжен олдига борди, унинг қўлтиғидан олиб, курсанд овоз билан деди:

— Юринг.

— Ийе, бу ерда нималар бўлганини билмайсизми ҳали?— деди Растиньяк.— Вотрен бадарга қилингган маҳбус бўлиб чиқди, Тайфернинг ўғли ўлибди.

— Бизга нима?— деб вътиroz билдириди Горио ота.— Мен қивим билан бирга сизникида овқат қиласман, тушуняпсизми? У сизни кутиб турибди, юринг!

У Эженни худди маҳбубасини ўғирлаб кетаётган одамдек жон-жаҳди билан қўлидан торта бошлади.

— Келинглар, овқат қиласлик,— деб таклиф қилди рассом.

Ҳамма стул олиб дастурхон атрофига ўтирди.

— Ана холос,— деди бақалоқ Сильвия,— бугун кўнгилсиз воқеалардан сирами бошимиз чиқмас өкан-да, бу ёқда лавлаги билан пиширган қўй гўшти ҳам куйиб кетибди. Иложим қанча, куйган бўлса ҳам еяверасизлар эди!

Стол атрофида ўн саккизта ҳўранда ўрнига ўнта одам ўтирганини кўрган бева Вокенинг бир оғиз гап айтишга мажоли қолмади, аммо ҳамма унинг кўнглини кўтаришга, чиройини очишга уринарди. Аввалига улар Вотрендан ва бугун бўлган ишлардан гаплашиб ўтирилар, аммо бир овдан кейин гап айланиб суҳбат дуэллар, судлар, қонунларнинг нотакомиллиги ва қамоқлар устига ўтиб кетди. Борабора суҳбатдошлар Жак Коллен, Викторина ва унинг акаси тўғрисдаги гаплардан жуда узоқлашиб кетдилар ва шундай шовқин-сурон кўтардиларки, гарчи ўзлари ўн киши бўлса ҳам, йигирма кишига татирлик даражада бақиришиб-чақириша бошладилар: гўё бугун дастурхон атрофига одатдагидан ҳам кўпроқ одам тўплангандга ўхшарди; кечаги овқат билан бугунгисининг фарқи ҳам мана шунда әди, холос. Париждаги кундалик ҳодисаларни ўзига әрмак деб билган мана шу худбин одамларда мавжуд бўлган бепарволик устун келди; ҳатто бақалоқ Сильвиянинг гапларидаги умидворликка Воке хонимнинг ўзи ҳам ишониб қолди-ю, кўнгли тинчиди.

Бугун Растињак әрталабдан кечгача аллақандай ёмон туш кўргандек гангисиб юрди; иродаси кучли ва мияси жойида әканига ҳам қарамай, Горио ота билан аравада ёнмаён ўтирганида ҳам әс-хүшини бир ерга йигиб ололмади, шунинг учун, қанчадан-қанча ташвиш тортган чолнинг ҳаддан зиёд хурсандлик билан айтадиган гапларини худди уйқусида эшитаётгандек әди.

— Ҳамма иш әрталабоқ хал бўлган. Биз энди учаламиз бирга овқат қиласми? Тушуняпсизми? Мана тўрт йил бўлибдики, мен Дельфина билан, ўзимнинг Фифина қизим билан бирга овқат қилганим йўқ. Эпди у кечқурунлари доим мен билан бирга бўлади. Биз әрталабдан бери сианикдамиз. Сюргутимни ечиб мардикордек ишладим ўзим ҳам. Уй анжомларини ташиб киришга қараашдим. О, Фифинанинг дастурхон тепасида қандай меҳрибон бўлишини, менга қандай парвона бўлиб: «Дадажон, мана бундан еб кўринг, жуда лаззатли нарса!»— дейишларини ҳали билмайсиз. У шунаقا меҳрибонлик қилиб турганда мендан сира овқат ўтмай қолади. Анчадан бери қизим билан мана шундай, ҳузур қилиб ўтиргандим!

— Демак, бугун дунё остин-устун бўлиб кетибди-да?—  
деди унга Эжен.

— Остин-устун?— ҳайрон бўлиб сўради Горио ота.—  
Йўқ, дунё ҳеч қачон бугунгичалик яхши бўлмаган эди. Кў-  
чаларда мен фақат шод-хуррам одамларни кўряпман, фа-  
қат бир-бирининг қўлини қисиб кўришаётган, ўшишаётган  
одамларни кўряпман, улар шундай баҳтиёрки, гўё ҳаммаси  
ҳам қизлари билан овқат қилгани кетаётгандек, худди Фи-  
фина менинг ҳузуримда «Инглиз қаҳвахонаси»нинг бош  
ошпазига буютирган лаззатли таомлар сингари овқат ега-  
ни кетаётгандек туюлади. Қизим бор ерда аччиқ турп ҳам  
асалдек ширин тўюлиб кетади.

— Энди ўзимга келаётганга ўхшайман,— деди Эжен.

— Извошли, тезроқ қимиirlасанг-чи!— деб қичқири  
Горио ота, олд тарафдаги ойнани кўтариб.— Ҳайда, агар  
айтган жойимга ўн минутда етказиб қўйсанг, ароққа юз су  
оласан.

Бундай ваъдани әшитиб, извошли отларини қамчилаб,  
учира кетди.

— Мунча судралмаса,— дерди Горио ота.

— Қаёққа олиб кетяпсиз мени?— деб сўради Ра-  
стинъяк.

— Сизниги.

Арава д'Артуа кўчасида тўхтади. Чол биринчи бўлиб  
тушди ва ишратпараст тул эркаклар сингари сахийлик би-  
лан пулнинг бетига қарамай, кучерга ўн франк тутқазди.

— Қани, юра қолинг,— деди у Растинъякка ва яп-ян-  
ги чиройли бир уйнинг ҳовлисидан айланиб ўтиб. Эженини  
тўртинчи қаватдаги бир квартира эшиги олдига етаклаб  
чиқди. Горио ота қўнгироқ қилишга ҳам улгирмади. Де  
Нусинген хонимнинг уй ходимаси Тереза эшикни очди.  
Эжен ўзини бир пешхона, кичкинагина меҳмонхона, ётоқ-  
хона ва кабинетдан иборат шинамгина квартирада кўрди;  
кабинетнинг деразасидан қандайдир бир боғ кўриниб ту-  
рарди. Кичкинагина меҳмонхона ўзининг қулагиги ва жи-  
ҳозларининг чиройлилиги билан ҳеч қандай меҳмонхона-  
дан қолишмасди. Эжен шу ерда шамчироқ ёруғида, камин  
олдига қўйилган козеткада ўтирган Дельфинага кўзи туш-  
ди; хоним ўрнидан турди, оловнинг таптини тўсиб турув-  
чи кичкина тўсиқни камин токчасига қўйди ва Растинъякка  
қараб ғоят меҳрибонлик билан:

— Ҳали сизга одам юбориш ҳам керак экан-да, жаноб  
бепарво!— деди.

Тереза чиқиб кетди. Студент Дельфинани қучоқлади, уни бағрига босиб туриб, курсандликдан йиглаб юборди. Мияси-ю, қалбини толиқтирган бир кунлик қанчадан-қанча оғир ҳаяжонлардан кейин «Воке уйи»дек жойдан мана бундай манзара қўйнига келиб қолиши Растињякнинг кўнглини бўшаштириб юборди.

Эжен гапиришга ҳам, бундай сеҳрли нарсаларнинг қаердан пайдо бўлгани ҳақида ўйлашга ҳам мажоли қолмай, козеткада чўзилиб ётаркан, Горио ота қизига пицирлаб дерди:

— Сени яхши кўришини билардим.

— Юринг, ахир, бундай ўз кўзингиз билан уйни кўринг,— деб де Нусинген хоним Эженнинг қўлидан олиб, нариги хонага етаклаб чиқди, бу ердаги гиламлар, жиҳозлар, ҳатто энг арзимас икир-чикирлар ҳам Дельфина нинг хонасини эслатарди. Фарқи хона хиёл чоғроқ эди, колос.

— Фақат каравот етишмас әкан,— деди Растињяк.

— Ҳа,— деб жавоб қилди Дельфина қизариб ва унинг қўлини қисиб.

Эжен унга қаради: йигит ҳали ёш эди, шунинг учун ҳам у маъшуқа аёлнинг дили самимий ҳаё ҳисси билан лиммолим бўлишини англади.

— Сиз сажда қиласа арзийдиган аёллар трифасидансиз,— деди Эжен унинг қулогига.— Бир-биримизни шундай яхши тушунамизки, сизга: муҳаббат қанчалик кучли, қанчалик чинакам бўлса, уни шунчалик сир сақлаш, яширин тутиш керак, деб дилимдағи гапни қўрқмай айтишга журъат эта оламан. Сиримизни бирорвга билдиримайлик.

— Ўша бирор мен эканман-да,— деб тўнгиллаб қўйди Горио ота.

— Сизу биз бир одам эканимизни ўзингиз яхши биласиз...

— Мен ҳам ана шуни истардим: ахир, менга эътибор бериб ўтиримайсизлар-ку, а? Мен эса бамисоли малоикалар-дек келиб-кетиб юравераман — малоикалар кўринмайди, Фифина, Нини, Диidi! Нима деган әдим сенга: «Д'Артуа кўчасида яхшигина бир квартира ижарага берилаётган экан, ўша квартирани Эженга ясатиб берайлик», демабмидим, яхши айтган эканманми? Сен бўлсанг, йўқ деб юрибсан. Сени дунёга келтирган ҳам, мана бугун шодлантирган ҳам ўзимман. Оталик бахтининг кайфини суриш учун оталар болаларига доим бирон нарса ҳадя қилиб туришлари

керақ. Доимо ҳадия қил! Ота бўлганингдан кейин, қиладиган вазифанг шу бўлсин!

— Нималар деяпсиз ўзи?

— Ҳа, ҳа, тўғриси, у бунга қўнмаган әди: гўё жамоатчилик фикри киши баҳтидан ҳам устуну, шунинг учун ҳар ҳил ғийбатлар бошланиб кетишидан қўрқди! Ваҳдоланки, ҳозир ҳамма аёллар у қилган ишни орзу қиладилар...

Горио ота ёғиз ўзи гап сотаётган әди. Де Нусинген хоним Эженин кабинетга бошлаб кириб кетганди, улар ичкари кириши биланоқ, у ердан әҳтиёткорона бўлса ҳам, ҳар ҳолда бу хонага эштиilarли даражада ўпиш овози келди. Бу хона ҳам жиҳозларининг чиройлилиги билан бошқа хоналардан қолишмасди — ҳамма хоналар яхшилаб жиҳозланган әди.

Де Нусинген хоним овқатланиш учун мөҳмонхонага қайтиб чиқиб, стол ёнига ўтиаркан:

— Кўнглингиздагини топибмизми? — деб сўради.

— Гоят даражада соз,— деди Эжен.— Лекин, афсус! Жиҳозларнинг гўзаллигини, дид-фаросат билан танланганини амалда кўриб турганим бу ажойиб тушни, бу гўзал ҳаётдаги бутун нафосатни мен жуда яхши туйиб турибман, аммо бундай совғани қабул қила олмайман, ўзим esa жуда камбағал бўлганим учун...

— Ҳа-ҳа-а! Ҳали шундайми! Ҳалитдан галимни қайтаряпсизми? — деди де Нусинген хоним, у бу гапни шундай ноз-карашма, ҳавил-мутобиба билан, шундай амирона оҳангда айтдики, аёллар ўзгаларни виждан авобидан қутқармоқчи бўлсалар, бундай азобни тамомила йўқотиб юбориш учун одатда шунаقا йўл тутадилар.

Аммо Растињак бугун ўзини жуда қаттиқ тергов остига олганди, бунинг устига, Вотреннинг қамоққа олинишини кўрди-ю, сал бўлмаса, қандай тубсиз жарга қулаг кетай деб турганини пайқаб олди, буларнинг ҳаммаси бир бўлиб, Эжендаги олижаноблик туйгуларни ва ахлоқий маънавий кучларни шундай мустаҳкамлаган әдики, ширинсўзлик билан уни ўз вътиқодларидан қайтармоқчи бўлаётган Дельфинага бўйсuna олмасди. У жуда хафа бўлиб кетди.

— Нима, наҳотки рад қилсангиз? — деб сўради де Нусинген хоним.— Бундай бўйин товлашнинг маъносига ўзингиз тушунасизми? Сиз келажакка ишонмаяпсиз, мен билан муносабатда бўлишдан қўрқяпсиз. Демак, сизга бўлган ҳисларимни алдашдан қўрқасиз? Борди-ю, мени севи,

сангиз, мен ҳам сизни севсам, бундай арзимас соврани қабул қилишингизга нима тўсқинлик қиласди сизга? Бўйдоқларга хос бу квартирани жиҳозлаш менга қанчалик лаззат бағишлиганини билсангиз эди, бундай иккиланиб ўтирамасдингиз, мендан узр сўраган бўлардингиз. Қўлимда пулингиз бор эди, мен уларни мана шу ишга сарф қилдим — бор гап шу. Ўзингизни ҳиммати зўр одам деб ҳисоблайсиз, аслида эса, назари паст одамсиз. Сиз булардан ҳам кўпроқ нарсани истайсиз... Ад!.. — деб юборди у, Эженинг өхтирос билан қараб турганини пайқаб қолиб,—...ўзингиз бўлсангиз арзимаган нарсалар устида ноз-фироқ қилиб ўтирибсиз! Мени яхши кўрмасангиз, о, унда, буларни рад қилганингиз маъқул! Менинг қисматим бир оғиз гапингизга боғлиқ бўлиб қолди. Гапиринг!. Ахир, дада, тушунтирангиз-чи бунга,— деди у отасига, бирпас жим тургандан кейин. — Наҳотки, ор-номус масаласида мени ўзичалик зийрак эмас деб ўйласа.

Горио ота кайф қилиб олган нашавандлар сингари оғванинг танобини йигиб ололмай, уларнинг ёқимтой рижиллашига қулоқ солиб турарди.

— Сиз гўдаксиз, ҳаётга энди кириб келяпсиз, — деб давом әтди хоним, Эженинг қўлидан ушлаб,— йўлингизда кўпчилик енгиб ўтолмайдиган тўсиқ пайдо бўлди, аммо аёл кишининг қўли ўша тўсиқларни йўлингиздан суриб ташлади, сиз бўлсангиз орқага тисарилиб ўтирибсиз! Лекин ҳамма нарса ҳали олдинда, жуда катта давлат ҳам ортирасиз, ойдек жамолингиздан омадли йигит эканлигингиз кўриниб турибди. Омадингиз келиб бойиганингизда сизга ҳозир қарзга берган нарсаларимни қайтара олмайсизми? Ахир, қадим замонларда хонимлар ўз рицарларига турнирларда менинг шарафимга жанг қилинг деб қилич, қалқон, совут совға қилмас әдиларми? Менга қаранг, Эжен, мен сизга совға қилаётган нарса ҳозирги замонда нуфузли одам бўламан деган киши учун зарур бўлган кураш қуролла-ри-ку. Чердакдаги ҳужрангиз отамнинг хонасига ўҳшаса, ҳўп яхши жой бўлса керак! Демак, овқат қилмас эканмиз-да, бўлмаса? Сиз мени хафа қилмоқчисиз-а? Жавоб берсангиз-чи! — деди у Эженинг қўлидан тортиб.— Е раббий! Дада, кўндирангиз-чи уни, бўлмаса мен бу ердан ҳозир кетаману, у билан бошқа сира кўришмайман...

— Ҳозир сивни кўндираман,— деди шодликдан эсини йўқотган Горио ота, ҳушини йигиб.— Азиэм, жаноб Эжен,

ахир, яҳудийлардан ҳам қарз олиб турасиз-ку, а шундайми?

— Бўлиб туради,— деди Растињак.

— Жуда соз, мана, қўлга тушдингиз,— деб гапини давом эттириди чол, ёндан эскиб кетган кармонини қўлига олар экан.— Энди мен ўзим яҳудий бўлиб олдим: бу нарсаларга ҳамма пулларни мен тўладим, мана ҳужжатлари. Бу ердаги жамики нарсалар учун сиз бир сантим ҳам қарздор әмассиз. Сарф бўлган пул унча кўп ҳам әмас, нари борса, беш минг франк бўлади, ана шу пулни сизга мен қарз бераман, мен эса аёл киши әмасман, шунинг учун мендан пул олишга йўқ дея олмайсиз. Бир парча қофозга менга тилхат ёзиб берасиз бас, пулни кейин бераверасиз.

Эжен билан Дельфина ҳайрон бўлиб бир-биrolарига қарашди; шунда иккаласининг кўзида ҳам ўш ялтиради. Растињак чолнинг қўлини қизғинлик билан қисди.

— Ҳа, нимасига ҳайрон бўласизлар! Ахир, иккингиз ҳам менинг болам әмасмисиз?— деди Горио ота.

— Отажоним,— деди де Нусинген хоним,— ахир буни қандай қила олдингиз?

— Ҳа-а, ҳамма гап ҳам ана шунда-да! Уни сенга яқинроқ ерга кўчириб келишга кўндирганимдан кейин қарасам, худди келинчакка мол танлагандек роса харид қиляпсан, шуни кўрдиму: «Иш бундай борадиган бўлса, боши ғовлаб қолади-ку!»— дедим ўзимча. Ахир, ишончли вакилимизнинг айтишича, ўз пулларингни ажратиб бериш учун әрингга қарши қўзғаган суд ишимиз ярим йилча чўзилар экан. Ҳўп! Шундай дедиму, ўзимнинг йилига бир минг уч юз әллик франк фойда бериб турган доимий рентамни сотдим; ўн беш минг франкни умрбод бир минг икки юз франкдан йиллик даромад бериб турадиган ишончли бир ишга жойлаштирудим, қолган пулларимдан эса, сизларга мана була-ни етказиб берганлар билан ҳисоб-китоб қилдим. Шу ерда, юқоридан, бир юз әллик франкка бир хонани бир йилга ижарага олдим; кунига қирқ су бемалол етиб, ортиб қолади. Кийим-бошнинг менга кераги йўқ, борларини кийиб тамомласам ҳам ҳўп гап. Роса икки ҳафтадан бери ўзимга ўзим: «Ҳўп баҳтли бўлишади-да, энди!» деб севиниб юрибман. Ҳўш, ё баҳтли әмасмисизлар?

— О, дада, дадажон!— деди-ю де Нусинген хоним лип этиб отасининг тиззасига ўтириб олди.

Дельфина отасининг юз-кўзларидан ўпар, эркаланиб сарғиш соchlари, олтиндек товланган бошини унинг юзла-

рига суркар ва баҳтиёрликдан очилиб кетган чолнинг юзларига кўз ёшларини тўкарди.

— Дадажон, сиз чинакам отасиз! Дунёда сиздан бошқа бунақа ота йўқ. Эжен сизни илгари ҳам яхши кўрар эди, энди қанчалик яхши кўраркин!

Горио ота ўн йилдан бери, қизининг юрак уришини ма-на шундай, ўз юраги олдида ҳис қилмаган эди.

— Бўлди, болаларим, бас, Дельфина,— дер эди у,— бундай қилаверсанг курсандликдан юрагим ёрилиб ўламан! Юрагим отилиб чиқиб кетай деяпти. Менга қаранг, жаноб Эжен, сиз билан энди орамиз очиқ!

Шундай деб, чол қизини астойдил шундай маҳкам қу-коқладики, қизи:

— Вой, оғритдингиз! — деб юборди.

— Қаттиқ оғритдимми-а?! — деди чол, ранги ўчиб.

Отаси унга қаттиқ изтироб билан қараб турарди. Бу пайғамбарсифат отанинг чеҳрасини аниқ тасвирламоқ учун буюк рассомлар чизган ажойиб санамларга мурожаат қилмоқ лозим; бу санамларда башарият ҳалоскори Исонинг жамият истиқболи йўлида тортган жамики азоб-уқубатлари ниҳоятда ёрқин акс эттирилгандир. Горио ота ғоят әҳтиётлик билан қизининг белидан ўпиб қўйди — худди шу ерга унинг бармоқлари жуда қаттиқ ботган эди.

— Йўқ, йўқ, жонингни оғритганим йўқ,— дерди у жилжайиб, қизига ёлборувчи назар ташларкан, — ўзинг қичқириб, ўтакамни ёриб юбординг.— Сўнг у қизини әҳтиёт билан ўпиб қўйиб, қулогига шивирлади: — Буларнинг ҳаммаси айтганимдан анча қиммат туради, аммо буни унга билдириб бўлармиди, аччиғи чиқиб ўтирмасин яна.

Эжен чолнинг бундай чексиз ҳимматидан ҳайратда эди, унга шундай лақмалик ва очиқ чеҳра билан маҳлиё бўлиб турардики, бу ҳис ёш йигитларнинг баданини аллақандай илоҳий туйғу билан жимиirlатиб юборади.

— Мен буларнинг ҳаммасига муносиб одам бўламан! — деди у.

— Азизим Эжен, ҳозир айтган гапларингиз бирам ёқимлики! — деб, де Нусинген хоним унинг пешонасидан ўпиб олди.

— У сени деб мадемуазель Тайфердан, унинг миллионларидан воз кечиб туриби, — деб қўшимча қилди Горио ота. — Ҳа, ўша қиз сизни яхши кўрар эди, энди битмас-туғанмас давлатга эга бўлди.

— Нима кераги бор эди бу гапларнинг? — Растињяк унга таъна билан қараб қўйди.

— Эжен,— деб Дельфина унинг қулоғига шивирлади,— энди бугун кечқурун хафаликдан бошим чиқмас әкан-да, О, сизни ҳамма вақт бирдай яхши кўраман!

— Сизларни эрга берганимдан бери кўрган энг яхши куним мана шу бугун бўлди! — деди Горио ота.— Энди худо бошимга не-не азобларни солса ҳам майли, фақат сизларнинг ғамингизни кўрмасам бас, энди доим: «Шу йил февраль ойида мен одамлар бутун умрида кўролмайдиган хурсандчиликни кўрдим», — деб ўзимга ўзим гапириб юраман. Менга қара, Фифина! — деди у қизига.— Хўш, шу қиз чиройли әмасми? Қани, ростингизни айтинг-чи, шундай ранги тоза, иягида чуқурчаси бор аёлни умрингизда учратганимисиз ҳеч? Учратмагансиз-а? Тўғрими, учратмагансиз? Бундай нафосатни мен яратганиман! Энди у сиз туфайли баҳтли бўлади, яна минг ҳисса чиройли бўлиб кетади. Мабодо менинг жаннатдаги жойим сизга керак бўлиб қолса, муҳтарам қўшни, сизга бердим, ўзим дўзахга тушсам ҳам бўлаверади. Юринглар, овқат ейик, юринглар, бу ердаги ҳамма нарса ўзимизники,— деб қолди у тўсатдан, бошқа нима дейишими билмай.

— Дадажон!

Чол ўрнидан турди, қизининг олдига бориб, унинг бошини қўллари орасига олди ва сочининг фарқидан ўпид, деди:

— Эҳ, қўэичноғим, ўзингни ҳеч койитмасдан туриб ҳам мени жуда баҳтиёр қила олишингни билсанг эди! Мен авави ерда, юқорида яшайман; икки қадам ортиқча юриб, менинг олдимга кириб чиқсанг нима қиласди? Кирасами, а?

— Кираман, дадажон.

— Такрорла.

— Кираман, дадажон.

— Бўлди, бас қил, бўлмаса севингганимдан, бу гапни юз марта такрорлатишга мажбур өтаман. Юринглар, овқатланайлик.

Уша куни кечқурун ҳаммалари ҳам ёш болалардек ро-са шўхлик қилишибди, лекин Горио ота шўхлик қилишда сира ҳам ёшлардан қолишибмади. У қизининг оёқлари остига ён-бошлаб ётиб олиб, у оёқлардан ўпар, кўзларига узоқ-узоқтикилар, кўйлагига юзини ишқар — хуллас, ҳеч ўзини тия

олмай, фақат жуда ёши, жуда жўшқин ошиқларгагина хос қилиқларни қиласди.

— Кўрдингизми? — деб Дельфина Растињякка шиворлади. — Отам бив билан бирга бўладиган бўлса, фақат у билан банд бўлишга тўғри келади. Бу эса баъзан малол келади.

Бир неча бор рашк ўтида ёнган Эжен уни бу гапи учун қораламади, бу фикр остидан эса машъум ионкўрликнинг куртаги ниш уриб чиқаётган әди.

— Хонамиз қачон мукаммал тайёр бўлади? — деб сўради Эжен, хонани кўздан кечирар өкан. — Демак, бугун ажралишга тўғри келар өкан-да!

— Ҳа, аммо әртага меникида овқат қиласиз, — деди Дельфина, унга мўғамбирона назар ташлаб, — әртага Итальянлар операси куни.

— Мен партердан жой оламан, — деди Горио ота.

Вақт ярим кеча бўлди. Дельфинани олиб кетгани карета келди. Студент билан Горио ота «Воке уйи»га қараб кетишиді, йўл-йўлакай Дельфина тўғрисида гаплашиб боришаркан, унинг гўваллигига шундай таҳсиллар ўқишидикি, бу сұҳбат кучли әхтирослар тортишувига ўхшаб кетди. Ҳар қандай худбинлик манфаатидан ҳоли бўлган бу отанинг меҳри ўз мустақиллиги ва теранлиги билан Эженнинг муҳаббатидан устун әдиким, буни йигит әътироф этмай иложи йўқ әди. Ота меҳрига сазовор бўлган фарзанд шак-шубҳасиз, мусаффо ва гўвал бўлиб қолганди, ўтмиш ва келажак тўғрисидаги фикрлар эса бу меҳрибонликни яна ҳам ошириб юборганди.

Уйга қайтиб келиб, улар бева Вокенинг ёлғиз Сильвия ва Кристоф билан печка олдида ўтирганини кўришди. Кекса бека Кафаген харобалари орасида ёлғиз қолган Марийга ўхшарди. У Сильвияга дард-аламини айтиб, қолган иккита ижарадорни кутиб ўтиради. Лорд Байрон ўзининг Гассо деган қаҳрамонига ўз ҳасратини баён қилиши учун қандай ўйр сўзларни топиб берган бўлмасин, у гаплар бева Вокенинг оғзидан чиқаётган жонли ҳасрат даражасига етишига ҳали анча бор әди.

— Сильвия, бундан чиқди, әртага фақат уч чашка кофе тайёрлашга тўғри келади. Қара-я! Уйимиз ҳувиллаб қолди, юракларим чок-чок ёрилиб кетяпти. Ҳўрандаларсиз турмуш турмуш бўлтими? Ҳеч ҳам-да! Ё раббий, уйим ҳувиллади қолди-я! Одамсиз уйда ҳаёт ҳам бўлмайди. Ҳудога нима гуноҳ қилувдимки, бошимга бундай савдоларни

солмаса? Ловия билан картошкани йигирма кишига мўлжаллаб ғамлаб қўйган әдик-ку, ал Буни қарангки, келиб келиб менинг уйимга полиция кирса-я! Энди фақат картошка билан кун кечиришга тўғри келади! Кристофга ҳам жавоб бериб юбориш керак бўлади!

Ухлаб ётган Кристоф сапчиб уйғониб кетиб, сўради:

— Нима хизмат буорадилар?

— Бечора бола! Худди пойлоқчи итга ўхшайди-я, — деб қўйди Сильвия.

— Қиши вақти бўлса, ҳамма жой-жойини топиб кетган. Энди ижарадорларни қаердан топаман? Жинни бўлиб қоламан ҳали. Улганинг устига чиқиб тепган, дегандек, анави алвасти Мишоно Пуарени ҳам әргаштириб кетди. Унинг нимаси ёқиб қолдийкин Пуарега, нима қилиб ўзига ром қилиб олдийкин, у дажжол ҳудди лайча итдек орқасидан әргашиб юради-я!

— Вой, бўлмасам-чи! Одамни қанақа қилиб тузоққа илинтиришни шу қари қизлар билишсин-да,— деб қўйди бош чайқаб Сильвия.

— Шўрлик жаноб Вотренни махбусга айлантиришди қўйишиди-я, биласанми, Сильвия, нима десанг дегину, аммо ҳалигача бунга ишонгим келмайди. Чунонам хушчақчақ одам әди, ойига ўн беш Франкдан нақд тўлаб, «глория» ичиб турарди

— Туппа-тузук одам әди!— деб қўйди Кристоф.

— Бирор чатоқлик юз берган, ҳойнаҳой!— деди Сильвия.

— Йўғ-э, ўзи иқрор бўлди-ю,— деди бева Воке.— Ё тавба-ей, шу ишларнинг ҳаммаси келиб-келиб менинг уйимда юз берди-я, ҳаттоки дайди мушук ҳам учрамайдиган осоиышта бир маҳалладаги уйда-я! Худо ҳаққи, ҳудди тушга ўхшайди. Сен билан биз Людовик ўн олтинчининг бошига не кунлар тушганини ҳам, императорнинг таҳтдан тушганини, яна қайтиб таҳтга ўтирганини, кейин яна таҳтдан ағдарилганини ҳам кўрганмиз — буларнинг ҳаммаси ишонса бўладиган нарсалар. Аммо оиласвий пансионларга қарши бир нарса деб бўларканми, подшосиз яшаса бўлади, лекин овқатни доим истеъмол қилиб туриш керак, модомики ҳалол бир бечора бева, тағин, де Конфланлар авлодидан чиққан аёл одамларни хилма-хил лаззатли таомлар билан боқиб келаётган бўлса-ю, бошига шундай кунлар тушса, қиёмат-қойим бошландими, дейманов... Рост, ҳудди шундай, қиёмат-қойим яқинга ўхшайди.

— Буни қаранг-ки, шу машмашаларнинг ҳаммасига мадемуазель Мишонो сабаб бўлди-я, яна айтишларига қараганда, бу қилими учун йилига минг экюдан даромад берадиган рента ҳам ишлаб олган эмиш! — деди Сильвия.

— Номини тилингга олма ўша яшшамагурнинг! — деди бева Воке. — Бу ҳам камдек, у яна Бюононинг уйига кўчиб ўтмоқчи. Ҳа, унинг қўлидан ҳар иш келади, бир вақтлар жуда ёмон ишлар билан шуғулланган бўлса ҳам ажаб эмас, ўғирлик ҳам қилган, одам ҳам ўлдирган. Аnavи бечоранинг ўрнига асли ўша мочағарни сургунга юбориш керак эди!

Худди шу пайт Эжен билан Горио ота эшик қўнғирогини чалиб қолишиди.

— Ана! Менинг иккита содиқ ижарадорим келди, — деди хўрсаниб Воке хоним.

Оилавий пансион бошига тушган мусибатлар ҳақида фира-шира тасаввурга эга бўлган бу икки «садик» ижарадор ўйлаб-нетиб ўтиромай, бекага ўзларининг Шоссе д' Антен кўчасига кўчиб ўтмоқчи бўлишганини билдиришиди.

— Сильвия, охирги умидим ҳам пучга чиқди! — деб юборди Воке хоним. — Жаноблар, менга ёмон зарба бердинглар! Нақ юрагимга ханжар урдинглар! Илоё қуриб кетсин бунақа кун! Бунақа бир кунда ўн ёш қарийсан киши. Ўлай агар жинни бўлиб қоламан! Ловияни нима қиласман энди? Хўп, бўлти! Елғиз ўзим қолар эканман, сенга, Кристоф, эртагаёқ жавобингни бераман! Хайр, жаноблар, яхши туш кўриб ётинглар.

— Унга нима бўлди ўзи? — деб сўради Эжен Сильвиядан.

— Нима бўларди! Юз берган воқеадан кейин ҳамма ижарадорлар тўзиб кетишиди. Ўшанга мияси айниб қолди. Ийе, йиглаяптими дейман? Бир йиглаб олса, юраги бўшайди. Шу ерда хизмат қилганимдан бери, унинг йиглаганини биринчи кўришим.

Эртасига эрта билан Воке хоним, ўз таъбири билан айтганда, эсини йигиб олди. Маълумки, ижарадорларидан ажралган ва катта ўзгаришларни бошидан кечирган ҳар бир бека сингари у ҳам қаттиқ хафа эди, аммо ақлинни йўқотиб қўймади ва чинакам ғамнинг, моддий жиҳатдан зарар кўриш ҳамда одатланиб қолган ҳаётидан ажраси натижасида туғиладиган чексиз ғамнинг қандай бўлишини намойиш қилди. Маъшуқаси яшайдиган жойдан жўнаб кета туриб, у ошёнга сўнгги марта назар ташлаётган ошиқнинг нигоҳида акс этган андуҳ ҳам Воке хонимнинг бўшаб қолган столга

тикилган кўзларидаги ташвишчалик оғир кўринмасди. Эжен Бъяншоннинг касалхонадаги амалий машгулоти тугаб қолаёзди, яқинда менинг ўрнимга у кўчиб келади, музей ходими ҳам Кутюр хонимнинг хонасига кўчиб келган бўлардим, деб бир неча марта ҳоҳиш билдирган әди, сира ғам еманг, ҳадемай янги ижарадорлар билан уйингиз тўлиб қолади яна, деб бекани юпата бошлади.

— Илоё айтганингиз келсин, муҳтарам жаноб Эжен! Лекин бу уйга бахтсизлик кириб қолди. Кўрасив, ўн кун ҳам ўтмай, бу ерга ажал ҳам кириб келади ҳали, — деди Воке емакхонани ғалати бир назар билан кўздан кечириб.— Кимни олиб кетаркин ўлим?

— Кўчиш керак, — деди секингина Эжен, Горио отага.

— Хоним, уч кундан бери, Мистигри кўринмайди,— деди ваҳима билан Сильвия юрганича хонага кириб келаркан.

— Вой, агар мушугим ўлиб қолган бўлса, агар у ҳам мени ташлаб кетган бўлса, унда...

Шўрлик бева гапини тутатмай қўлларини ёзди-ю, бу хунук хабардан ўвини йўқотиб креслога суюниб қолди.

Чоштгоҳга яқин, почтальон Пантеон атрофидаги жойларга хат олиб келадиган вақтда Эжен де Босеанлар муҳри босилган конвертда бир мактуб олди. Конверт ишида, бўлиши бир ой олдин маълум бўлган балга жаноб Нусинген билан Нусинген хоним номига юборилган меҳмон қофози бор экан. Меҳмон қофозлар орасидан Эжен номига ёзилган кичкинагина мактубча ҳам чиқди.

«Де Нусинген хонимга кўнглимдаги ҳисларимни етка-вишда менга воситачи бўлишдек ишга мамнуният билан ро-вилик билдиарсиз деб ўйладим. Узингиз илтимос қиласан мэдмон қофозларни юбордим ва де Ресто хонимнинг синглиси билан танишиш бахтига мусассар бўларман деб умид қиласман. Мана энди, ўша соҳибжамолингизни менинига олиб келаверинг, аммо шундай қилингки, дўстлик ҳисларингизнинг ҳаммасини у ўзиники қилиб олмасин, нега десангиз, сизга дўст бўлганим учун, ўша ҳисларингиздан каттағица улушкини менга ҳам ажратишингиз керак.

*Виконтесса де Босеан*

«Дуруст, аммо де Боссан хоним барон Нусингенning  
балда ҳозир бўлишини хуш кўрмаслиги ҳақида аниқ шама  
қилибди-ку»— деб ўйлади Эжен.

У Дельфинани курсанд қилишидан мамнун бўлган ҳол-  
да ва бу хизмати әвазига муносиб туҳфа олишига қаттиқ  
ишенганд ҳолда, шу заҳотиёқ хонимнинг ҳузурига жўнади.  
Де Нусинген хоним ваннада эди. Эжен икки йилдан бери  
ӯз маҳбубасига ёга бўлишини орзу қилиб юрган жўшқин  
юракли йигитга хос сабрсизлик билан уни хосхонада кутиб  
ўтириди. Йигитлар ҳаётида бундай ҳаяжонли дамлар иккни-  
чи бор тақорорланмайди. Эркак киши биринчи марта яхши  
кўриб қолган, чиндан ҳам севишга муносиб бўлган аёл-  
нинг, яъни эркак киши назарида Париж зодагонлари давра-  
си томонидан зардал рамкада тасвирланган аёлнинг ҳеч  
қачон рақиби бўла олмайди. Париждаги муҳаббат чекка  
вилоятлардаги муҳаббатга асло ўхшамайди. Чин юракдан  
севаман, ҳеч қандай шахсий манфаат кўзлаётганим йўқ,  
деб ҳамма ишлатадиган сохта иборалар билан бу ерда ҳеч  
кимни — эркак кишини ҳам, аёл кишини ҳам алдаб бўлмайди.  
Бу ерда аёл киши фақат бизнинг ҳирсий табиатимизга  
ва қалбимизнинг барча талабларига жавоб бериш билан  
чекланиб қолмайди — у кўпдан-кўп икир-чикирларга өъти-  
бор беришни ўзининг муҳим вазифаси деб тушунадики,  
ҳаёт деган нарсанинг ўзи ана шундан иборат. Парижликлар  
муҳаббатида мақтансоқлик, дабдаба-ю, ясан-тусан, исроф-  
гарчилик, беъбетлик ва сафсатабозлик ҳаддан зиёд кўп.  
Мадемуазель де Лавальерга азбаройи меҳри қайнаб кетга-  
нидан, герцог де Времандуанинг ёруғ дунёга келишига кў-  
маклашиш учун ҳар бири минг эқюдан турадиган манжети-  
ни ҳам аямай шартта йиртиб берган буюк қирол Людовик  
XIV саройидаги ҳамма хонимлар мадемуазелга ўлгудек  
ҳасад қилганларидан кейин бошқалардан нима кутиш мум-  
кин эди? Бойлиқ, ёшлиқ, асилизодаликни ўзингизда мужас-  
самлаштиринг, иложини топсангиз, яна ҳам омадлироқ  
бўлинг, санамга сажда қилгандек ихлос қўйган одамингиз  
оёқлари остига қанчалик кўп мана шундай фазилатларинг-  
изни келтириб қўйсангиз, у одамингиз сизга ўшанчалик  
меҳрибон бўлаверади, албатта, шундай сажда қиласдиган  
одамингиз бор бўлган тақдирдагина бунга мұяссар бўласиз.  
Муҳаббат ҳам бир дин, унга сифиниш бошқа нарсаларга  
сигинишдан қимматроқ туради: муҳаббат тез ўтиб кетади.  
Аммо у кўча боласи сингари йўлида учраган ҳар бир нар-  
сани бузиб, янчиб ўтади. Хассослик—чердакларда яшай-

диган одамларга хос нафосатдир. **Хассосликдек** кўнгил бойлиги бўлмаса, ундан одамларнинг муҳаббати қай аҳволга тушган бўларди? Тўғри, Париж қонунларига алоқадор бўлмаган қалблар ҳам бўлади, аммо бундай қалбларни биз беҳуда оворагарчиликлардан ҳоли ўзга дунёда, умуман, қабул қилинган қоида-қонунлар таъсирига берилмаган, зилол сувларини тинимсиз, тез оқизиб, шарақлаб қайнаб ётган, қанча қайнаса ҳам, суви одоқ бўлмайдиган соф булоқлар бошида яшайдиган одамларда учратамиз; бундай одамлар ўзларининг ям-яшил кулбаларига доимо содиқ бўлиб қоладилар, улар ҳар бир нарсага, жумладан, бутун коинот акс-садо бериб турган товушларга хурсандлик билан қулоқ солиб, ўзини ўзи ерга боғлаб қўйган одамларга қайғуриб, ўзларининг самога парвоз қиласидиган пайтларини сабр-тоқат билан кутиб ётадилар. Эжен ҳар хил иззатикромлар мазасини тушуниб қолган кўпчилик йигитлар сингари жамият орасига ҳар жиҳатдан шайланган ҳолда кириб боришга интиларди; у жамият устидан ҳукмрон бўлиши дардига мубтало бўлганди, эҳтимолки, ҳукмронлик қилишга ўзида етарли куч борлигини ҳам ҳис этганди, аммо бу мақсадга әришишнинг на воситасини топа олар, на бундай шуҳратпастликдан мақсад нима эканини тушунарди. Киши ҳаётини безайдиган соф ва муқаддас муҳаббат мавжуд бўлмаган ерда, ҳукмронлик қилишга бўлган интилиш ажойиб ишлар манбаига айланиши мумкин — бунинг учун фақат киши ҳар қандай шахсий мақсадлардан воз кебиб, ўз мамлакатини улуғлашни олдига мақсад қилиб қўйиши керак. Лекин Растињяк одам ҳаётини тўғри назорат қила оладиган ва ҳаётнинг қай тарафга оқиб бораётганини белгилай оладиган даражадаги юксакликка кўтарилиганича йўқ әди ҳали. **Кишлоқда** катта бўлган одамнинг қонига сингиб кетадиган ёқимли, ширин тушунчалар қучоғидан ажраб чиқиб кетолмаган әди. Эжен Париж Рубиконидан ҳатлаб ўтолмай турарди. Янги ҳисснётларга чанқоқ бўлишига қарамай, у ҳали ҳам ҳақиқий дворянлар ўз ермулкида кечирадиган баҳтли ҳаёт тўғрисидаги фикрларни кўнглидан чиқариб ташлаганича йўқ әди. Аммо унинг энг охирги шубҳалари ҳам ўз квартирасига кириб борган заҳоти тарқаб кетди. Ўзининг асилзодалиги туфайли әришган бутун афзалликларидан қўпдан бери фойдаланиб келганидек, бойликнинг моддий афзалликларидан фойдаланиб кўрди-ю, қишлоқлил қобигини ташлаб юборди ва секин-аста шуидай бир мавқега кириб олдики, бу мовқедан унга

гўвал келажак сари йўл очиларди. Мана ҳозир Дельфина-нинг чиройли хосхонасидаги креслода, ўз уйидა ўтиргандек баҳузур ястаниб, Дельфинани кутиб ўтирар экан, ўзини бундан бир йил олдин Парижга келган аввалги Растинъяқдан шундай узоқлашиб кетган ҳолда тасаввур қилдики, беихтиёр ўзидан: «Ҳозир ўзим ўзимга ўхшармиканман?»— деб сўради.

— Баронесса ўз ётоқхоналаридалар,— деб хабар қилди Тереза, у шундай тўсатдан пайдо бўлиб қолган әдики, йигит ҳатто чўчиб тушди.

Ҳозиргина чўмилиб чиққан, тетик Дельфина камин олдида, креслода ястаниб ётарди. Майин муслин кийим бошларга гарқ бўлиб ётган бу хотинга кўз тушар экан, уни Ҳиндистонда ўсадиган, атрофи гул барглари билан қуршалган ширин-шакар мевага ўхшатмай илож қўл масди.

— Мана, сиз ҳам келибсиз!— деди у мамнуният билан.

— Сизга нима олиб келганимни топинг-чи,— деди Эжен, унинг ёнига ўтириб, қўлидан ўпар экан.

Де Нусинген хоним таклифномани ўқиб чиқиб, севинганидан бир сесканиб кетди. У нам кўзларини Эженга тикди-да, шуҳратпарамастлигини ўрнига келтираётганидан мамнун бўлиб, йигитнинг бўйнидан қучоқлаб, бағрига босди.

— Ахир, бундай бахтга әришувимга сиз (сен,— деди у, йигитнинг қулоғига,— пардоз хонада Тереза бор: өҳтиёт шарт!), сиз сабаб бўлдингиз. Ҳа мен буни бахт деб дадил аташим мумкин. Модомики, бунга сиз орқали әришган эканман, демак, бу иззат-нафснинг тантанасидан ортиқроқдир. Зодагонлар даврасига мени ҳеч ким олиб киришни истамади. Ҳозир мени майда гап, бемаъни ва енгилтак хотин экан деб ўйласангиз ҳам эҳтимол, аммо азизим, ёдингизда бўлсинки, сизни деб мен ҳамма нарсами қурбон беришга ҳозирман. Сен-Жермен маҳалласига боришга өнди илгариgidан ҳам ортиқроқ интилаётган эканман, бунинг сабаби фақат шуки, сиз ўша ерда бўласиз.

— Де Босеан хоним, назаримда, ўзиникида бўладиган балга барон де Нусинген келмасин дегандек имо қилибдими, шунга нима дейсиз?— деб сўради Эжен.

— Ҳа, албатта,— деди Баронесса, хатни Эженга қайтариб берар экан.— Бундай аёллар адабсизликни ҳам жуда ўрнига қўйишади. Аммо мен барибир бораман. У ерга ҳойнаҳой опам ҳам борса керак: у ўзига ажойиб бир кўй-

лак тиктираётганидан хабарим бор. Эжен,— деди у секингина,— опам ўша балга шу кунда овоза бўлган қўнгилсиз гапларга барҳам бериш учун боради. Опам тўғрисидаги миш-мешларни әшиганингиз йўқми? Бугун өрталаб Нусинген менинг олдимга кириб, клубда опам тўғрисида ҳеч уялиб-нетиб ўтирмай нималар дейишганини айтиб берди. Ё тавба! Аёл киши билан оила номуси қандай нарсаларга боғлиқ бўлиб қолади-я! Бечора опам тўғрисидаги ўша гапларни әшитиб, жуда хафа бўлдим, ўзимни ҳақорат этилагандек ҳис қилдим. Баъзи одамларнинг гапига қараганда, жаноб де Трай юз минг франкка яқин вексель берган экан, деярлик ҳамма векселларининг тўлаш муддати ўтиб кетибди, әнді уни суд орқали ундириб олишлари кепрак экан. Унинг жуда мушкул аҳволга тушиб қолганини кўриб, опам аллақандай бир яҳудийга ўзининг ажойиб гавҳарларини сотибди; ўша гавҳарларни, әҳтимол, ўзингиз ҳам кўргандирсиз, у қимматбаҳо буюмлар опамга граф де Рестонинг онасидан мерос қолган. Хуллас, мана икки кун бўлибдики, фақат шу тўғрида гапиришади. Анастази нима учун ўзига садафли кўйлак буютирганини әнді тушуниб олдим: У де Босеан хонимницидаги балга ясаниб-тусаниб гавҳарларини ҳам тақиб келиб, ҳамманинг ётиборини ўзига қаратмоқчи. Лекин мен ҳам ундан қолишмоқчи эмасман. У ҳар доим мени ерга уришга интилади, мен унга кўп яхшиликлар қилсан ҳам, зарур бўлиб қолганида сира йўқ демай, пул топиб бериб турсам ҳам, ҳеч вақт менга яхшилик қилган эмас. Келинг, қўйинг-э, зодагонлар тўғрисида гапларни бас қилайлик, бугун мен ўз бахтиёрлигимдан ҳузур қилмоқчиман.

Кечаси соат бир бўлганда ҳам Растињак де Нусинген хонимницида әди: у хайрлашиш олдидан Эженни шодлик баҳш әтувчи бўсалари билан меҳрибонона ўпар экан, ғамгинлик билан деди:

— Мен қўрқоқ, иримчи аёлман, нима десангиз денгу, аммо қўрқувдан юрагим қинидан чиқиб кетай деялти: бундай баҳтга әришганим бурнимдан чиқиб, бирор фалокатга учраб юрмасам әди.

— Ёш бола әкансиз-ку! — деди Эжен.

— Тўғри, бугун ёш бола сиз эмас, мен,— деди у кулиб.

Эжен өртагаёқ бу ердан кўчиб кетаман деган қатъий қарор билан «Воке уйи»га қайтиб келди; йўл-йўлакай у баҳтнинг муаттар ҳиди ҳали дудоқларидан аримаган ёш йиғитларга хос ширин хаёлларга берилиб келди.

Эжен Горио отанинг әшиги ёнидан ўтиб кетаётганида, чол ундан:

- Хўш, ишлар қалай? — деб сўради.
- Эртага ҳаммасини айтиб бераман, — деди Растиньяк.
- Ҳаммасини-я? Ростданми? — деди чол. — Бўпти, ётиб ухланг. Эртадан бахтли кунларимиз бошланади.

Эртаси куни өрталаб Растиньяк билан Горио оилавий пансиондан кўчиб кетишга шайланиб, фақат ҳаммолнинг келишини кутиб ўтирган әдилар, соат ўн иккиларда бирдан Нев-Сент-Женевьев кўчасидан гумбурлаб келаётган арава овози эшитиди, гидираклар овози «Воке уйи» остонасига келиб тинди. Узининг каретасидан де Нусинг хоним тушиб келди ва отам ҳали шу ердами, деб сўради. Сильвиядан тасдиқ жавобини олгандан кейин, чақонлик билан юрганича зинадан юқори чиқиб кетди. Эжен ўзининг хонасида әди-ю, аммо бундан Горио отанинг хабари йўқ әди. Нонушта вақтида у Гориога, соат тўртда д'Артуа кўчасида учрашамиз, менинг буюмларимни ҳам олиб бора-шеринг, деган әди. Лекин чол ҳаммол қидиргани кетганда, Эжен гизиллаганча Адлия мактабига бориб, йўқламадан ўтган ва ҳозир авбаройи ийиб кетиб, муҳаббатдан кўзи кўр бўлаёзган Горио мен учун ҳам ҳақ тўлаб юрмасин деган андиша билан Воке хоним билан ҳисоб-китоб қилгани орқасига қайтган, аммо унинг қайтиб келганини ҳеч ким сезмаганди. Бека уйдан чиқиб кетган экан. Эжен бирор нарсани әсимдан чиқариб қўймадиммикан деб юқорига, ўз хонасига чиқди-ю, тунов куни Вотренга берган векселининг ўша куни қайтариб олиб, ташлаб қўйганича ҳали ҳам стол тортмасида ётганини кўриб, яхши ҳам чиққан эканман, деб хурсанд бўлди. Печкага ўт ёқиммаган әди, шунинг учун, у векселни энди майда-майда қилиб йиртиб ташламоқчи бўлиб турган әди, Дельфинанинг овози эшитилиб қолди, унинг овозини таниб, товуш қилмаслик учун йиртмади-да, Дельфинанинг мендан яширадиган сири бўлиши мумкин әмас, даб ўйлаб, жим турганича қулоқ солди. Ота-боланинг гапи бошиданоқ шундай қизиқ чиқиб қолдики, Растиньякнинг қулоги динг бўлди.

— Оҳ, дадажон, — деди қизи отасига, — менинг маблағларим тўғрисида жуда вақтида ҳисобот сўраган экансиз, хайрнят, сал бўлмаса хонавайрон бўлаёзган эканман! Бу ерда баҳувур галираверсам бўладими?

— Бўлади, уйда ҳеч ким йўқ, — деди Горио ота, овози титраб.

— Нима, бўлди сизга, дада? — деб ташвишланиб сўради де Нусинген хоним.

— Бошимга гурзи билан ургандек гангитиб қўйдинг, қизим,— деди чол.— Ҳудо ўз паноҳида асрасин, болам! Сени қанчалик яхши кўришимни билмайсан, билганингда, бундай ғалларни менга тўсатдан айтмаган бўлардинг, кейин, тузатса бўладиган хато экан-ку. Бирпастан кейин ўзимиз ҳам д'Артуа кўчасига кетай деб турганимизда, нега бундай шошилиб қолдинг?

— Оҳ, дадажон, хонавайрон бўлай деб қолганини эшитган одам ўзини тутиб тура оладими? Ақлим шошиб, ҳушим учди. Ишончли вакилнингиз, иш оқибати хонавайронликка олиб келса ажаб эмас, деб огоҳлантириди бизни. Ҳозир сизнинг кўп йиллик савдо-сотиқда ортирган тажрибангиз жуда зарур бўлиб қолди, чўкиб кетаётган одам хасга ҳам ёпишади, мен ҳам ана шу қабилда олдингиэга келдим. Жаноб Дервиль Нусингеннинг ҳар хил ҳийла-найранглар билан тўғаноқ бўлаётганини кўрганидан кейин бундай қиласверсангиз судга бераман, суд раисининг қарор чиқариб бериши қийин иш эмас, деб пўписа қилибди. Бугун эрталаб Нусинген менинг олдимга кириб, менинг ҳам, ўзингизнинг ҳам хонавайрон бўлишимизни истаб қолдингизми, деб сўради. Мен бўлсам, бу ишларга ҳеч ақлим етмайди, менинг ўз маблағларим бўр эди, ўша пулларимдан ўзим фойдаланмоқчиман, ҳар хил чигалликларни ечиш ёса — ишончли вакилнинг вазифаси, ўзимнинг бундай ишларга ақлим етмайди, барибир ҳеч нарасага тушунмайман, дедим. Ахир, ўзингиз ҳам худди шундай деб ўргатиб қўйган эдингиз-ку, а?

— Тўғри,— деди Горо ота.

— Шундан кейин, Нусинген мени ўз ишлари билан таништириди. У қўлида бор пулларининг ҳаммасини — ўзиникини ҳам, меникини ҳам, эндигина ташкил қилинган бир ишга сарфлаб қўйган экан, иши ўнгидан келсин деб, кўп миқдордаги пулларни чет эллардаги банкларга жойлаштирибди. Пулларимни қайтариб беришга уни мажбур этсан, синиб қолар экан; борди-ю, бир йил кутиб туришга рози бўлсам, пулимни икки-уч ҳисса ортиги билан қайтариб беришга ор-номусини ўртага қўйиб қасамлар ичди, пулимни ер олди-соттиси билан боғлиқ ишларга жойлаштириб бермоқчи бўлди, ўшандан кейин пулларингизни нима қиласангиз ўзингиз биласиз, деди. Дадажон, у астойдил куйибишиб гапирди, мени бирам қўрқитиб юбордик! Нусин-

ген бутун қилмишлари учун мендан уэр сўради, менга тўла әрк берди, кўнглингиз қандай хоҳласа, шундай яшайверинг, деб рухсат ётди, аммо менинг номимдан иш кўриш учун унга тўла ҳуқуқ беришимни шарт қилиб қўйди. Астайдил гапираётганига ишонишим учун Нусинген пулларимни менга ўtkазиб бераётганида, қофозларни қанчалик тўғри тўлдирганини келиб кўриши учун истаган вақтимда Дервилни чақириб туришимга рози бўлди. Қисқаси, у оёқ-қўлини боғлаб, менга таслим бўлди. У мендан яна икки йилгача уй-рўзгорга бош бўлиб туришни, ўзим учун у белгилаб қўйгандан ортиқ пул сарф қилмаслигимни ёлбориб илтимос қилди. У менга сиртдан қараган одамга ҳамма ишлари яхши бораётгандек кўринишга мажбур эканини, раққосасидан ажралишганини, тўлов қувватини кетказиб қўймай, бошлаган ишларини охирига етказиши учун жуда тежам билан, аммо буни жуда сир сақлаган ҳолда, яашашга мажбурулгини исботлаб берди. Мен уни қўпроқ сиқишириб, қўпроқ гап билиб олишга ҳаракат қилиб, ўзини роса уришдим, биронта ҳам гапига ишонгим келмади. Менга у ҳисоб-китоб дафтарини ҳам кўрсатди, охири, сира бўлмагандан кейин, йиғлаб юборди. Эркак қишининг бундай ҳолатга тушганини илгари сира ҳам кўрмаган әдим. Эс-ҳушидан адашиб қолди, ўзимни ўлдираман деди, кейин алаҳсирай бошлади, унга жуда раҳмим келиб кетди.

— Шу ёлғон-яшиқларга ишондингми, а! — деди фифони фалак бўлиб Горио ота.— Ахир у найрангбоз-ку! Мен иш юзасидан немислар билан учрашганман. Уларнинг деярли ҳаммаси оқ кўнгил, очиқ сўз одамлар эди, аммо бирор немис ўзини оқ кўнгил ва очиқ сўз қилиб кўрсатишга тиришиб, ҳийла-найранг ишлата бошладими, вассалом — бунда уларга ҳеч ким тенг келолмайди. Эринг сени лақиллатяпти. Уни қийин-қистоққа олишган бўлишса керак, ўлигини ташлаб олипти, у шу пайтгача ўзининг номидан хўжайнлик қилиб келар әди, әнди сенинг номингдан ундан ҳам әркинроқ хўжайнлик қилмоқчи. Нусинген ишлари ўнгидан келмай қолгудек бўлса, бу вазиятдан фойдаланиб чап бериб қолмоқчи. У аглаҳ ҳам айёр, ҳам хиёнаткор одам. Иўқ, иўқ, мен қизларимни қашшоқликда қолдириб, Перлашез қабристонига равона бўлмоқчи эмасман! Менинг ҳам баъзи нарсаларга ақдим етади! Ҳамма пулларини катта ишларга сарфлаб қўйибдиларми! Жуда соз! Шундай қилган бўлса, ўша ишларга маълум қимматга эга бўлган маблағлар, тилхатлар, битимлар билан иштирок этган.

Сенга ана ўшаларни кўрсатсии, ўшалар билан ҳисоб-китоб қиласин. Биз фойдалироқ ишлардан ўзимизга маъқулини танлаб оламиз, бахтимизни синааб кўрамиз. Қўлнимизда қонуний равишда тасдиқланган, эри барон де Нусингендан мол-мулкини ажратиб олган Дельфина Горио номидаги ўз фирмамиз бўлади. Бизни аҳмоқ деб ўйлайди шекилли, а? Наҳотки у сенинг мол-дунёсиз, бир бурда нонсиз қолганингни кўриб туриб, мени дунёда икки кун бўлса ҳам яшай олади деб ўйласа? Йўқ, мен бир кеча ҳам, бир кун ҳам, икки соат ҳам яшай олмайман! Агар ростдан ҳам иш шундай бўлиб чиқса, ўлиб қоламан! Буни қаранг-а! Кирқ йил ишладим, қора терга ботиб, қоп кўтардим, сизларни деб умр бўйи не-не қийинчиликларга чидамадим, ҳар қандай оғир юкимни енгил қилган, ҳар қандай ишни осон қилган фақат сизлар бўлдингиз, оппоқ қизларим! Энди эса менинг бутун ҳаётим, бутун топган бойлигим чиппакка чиқар экан-да! Бунақада газабдан бўғилиб ўламан! Жамики авлиё-ю, анбиёлар ҳақига қасам ичиб айтаманки, унинг бутун кирдикорларини очиб ташлаймиз, бутун ҳисоб-китоб дафтарларини, кассасини, ишларини текшириб кўрамиз! Мол-мулкингнинг бутунлиги и исботлаб беришмагунча ёнбошим ер кўрмайди, кўзимга уйқу келмайди, томогимдан луқма ўтмайди! Худога шукурки, сиз эр-хотиннинг маблағларингиз бирга қўшиб юборилмаган, алоҳида-алоҳида, бахтимизга, соф виждонли Дервиль сенинг вакилинг бўлади. Худойимнинг карами улуғ! Сенинг миллион пулинг бор, умринг охиригача эллик мингдан йиллик даромад өгаси бўлиб қоласан, йўқса, Парижда шундайғовга кўтарайки, ҳамма ҳайрон қолсин! Трибуналларда бизга қарши қарор чиқарсалар, Палатага мурожаат қиласан. Ишқилиб, пулингни совуриб юбормаган бўлса, пулинг бутун бўлса бас: фақат шуни ўйлаб дардим енгиллашди, ғамим камайди. Пул — ҳаёт деган сўз! Пул — жамики нарсанинг боши! Эльзаслик тўнка бизни нималарга маҳкум әтмоқчи-а? Дельфина, сени занжирбанду, бахти қаро қилган семиз тўнгизга ярим лиар ҳам ҳақингни кетказма. Ҳамон унга керак өкансан, унинг бир грибонидан оламиз, ақлини киргизиб қўямиз. Е раббий! Бошим қизиб кетди ичидан алланарса куйдириб юборяпти. Менинг Дельфинам чўкиб кетмаслик учун чўп-хастга ёпишар даражага етибди-я! Сен-а! Менинг Фифинам! Минг лаънат! Қўлқопларим қани менинг? Қани, кетдик, ҳамма нарсани ҳозироқ кўришни истайман, ҳаммасини; ҳисоб-китоб дафтарларини, нақдиналарни, ёзишма-

ларни; барча ишларини кўришини истайман. Пулларинг бехатар әканлигини исботлаб бермагунича тинчимайман; ҳаммасини ўз кўзим билан кўришим керак.

— Дадажон, әхтиёт бўлиб иш кўринг! Сал бўлса ҳам ўч олиш ниятингиз борлиги сезилиб қолса, очиқдан очиқ адоват билан иш кўрсангиз, хонавайрон бўламан. У сизни билади, сепимнинг нима бўлганига сизнинг гапингиз билан қизиқаётганимизга ҳам тушунади, албатта, менинг пулларим унинг қўлида, аммо у пулни қўлидан сира ҳам чиқармоқчи әмас. У шундай одамки, бутун бойликини ўзи билан олиб қочиб кетишдан ҳам тоймайди, унда биз икки қўлимизни бурнимизга тиқиб қолаверамиш! У ўз номимга доғ тушириб, уни таъқиб қиласлагимни тушунади. У айни вақтда ҳам ожиз, ҳам кучлидир. Бу тўғрида роса ўйлаб кўрдим. Биз унинг тоқатини тоқ қиладиган бўлсак, бизни хонавайрон қилиши турган гап.

— Демак, қаллоб әкан-да, у?

— Ҳа, дада, худди шундай,— деб отасининг гапини маъқуллади у, йиғи аралаш ўзини креслога ташлаб.— Қивимни шундай ярамас одамга берган эканман деб, хафа бўлишингизни ўйлаб сизга индамаган әдим. Унинг асл ҳаёти, номуси, виждони-ю, исқирт бадани — ҳаммаси бир-бирига монанд! Даҳшат-а, даҳшат! Уни кўргани кўзим йўқ, афти қурсин! Ҳа, менга шундай гапларни айтдики, бундай алаҳни асло ҳурмат қила олмайман. У қилмоқчи бўлган молиявий қаллобликларини менга сўзлаб берди, шундай ишларни ихтиёр қилмоқчи бўлган одамда заррача ҳам виждон бўлмайди, унинг дилидаги гапларни аниқ уқиб олдим, менинг ҳамма хавотирларим ўшандан. Уз эрим бўла туриб, уялмай-нетмай, менга тўла ёрк берди — бу билан нима демоқчи әканини биласизми ўзи? — лекин өвазига, ўйлаб қўйган ишлари чипакка чиққудек бўлса, унинг қўлида қурол бўлиб қолишим лозимлигини, қисқаси, унинг ишларида сохта хўжайин бўлиб хизмат қилишим кераклигини шарт қилиб қўйди.

— Лекин қонун бундай ишларга қарши-ку! Бундай куёвларинг жазосини берадиган Грэв майдони бор! — деди куйиб Горио ота.— Агар жаллод бўлмай қолса, калласини ўзим чопиб таштайман!

— Йўқ дада, унга қарши қонун йўқ. Нусингеннинг нима деганига қулоқ солинг-а, бошимни айлантирган ҳар хил мужмал икир-чикирларни ташлаб юборганда, икки оғиз қилиб бундай деб айтса бўлади: «Е ҳамма ишларим

чиппакка чиқади ва бунда сиз бир лиарга ҳам әга бўлолмай қолаверасиз; бу — хонавайрон бўлдингиз деган сўз, чунки мен сиздан бошқа ўзимга сирдош тополмайман; ёки бошланган ишимни охиригача етказиб олишимгача қўйиб берасиз». Тушундингизми? У ҳозирча менинг қадримга етиб турибди. Менинг аёллик номусим унга кафиллик ўрнида ўтиб турибди: мен унинг пулларини ўзлаштириб олмаслигимни, ўзимнинг пулим билан кифояланиб қолишимни билади. Мен мана шу муттаҳамлик, виждонсизлик асосига тузилган битимга кўнишга мажбурман, акс ҳолда хонавайрон бўлиш им турган гап. У менинг номусимни сотиб олмоқчи, бунинг әвазига кўнглим истаганича Эженинг хотини бўлишинга рухсат бермоқчи. «Ҳар қанча гуноҳ қиласанг ҳам майли, қилавер, аммо менинг ҳам камбағалларни хонавайрон қилишдек ёвуаликларимга рухсат беришинг керак!» Наҳотки, бу фикри ҳам аниқ бўлмаса? Амалий иш деб нимани айтишини биласиэми? У ўз номига қуруқ ер сотиб олади-да, кейин ўртага қаллоб одамларни қўйиб, уларга ўша ерларда уй қуришни топширади. Бу ўртадаги одамлар тўғри келган пудратчилар билан битишиб, уларга уй қуришни баҳолаб берадилар, меҳнатга эса узоқ муддатли векселлар билан ҳақ тўлайдилар, кейин эса, бир оз чойчақа ҳисобига менинг әримга иморат қуриш учун пул олганликлари ҳақида тилхат берадилар; шундан кейин бу уйларнинг хўжайини Нусинген бўлиб қолади, ўртадаги сохта хўжайинлар эса ўзларини синган деб өълон қилиб, пудратчиларни ўтдек куйдириб кетадилар. Нусинген хонадонининг савдо фирмаси бечора қурувчиларнинг кўзини бўяш учун хизмат қилади. Буларнинг ҳаммасини яхши тушуниб олдим. Бошқа яна бир нарсани ҳам тушуниб олдим: Нусинген каттакатта харажатлар қилиб қўйганини исботлаш учун Амстердам, Неаполь, Лондон, Венага анча-мунча пул ўтказиб қўйган әкан. У пулларни биз қандай ҳам қилиб хатлаймиз?

Эжен Горио отанинг гумбуrlаб полга тиз чўкиб қолганини әшиитди.

— Е парвардигор, нима гуноҳ қилувдимки, мени бунча азоблайсан? Қизим бир ярамаснинг қўлига тушиб қолибди, у абллаҳ эса истаган нарсасини талаб қила олади. Кечир мени, қизим! — деди инграб чол.

— Рост, мен бундай тубсиз жар ёқасига келиб қолган эканман, бунга, эҳтимол, сиз ҳам сабабидирсиз,— деди Дельфина.— Эрга тегаётганимизда биз ҳали жуда тентак бўламиз, Унда биз жамоат нима, муомала нима, әркаклар-

ни ҳам, урф-одатларни ҳам билмаймиз! Биз учун оталаримиз ўйлаши керак. Отажон, шундай деганим учун кечиринг мени, сизга таъна қилиш учун шундай деяётганим йўқ. Ҳозир бошимизга тушиб турган ишда фақат ўзим айборман. Дада, йигламанг,— деди у отасининг пешонасидан ўпид.

— Сен ҳам йиглама, жонгинам Дельфина. Кел, кўзларингдан ўпид, кўз ёшларингни қуритай. Шошма! Ҳозирмана бу хомкаллага эс-ҳушимни йиғиб олай, кейин әринг чигаллаштириб ташлаган тугунни ечишга ҳаракат қилиб кўраман.

— Йўқ, бу ишни ўзимга қўйиб беринг: әrimни ўзим ўйлга солиб кўраман. У мени севармиш — жуда соз! Унга сўзим ўтишидан фойдаланиб, капиталнинг бир қисмига менинг номимга ер сотиб олишга мажбур қиласман. Эҳтимолки, Нусингенларнинг Эльзасдаги собиқ мулкини менинг номимга қайтариб сотиб олишга мажбур қилиб бўлса ҳам кўндира оларман. У ўша мулкни жуда қадрлайди. Сиз эса әртага унинг ҳисоб-китоб дафтарлари ва ишлари билан танишгани борасиз. Дервиль савдо-сотиқ ишларига унча тушунмайди... Йўқ, әртага борманг. Диққат бўлишни истамайман. Индинга де Босеан хонимнинг бали, ўзими эҳтиёт қилмоқчиман, балга чиройли бўлиб, очиқ чеҳра билан бормоқчиман,— азиз Эженинг гурури-ю, кўрки бўлишни истайман! Юринг, унинг хонасини кўриб чиқамиз.

Шу пайт Нев-Сент-Женевьев кўчасига карета келиб тўхтади, шу заҳоти зинада графиня де Рестонинг Сильвиядан:

— Отам уйдама? — деб сўрагани эшитилди.

Бу ҳол Эженини қутқариб қолди, бўлмаса у каравотга ётиб олиб, ўзини ухлаганга солмоқчи эди.

— Вой, дада, Анастази тўғрисида ҳеч гап эшиганинг из йўқми? — деб сўради Дельфина, опасининг овозини таниб.— Афтидан, унинг оилавий ҳаётида ҳам бир чатоқ иш юз берганга ўхшайди.

— Нима бўлиби? — Горио отанинг қути учди.— Бўлмаса ўлибман энди: иккита кулфатни баравар қўтара олмайман.

— Салом дада,— деди ичкари кириб келар экан графиня.— Ҳа, сен ҳам шу ердамидинг, Дельфина?

Синглисининг бу ердалигидан графиня сал хижолат тортгандек кўринди.

— Салом, Нази,— деб жавоб қилди унга баронесса.—  
Мени бу ерда кўриб ҳайрон бўляпсан шекилли? Мен да-  
дамлар билан ҳар куни кўришиб тураман.

— Қачондан бери?

— Бу ерга келиб турганингда, билган бўлардинг.

— Мени кўп койий берма, Дельфина,— деди йигламоқ-  
дан бери бўлиб графиня,— мен бир баҳти қароман! Оҳ,  
отажон, адо бўлдим мен!. Бу сафар энди бутунлай адои  
тамом бўлдим...

— Нима бўлди сенга, Нази?— деб юборди Горио  
ота.— Бор гапни бизга айтавер, қўзичоғим. Рангинг оқа-  
риб кетди. Дельфина, бўлсанг-чи! Ердам қил унга, сал бўл-  
са ҳам меҳрибонлик қил, шунда сени яна ҳам кўпроқ яхши  
кўраман, бундан ортиқроқ яхши кўришнинг иложи борми-  
кан ўзи!

— Бечора Нази,— деб опасига ачингган бўлди Нусин-  
ген хоним, уни стулга ўтқазар әкан.— Шу эсингда бўлсин-  
ки, фақат биз отам иккаламиз сени шундай яхши кўрамиз,  
доим кечиришга тайёрмиз. Туқдан туқдан билан топишиб  
кетади, жигар әмасми!

У опасига маҳсус туз ҳидлатди, графиня ҳушига келди.

— Бу гаплардан кейин мен одам бўлмайман энди,—  
деб қўйди Горио ота, печкадаги ёниб турган торфни ков-  
лаштирад әкан, қизларини ёнига чақирди.— Берироқ ке-  
линглар. Негадир, совқотиб кетялман. Нима бўлди  
сенга, Нази? Тезроқ гапирсанг-чи, ўлдирасан-ку мени...

— Гап шундаки, әrim ҳамма воқеадан хабардор бўлиб  
қолибди,— деди бечора хотин.— Максимнинг тунов кунги  
вексели эсингиздами, дада? У Максимнинг биринчи век-  
сели әмас әди. Мен унинг бундай векселларини кўп тўла-  
ганман. Январь ойининг бошларида, назаримда, граф де  
Трайни аллақандай ғам әзаётгандек туюлди. У менга ҳеч  
нарса дегани йўқ, аммо яхши кўрган одамингнинг кўнгли-  
да нима гаплар бўлаётганини пайқаб олиш қийин әмас: сал  
имо-ишора бўлса кифоя, бундан ташқари, кишининг кўнгли-  
ҳам бундан гувоҳлик бериб туради. У шундай меҳрибон,  
шундай ширинсўз бўлиб қолдики, менга ҳеч вақт бунчалик  
меҳр кўрсатмаган әди, мен әса бундан бениҳоя баҳтиёр  
әдим. Бечора Максим! Кейин маълум бўлдики, у ўзини  
отиб ўлдирмоқчи бўлиб, хаёлан мен билан хайрлашиб  
юрган әкан. Бу хафаликнинг сабабини роса суриштиридим,  
кўп ялиндим, олдида икки соат тиз чўкиб турдим, ниҳоят,  
у менга юв минг франк қарзи борлигини изҳор әтди.

Дада! Юз минг-а! Эсдан оғаёздим. Сизда пул қолмаган, бор пулингизни оз-оздан шипириб кетгандим...

— Йўқ, бунча пулни топиб беролмасдим,— деди Гorio ота,— бирор жойдан ўрилиқ қилмай, бунча пулни тополмасдим. Ўрилиқ қилишдан ҳам тап тортмасдим. Тап тортмайман ҳам.

Улим олди гаргарасидек ожиз бўлган бу гап ниҳоятда мажколсивланган ота кўнглидаги ҳиссиётнинг қай даражага етганидан дарак берганини кўрган опа-сингил жим қолиши. Тубсиз жарга ташланган тош унинг қанчалик чуқурлигини кўрсатганидек, аламнинг нечоғлиқ теранлигини исботловчи бу қалб нидосига қайси худбин бефарқ қарай оларди?

— Дада, мен ўзимники бўлмаган нарсаларни гаровга қўйиб пул топдим,— деди графиня кўз ёши тўкиб.

Дельфина бундан таъсиrlаниб кетди, опасининг елка-сига бошини қўйиб йиглаб юборди.

— Демак, тўғри экан-да!— деди у.

Анастази бошини қуий солди; Нусинген хоним опасими қучоқлади, уни маҳкам бағрига босиб, ўпти.

— Биз сени қораламаймиз, биз сени севамиз,— деб қўшиб қўйди у.

— Пари қизларим,— деди ожиз бир товуш билан Гorio ота.— Сизларни учраштириш учун бошимизга фалокат тушуви шарт экан, нега бундай-а?

— Максимнинг ҳаётини, бу билан эса ўзимнинг бахтимни сақлаб қолиш учун мен бир судхўрнинг олдига бордим — ўша дўзахи судхўрни, ўша бераҳм Гобсекни ўзингиз ҳам яхши танийсиз,— деб буларнинг иссиқ муомаласи ва кўрсатган меҳрибончилигидан дадиллашган графиня гапини давом эттироди.— Бориб, граф де Ресто жуда қадрлайдиган оиласиб дур-гавҳарларнинг ҳаммасини—ўзимни-кини ҳам, унини ҳам Гобсекка сотдим! Тушундингизми? Максимни қутқариб қолдим! Аммо ўзим ҳалок бўлдим. Ресто билиб қолибди.

— Нечук? Ким айтити? Ўлдираман ўша одамни!— деб қичқирди Гorio ота.

— Кеча әrim мени олдига чақирди. Бордим... «Анастази,— деб бу сўзни шундай овоз билан айтдики... (О, шундай дейиши биланоқ ҳамма гапга тушундим!)— Анастази, дур-гавҳарларнинг қани?»— «Турибди».— «Йўқ,— деди у, менга тикилиб туриб,— улар мана бу ерда, комодда». Шундай деди-ю, устига рўмолча ёпиб қўйилган филофни кўр-

сатди. «Уларнинг бу ерга қандай келиб қолганини биласизми?»— деб сўради у. Мен унинг оёғи остига йиқилдим... Роса йирладим, қандай ўлим билан ўлишимни буюринг, деб ёлбордим.

— Шундай дедингми-ал— деб юборди Горою ота.— Худо ҳаққи, сизларга, сенга ё синглингга озор берган ҳар қандай одамни ҳам танимда жоним бор экан, минг хил қийноққа солиб ўлдираман! Уни бурда-бурда қилиб ташлайманки, худди...

Горионинг тили танглайига ёпишиб, гапи чала қолди.

— Охири гап шунга бордикি, синглим, у мендан ўлимдан ҳам баттарроқ нарсани талаб қилди... Мен эшитган гапларнинг биронтасини ҳеч бир аёлнинг бошига солгилак қилмасин!

— Ўлдираман уни,— деди хотиржамлик билан Горою ота.— Унинг жони битта, аммо у менга иккита жон беринши керак. Кейин нима бўлди?— деб сўради у Анастазидан.

Бир оз сукутдан сўнг графиня гапида давом этди:

— Кейин, менга кўзларини тикиб туриб, нима деди денг: «Анастази, мен бу гапларнинг биронтасини ҳам ошкор қилмайман, бундан кейин ҳам бирга тураверамиз: ўртада болаларимиз бор. Жаноб де Трайни дуэлда ўлдириб ўтирамайман ҳам: ўқни теккизолмай қолишим ҳам мумкин; бошқа бирор йўл билан йўқотмоқ пайига тушсам, қонун йўли билан жазога тутилишим мумкин. Уни сизнинг оғушингизда ўлдирсан, болаларингиз шаънига дод тушираман. Мен болаларингиз шаънига ҳам, уларнинг отаси шаънига ҳам, ўзимнинг шаънимга ҳам дод туширмоқчи эмасман; шунинг учун сизга иккита шарт қўйман. Жавоб беринг: «Мендан болангиз борми?»— «Бор»,— деб жавоб бердим мен. «Қайси бири?»— деб сўради у.— «Тўнгичи, Эрнест»,— «Яхши,— деди у,— энди мен қўйган талабларга бўйсунаман деб қасам ичинг». Мен қасам ичдим. «Мен талаб қилган пайтда, бутун мол-мулкимни эримга сотганиман деб тилхат берасиз».

— Тилхат берма!— деб қичқирди Горою ота.— Асло бунга йўл қўйма! Ҳали шундай денг, жаноб де Ресто, ўзингиз хотинингизни баҳтиёр қилолмагансизки, хотинингиз баҳтини имкони бор бошқа жойдан қидирган, энди, ўзингиз уddaрай олмаган иш учун яна хотинингизни жазоламоқчи бўласизми?.. Тўхта! Мен борман ҳали! Қўрқма, Нази, унга мана мен ғов бўламан. Аҳа! Меросхўрингизни

яхши кўаркансизу! Жуда соз, жуда яхши! Уғлини ол-  
зимга олиб келиб оламан, ахир, у менга набира бўлади-ку,  
а, лаббай! У болани кўришга менинг ҳам ҳаққим борку  
ахир. Хотиржам бўлавер, уни ўзим билан қишлоққа олиб  
кетаман, унга ўзим қараб тураман. У дўзахини таслим бў-  
лишга мажбур әтаман. «Кўрамиз, ким зўр чиқишини! Ү-  
зингни қайтариб олишни истасанг, қизимга ўз мөл-мулки-  
шасин!»— дейман.

— Ота!

— Ҳа, мен отангман! О, мен ҳақиқий отаман! Аммо  
анави аblaҳ тўра қизимга зуғум қилмасин. Минг лаънат!  
Томирларимдан нима оқаётганини билолмай қолдим. То-  
миримдан шернинг қони оқиб турибди, әрларингизни тил-  
ка-пора қилиб ташлагим келиб турибди. Болаларим! Қан-  
дай маломатли кунларга қолдинглар? Бу ташвишлар мени  
ўлдиради... Мендан кейин бошингизга не кунлар тушаркин?  
Болалари тирик вақтида оталарнинг ҳам ўлмаслиги керак.  
Е худо, бу дунёни нечоғлиқ нобоп яратгансан-а! Яна,  
ўзингнинг ҳам фарзандинг бор дейишади. Болаларимиз  
ташвишидан бизни халос әтишинг керак әди. Оппоқ қиз-  
ларим, нима ҳам дердим! Фақат бошингизга ғам тушгани  
туфайли менинг олдимга келибсизлар. Кўз ёшингиздан  
бошқа ҳеч нарса кўрмадим сизлардан. Нима бўлибди! Ҳа,  
ҳа биламан, мени яхши кўрасиз. Келаверинглар, йиглаб-  
сиқтаб кетгани олдимга келиб туринглар. Менинг юрагим  
кенг — ҳар қанча дард бўлса ҳам сифади. Юрагимни пора-  
пора қилиб юборсанглар ҳам розиман, ҳар бир пора яна  
ота юрагига айланади. Ҳамма дардингизни ўзимга олишни  
истардим, сизнинг ўрнингизга ўзим азоб чекишини истар-  
дим. Кичкиналигингида қандай баҳтли әдингиз-а...

— Фақат ўша пайтларда яхши кунларни кўриб қолган  
әканмиз,— деб қўйди Дельфина.— Катта омборда ўйнаб,  
қоп уюмлари устидан пастга сирғаниб юрган вақтларимиз  
қани әнди?

— Дада, бу ҳали ҳаммаси әмас,— деди графиня отаси  
қулоғига, Горио ота ўринидан сакраб туриб кетди.— Дур-  
гавҳарларга юз минг беришмади. Максим ҳали ҳам судга  
тушиш хавфидан қутулгани йўқ. Биз яна ўн икки минг  
Франк тўлашимиз керак. У менга, әнди әсимни йигиб ола-  
ман, қимор ўйнамайман, деб ваъда қилди. Унинг муҳабба-  
тидан бошқа ҳеч нима қолмади әнди? Муҳаббати менга  
жуда ҳам қимматга тушди, ундан ҳам ажралсан, ўламан.

Унинг кўйинда ҳамма нарсамдан: номусимдан, мол-мулкимдан, тинчлигидан ажралдим, ҳатто болаларимдан воз кечдим. О, ҳеч бўлмаса, уни рўшноликка чиқаринг, номига дод қўймасин, шунда киборлар даврасида бош кўтариб юра олади, бу эса унга мол-дунё ортириш имконини беради. Энди у менинг олдимда фақат ўз баҳти учунгина қарадор бўлиб қолмайди, ўртада болаларимиз бор, болалар мол-мулксиз бўлиб қолишади. Уни Сент-Пелажига\* қамаб қўйишса, ҳамма нарса барбод бўлади.

— Энди менда пул йўқ, Нази. Ҳеч нарса, мутлақо деч нарса қолмади! Замона охир бўлди. Ҳа, ҳадемай дунё остин-устун бўлади — бу муқаррар! Боринглар, вақт ганиматда қутулиб қолишнинг иложини қилинглар! Ҳа-я! Ҳали кумуш тўқаларим, олтита кумуш идишим бор-ку! Умримда биринчи марта шуларни сотиб олган әдим. Яна нимам бор?.. Фақат бир минг икки юз франкдан йиллик даромад берадиган умрбод рентам қолган, холос.

— Доимий рентангизни нима қиласингиз?

— Сотдим, ўзимга фақат мана шу озгина даромадни олиб қолдим, холос. Фифинага квартира жиҳозлаб берин учун ўн икки минг франк зарур бўлиб қолганди.

— Нима гап ўзи, Дельфина? Сенинг уйингдами? — деб сўради де Ресто хоним, синглисидан.

— Уйидами, бошқа ердами, бунинг нима аҳамияти бор? Ун икки минг фрак харажат қилиниб бўлди! — деди Горою ота.

— Фаҳмладим,— деди графиня.— Жаноб Растињак учун кетган у пуллар! Шўрлик Дельфина, ёс-хўшигни йиғ. Менинг қай ҳолга тушганимни кўриб турибсан-ку!

— Опажон, жаноб Растињак маҳбубасини хонавайрон қиласиган йигитлардан эмас.

— Раҳмат, Дельфина, шу аҳволга тушиб турганимда бундай оғир гап қиласан деб ўйламаган әдим. Мени ҳеч вақт яхши кўрмагансан.

— Йўқ, Нази, у сени яхши кўради, ҳозиргина менга шуни айтиб ўтирган әди! — деб гапга аралашди Горою ота.— Биз сен тўғрингда гаплашиб турган эдик, у сени соҳибжамол деб, ўзини эса шунчаки, сал кўҳликман деб турган әди.

— Ҳусни бўлгани билан ўзи тошюрак,— деди графиня.

— Шундай ҳам бўла қолай,— деб гап қайтарди Дельфина, қизариб.— Ҳўш, ўзинг қандай муомала қилиб кеде

динг менга? Сен мендан юз ўғирдинг, мен кирмоқчи бўлган уйларнинг эшигини мен учун ёптириб қўйишига урининг, умуман, менга ёмонлик қилишнинг иложи бор ерда қўл тортмадинг. Мен бу ерга отамдан минг-минглаб пул шилиб кетиш учун келибманми? Уни шу аҳволга мен солдимми? Бу сенинг ишинг, опажон! Мен отам билан иложи борича кўришиб турдим, уни уйимдан ҳайдаб чиқармадим, у керак бўлиб қолган пайтларда қўлини ўпиш учун келиб юрганим йўқ. Ҳатто, ўша ўни икки минг франкни мен учун сарф қилганини ҳам билганим йўқ: ўзинг биласан, пул масаласида чатоқликларга йўл қўйишни ёқтирумайман. Агар отам менга совға қиласан бўлса ҳам, мен шундай қилинг деб отамдан сўраганим йўқ.

— Мендан кўра баҳтлироқ әкансан: жаноб де Марсе бадавлат одам, бу ўзингга ҳам унча-мунча маълум, албатта. Сен ҳамма вақт олтин каби жирканч эдинг, ҳали ҳам шундай әкансан. Ҳайр сизларга, менинг энди на синглим бор, на...

— Жим бўл, Нази! — қичқирди Горою ота.

— Бу ҳеч ким ишонмайдиган гапни фақат сенек опа гапириб юриши мумкин; сен маънан заифа одамсан,— деб жавоб қилди Дельфина.

— Болаларим, болаларим, бас қилинглар, бўлмаса, ҳозир кўз олдингиизда ўзимни ўлдираман!

— Менга қара, Нази, сени кечирдим, сен баҳти қаро аёлсан! — деди Дельфина. — Аммо мен сендан яхшироқман. Сенга ёрдам бериш учун ҳатто эримнинг ётогига киришга ҳам рози бўлиб турганимда шундай дединг-а, бундай ишга ёса мен ҳатто на ўзимни деб рози бўламан, на... бу қилган ишинг кейинги тўққиз йил ичидаги менга кўрсатган ёмонликларингнинг давоми бўлди!

— Болаларим, болаларим, ярашинглар! — деб ёлборар әди ота. — Иккалангиз ҳам фариштасиз-ку!

— Йўқ, қўйинг мени! — деб қичқирди графиня, Горою ота унинг қўлидан ушлаганда у силтаниб отасининг қучоғидан чиқиб кетди.

— У менга әримчалик ҳам ачинмайди. Ўзлари сутдек оппоқ, бегуноҳу, бенуқсонлар!

— Мени жаноб де Марсега қарздор деб гийбат қиласалар қиласаверишсин: менимча, бу — жаноб де Трайнинг сенга юз мингдан ҳам қимматга тушиб турганидан кўра афзалроқ! — деб жавоб қилди де Нусинген хоним.

— Дельфина! — деб қичқирди графиня, синглиси олдига бостириб келар экан.

— Мен бор ҳақиқатни гапиряпман, сен эса менга туҳмат қиляпсан! — деди совуққина қилиб баронесса.

— Дельфина, сен...

Горио ота юурганича графиня олдига келди-ю, ортиқ гапиргани йўл қўймай унинг оғзини ёпди.

— Ё раббий, қўлингизни нимага урган әдингиз бугун? — деб сўради ундан Анастази.

— Ҳа-я! Узр,— деб кечирим сўради бечора ота, қўлини чоловорига артаркан.— Кўчиб кетаётган әдим, сизларнинг келишингизни қайдан билибман.

Қизининг ғазабини ўзига қаратиб, шундай таъна эшитганига ҳам хурсанд әди бечора ота.

— Оҳ! Юрак-бағримни әзиб юбординглар,— деб давом әтди у, жойига ўтирап экан.— Болаларим, мен ўламан! Каллам ўтда куидиргандек ёниб кетяпти. Яхши, ақлли бўлинглар, бир-бирингларни севинглар. Мени қора ерга тиқасизлар сизлар. Нази, Дельфина, қўйинглар әнди, иккалангиз ҳам ҳақлисиз, иккалангиз ҳам ноҳақсиз. Менга қара, Дедель,— деди у, жиққа ёш қўзларини баронессага тикиб,— унга ўн икки минг керак экан, кел, қаердан топиш мумкинлигини ўйлаб кўрайлик. Бир-бирингизга бунақа олайиб қараманглар.

У Дельфина олдига тиз чўқди.

— Мен учун ундан узр сўра,— деб қизининг қулоғига шивирлади у,— ахир, у сендан кўра анча баҳтсизроқ, тўғрими, а?

— Бечора, Нази,— деди отасининг овозидан унинг нақадар руҳий азобда қолганини сезган Дельфина, опасига шафқат қилиб,— мен ноҳақ әканман, кел, мени ўпа қол...

— О, юрагимга малҳам қўйдингиз! — деди Горио ота.— Аммо ўн икки минг Франкни қаердан топамиз? Ё битта яримтанинг ўрнига солдатликка кетсаммикан?

— Нималар деяпсиз, дада? Йўқ, йўқ! — дейишди иккала қизи ҳам унинг олдига келиб.

— Шундай деганингизгаям худо хайрингизни берсин, сизга миннатдорчилик билдириш учун бутун умримиз ҳам етмайди! Тўғрими, Нази? — деди Дельфина.

— Бундан ташқари, дадажон, бу денгиздан бир томчи бўлар әди, холос,— деди графиня.

— Демак, ўз қонимни тўкиб ҳам ҳеч қандай ёрдам қилолмас әканман-да? — деди фарёд чекиб чол... Сени

қутқазган одамнинг қули бўлардим, Нази! Ўша одам учун бошқа биронта одамни ўлдиришга ҳам розиман. Вотрендек сургунга кетишга ҳам розиман! Мен...

У тўсатдан яшин ургандек қотиб қолди.

— Йўқ, ҳеч вақо йўқ! — деди у сочларини юлиб. — Қа-ни энди пул ўғирлайдиган жойни билсам... Лекин бундай жойни топиш осон эмас. Банкни кўтариб кетиш учун вақт керак, одам керак. Ўлишдан бошқа иложим қолмаганга ўшайди. Энди ҳеч нарсага ярамай қолибман, мен энди ота ҳам эмасман! Йўқ! Қизим ёрдам сўрайяпти, муҳтож бўлиб келибди! Мен худо безор бекорчида эса, ҳеч вақо йўқ. Аҳ, сассиқ чол, икки қизинг бўла туриб, ўзингга умр-бод рента қолдириб ўтирибсан-а! Демак, уларни яхши кўрмас экансан-да! Ул, бу кунингдан кўра, ит кунида ўлиб кет! Ҳа, мен итдан ҳам баттарман, ит ҳам ўзини менчалик тутмасди! Вой бошим! Қизиб чўғдек қайнаб кетяпти!

— Дада, эс-ҳушингизни йиғинг! — деб қичқиришди ик-кала қизи, отасининг бошини деворга уриб ёришидан қўр-қиб, улар икки томонига келиб туришди.

Горио ҳўйг-ҳўйг йиглар эди. Эжен бундан даҳшатга келди, Вотренга берган штемпелли векселни қўлига олиб, унда кўрсатилган рақамни ўн икки мингга тўғрилади-да, Горио номига ўтқазиб, қўшнисининг хонасига чиқди.

— Хоним, мана сизга зарур бўлган пул, — деди графи-нияга векселни узатиб. — Мен ухлаб ётган эдим, овозингиз-дан уйғониб кетдим, сұхбатингиздан жаноб Гориога қанча қарздор эканимни билдим. Мана бу мажбурият қофозини олинг, ўз вақтида аниқ тўлайман.

Графиня гербли қофозни ушлаганича турган ерида донг қотиб қолди.

— Дельфина, — деди у газаб, нафрат ва аламдан ранги ўчиб, титраб-қақшаб, — ҳаммасини кечириб келган эдим, худо шоҳид, аммо бунисини!. Жаноб де Растињяк шу ерда экан, буни билиб туриб индамабсан! Бутун сиримни, ҳаётимни, болаларим ҳаётини, номус ва шарафимни беих-тиёр очиб солган бир пайтимда, уни бундан хабардор қилиб, пасткашлик билан ўч олдинг мендан! Шуни билиб қўй, өнди мен учун сен ҳеч нима эмассан, сендан нафрат қиласман, қўлимдан келганча сендан ўч оламан, мен...

У газабдан бўғилиб гапиролмай қолди, томоги қуриб-қақраб қолганди.

— Ахир, у менинг ўғлим-ку, у ўз кишимиз, сенинг уканг, халоскоринг-ку! — деб қичқириб юборди Горио.

ота.— Қучоқла уни, Нази! Кўрдингми, мен уни қучоқлаяпман,— деб давом ётди чол, аллақандай ҳушсизлик билан Эженини маҳкам бағрига босар өкан.— Эҳ, ўғлим! Сенга отадан ҳам афзал бўламан, бутун оиласанг ўринини босаман. Агар мен худо бўлганимда эди, бутун дунёни оёқларинг остига ташлардим! Қани, Нази, ўпсанг-чи уни! Ахир, бу одам әмас, фаришта-ку, чинакам фаришта!

— Кўйсангиз-чи уни ўз ҳолига, дада, ҳозир эс-ҳуши жойида әмас,— деди Дельфина.

— Менинг эс-ҳушим жойида әмасми! Жойида әмас дегин! Ўзинг қанақасан!— деб сўради графиня де Ресто.

— Болаларим, бас қилмасанглар ўламан!— деб қичқирди Горио ота ва худди ўқ еган одамдай каравотга гурсилаб йиқилди.

— Мени ўлдирди булар!— деб ғўлдиради у.

Графиня таърифига тил лол қоладиган бу ишлардан даҳшатга келиб, донг қотиб қолган Эженга қаради.

Дельфина тезлик билан отасининг жилем тугмаларини етиб юборган эди; графиня бунга қайрилиб ҳам қарамай, сўрамоқчи бўлган нарсасини ўзининг юз ифодаси, овозидаги оҳанг ва нигоҳларига жо қилиб Эженга қаради-да:

— Жаноб...— деди. Растињяк унинг саволини кутмай:

— Пулни тўлайман, лекин бу тўғрида ғинг деб оғиз ҳам очмайман,— деб жавоб қилади.

— Нази, отами ўлдирив қўйдинг!— деб опасига таъна қилди Дельфина, бедуш ётган отасини кўрсатиб, аммо графиня аллақачон гойиб бўлган эди.

— Кечирдим уни,— деди чол, кўзини очиб,— бечора қизимнинг аҳволи оғир, ундан бошқа одам бўлганда эс-ҳушидан ажраган бўларди. Назига далда бер, яхши гапир, ўлим тўшагида ётган отангга шундай қиламан деб сўз бер,— деб ёлборди чол, Дельфинанинг қўлини қисиб.

— Нима бўлди ўзи сизга?— деб сўради қиз, ўтакаси ёрилиб.

— Ҳеч нарса, ҳечқиси йўқ, ҳозир ўтиб кетади,— деди отаси.— Нима учундир, бошим қаттиқ оғрияпти, назла келибди шекилли. Бечора Нази, турмуши нима кечаркин унинг?

Шу пайт графиня қайтиб келди ва ўзини отасининг оёғи остига отди.

— Кечиринг!— деди у.

— Бу билан мени баттар қийнаяпсан, холос,— деди отаси.

— Жаноб,— деди графиня ёш тўла кўзлари билан Растињакка қараб,— ниҳоятда алам ўтиб кетганидан ноҳақ гапларни гапириб юборибман. Менга ини бўлишни истайсизми?— деб сўради у қўлинни узатаркан.

— Нази, ўргулай Нази, ҳамма гаплар шу ерда қолсин, унутайлик уларни!— деди Дельфина, опасини қучоқлаб.

— Йўқ, буни унутмайман!

— Фаришталарим, кўз олдимга аллақандай парда тўсиб, дунёни қоронги қилиб юборган эди, ҳозир ўша пардана сизлар очиб юбордингиз, овозингиз менга оби ҳаёт пуркади!— деди Горио ота.— Яна бир марта ўпишинглар! Хўш, Нази, шу вексель сени қутқариб қола оладими?

— Шундай деб умид қиласман. Менга қаранг, дада, бунга сиз ҳам имзо чекиб бермайсизми?

— Қандай аҳмоқ одамман-а, шу ҳам эсимдан чиқибди-я! Аҳволим оғир эди, Нази, мендан аччиғинг чиқмасин! Ташвишлардан қутулганингдан кейин менга хабар қил. Йўқ, ўзим бораман. Йўқ, бормайман, эрингни кўргани кўзим йўқ, кўрган еримда ўлдирман уни! Мол-мулкингни сотиш масаласи билан эса ўзим шуғулланаман. Бора қол энди, қизим, Максимни инсофга келтир.

Эжен ҳанг-манг бўлиб қолганди.

— Шўрлик Анастази, доим ана шундай қизиққонлик қиласди-ю, аммо ўзи оқ кўнгил,— деди де Нусинген хоним.

— У векселга ўтказма имзо чектириш учунгина қайтиб келди,— деб шивирлади унинг қулоғига Эжен.

— Ростдан-а?

— Мен ҳам рост бўлмаслигини истар әдим. У билан әҳтиёт бўлиб гаплашинг,— деб жавоб қилди йигит ва кўзларини кўкка тикиб, очиқ айтишдан чўчиган фикрларини худога изҳор қилди.

— Тўғри айтасиз, унда доим мана шундай лўттибозлик сезилиб турари, бечора дадам эса, унинг қилиқларига лақقا ишониб юради.

— Аҳволингиз нечук, отажон?— деб сўради чолдан Эжен.

— Уйқум келяпти,— деди Горио.

Растинъяк чолни ўрнига ётқизди. Чол қизининг қўлидан ушлаб ётганича ухлаб қолгандан кейин, Дельфина қўлини ажратиб олди.

— Кечқурун итальянлар театрида учрашамиз,— деб, Эженнинг ёдига солиб қўйди у,— ўшанда отамнинг соғлиғи ҳақида менга айтасиз... Эртага эса, тақсирим, бу ердан

кўчиб ўтасиз. Хонангизни бир кўрай. Қандай даҳшат-а!— деб юборди у хонага кириши билан.— Хонангиз отамни кидан ҳам баттар.— Эжен, сен ўзингни жуда яхши тутдинг. Иложи бўлса, сени бундан ҳам кўпроқ яхши кўрган бўлардим. Лекин яхши йигит, давлат орттираман десангиз, ҳозиргига ўҳшаб, ўн икки минглаб пулни худди ҳавога со-вургандек бекорга исроф қилишининг ҳеч ҳожати йўқ. Граф де Трай — қиморбоз. Опам ҳеч нарсани кўришни истамайди. У тог-тог олтинларни ютиб-ютқазиб юрган жойидан ўша ўн икки минг франкни ҳам топиши мумкин эди.

Чолнинг инграгани эшитилди ва улар Горионинг олдига қайтиб чиқиши; у ухлаб ётгандек әди, аммо икки ошиқ маъшуқ унинг ёнига келганда, чолнинг:

— Улар қандай баҳтсиз-а!— деган гапини эшилди.

Чол ухлаб ётганмиди, йўқми, аммо унинг бу нидоси Дельфинага қаттиқ таъсири қилди — у отаси ётган шалоқ каравот олдига келиб, чолнинг пешонасидан ўпди. Чол кўзини очди:

— Семисан, Дельфина?

— Қалайсиз, туузумисиз? — деб сўради қизи.

— Шукур, яхшиман, ҳеч хавотир олма, ҳадемай ўрнимдан туриб кетаман. Боринглар, боринглар, болаларим, баҳтли бўлинглар.

Эжен Дельфинани уйигача кузатиб қўйди, аммо Горио отанинг ҳоли танглигини ўйлаб, севгилисиникида овқатла-нишдан воз кечиб, «Воқе уйи»га қайтиб келди. Растињак қайтиб келганида Горио ўрнидан турган ва овқатлангани емакхонага тушиб ўтирган эди. Бъяншон вермишелчининг юзини яхшироқ кузатиш учун ўзига қулай жой топиб ўтириб олганди. Горио бир бурда нонни қўлига олиб, унинг қандай ундан ёпилганини билиш учун ҳидлаб кўрди, аммо у нима қилаётганини мутлақо сезмаётган эди — студент-медик буни чолнинг юз ифодасидан англаб олди-ю, қовоғини солди.

— Ёнимга ўтири, Кошен пансионери\*, — деди унга Эжен.

Чолга яқинроқ бўлиш учун Бъяншон жон деб ўртоғи ёнига ўтиб ўтириди.

— Нима бўлган унга?

— Агар янгишмасам, фотиҳаси ўқиб қўйилипти! Аллақандай тушуниб бўлмайдиган бир дардга йўлиқипти, фалаж касалига учрамаса эди деб турибман. Юзининг пасгр қўисми анча хотиржаму, аммо юқори қисми беихтиёр учиб-

учиб турипти, кўряпсанми? Кейин, кўзларига бир қара: аллақандай майда-майда, кулга ўхшаган бир нарса тошганга ўхшайди, шундай әмасми? Ана шу белгилар мияга қон қуюлганидан дарак беради. Эртага әрталаб аҳволи менга яна кўпроқ аён бўлади.

— Бу касалга даво бўладиган бирор дори борми?

— Ҳеч қандай дориси йўқ. Агар қонни оёқ тарафига кўпроқ оқизиб юборишнинг бирор иложини топсак, ўлими ни кечиктирса бўлади, аммо әртага кечқурунгача касалнинг ҳозирги белгилари йўқолиб кетмаса, бечора чол тамом бўлди деявер. Касалига нима сабаб бўлганини сен билмайсанми? Афтидан, у жуда қаттиқ руҳий азобни бошидан кечирган кўринади, ана шунга қалби бардош беролмаган.

Растинъяк, чолнинг иккала қизи ҳеч тинмасдан, бири олиб, бири қўйиб, ота бечоранинг дилига озор етказишганини өслаб:

— Тўғри,— деб жавоб қилди.

«Дельфина отасини яхши кўрар әкан», деб қўйди Эжен ўзига ўзи.

Кечқурун, Итальянлар театрида Эжен де Нусинген ҳонимни жуда ҳам хавотирга солиб қўймаслик учун, отаси ҳақида эҳтиёт билан гап бошлади. Лекин Дельфина шу заҳотиёқ Растинъякнинг гапини шартта бўлди:

— Хавотир олманг, отам бақувват одам. Аммо тўғри, бугун әрталаб биз уни бир оз қийнаб қўйдик. Гап бойлигимиздан ажраб қолиш устида боряпти, бундай баҳтсизликнинг оқибати нима бўлишини кўз олдингизга келтира оласизми? Агар сизнинг муҳаббатингиз, яқингинада мен учун гўр азобидек мусибатли бўлган нарсаларнинг ҳаммаси билан бефарқ муносабатда бўлишга ўргатмаганда, ҳозир бу дунёда яшамаган бўлардим. Энди, мени ҳаёт шодликлари билан боғлаб турган муҳаббатдан ажраб қолишдан ортиқ ҳеч нарса қўрқитмайди, мен учун бундан ортиқ фалокат бўлиши мумкин әмас. Мана шу ҳисдан бошқа ҳеч нарсанинг менга қизиги йўқ, бошқа ҳеч нарсанинг қадр-қиммати йўқ. Сиз мен учун бутун оламсиз. Модомики, бойлик менга ҳузур бағишлиар әкан, бунинг сабаби фақат шуки, ўша бойлик орқасидан сизга яна ҳам кўпроқ ёқиши имкониятига эга бўламан. Уят бўлса ҳам айтиб қўяй, мен отамга қиз бўлишдан кўра, кўпроқ сизнинг ўйнашингизман. Нима учун? Ўзим ҳам билмайман. Бутун ҳаётим сизга боғлиқ. Юракни менга отам берган бўлса, сиз унга ҳаёт бағишиладингиз. Мени бутун жамият қораласин, менга ба-

рибир, ўзимни тия олмай шу ҳисга берилиб кетиб, жиноят қилиш даражасига борган әканман, мендан норози бўлмай — бундай қилишингиз учун ҳеч қандай сабаб ҳам йўқ ўзи — бу қилғилиғимни кечирсангиз бас. Наҳотки, мени отасига нисбатан бераҳим әкан деб ўйласангиз? Асло ундей әмас, бизнинг отамиздек яхши отани севмай бўлмайди! Никоҳимизнинг оқибати баҳтсиз бўлиши муқаррар әканки, буни отамнинг ўзи ҳам ниҳоят тан олди, аммо мен қандай тўсқинлик қила олардим бу баҳтсизликка? Бизнинг мана шу тариқа турмушга чиқишимизга нима учун отам қаршилик кўрсатмади? Бизнинг ташвишимизни шу отам қилиши лозим эмасмиди? Биламан, у ҳам ҳозир Нази билан мендан камроқ ташвиш чекаётгани йўқ, аммо биз нима қила олардик? Далда беришимиз керакми? Барибир овутганимизга кўнмасди. Тақдиримизга тан бериб кетишимиз, оҳфарёд чекишимиздан ҳам кўпроқ азоб беради унга. Ҳаётда шундай вазиятлар бўладики, унда ҳар қандай сабаб оқибатида ҳам фақат алам-изтироб вужудга келади.

Эжен юракдан чиқарип айтилган бу гапларга қулоқ солиб, индамай ўтиради. Парижлик аёллар кўпинча соҳтахор, шұҳратпараст, худбин бўладилар, ортиқча ноз-ишва қиласидилар ёки совуққина муомала қиласидилар, аммо улар чин юракдан севиб қолгудек бўлсалар, ҳирсий туйғуларга бошқа аёллардан кўра кўпроқ бериладилар, деб дадил айтиш мумкин; улар ўзларининг майда хусусиятларидан устун келадилар ва қалбан юксакка кўтариладилар. Бундан ташқари, Эженини Дельфинанинг теран ақли ҳайрон қолдириди, аёл киши бирор муқаддас орзуга берилиб, бошқа нарсаларни гўё четдан назорат қилиб тургандек туялган пайтларда оддий, табиий ҳиссиётлар тўғрисида ана шундай салобат билан муҳокама юритади.

Де Нусинген ҳоним Эженнинг жим ўтирганига хафа әди.

— Нималарни ўйлаб ўтирипсиз?

— Айтган гапларингизга ҳамон қулоқ солиб ўтирибман. Шу пайтгача мен сизни, сиз мени яхши кўрганингиздан ортиқроқ севаман деб ўйлаб юардим!

Дельфина табассум қилди, аммо сұҳбатни ҳозирги вазият талаб қилган чегарадан ошириб юбормаслик учун шодлигини босди. Шу пайтгача у ёш йигитнинг бу хилда титроқ товуш билан чин юракдан муҳаббат изҳор қиласини ҳеч әшишмаган әди. Сұҳбат шу тарзда яна сал давом ётса, у ўзини боса олмай қолиши муқаррар әди.

— Эжен, зодагонлар даврасида нима ишлар бўлаётга-

нидан, наҳотки хабарингиз бўлмаса?— деб гапни бошқа ёққа бурди у.— Эртага бутун Париж виконтесса де Босеанникуга тўпланади. Маркиз д'Ажуда билан Рошфидлар ҳеч гапни ошкор қилмай туриш тўғрисида битишиб олишган, аммо эртага қирол уларнинг никоҳ битимини тасдиқлади, бечора қариндошингиз эса ҳали ҳеч гапдан хабари йўқ. У бални тўхтатиб қўя олмайди, маркиз эса балга бормайди. Ҳозир ҳамманинг оғзида ана шу гап.

— Зодагонлар эса бу пасткашликка мамнуният билан иштирок қиляпти! Бундай иш содир бўлса, де Босеан хотим ғамдан куйиб кул бўлишини, наҳотки тушунмасангиз?

— Йўқ,— деди жилмайиб Дельфина,— сиз ҳали бу хилдаги аёлларни билмайсиз. Ҳа, эртага уникуга бутун Париж тўпланади, мен ҳам ўша ерда бўламан. Бундай баҳтга мен сиз туфайли мусассар бўлдим.

— Эҳтимол, бу ҳам Парижда кўп учрайдиган мишишлардан биттасидир?— деди Растињяк.

— Тўғрисини эртага биламиз.

Эжен «Воке уйи»га қайтиб бормади. Үзининг янги квартирасидан сира чиқиб кетолмади. Кеча Дельфина билан кечаси соат биргача қолиб кетган эди, бугун эса Дельфина соат иккита уйига кетди. Эртаси куни эрталаб у жуда кеч уйғонди ва уникуда ионушта қилмоқчи бўлган Дельфинани чоштгоҳгача кутди. Бундай ширин диссиётларга ёшлар чунонам ташна бўладиларки, Растињяк Горио отани деярлик унубиб қўяёзди. Үзиники бўлиб қолган ҳар хил чиройли буюмга кўникиш Растињяк учун узлуксиз бир намойишга ўҳшаб кетган эди. Дельфина шу ерда бўлганида, хонадаги жиҳозлар яна ҳам бошқача жозиба касб өтарди. Ҳарқалай, соат тўғтларга боргандা ошиқ маъшуқлар, бу ерга кўчиб ўтишни орзу қилганда Горио ота ўзини нақадар баҳтиёр ҳис қилганини эслашди-ю, чол ёдларига тушди. Эжен, чолнинг бетоб бўлиб қолиши мукаррар экан, уни зудлик билан бу ерга кўчириб келиш керак деб таклиф қилди ва Дельфина билан хайрлашиб, «Воке уйи»га югурди. Дастурхон устида на Бъяншон борёди, на Горио ота.

— Горио отамизнинг суроби тўғри бўлиб қолди,— деди рассом.— Бъяншон юқорида, унинг олдида. Чол қизларидан бири, де Ресторама билан учрашибди. Шундан кейин кўчага чиқмоқчи бўлиб кўрибди-ю, аҳволи оғирлашиб қолибди. Ҳадемай бизнинг жамоа ўзининг әнг муҳтарам зотларидан бири билан видолашади.

Растинъяк юқорига отилди.

— Жаноб Эжен! Жаноб Эжен, сизни бека чақиряпти!—  
деб қичқириди Сильвия.

— Жаноб Эжен,— деди унга бева,— жаноб Горио ик-  
ковингиз ўн бешинчи февралда кўчиб кетмоқчи әдинглар.  
Ўн бешинчидан бери яна уч кун ўтди, бугун ўн саккизин-  
чи; әнди икковингиз ҳам ойнинг охиригача ҳақ тўлаши-  
нгиз керак, лекин Горио отага кафил бўлсангиз, мен учун  
сивнинг сўзингиз кифоя.

— Нега әнди? Наҳотки унга ишонмасангиз?

— Нимасига ишонаман унинг? Агар, чол ҳушига кел-  
май ўлиб кетгудек бўлса, қизлари менга бир лиар ҳам  
тўлашмайди, унинг бутун латта-путталари эса, йиғиштириб  
келганда ўн франк ҳам пул бўлмайди. Сабабини билма-  
диму, аммо бугун у охирги идиш-товоқларини олиб чиқиб  
кетди. Худди ёш йигитлардек ясаниб олганди. Худо ўзи  
кечирсину, назаримда, юзига қизил ҳам суртиб олгандек  
туюлди, худди ёшариб кетганга ўхшарди.

— Ҳаммасига мен кафил,— деди Эжен, даҳшатга ке-  
либ ва фалокат юз берганини сезиб.

У Горио отанинг олдига чиқди. Чол холдан тойиб,  
ўринда чўэзилиб ётарди, унинг ёнида Бъяншон ўтиради.

— Салом, ота,— деб саломлашди Эжен.

Чол унга меҳрибонлик билан кулиб боқди ва шишага  
ўхшаб қолган нурсиз кўзларини унга тикиб:

— Унинг аҳволи нечук?— деб сўради.

— Яхши. Ўзингиз қалайсиз?

— Емон әмас.

— Уни толиқтирма,— деди Бъяншон Эженни бир бур-  
чакка чорлар әкан.

— Хўш, қалай?— деб сўради Эжен.

— Уни фақат мўъжиза қутқариб қолиши мумкин. Мия-  
сига қон қуюлиб кетди; горчичниклар қўйдим; баҳтидан  
бўлиб, уларни ҳис қиласпти, горчичниклар таъсир қиласпти.

— Уни олиб кетса бўладими?

— Ҳеч иложи йўқ. Уни шу ерда қолдириб тура туриш  
керак; ҳеч қандай ҳаракат қиласмаслиги, мутлақо тинч бў-  
лиши керак.

— Азизим, Бъяншон,— деди Эжен,— унга иккаламиз  
қараб турамиз.

— Мен касалхонадан бош врачни таклиф қилиб кел-  
дим.

— Хўш, у нима деди?

— Эртага кечқурун фикрини айтади. Касалхона беморларини қундузи бир кўриб чиққандан кейин келишга вайда қилди. Бахтга қарши, бу чоли қурғур бугун өрталаб енгилтаклик билан бир қилиқ қилган кўринади, аммо нима қилганини сира айтмаяпти; әшакдан ҳам қайсар экан. Уни гапга солсам, жавоб бермаслик учун ўзини ухлаб ётган одамга солади, кўзи очиқ бўлса, ихраб-сихраб гапдан чалфитади. Бугун өрталаб уйдан чиқиб кетибди, аллақайси гўрга пиёда бориб келибди. Хонасида бор қимматбаҳо буюмларининг ҳаммасини ўзи билан олиб кетибди, аллақандай бир иш қилиб келибди — падарига лаънат ўша ишнинг! — ана шундай қилиб, увилиб қолипти. Қизларидан биттаси олдига келиб кетди.

— Графинями? — деб сўради Эжен. — Баланд бўйли, қад-қоматлари келишган, қора сочли, кўзлари шўх, оёқлари чиройли аёлми?

— Ҳа.

— Бизни бир минут ҳоли қўй, — деди Растињяк, — уни мен гапга соламан, сенга айтмаган гапларини менга айтади.

— Бўлмаса, мен овқат егани тушиб чиқай. Фақат уни кўп безовта қилма; бир оз умид бор ҳали.

— Хотиржам бўлавер.

— Эртага ўйнаб-кулишади улар, — деди Горио ота Эженга, у билан иккиси ҳоли қолгандан кейин. — Улар катта балга боришмоқчи.

— Ота, нима қилиб бу аҳволга тушиб қолдингиз, кўрпа-тўшак қилиб ётиб олибсиз-ку, бугун өрталаб нималар қилиб келдингиз?

— Ҳеч нарса.

— Анастази келгандими? — деб сўради Растињяк.

— Ҳа, — деди Горио.

— Бўлмаса, мендан ҳеч гапни яширманг. Сиздан яна нима сўради у?

— Үҳ! — деб инграб юборди у, жавоб бериш учун куч тўплар өкан. — Биласизми, болам, у шўрлик жуда ҳам баҳтсиз! Анави гавҳарлар ғалвасидан кейин Назининг қўлида бир су ҳам пули қолмаган. Эртаги балга бориш учун ёса, у ўзига зарҳал пистонлар қадалган кўйлак буютирган өкан, кўйлаги ўзига жуда ҳам ярашиб тушган бўлса керак, ҳойнаҳой. Бадбахт машиначиси кўйлагини қарзга тикиб беришдан бош тортибди, шундан кейин Назининг хизматкор қизи унинг ўрнига кўйлакка минг франк тўлабди. Бе-

чора Нази! Шу кўйга тушибди-я! Юрагим торс ёрилиб кетай деди. Аммо хизматкори Рестонинг Назига ишонмай кўйганини сезиб, машиначи хотин билан тил биритирибди-да, минг франк пулини Нази қайтариб бермагунча, кўйлакни бермай туришга уни кўндирибди. Эртага бал, кўйлак тайёр, Нази эса нима қилишини билмай боши қотган! У менинг идиш-товоқларимни қарз бериб туринг, гаровга қўйиб, пул топай деб келибди. Эри ундан, сотилиб кетибди деб миш-миш бўлган гавҳарларни балга тақиб бориб, бутун Парижга кўрсатасан деб туриб олган. Ушандай махлуққа Нази: «Менинг минг франк қарзим бор, қарзимни тўланг»,— деб айта олармиди? Йўқ. Мен буни дарров тушундим, албатта. Дельфина ажойиб кўйлагини кийиб боради. Анастази ҳам синглисидан қолишмаслиги керак. Бечора қизим, кўзларидан дув-дув ёш тўкиб йиғлаб юборди! Кеча ўн икки минг франк пул тополмаганимда, номусимдан ўлар ҳолатга келувдим! Бундай айбимни ювиш учун қолган бемаъни умримдан воз кечишга ҳам рози әдим. Қаранг-а: ҳар қандай дард-аламга ҳам чидаб келувдиму, аммо кечаги — охиргиси силламни қуритди. Ҳо-ҳо! Кўп ўйлаб ўтирамай, шарт кийиндиму, ўзимни қўлга олиб, кўчага чиқдим, олти юз франкка тўқалар билан бутун идиш-товоқларимни сотдим, кейин Гобсек амакига бир йил муддат билан умрбод рента қилиб қўйган қофозларимни тўрт юз Франк нақд пулга гаровга қўйдим. Нима бўпти, қуруқ нон еб ҳам тирикчилик қиласерман! Ешлигимда шундай қилиб ҳам кун кўрганман-ку, энди ҳам бало урмайди. Бунинг өвазига Нази қизим хурсанд бўлиб меҳмонга боради. У ҳаммадан ҳам яхшироқ безаниб боради. Минг франклик қофоз пул ёстиғим остида ётипти. Бечора Назини хурсанд қила оладиган ана шундай нарсани бошим остига қўйиб ётганимдан, баданимга иссиқ югуриб турибди. Энди у ўша ярамас Викторинасини ҳайдаб юбориши ҳам мумкин. Хизматкорларнинг хўжайнинга ишонмаганини қаерда кўргансиз? Эртага тузалиб қоламан. Соат ўнда Нази келади. Қизларим касал әканимни билишмагани яхши, бўлмаса, балга ҳам бормай, ҳолидан хабар олиб турамиз деб, тепамда ўтириб олишлари ҳам мумкин-а. Эртага Нази мени ўз боласини ўпгандек меҳрибонлик билан ўпади-ю, унинг бўсасидан бир зумда тузалиб кетаман. Минг франкни доридармонга ҳам сарфлардим-да, барибир эмасми? Ундан кўра шу пулни мени даволайдиган Назига берсам бўлмайдими? Назининг бошига шундай баҳтсизлук тушиб турганда,

унга далда бераман. Шу билан ўзим учун умрбод даромад ажратиб олиб қиласа айбимни юваман. Қизим жар тагида ётибди, мен эса уни ўша ердан тортиб олишга ожизман. О, мен яна савдо-сотиқ билан шуғулланаман. Галла олиб келиш учун Одессага жўнайман. У ерда бўғдор биздагига қараганда уч ҳисса арzon туради. Тўғри, дон олиб келиши таъкиқ қилинганд, аммо қонунларни ёзадиган муҳтарам зотлар, буғдойдан қилинадиган нарсаларни ҳам олиб келишини таъкиқлаб қўйишни унугашган. Ҳе-ҳе! Бу гап бугун ёрталаб хаёлимга келиб қолди. Крахмал савдосини қулинг ўргулсин қилиб йўлга қўйиб юборса бўлади.

«Эси оғиб қолди»,— деб ўйлади Эжен, чолга қараб турар экан.

— Ҳўп, бўпти, тинчланинг, кўп гапириш зарар қилади сизга.

Бъяншон қайтиб чиққаёнда, Эжен овқатланиб олиш учун пастга тушди. Кечаси билан бир-бирини алмаштириб, улар чолнинг тепасида навбатчилик қилиб чиқиши — бири медицина китоблари ўқиб, иккинчиси онаси билан сингилларига хат ёзиб, тонг оттиридалар.

Ёрталаб касалнинг баъзи белгилари, Бъяншоннинг гапига қараганда, беморнинг тузалиб қолишидан дарак берди, аммо бундай бўлиши учун bemорга узлуксиз қараб туриш керак эди, бундай ишни бутун тафсилотларигача ўрнига қўйиб, фақат шу икки студент амалга ошириши мумкин эди, аммо ўша замоннинг адабий услуби талабларидан четга чиқиб кетмаслик учун, яхшиси ўша тафсилотлар тўғрисида гапирмай қўя қоламиз. Мадори қолмаган чолнинг баданига зулук солишар, кетидан оғриқни қолдирадиган дори-дармонлар қўйишар, оғига ванна қилишар ва бошқа хил даволаш чораларини кўришардик, бу ишларни амалга оширишда иккала йигитнинг жонбозлайги ва куч-гайрати асқатди. Графиня де Рестоннинг ўзи келмади, пулга бир одамни юборди.

— Ўзи келар деб ўйловдим. Хайр, майли, ҳечқиси йўқ, бўлмаса хафа бўлиб кетарди,— деб қўйди, гўё қизининг келмаганидан хурсанд бўлган чол.

Кечқурун соат еттида Тереза Дельфинадан хат олиб келди.

«Нима иш билан бандсиз, аэзим? Наҳотки, эндигина муҳаббат изҳор қиласанимизда мендан юз ўгирсангиз? Са-

мимият билан суҳбатлашган пайтларимизда ажойиб қалб эгаси эканингизни билиб олганман, шунга кўра айтаманки, сиз, шубҳасиз, ҳисснётнинг нақадар хилма-хил лавзат бағишлай олишини тушуниб олгач, то охиригача унга содиқ бўлиб қоладиган одамлар туридансиз. Мусонинг ибодатига\* қулоқ солиб туриб: «Баъзи одамларга бу ҳар куни әшитиб юрган оддий нотадек туюлса, бошқа баъзи одамларга — у энг олижаноб музика!» деганингиз ҳамон ёдимда. Ёдингиздан чиқмасин, бугун кечқурун виконтесса де Босеанникига балга борамиз, мен сизни кутиб ўтираман. Маркиз д'Ажуданинг никоҳ битимиға қирол саройда бугун әрталаб имзо чеккани ҳаммага аён бўлди энди, бояқиш виконтесса вса, буни фақат кундузи соат иккida әшитипти. Қатл пайтида ҳамма Грэв майдонига юрганидек, бугун бутун Париж виконтессанинига отланади. Аёл кишининг ўз бошига тушган мусибаттаға қандай дош беришини ёки бу азобга чидай олмай қай тарзда жон беришини томоша қилгани уникига югуриш разиллик өмасми? Мен-ку, авваллари ҳам уникига бориб юрган бўлганимда, бугун бормаган бўлар әдим-а, аммо турган гапки, уникида өнди ҳеч қачон бундай меҳмон кутишлар бўлмайди, шу сабабдан у хонадонга кириш учун қилган ҳамма ҳаракатларим зое кетган бўларди. Менинг аҳволим бошқаларникига қараганда тамомила бошқача. Бундан ташқари, мен у ерга сиз учун ҳам боряпман. Кутаман. Агар икки соатдан кейин менинг ҳузуримда бўлмасангиз, бундай бевафоликни кечира оламанми, йўқми — билмадим».

Растинъяк пат қалам олиб, унга жавоб ёзди:

«Отангизнинг тирик қолиши-қолмаслигини билиш учун врачнинг келишини кутиб турибман. Отангиз ўлим тўшагида ётибди. Ҳузурингизга врачнинг фикрини әшитиб бораман, у Фикр ўлим ҳукми бўлмаса әди, деб қўрқиб турибман. Ўзингиз ўйлаб кўринг, шундай вазиятда балга боришингиз қандай бўларкин. Севиб, ўпид қоламан».

Соат саккиз яримда врач келди: у беморни тузалиб кетади демади, аммо яқин орада жони узвилади деб ҳам айтмади. Беморнинг аҳволи гоҳ енгиллашиб, гоҳ оғирлашиб туради деб огоҳлантириди у, чолнинг ҳаёти ҳам, ақлдуши ҳам шунга боғлиқ, деди.

— Ву кунидан тезроқ ўлиб қўя қолгани яхши әди,— деб хулоса қилди охирида врач.

Эжен чолни Бъяншонга топшириб, ўзи де Нусинген хоним олдига кетди, у хоним олдига шундай қайғули хабар билан жўнадики, силавий бурч тўғрисидаги тушуңчалар онгига сингиб кетган йигитнинг назарида, бундай хабарни өшитган одамда ҳар қандай шодиёна кайфиятдан ҳам аса оқолмаслиги керак әди. Чиқиб кетаётганида, Горио худди ухлаб ётгандай туюлганди, аммо Растињак әшикни очиши билан чол тўсатдан қаддини кўтариб қолди ва ўрнида ўтирганича унинг орқасидан:

— Унга айтинг, баҳузур ўйин-кулги қилаверсин,— деб қичқирди.

Йигит Дельфинанинг олдига ташвишли қиёфада кириб борди, у әса соchlарини тараб, балга киядиган туфлисини кийиб бўлган әди — фақат балга атаб тиктирилган кўйлакни кийиши қолган әди. Аммо йўлга отланишдаги охирги тайёргарликлар билан рассомнинг расмга охирги пардоз бериши ўртасида аллақандай ўхшашлик бор: шу охирги ишларга асосий ишга кетгандан кўра кўпроқ вақт сарф бўлади.

— Ийе, ҳали ҳам кийинмай юрибсизми? — деб сўради Дельфина.

— Аммо отангиз...

— Яна «отам!» — деди у йигитнинг гапини бўлиб. — Отамга нисбатан қандай бурчим борлигини ўргатманг менга. Мен отамни кўп вақтдан бери биламан. Эжен, бўлди, бошқа гапирманг! Кийиниб келмагунингизча гапингизга қулоқ солмайман. Тереза ҳамма кийимларингизни янги квартирангизда таҳт қилиб қўйибди; каретамга от қўшилган, тезроқ бориб кела қолинг. Отам тўғрисида йўл-йўла-кай гаплашиб оламиз; вақтлироқ жўнаш керак, бўлмаса, әнг кейинда қолиб кетамиз-да, балга соат ўн бирларда кирсак ҳам ҳўп гап.

— Хоним! Лекин...

— Йўқ, йўқ, бошқа бир оғиз ҳам гапингизга қулоқ солмайман, — деди у, маржонини олиб чиқиши учун юрганича хосхонасига кириб кетар әкан.

Эжен бу соҳибжамол падаркушнинг хатти-ҳаракатидан саранг бўлиб турган әди, Тереза:

— Жаноб Эжен, бора қолинг тезроқ, баронессанинг аччиини чиқариб қўясиз-ку бунақада, — деб уни чиқариб юборди.

Шундан кейин у ташвиш ва надомат тўла фикрларга берилиб, кийингани кетди. Зодагонлар давраси унинг кўвига гўё ифлослик океани бўлиб туюларди, бу океанга оёғининг учини тиққан одам бир зумда томонигача ботиб кетарди.

«Зодагонларнинг ҳамма жиноятлари — паст жиноятлар,— дерди ўзига ўзи Эжен,— Вотрен анча юқори туради».

Растинъяк энди жамиятнинг учта қиёфасини яққол кўриб турарди, булар: Тобеълик, Кураш ва Исён — оила, зодагонлар давраси ва Вотрен эди. Эжен буларнинг қайси бирига қўшилишини билмасди. Тобеълик зериктирадиган нарса; исённинг иложи йўқ; кураш оқибати шубҳали нарса. У ўз оиласини эслади; у оилада тинч ҳаёт кечирган вақтларидаги мусаффо ҳиссиятлари ёдига тушди, уни бошига кўтарган ўз оила аъзолари даврасида яшаганини — ўша унунтимас ажойиб кунларини хотирлади. Унга азиз бўлган одамлар оилада табиий бўлган қоида-қонунларга риоя қилишар ва доимий, кам-аламсиз, тўла бахт деб, ана шуни тушунишади. Кўп яхши фикрлари бор бўлишига қарамай, Эжен Дельфина олдига бориб, муҳаббатни ўргата қўйиб, шу муҳаббат ҳақи яхшилик йўлига юр, деб талаб қилишга журъат эта олмасди. У аллақачон янгича тарбия ола бошлаган ва у тарбия ўз самараларини намоиш қила бошлаган эди. Ҳатто, муҳаббат бобида ҳам у ёлғиз ўзини ўйладиган бўлиб қолганди. У Дельфинанинг қандай табиатли аёл эканлигини чуқур англай бешлаган эди, у отасининг мурдаси устидан ҳатлаб ўтиб бўлса ҳам, балга боришдан тоймаслигини сезиб турарди; Эженинг ўтиришга жасорати, на олижаноблик қилиб, у билан шартта ажрашиб кета оларди. «Агар Дельфинанинг гапига кирмай, ўз гапимда туриб олсан, кейин у мени сира кечирмайди»,— дерди Эжен ўзига ўзи. Шундан кейин у врачларнинг айтган гапларини бирома-бир хотирлай бошлади; Гorio отанинг касали мен ўйлаганча хавфли эмас, деб ўзини ўзи ишонтиришга уриниб кўрди; қисқаси, у Дельфинани оқлаш учун ҳар хил хоинона далил-исботлар актармоққа тутунди. Ахир, отасининг қай аҳволда ётганини у қайдан билсин; агар у ҳозир отаси олдига борганда ҳам, чол уни балга жўнатган бўларди. Сира ҳам суриштириб ўтирамай, юзаки ҳукм чиқариб юбораверадиган жамоатчиликнинг бе-аев қонунлари, содир бўлган ишларни ҳам кўпинча айб деб

ҳисоблайди, бундай жиноят гарчи очиқ-ойдин кўриниб турган бўлса ҳам, оилавий шароитда одамлар характери-нинг турлилиги ё манфаатларнинг ҳар хиллиги туфайли озми-кўпми уни юмшатишнинг иложи бўлган беҳисоб шарт-шароитлар мавжуд бўлганда ҳам шундай ҳукм чиқаравера-ди. Эжен ўзини ўзи алдамоқчи бўларди, маҳбубаси учун виждонидан воз кечишига ҳам тайёр әди. Кейинги икки кун ичida унинг ҳаёти тамомила ўзгариб кетди. Аёл киши унинг қалбida аллақачон вайроналик кашф этган әди, оила деган нарсани унинг назаридан орқага сурib ташлади, уни фақат ўзиники қилиб олди. Растињъак билан Дельфина шундай шароитда учрашдиларки, бу шароит бир-бирлари-га иложи борича кўпроқ лаззат бағишлиашлари учун гўё атайн яратилгандек әди. Уларнинг жуда камолга етиб турган эҳтирослари ҳар қандай эҳтиросларни ҳам ўлдира-диган нарсага дуч келганидан кейин — яъни эҳтирослари қондирилгандан кейин — яна ҳам жўшқинлашиб кетди. Маҳбубаси висолига етишиб, эҳтиросларни қондиргандан кейин, Эжен авваллари унга етишсам деб юрганини, маҳ-бабусини ёса фақат муҳаббат лаззатини сургандан кейинги-на чинакамига яхши кўриб қолганини сезиб қолди, муҳаббат деган нарса, эҳтимол, бағишлиланган лаззатлар ҳисоби-га кўнгилда уйғонадиган ҳисдан бошқа нарса әмасдир. Дельфина виждонисиз әдими ё нуқсонисиз әдими, унинг қан-дай аёл бўлишидан қатъи назар, Эжен уни барибир жо-нидек яхши кўрар, худди никоҳ совғасидек унга ўзи ба-ришлаган ва Дельфина ҳам унга ҳадя қилган эҳтиросли лаззатлар учун яхши кўрарди; Тантал, қорнини тўйдириб ва чанқофини қондирив кетиш учун ҳузурига келган фа-риштани нечоғлиқ яхши кўрса, Дельфина ҳам Растињъак-ни ана шундай яхши кўрарди.

Эжен балга бориш учун кийиниб қайтиб келгандан ке-йин, де Нусинген хоним:

— Ана энди отамнинг соғлигидан гапиринг,— деди.

— Жуда ёмон,— деди Эжен.— Мени яхши кўриши-нгизни исбот қилмоқчи бўлсангиз, унинг олдига бир кириб ўтайлик.

— Хўп, фақат балдан кейин. Азизим Эжен, ях-ши йигит бўл, менга ҳадеб ақл ўргатаверма, қани кет-дик!

Улар балга жўнашди. Йўлнинг ярмисигача Эжен жим борди.

— Нима бўлди сизга? — деб сўради Дельфина.

— Отангизнинг ўлим талвасасида хириллагани кулоғимга өштилди,— деди тажанглик билан Эжен.

Шундан кейин у ёшларга хос қизғинлик билан графиня де Рестонинг шуҳратпарастлик деб қилган шафқатсизлигини ҳам, бечора отанинг кўрсатган охирги жонбозлиги натижасида касали жуда оғирлашиб, ўлим тўшагида ётганини ҳам, Анастазининг ვარჯაл пистонлар қадаб тиктирган кўйлаги қандай қимматга тушганини ҳам гапириб ташлади. Дельфина йиғлаб ўтиради.

Шунда унинг миясига:

«Хунук бўлиб қоламан», — деган фикр келди.

Шундай деб ўйлади-ю, кўз ёши қуриди қолди.

— Отамга ўзим қарайман — тепасидан бир қадам ҳам жилмайман,— деб жавоб қилди Дельфина.

— Сени ана шундай қиёфада кўрсам деб, орезу қилгандим,— деди Растињак.

Де Босеанлар ҳовлиси жойлашган кўчани беш юзтacha карета ўз фонарлари билан ёритиб туради. Ҳудди кундуз кунидек ёритиб қўйилган дарвозанинг иккала тарафида биттадан отлиқ жандарм туради. Бу ерга олий табақа зодагонлар шундай ёпирилиб кела бошлаган, виконтессанинг руҳий тушқунликка учрашини кўришга шундай ошиқишган өдики, де Нусинген хоним билан Растињак етиб келишгандা, уйнинг пастки қаватидаги ҳамма хоналар меҳмонлар билан лиқ тўлганди. Людовик XIV ўз қариндоши герцогиня де Монпасьени ошиғидан маҳрум қилганда ҳамма аъёнлар ёппасига унинг саройига юргурган әди; топталган муҳаббат туйғуси ўша вақтдан бери, то де Босеан хоним баҳтсиазликка учраган ҳозирги пайтгача, бу қадар катта шов-шувга сабаб бўлмаган әди. Бу фожиа бошига тушганда Бургундиянинг деярлик ҳокими мутлаги бўлиб келган георѓолар хонадонининг энг охирги вакиласи ўзини замаламдан устун эканини исбот қила олди ва охирги дақиқага қадар зодагонлар жамияти устидан ҳукмронликни қўлдан бермади, ўша жамиятнинг шуҳратпарастликдан иборат манфаатлари даражасига қадар пастга тушиб бўлса ҳам, уларни ўз муҳаббати тантанаси учун хизмат қилдириди. Парижнинг энг гўзал аёллари ясаниб-тусаниб ва одамларга табассумлар ҳадя қилиб, унинг меҳмонхоналарини жонлантириб юборишган әди. Саройнинг олийзот аъёнлари, өлчинлар, министрлар, бирон соҳада машҳур бўлган, кишилар орденлар, юлдузлар ва ранг-баранг ленталар тақиб

олган одамлар де Босеан хоним атрофида тўдалашиб юришарди. Оркестр садолари, маликаси учун саҳрои азимдек ҳувиллаб қолган бу қасринг олтин ҳал юритиб бўялган пештоқларида акс садо берарди. Де Босеан хоним биринчи меҳмонхона эшиги олдида туриб, меҳмонларни гўё ўз дўстларини кутгандай қарши оларди. Оппоқ кўйлак кийиб, ҳеч қандай безак тақмай, сочини оддийгина қилиб тараф олган, бундай қараганда жуда хотиржам кўринган виконтесса на гуурини, на ташвишини, на сохта шодлигини аён қиласади. Унинг кўнглидаги гапларни биронта одам ҳам уқий олмади. Уни кўриб, бу Ниобеянинг мармардан ясалган ҳайкали дейиш мумкин эди. Ўзининг энг яқин дўстларига жилмайиб қараганида, баъзан кўзлари истеҳзо билан чақнаб кетганини кўриш мумкин бўлади: лекин бошқалар назарида у сира ўзгармаган ҳолда, кўзларидан бахт нур сочиб турган пайтларидағи виконтесса сифатида намоён бўлади; буни кўриб, ҳатто ҳиссиётдан маҳрум одамлар ҳам унинг иродаси маҳкамлигига қойил қолишарди, лабида табассум билан жон берган гладиаторга қадимги Румода ёш қизлар қандай қойил қолишган бўлса, виконтессага ҳам ўшандай қойил қолишарди. Гўё зодагонлар бу ерга ҳукмроҳларидан бири билан видолашув учун дабдаба билан тўпланиб келгандек туюларди.

— Келмай қолармикинсиз деб жуда қўрқиб турган өдим,— деди де Босеан хоним Растињъакка.

— Мен ҳаммадан кейин кетадиган бўлиб келдим,— деб жавоб қилди ҳаяжон билан Растињъак. У виконтесса ўпка қиляпти деб тушунган эди.

— Жуда соз,— деди у йигитга қўлини узатиб.— Бу ерда мен юрагимни очишим мумкин бўлган ягона одам сиз бўлсангиз ҳам ажаб әмас. Азизим, фақат битта аёлни севинг, доим севишингизга ишонган ягона аёлни севинг. Аёлни ҳамини ҳеч вақт ташлаб кетманг.

У Эженни қўлтиқлаб олди-да, меҳмонлар қарта ўйнашаётган меҳмонхонага олиб кирди ва уни курсига ўтказди.

— Маркизинг олдига бориб келсангиз,— деб илтимос қилди у.— Менинг лакейим Жак сизни уникига кузатиб қўяди ва унга аталган хат беради. Мен ундан ҳамма мактубларимни қайтариб беришни илтимос қилганман. Қайтариб берар деган умиддаман. Қўлингизга тегиши биланоқ, бу ерга олиб келинг ва менинг хонамга олиб чиқинг. Менга жабар беришади.

У ўзининг энг яхши дугонаси герцогиня де Ланжени қарши олиш учун ўрнидан турди. Растињак маркиз д'Ажуда ҳойнаҳой Рошфидларникида бўлса кёрак деб, ўша ерта жўнади, маркизни ҳақиқатан ҳам ўша ердан топди ва чақириб беришларини сўради. Маркиз уни ўз уйига олиб борди-да, Растињакнинг қўлига хатлар тўплаб қўйилган қутичани берар әкан:

— Ҳаммаси шу ерда...— деди.

Афтидан, у Эжен билан гаплашмоқчи әди: әҳтимол, йигитдан бал ва виконтесса тўгрисида гап сўрамоқчи әди, әҳтимолки, бўлажак никоҳидан ҳалитдан дилхасталика учраб турганини эътироф қиласоқчи әди,— бу никоҳ унга ҳақиқатан ҳам кўп баҳтсизликлар келтирди — аммо маркизнинг кўзлари ғурур билан чақнаб кетди-ю, ўта мардоналик билан энг олижаноб ҳиссиятларини ичига ютди.

— Азизим Эжен, унга мен тўғримда бир оғиз ҳам гап айтманг.

Д'Ажуда ғамгин меҳрибонлик билан Растињакнинг қўлини қисди-да, унга боши ила имо қилиб рухсат берди. Эжен де Босеанлар ҳовлисига қайтиб келди; уни виконтессанинг хонасига бошлаб кириши, бу ерда у жўнаб кетишга ҳозирлик кўриб қўйилганини сезди. Растињак камин олдига бориб ўтириди, кедр ёғочидан ясалган қутичага қараб, оғир хаёлга ботди: де Босеан хоним ўзининг улуғворлиги билан унга «Илиада»даги маъбудани эслатарди.

Ичкари кириб келар әкан:

— Келдингизми, азизим!— деди виконтесса ва Эженнинг олдига келиб, елкасига қўлини қўйди.

Эжен қариндошига қаради: бечора қўзларини юқорига тикканча юм-юм йигламоқда әди, Эженнинг елкасидаги қўли дир-дир титрар, иккинчи қўли ҳолсизланиб осилиб қолганди. Бирдан виконтесса кёдр ёғочидан ясалган қутичани қўлига олди-ю, каминда ёниб турган ўт ичига қўйди ва унинг ёнишига тикилиб турди.

— Танца қилишяпти! Ҳаммалари худди тайин қилинган вақтга етиб келишди, ўлим эса кечроқ келади! Жим, кераги йўқ! Азизим,— деди у, Эжен бир нарса демоқчи бўлиб оғиз жуфтлаганда бармоғини унинг лабига босиб.— Мен Парижни ҳам, зодагонлар даврасини ҳам бошқа кўрмайман — ҳеч қачон кўрмайман. Эрта билан соат бешда, ўзимни Нормандиянинг бир бурчагига тириклайн кўмгани жўнаб кетаман. Кундузи соат учдан бери сафарга ҳозирлик кўриш билан овораман, ҳар хил қоғозларга имзо

қилиш, турли ишларимни битказиш билан бандман; бирон одам топилмадики... — олдига юборай десам.

У бирпас тўхтаб қолди.

— Ҳойнаҳой уни... анавиларникидан топишган бўларди.

Шундай деди-ю, ғамдан бўғилиб яна жим қолди. Бундай дақиқаларда ҳар нарса ҳам юракни эзади, баъзи сўзларни бутунлай тилга олиб бўлмайди.

— Қисқаси шуки, менга мана шу охирги яхшиликни сиз қиласиз деган умидда эдим. Сизга дўстлигимиз белгиси тариқасида бирор нарса совға қилгум бор. Мен сизни тез-тез хотирлаб тураман, сизни олижаноб ва оқкўнгил, ёш ва соғ бир йигит сифатида танидим, зодагонлар даврасида бундай фазилатлар камдан-кам учрайди. Мени ҳам ҳар замонда бир хотирингизга олиб туришингизни истардим. Шошманг,— деди у хонани кўздан кечира туриб,— мана бу қутичада менинг қўлқопларим турарди; ҳар сафар балга ё театрга жўнашдан олдин бундан қўлқопларимни олиб кияр әканман, баҳтиёр бўлганимдан ўзимни чиройли ҳис қиласдим, қўлқопни олиб, қутичани ёпар әканман, ўзимнинг биронта ёқимли фикримни шу қутида қолдириб кетардим — бу қутида менинг кўп фикрларим қолган, унда ҳозир сояси ҳам қолмаган аввалги де Босеанинг кўпгина нарсалари қолган. Шуни сиз олинг. Мен айтаман, уни сизнинг уйингизга, д'Артуа кўchasига етказиб беришади. Бугун де Нусинген хоним жуда очилиб кетибди, уни чинакамига яхши кўринг. Борди-ю, азизим, бошқа кўриша олмасак, сизнинг ҳақингизга ҳам ибодат қилиб туришимга амин бўлинг, чунки сиз менга фақат яхшиликни раво кўрдингиз. Юринг, пастга тушамиз, мени йиғлаб ўтиргандир деб ўйлашларига сира ҳам баҳона топиб бермоқчи эмасман. Ҳали кўп яшайман, ёлғиз ўзим қоламан, ўшанда кўз ёшларинг қаердан қуийлиб келяпти-ю, нега келяпти деб ҳеч ким сўрамайди. Шу хонани яна бир назардан кечирай.

У жим қолди. Бир дақиқагина кафти билан кўзларини ёпиб турди, кейин кўзини ишқаб артди-да, муздек сув билан ювив олди ва Эжени қўлтиқлади:

— Юринг! — деди у.

Эжен ғам-аламини мағрурлик ила ичига ютиб ёнида кетаётган хотин билан қўлтиқлашиб борар экан, руҳи шу қадар қўтарилиб кетган әдикни, бундай ҳолатни у ҳали ҳеч бошидан кечирмаганди. Бал бўлаётган залга қайтиб кириб,

Эжен де Боссан хоним билан қўлтиқлашиб бутун зални кесиб ўтди — бу ўша ажойиб аёлнинг унга кўрсатга охирги зўр ҳиммати бўлди. Кўп ўтмай у иккала опа-сингилни — баронесса де Нусинген билан графиня де Рестони кўриб қолди. Графиня ҳамма дур-гавҳарларини ярқиратиб тақиб келганди, ўзи ҳам жуда гўзал бўлиб кетганди, аммо, афтидан, ҳимматбаҳо беваклари унинг баданига наштардек азоб бермоқда әди: дур-гавҳарларини у охирги марта тақиб чиқиши әди. У ўзини нақадар мағрур тутмасин, муҳаббати нақадар оташин бўлмасин, барибир әрининг кўзига тик қарай олмасди. Бундай манзарани назардан кечирар экан, Растињъяк хафаликдан ўзини тия олмади. Опа-сингилларнинг дур-гавҳарларига қараб, кўзига ўлим тўшагида ётган Горио отанинг гарифона каравоти кўриниб кетди. Эжен-нинг замганиликини бошқача тушунган виконтесса қўлини унинг қўлтиғидан олиб:

— Сизни ҳузур-ҳаловатдан маҳрум қилмоқчи өмасман,— деб тушунтироди.

Юқори табақа кишилари орасида муваффақият қозонганидан қувониб кетган ва шу пайтгача кира олмай юрган зодагонлар даврасида топган бутун шон-шуҳратини Эжен-нинг оёқлари остига ташлашга ошиқкан Дельфина уни ўша заҳотиёқ ёнига чақириб олди.

— Назига нима дейсиз? — деб сўради у.

— У ҳеч нарсасини аямапти, ҳатто отасининг жонини ҳам,— деди Растињъяк.

Эрталаб соат тўртга бориб, меҳмонхоналарда одам сийраклаша бошлади. Кўп ўтмай музика садолари ҳам тинди. Катта меҳмонхонада фақат герцогиня де Ланже билан Растињъяк ўтиришарди.

Виконт ухлаш учун ўз хонасига кириб кетар экан, яна бир марта:

— Шу ёшингизданоқ бекорга тарки дунё қилмоқчисиз. азизам, биз билан қолаверинг,— деб ўз хонасига кириб кетди. Виконтесса виконт де Боссан билан хайрлашиб, Эжени ёлғиз учратиш ниятида катта меҳмонхонага кириб келди.

Кириб келди-ю, герцогиняни кўриб, ҳайрон бўлганидан ўзини тутиб туролмай ваҳ деб юборди.

— Клара, сезиб қолдим,— деди герцогиня де Ланже.— Жўнаб кетяпсиз, бошқа қайтиб келмайсиз... Лекин гапими ни эшитмай, бир-бирамизга тўла тушунмай туриб кетмайсиз.

У дугонасини қўлтиқлаб, нариги меҳмонхонага чиқиб кетди, ўша хонада кўзларига ёш олиб, виконтессани маҳкам қучоқлаганча икки юзидан ўпди.

— Сиз билан, тасаддуқ, совуққина хайрлаша олмайман, бундай қилсам, жуда қаттиқ маломатга қолардим. Сиз ўзингизга қандай ишонсангиз, менга ҳам шундай ишонишингиз мумкин. Бугун кечқурун сиз ўз улуғворалигинизни намойиш қилдингиз, руҳан менга яқин эканингизни сездим, мен ана шуни сизга исбот қилиб бермоқчи эдим. Сизнинг олдингизда айборман, сизга ҳамма вақт ҳам яхши муомала қилган эмасман; кечиринг мени, азизам: сизни хафа қилганим учун ўзимни қоралайман, иложи бўлса, ҳамма айтган ёмон гапларимни қайтариб олган бўлардим. Бошимизга тушган бир хилдаги кулфат бизни ҳамдард қилиб қўйди, ҳай биримиз баҳтсизроқ бўлишимизни айтолмайман ҳали. Генерал де Монриво бугун кечқурун бу ерга келмади. Бунинг нимадан дарак беришини биласизми? Клара, сизни бугунги балда кўрган одам ҳеч вақт унутмайди. Мен-чи? Мен охирги марта ҳаракат қилиб кўраман. Муваффақият қозонмасам, монастирга кетаман! Сиз-чи, сиз қаёққа кетяпсиз?

— Нормандияга, Курсельга, худо ўз даргоҳига чақириб олгунча севиш, ибодат қилиш билан машғул бўламан.

— Жаноб де Растињак, бу ёқда келинг,— деди ҳаяжонга келган виконтесса, Эженинг кутиб ўтирганини эслаб қолиб.

Растињак унинг олдида якка тизза туриб виконтессанинг қўлидан ўпди.

— Алвидо, Антуанетта,— деди де Босеан хоним,— баҳтли бўлинг. Сиз эса, Эжен, шундай ҳам баҳтиёрсиз,— деди у студентга ўғрилиб,— ҳали ёшсиз, бирон нарсага умид бағишлишингиз мумкин. Жон чиқар пайтда ишонган кишилари ёнида турадиган баъзи баҳтли одамлар сингари мен ҳам бу серташвиш дунёдан узлатга чекиниш вақтимда ўзимга яқин одамларимнинг соф, муқаддас ҳаяжонларини кўрдим.

Растињак эрталаб соат бешда, де Босеан хоним йўл каретасига чиқиб ўтиргандан ва у билан кўзига ёш олиб хайрлашгандан кейин уйига қайтди; виконтессанинг кўз ёшлари эса, энг олий мартабали одамларнинг ҳам ҳиссият қонунларига бўйсунишларини, гарчи оломонга ўзининг баҳтли эканини кўрсатишга уриниб юрадиган шахслар уч-

раса ҳам, улар ғамнинг нималигини биладиган одамлар бўлишини кўрсатарди. Эжен совуқ ҳавода, ёмғир ёғиб турган пайтда «Воқе уйи»га пиёда қайтиб келди. Унинг таълимоти камолга етган эди.

Эжен қўшнисидан хабар олгани унинг ҳонасиға кирап экан, Бъяншон:

— Бечора Гориони қутқариб қололмаймиз,— деди.

— Дўстим, гапимга қулоқ сол,— деди унга Эжен, ухлаб ётган чолга бир қараб қўйиб,— ўша камтарона танлаган мақсадларингдан нарига ўтма. Мен дўзахга тушдим, энди ўша ерда қоламан. Зодагонлар олий жамияти тўғрисида нимаики ёмон гап әшишсанг, ҳаммасига ишонавер! У жамиятнинг олтин ва дур-гавҳарлар билан ниқобланган маразликларини тўла очиб бера оладиган Ювенал йўқ.

Эртасига соат иккиларга яқин Бъяншон Растињякни уйғотди; бир жойга бориб келиши керак эди, шунинг учун Эжендан Горо ота олдида ўтириб тур, деб илтимос қиласи, чунки чолнинг аҳволи әрталабдан бери жуда оғирлашиб қолган өди.

— Чолнинг икки кунлик, эҳтимолки, олти соатлик умри қолди,— деди медик,— шундай бўлса ҳам касалга қарши курашни тўхтатмаслигимиз керак. Қимматга тушадиган дори-дармонни ҳам қўллаб кўришимиз керак. Албатта, чолга ўзимиз қараб турамиз, аммо пулга келсак, мендә бир су ҳам пул йўқ. Унинг ҳамма чўнтакларини титкилаб кўрдим, ҳамма шкафларни қидирдим, аммо ҳеч қарса топмадим. Чол ҳушига келганда, ўзидан ҳам сўраб кўрдим, аммо бир лиари ҳам йўқ әкан. Қанча пулинг бор?

— Йигирма франк пулум қолди,— деди Растињяк,— лекин бориб қимор ўйнайману, ютиб келаман.

— Ютқазиб қўйсанг-чи?

— Куёвлари билан қизларидан пул талаб қиламан.

— Беришмаса-чи?— деб сўради Бъяншон.— Аммо ҳозир энг зарури пул топиш эмас, зарури унинг оёғига товоидан сонигача горчичник қўйиш керак. Агар оғриқдан додласа, демак, умид қиласа бўлади. Горчичникини қандай қўйишни биласан. Кристоф ҳам ёрдамлашиб юборади. Мен эса дорихонага бориб, дори тайёрловчига, ҳамма олган дори-дармонларга пул тўлаймиз, деб кафиллик бериб келаман. Афсус, шўрликни бизнинг касалхонага кўчиришнинг иложи йўқ-да, ўша ерда аҳволи енгиллашармиди. Ҳўп, қани, юр, ҳаммасини беморнинг олдида яхшилаб тушунтириб қўйман, мен қайтиб келгунча ҳеч қаёққа кетиб қолма.

Иигитлар чол ётган хонага киришди. Касалнинг оғриқдан бужмайиб, оппоқ оқариб, қуруқ суюк бўлиб қолган юзига қараб туриб, унинг бундай ўзгариб кетганидан Растињек даҳшатга келди.

— Хўш, ота, аҳвол қалай? — деб сўради у бемор устиста энгашиб.

Горио жира кўзларини очиб, Эженга тикилиб қаради-ю, аммо уни танимади. Студент бунга дош беролмай, кўзлари жиққа ёшга тўлади.

— Бъяншон, деразага бирор нарса тутса бўлмасмикин?

— Йўқ, ташқи муҳит унга таъсир қилмай қўйган. Ислсиқ ё совуқни сезса-ку, жуда яхши бўларди-я, дори-дармонларни тайёрлаш учун, яна бошқа баъви ишлар учун барим бир каминга ўт ёқиши керак. Бир неча бор ўтин бериб юбораман, яна топгунимизча ўшани ёқиб турамиз. Кечак, буган кечаси сенинг ўтинингни, яна чол бечоранинг уйидан топилган дамма ўтин билан торфни ёқиб бўлдим. Хона шундай ваҳ әдик, деворлардан сув чакиллаб томиб турди. Хонасини вўрга қуритдим-да! Кристоф супуриб-сидириб берди, бўлмаса худди отхона бўлиб кетибди. Қора арча тутатиб юбордим, бўлмаса, жуда сасиб кетган экан.

— Ё раббий! Қизлари-чи, қизлари?! — деб юборди Растињек.

— Менга қара, сув деса, мана буни бер,— деб медик катта оқ кўзвани кўрсатиб қўйди.— Агар қорним оғрияпти деб шикоят қиласа, қорнини ушлаб кўр, агар иссиқ ва қаттиқ бўлса унда Кристофга айт... нима қўйишни ўвинг ҳам биласан. Борди-ю, бирдан ҳаяжонланиб кетиб, гапга тушиб кетса, ҳатто бир оз всидан оғиб пала-партиш гапларни айта бошласа ҳам, индама, гапираверсин. У ёмон аломат әмас. Ҳар ҳолда ўшанда ҳам Кристофни Кошён касалхонасига юбор. Ё врачимиз, ё ўзим, ё ўртоғим дори билан куйдиргани келамиз. Бугун өрталаб, сен ухлаб ётганингда Галлнинг шогирдларидан бирини чақириб, яна ўзимизнинг касалхона бош врачи билан Отель-Дье бош врачи иштирокида катта консилиум уюштиридик. Уларнинг назарида, бир қанча жуда муҳим симптомлар топилди, шу сабабдан фан нуқтаи назаридан жуда аҳамияти зўр бўлган бир қатор масалаларни ҳал қилиб олиш учун касалнинг ривожини кузатиб борамиз. Врачлардан бири, сероз суюқликлари одамнинг бир аъзосига кўпроқ, бошқа аъзосига ороқ таъсир қиласа, у бутунлай кутилмаган ҳодисаларнинг

келиб чиқишига сабаб бўлади, дейди. Борди-ю, бирдан гапириб қолса, гапи нималар тўғрисида бўлишига қулоқ солиб тур: гапириб юборишига нима сабаб — ўтмиш хоти-раларими, келажак тўғрисидаги фикрларми ёки уни ҳиссисёт олами ўзига тортиб кетадими, ё моддий жиҳатни ўйлай бошлайдими, ҳисоб-китобга берилиб кетадими, ўтмишга қайтадими; қисқаси, бизга шу тўғрида аниқ ҳисобот беринг керак. Эҳтимол, қон биратўла миясига қўйилиб кетгандир, унда ҳозирги чала телбалигича ўлиб кетади. Бундай касалларда ҳамма нарса ҳам сира кутилмаган тарзда рўй беради. Қон мана бу ерга қўйилиб кетса,— деб Бъяншон беморнинг әнсасини кўрсатди,— жуда қизиқ ҳодисалар юз беради: мия сал-пал ишлай бошлайди-да, ўлим кечроқ келади. Қон мияга қўйилмай, бошқа йўл топиб кетиши ҳам мумкин, лекин қаёққа қўйилиб кетганини фақат мурдани ёрганда аниқлаш мумкин. Бедаво беморлар касалхонасида битта эси киарали-чиқарли чол бор, қони умуртка суюги ёқалаб қўйилиб кетган; жуда қаттиқ қийналяпти-ю, аммо яшаб турибди.

— Қизларим хурсанд бўлишдими?— деб сўради Горо ота Эженини таниб.

— Унинг фикри-ёди қизлари,— деди Бъяншон.— Шу бугун кечаси: «Улар танча қилишяпти! Меҳмонга янги кўйлак кийиб бориши!»— деб юз мартача такрорлагандир. Уларнинг отини айтиб чақирди. Жин урсин! Оҳу фифонлари билан мени ҳам кўз ёши қилиб олишга мажбур этди: «Дельфинагинам, қизим Дельфина! Нази!»— дегани деган. Ўлай агар, йиғламай илож йўқ эди!

— Дельфина шу ерда, а? Ўзим ҳам билувдим келишини,— деди чол.

Шундай деди-ю, кўзлари аллақандай тарзда чақнаб, эшик ва деворларга жовдираф қарай бошлади.

— Пастга тушиб, Сильвияга айтай: горчичник тайёрлаб берсин, ҳозир жуда пайти!— деб қичқирди Бъяншон.

Растинъяк чол билан ёлғиз қолди ва унинг оёқ тарафида ўтириб, чолнинг бошига даҳшат ва изтироб билан қарай бошлади.

«Виконтесса де Босеан қочиб кетди, бу ўлим тўшагида ётипти,— деб хаёлидан ўтказди Растинъяк.— Нозик кўнгил одамлар бу дунёда қўп туролмайдилар. Катта қалб әгаси бўлган олижаноб одамлар бундай майда, чекланган, арзимас жамият қўйнида қандай қилиб ҳам чидаб тура оларди?»

Унинг тасаввурида ўзи меҳмон бўлиб борган зодагонлар балига тамомила зид ўлароқ мана бу ажалдан дарақ берувчи ғамхона манзараси намоён бўлди. Тўсатдан Бъяншон қайтиб кирди.

— Менга қара, Эжен, ҳозир кўчада ўзимизнинг бош врач билан учрашиб қолдиму, дарров орқамга қайтдим. Агар эс-ҳуши жойига келиб гапириб қолгудек бўлса, бўйнидан то думғазасигача узунасига горчичник қўйиб чиқда, менга одам юбор.

— Қойил йигитсан-да, Бъяншон.

— О, ҳозир гап фан тўғрисида боряпти! — деди медик, қизғинлик билан.

— Демак, бечора чолни астойдил меҳро билан фақат мен боқаётган эканман-да? — деди Растињак.

— Бугун эрталаб беморга қандай қараганимни кўрганингда, сира ҳам шундай демаган бўлардинг, — деб эътиroz билдириди хафа бўлмай Бъяншон. — Кўп бемор кўргаи врачлар фақат касални кўрадилар, мен эса оғайним, ҳозирча беморни ҳам кўриб турибман.

У Эженини бемор олдида ёлғиз қолдириб, чолнинг аҳволи ҳадемай танг бўлишини сезган ҳолда чиқиб кетди, ҳақиқатан ҳам бемор ҳадемай оғирлашиб қолди.

— Ҳа-а! Сизмисиз, ўғлим! — деди Горо, Эженини таниб.

— Бир оз енгил тортай дедингизми? — деб сўради студент, унинг қўлидан ушлаб.

— Тузукман, миямни бир нарса омбирдек қисиб олган әди, лекин ҳозир қўйиб юборди. Қизларимни кўрдингизми? Ҳадемай бу ерга келиб қолишади, касал бўлиб қолганимни эшитишлари биланоқ югуриб келишади. Жюсьен кўчасида менга қандай меҳрибонлик билан қараб туришган әди-я! Ё раббий! Улар келишганда, хона тозароқ бўлса дуруст бўларди. Шу ерда битта йигит айланишиб юрибди, у ҳамма торфни ёқиб бўлди.

— Ана, эшитяпсизми, Кристоф зинадан ўтин олиб чиқиб келяпти, ўтинни ўша йигит юборган.

— Яхши қилибди! Фақат ўтинга пулни қаердан олиб тўлайман? Менинг бир су ҳам пулим қолгани йўқ, ўғлим. Бор-йўғимни бериб бўлдим, ҳамма нарсамни бердим! Энди қашшоқ бўлиб қолдим. Нима бўлганда ҳам зарҳал пистонлик кўйлак қизимга ярашибдими? Вой бошим! Раҳмат, Кристоф, худо хайрингни берсин, мендан қайтмаса, худодан қайтсан.

— Сенга ҳам, Сильвияга ҳам, ҳамма ҳақларингни ўзим тўйлайман,— деб шивирлади Эжек, Кристофнинг қулоғига.

— Кристоф, қизларим, ҳозир борамиз деб айтишгандир-а, тўғрими? Уларнинг олдига яна бир марта бориб кел, сенга юз су бераман. Ўзимни ёмон ҳис қиласётганимни айт, ўлишдан олдин уларни яна бир кўрмоқчиман, яна бир бағримга босмоқчиман. Уларга шундай деб айт, фақат жуда ҳам қўрқитиб юборма.

Растинъяк Кристофга имо қилди, шундан кейин Кристоф чиқиб кетди.

— Келишади улар,— деди яна тилга кириб чол.— Уларни яхши биламан. Оппоқ қизим Фифина, ўлиб қолгу-дек бўлсам, бечорани қандай ғамга қуяман-al Назини ҳам. Улар йигламаслиги учун ўлишни истамайман. Азиз ўғлим Эжен, ўлиш — уларни бошқа кўрмаслик деган гап-ку. Мен у ерда — ҳамма ҳам ахир бир кун борадиган жойда — қизларимни жуда соғиниб ётаман. Фарзандлардан ажралиш — ота учун дўзах азоби деган сўз, бу кунга мен улар эрга теккан кундан бошлаб тайёрлик кўриб келганман. Менинг жаннатим — Жюсьен кўчасида қолди. Ё раббий, борди-ю, жаннатга тушсам, арвоқ сифатида бўлса ҳам ерга қайтиб кела олармиканман, улар билан бирга бўла олармиканман? Шундай гапларни эшитган әдим. Тўғримикан шу гаплар? Мана ҳозир уларнинг Жюсьен кўчасидаги пайтини кўриб тургандекман. Қизларим әрталаб пастга тушишарди. «Салом, дада»,— дейишарди. Иккаласини ҳам тиззамга ўтқавиб олиб, ҳазиллашардим, шўхлик қилардик. Менга қандай меҳрибон әдилар-а! Ҳар куни бирга нонушта қилардик, тушки овқатниям бирга ердик — қисқаси, мен ота әдим, болаларим ёнимда, яқинимда эканидан роҳат қилардим. Жюсьен кўчасида турганимизда менга ақл ўргатишимас, ҳаётга мутлақо тушунишмас ва мени жуда яхши кўришарди. Э худо! Нега болалигича қолишавермади, а? (Вой, бошим! Торс ёрилиб кетай деяпти!) Вой, вой, кечиринглар мени, болаларим, бошим жуда қаттиқ оғриб кетди, демак, ростдан ҳам ҳаддан ташқари қаттиқ оғриқ кирибдида, бўлмаса оғриқка дош беришни менга ўргатиб қўйган әдинглар. Ё раббий! Қани әнди фақат қўлларини ушлаб турган бўлсам, ҳеч қандай оғриқни сезмаган бўлардим. Нима дейсиз, келишармикин? Кристоф ўлгудек аҳмоқ бола! Ўзим борсам бўларди. Ана у кўриб келади болаларими. Ҳа-я! Кеча балга бординглар-ку. Нималар бўлганини, нималар қилишганини, хуллас, ҳаммасини гапириб беринг.

Улар, ҳойнақой, менинг касал әканимдан бехабардирлар? Билиб қолишиса, танда ҳам қилмай қўйишган бўларди! Ортиқ касал бўлиши истамайман. Ҳали уларга жуда зарурман. Уларнинг мол-давлати хавф остида. Қандай одамларга өрга тегишиди-я! Тузатинглар мени! (Уҳ, бошим! Вой, вой,вой!) Узингиз кўриб, билиб турибсиз, мени тузатмасанглар бўлмайди: уларга пул керак, мен эса қаерга бориш кераклигини, пулни қандай топиш мумкинлигини биламан. Соғ крахмал ишлаб чиқариш учун Одессага жўнайман. Мен жуда устабилармон одаммён, миллион жамғаривел келаман. (Вой, бошим оғриб кетяпти!)

Горио бирпас жим ётди, кўринишдан, оғриққа дош бериш учун астойдил ҳаракат қилаётган ёди.

— Қизларим ёнимда бўлишиса, оҳ-воҳ қилмасдим,— деди у.— Унда нимагаям зорланардим?

У мудраб, кўзи илиниб кетди. Кристоф қайтиб келди. Растињак Горио ухлаб қолди деб ўйлаб, топшириқни қандай бажариб келганини қаттиқ-қаттиқ қилиб гапириб бера бошлаган Кристофнинг гапини бўлмади.

— Тақсир, олдин графинянинг уйига бордим, фақат у билан гаплашишнинг сира иложи бўлмади: эри билан қаттиқ уришиб қолибди. Мен ҳадеб қистайверганимдан кейин графнинг ўзи ёнимга чиқди-да, бундай деди: «Жаноб Горио ўляптими, ўлса ўлибида! Яхши қилибди. Мен графиня билан муҳим бир ишни битказиб олишим керак. Ишимиз битиши биланоқ, графиня отаси олдига боради». Афтидан, жуда аччиғи чиқиб турган әкан. Мен энди қайтмоқчи бўлиб турган әдим, шу пайт графинянинг ўзи чиқиб қолди, қайси ёшикдан чиққанини сезмай ҳам қолдим. «Кристоф,— деди у,— отамга бориб айт, эрим билан уришиб қолдик, уйдан чиқиб кетолмайман: гап болаларимнинг ҳаёт-мамоти устида боряпти. Ишимиз бир ёқлиқ бўлиши билан ўзим бораман». Баронессаникода бўлса, бутунлай бошқача гап қилишиди. Уни мен ҳеч кўрмадим ҳам, шу сабабдан у билан гаплаша олмадим, уй ходимаси бундай деди: «Аҳ, баронесса балдан соат бешдан чорак ўтганда келди, ҳозир ухлаб ётибди, ўн иккidan олдин уйғотсан, уришиб беради. Ўзи қўнғироқ қилиб чақирса, унда ўша заҳоти отасининг аҳволи оғир эканини айтаман. Емон ҳабарни қачон айтсанг ҳам бўлаверади». Ҳар қанча уринсан ҳам, бошқа иложи бўлмади. Барон билан гаплашмоқчи әдим, аммо у уйда йўқ әкан.

— Битта ҳам қизи келмас әкан-да?!

— деб юборди Растињак.— Ҳозир иккаласига ҳам хат ёзиб бераман.

— Биттаси ҳам келмади!— деди қаддини сал кўтариб чол.— Уларнинг иши бор, улар ухлаб ётишипти, келишмайди. Үзим ҳам билардим. Фарзанднинг нималигини фақат ўлаётганинг биларкансан. Эҳ, азизим, ўғлим, сира уйланманг, бола орттираманг! Сиз уларга ҳаёт берасиз, улар өса сизга — ўлим! Сиз уларни дунёга келтирасиз, улар сизни дунёдан сиқиб чиқарадилар! Келишмас әкан! Бу менга ўн йилдан бери маълум. Бу гапни ўзимга ўзим жуда кўп айтардиму, аммо ишонгим келмасди.

Яллигланиб, қизариб ётган кўзларидан икки дона ёш оқиб чиқди-ю, қотиб қолди.

— Эҳ, бой бўлганимда, давлатимни уларга бермай, ўз қўлимда сақлаб юрганимда, улар шу ерда бўлишарди-я, юз-кўзларимдан ўпавериб шишириб юборган бўлишарди. Унда ўзимнинг данғиллама иморатли ҳовлим бўларди, ажойиб хоналарда ётган бўлардим, хизматкорларим хизматимга ҳозир турган бўларди; иссиққина уйда ётган бўлардим; қизларим эрлари, болалари билан кўз ёши қилиб тепамга келишарди. Ҳудди шундай бўларди! Аммо менда ҳеч вақо йўқ. Пулга ҳамма нарсани, ҳатто қизларингни ҳам сотиб олишинг мумкин. Оҳ, пулларим, қани улар?! Мол-дунё мерос қолдираётган бўлсам, қизларим тепамда парвона бўлишарди-я, мени даволатишарди; мен ҳам уларни кўриб, овозларини эшитиб ётардим. Оҳ, азиз ўғлоним, менинг яккаю ягона фарзандим, бошпанасиз бир гарид, гадо бўлишни афзал кўраман. Агар камбағал одамни яхши кўришса, ҳеч бўлмаганда, у, мен ҳам одам эканману, деб ўзига ўзи далда бериши мумкин. Йўқ, бой бўлишни афзал кўрардим, ўшанда уларни кўрардим... Яна ким билсин? Қизларимнинг юраги тошдан. Улар мени яхши кўрсин деб, ўзим уларни ҳаддан ортиқ севдим. Ота, албатта бой одам бўлиши керак, болаларининг жиловини қўлида маҳкам ушлаб туриши керак. Мен эса улар олдида тиз чўкиб юрибман. Ярамаслар! Улар менга кейинги ўн йил ичida қилган муносабатларини жуда боплаб охирига етказдилар. Эрга теккандан кейин, дастлабки йилларда менга қанчалик меҳрибон бўлганларини бир кўрсангиз эди! (Уҳ, бoshim, қандай азобга қолдим-а!) Ҳар бирига сеп қилиб саккиз юз минг франкдан пул берганман, у пайтларда уларнинг ўзи ҳам, эрлари ҳам менга андишасизлик қила олмасдилар. Ўйларидан жой беришар: «Дадажон, мана бу ерга ўтиринг,

дадажон, анави ерга ўтириңг», деб устимда ўлиб бўлишарди. Дастурхонда мен учун доим қошиқ-вилкалар тайин эди. Эллари ҳам мени иззат-ҳурмат қилишарди, мен ҳам уларнинг ҳурматини жойига қўйдим. Уларнинг назарида менинг давлатим яна анчагина бор эди. Нима учун шундай деб ўйлашарди? Мен ҳеч вақт уларга ўз ишларимдан гапирмасдим-ку. Лекин қизига саккиз юз минг пулни сеп қилиб берган одамни иззат қиласа арзиди. Шу сабабдан, атрофимда гирдикапалак бўлиб айланишиб ётишарди, турган гапки, пулим борлиги учун шундай қилишарди. Одамлар жуда бемаъни бўлади. Мен ҳаётимда унақаларнинг жуда кўпини кўрганман! Мени каретага солиб театрларга олиб боришарди, меҳмонхоналарида ҳам кечқурунлари истаганимча ўтираверардим. Қисқаси, улар ўзларини менинг қизим деб, мени ўз оталари деб эътироф этардилар. Аммо мен анча зийрак одам эдим, мендан ҳеч нарсанни яшириб бўлмасди. Ҳамма гапга ақлим етиб, тушуниб юрардим, кўп ишлар юрагимга наштардек санчиларди. Уларнинг ҳамма муомаласи соxта эканини жуда яхши билib юрардим, аммо энди дардимга даво топишнинг иложи йўқ эди. Мен ўзимни уларницида мана шу ердагидек, пастдаги емакхонадагичалик эркин ҳис қила олмасдим. Нима гапиришни ҳам, қандай гапиришни ҳам билмасдим. Баъзан зодагон меҳмонлардан биронтаси пичирлаб куёвларимдан:

— Бу ким ўзи? — деб сўраб қоларди.

— Қайнатам — олтин хазинаси, бой одам.

— Аҳ! Анавини қаранг-а! — дейишарди меҳмонлари ва шундан кейин менга ҳурмат билан қарашарди... пулим учун, албатта. Турган гапки, баъзан уларга малол келиб қолардим, аммо мен бунинг ҳисобига пул тўлаб турадимда! Бенуқсон ким бор? (Оҳ, бошим, ҳамма ёғи яра бўлиб кетганга ўхшайди-я!) Ҳозир шундай азобдаманки, шу азобнинг ўзидан ўлиб кетиш мумкин, аммо муҳтарам жаноб Эжен, бир кун бемаъни гап айтдинг деб Анастази менга биринчи марта шундай ўқрайиб қараган эдики, ўшанинг оғриги олдида бу азоблар ҳеч гап эмас. Унинг тикилиб қарашидан юрагим орқасига тортиб кетганди. Нима ишлигини билмоқчи бўлиб кўрдиму, аммо фақат бир нарсани, бу дунёда ортиқча бўлиб қолганимни англадим, холос. Ўзимни юпатиш учун әртасига Дельфинаникига бордим, аммо у ерда ҳам бир айб иш қилиб қўйдим шекилли, қизимнинг ғазабига учрадим. Бундан ақлим озар даражага келди. Бир ҳафтагача нима қиларимни билмай юрдим; таъ-

наю маломатга қолиб кетишдан қўрқиб, уларнинг уйига бормадим, аña шу тахлидда қизларимнинг әшиги мен учун ёпили қолди! Ё худо, ўзинг раҳм қил! Қанчадан-қанча авоб чекканимни биласан-ку! Шундан бери не-не жафоларни чекмадим, мени ўша азоб-уқубатлар адой тамом қилди, қаридим, соч-соқолимга оқ тушди, топталдим; энди нега бундай қийноққа соласан яна? Мен ўз гуноҳимни — қизларимни ҳаддан ортиқ севганимдан орттирган гуноҳимни аллақачон ювиб бўлганиман. Меҳрим учун улар роса боллаб адабимни беришди: аъзойи баданимни худди жаллодлардек омбир билан бурда-бурда қилиб узишди. Нима ҳам қила олардим! Оталар мана шундай аҳмоқ бўлишади! Мен қизларимни шундай яхши кўрардимки, худди қиморхонага оёғи тортиб кетаверадиган қиморбозлардек ўшалар олдига боргим келаверарди. Қизларим — менинг нуқсоним, муҳаббатим, бутун борлигим эди! Иккаласи ҳам бирор нарса ҳоҳлаб қолса — бирор қимматбаҳо безакли ё шунга ўхаш нарсаними, ҳоҳлаб қолишса — уй ходимлари буни дарров менга етказишаради, мен ҳам дарров ўша нарсани уларга совға қиласдим, мени яхшироқ қабул қилишар деб умид қиласдим. Ўшанда ҳам қизларим зодагонлар даврасида ўзимни қандай тутишим кераклиги тўғрисида бир неча марта сабоқ беришди. Аммо бунинг натижасини кутиб ўтирмай, мен учун қизара бошлашди. Ҳа, ҳа, худди шундай бўлди, фарзандларингга яхши тарбия берсанг, оқибати шу бўлади! Соқолимга оқ оралаганда мактабга бориб тавлим олишим керак эдими? (Вой бошим, ё худо, ўзинг раҳм қил! Врачларни топиб келинглар! Врачларни! Миямни ёриб, очишин, зора дардим енгиллашса!) Қизларим, қизларим, Дельфина! Анастази! Уларни кўргим келяпти! Уларга жандарм юборинглар, мажбуран олиб келинглар! Суд мени ёқлади, ҳамма нарса — табиат ҳам, гражданлик қонунлари ҳам мени ёқлади! Мен норозилик билдираман! Агар ҳамма отасини оёқ ости қилаверса, ватан ҳалок бўлади. Бу аниқ. Жамият, бутун дунё оталарга суюниб турибди, болалар ўз оталарини севмай қўйсалар, ҳамма нарса остин-устун бўлиб кетади. О, уларни бир кўрсам, овозини бир әшитсам эдим; нима десалар ҳам майли, фақат овозларини әшитсам бас, айниқса Дельфинанинг овозини әшитсам, азобларим пасаярди. Фақат, айтинг, бу ерга келишганда менга ҳар вақтдагидек совуқ назар билан қарашмасин, шуни илтимос қилиб қўйинг. Эҳ, азиз дўстим, жаноб Эжэн, олтиндек нур сочиб қараб турган кўз бирдан

совиб, қўрошиндек хиралашиб қолса, бунинг нақадар оғир бўлишини ҳали билмайсиз. Улар мени ёниб турган кўзлари билан иситмай қўйганиларидан бери бу дунё мен учун зимиштон бўлди, хафаликни ичимга қулт ётиб ютиб кетаверишдан бошқа иложим қолмади. Шундай қилиб юрдим ҳам! Ҳўрланиш ва таҳқирланиш учун яшаб юрдим. Иккаласини шундай яхши кўрардимки, ҳамма таҳқирларига дош бериб келдим, номусимни букиб бўлса ҳам, шу ҳақоратлар ҳисобига жиндеқ-жиндеқ шодликларни сотиб олиб юрдим. Ота бўла туриб қизларимни ўғринчи кўриб юрсанам! Мен уларга бутун умримни бағишладим — улар эса бугун бир соат вақтини бергиси келмади! Юрагим ўт бўлиб ёниб боряпти, очликдан, юрак-бағрим ёниб кетганидан жоним чиқай деб турибди, улар эса азобларимга малҳам бўлиш учун ҳам бир келишмади, ахир, ўлишим аниқ, буни ўзим ҳам сезиб турибман. Кўринишдан, улар отанинг жасадини оёқ ости қилиш нималигини ҳали билишмайдиганда ўҳшайди! Тепамизда худо бор, у биз оталар учун, фарзандларимизнинг жазосини беради! Бизлардан сўраб ҳам ўтирумайди. Йўқ, келишади! Келинглар, жон қизларим, мени яна бир ўпиш учун келинглар, жон чиқар пайтида отангиз ҳақига ибодат қилмасанглар ҳам, охирги марта бир ўпинглар, ўшанда отангиз худодан гуноҳингизни сўраб олади, қизларим яхши эди деб, унинг даргоҳида гуноҳингиздан ўтишни ёлбориб сўрайди! Суриштириб қараганда, уларда айб ҳам йўқ асли. Дўстим, уларда айб йўқ. Одамлар уларни мен учун қоралаб юришмасин, шу гапни ҳаммага ёшиттириб қўйинг. Гуноҳ мендам! Мени оёқ ости қилишни уларга ўзим ўргатганман. Шу менга ёқарди. Аммо бунинг ҳеч кимга, на инсониятга-ю, на худога даҳли бор. Мени деб, уларни гуноҳкор қиласа, худо ноҳақ иш қилган бўлади. Мен ўзимни ўзим ҳимоя қила олмадим, ўз ҳуқуқларимдан кечиб аҳмоклик қилдим. Уларни деб, ўз қадр-қимматимни билмадим. Нима қилишим керак әди? Энг яхши фазилатли одам ҳам, әнг кўнгли пок одам ҳам оталикнинг бундай ожизлигига дош беролмаган бўларди. Мен аянч бир одамман, қилган ишларимга яраша жазоимни тортялман. Қизларимнинг бундай ахлоқсизлигига мен сабаб бўлганман: уларни жуда өркалатиб юборганман. Улар болалигига конфет талаб қилганидек, әнди ҳузур-ҳаловат талаб қиляпти. Уларнинг ҳамма орзуварини ўрнига етказиб келганман. Ўн бешга киришганидаёт уларнинг шахсий кареталари бор әди! Ҳеч нарсани йўқ демасдим. Фақат мен ўзим айбдорман, аммо

ҳамма бало меҳримда. Уларнинг овозини эшитсан, юрагим торс ёрилгудек бўларди. Овози қулогимга киряпти, келиш япти улар. О, албатта келишади! Қонун, ўлар ҳолатда ётган отани бориб кўриш керак, дейди, қонун мени ёқлади. Бу ерга келиш учун извошчига ҳақ тўлашдан бошқа ҳеч қандай пул сарф қилиш ҳам керакмас. Ҳақини ўзим тўлайман. Уларга хат ёзинг, мен уларга миллионлаб пул қолдидраман! Худо ҳаққи! Вермишель ишлаб чиқаришни йўлга қўйиш учун Одессага жўнайман. Йўлини биламан. Менинг лойиҳам билан иш олиб борилса, миллионлаб пул топиш мумкин. Бу тўғрида ҳали ҳеч ким ўйлаб кўрмаган. Вермишель дон ё ун сингари йўлда бузилиб қолмайди. Ҳа! Ҳа! Крахмални айтмайсизми! Миллион-а! Худди шундай: «миллион», деб ёзиб юборсангиз, сира ҳам ёлрон гапирган бўлмайсиз. Улар пулни ўйлаб, очкўзлик қилиб келишса ҳам, мен алдансан ҳам майли, уларни кўриб қоламан-ку. Қизларимнинг келишини талаб қиласман! Уларни мен яратгансман! Улар менини!— деди у, ўрнидан қўзгалиб ва оппоқ соchlари патила-патила бўлиб ётган бошини Эженга буриб; унинг юзидағи ҳар бир ажиндан даҳшат аломати акс этиб туради.

— Қўйинг, ётинг, ҳурматли Горио ота, ҳозир уларга хат ёзиб юбораман,— деб уни тинчлантиришга уринарди Эжен.— Агар ўшанда ҳам келишмаса, Бъяншон қайтиб келиши биланоқ, улар олдига ўзим бораман.

— Келишмаса, дейсизми?— деб такрор сўради чол, ҳўнг-ҳўнг йиглаб.— Аммо унгача ўлиб қоламан, телба бўлиб, ҳа, телба бўлиб ўлиб қоламан! Мен ҳозироқ телба бўлиб қолдим. Ҳозир бутун ҳаётимни кўриб турибман. Алданибман! Улар мени яхши кўришмас экан, ҳеч вақт яхши кўришмаган экан. Бу аниқ бўлиб қолди. Шу пайтгacha келишмадими, энди келишмайди. Бу ерга келишдан олдин қанчалик кўп тараддулланишса, келишлари шунча қийин бўлаверади. Буни яхши биламан. Улар ҳеч қачон менинг на ғам-кулфатларимни, на чеккан азоб-уқубатларимни, на эҳтиёжларимни англашган — ўлаётганимни ҳам англашмайди; меҳрибонлигимнинг сирини ҳам тушунишмайди. Ҳа, буни ўзим кўриб турибман, улар мени шилиб ўргангандар, шунинг учун уларни деб қилган ҳамма ишларим зое кетар, қадрига етишмасди. Кўзимни ўйиб олмоқчи бўлиб қолсалар ҳам, йўқ демаган бўлардим: «Мана, ўйиб ола қолинглар!» деган бўлардим. Ўлгудек аҳмоқ одамман. Улар, ҳамманинг отаси ҳам бизнинг отамизга ўхшайди деб

ўйлайдилар. Ҳамма вақт ўз қадрингга етиш керак экан. Уларнинг болалари менинг ўчимни олишади ҳали, болаларидан қайтади. Ўзларини ўйлаб, олдимга келишлари керак. Ўзларингиз ҳам шу кунга тушишга замин ҳозирлаяпсизлар деб огоҳлантириб қўйинг. Мана шу жиноятнинг ўзи билан улар бирваракайига жамики жиноятга қўл урдилар. Бориб айтинг уларга, келишдан бош тортсалар — падаркушлик қилган бўладилар! Евузликни шундай ҳам кўп қиласланлар. Уларга: «Ҳой, Нази! Ҳой, Дельфина! Отангиз олдига боринглар, у сизларга жуда меҳрибон эди, энди қийналиб ётиби!» деб қичқиринг. Ҳеч нарсам ҳам, ҳеч кимим ҳам қолмади. Наҳотки, итдек хор бўлиб ўлиб кетсан? Ташлаб кетиши — оқибатда, етишганим шу бўлди. Жиноятчилар! Бешарм, беҳаёлар! Уларни кўргани кўзим йўқ, оқ қилдим уларни, минг лаънат уларга, кечалари гўримда тик туриб лаънатларимни қайта-қайта ёғдирман, ахир, дўстларим, ноҳақ гапларни айтилманимми-а? Ахир улар понкўрлик қилишапти-ку, тўғрими? Ие, нима деяпман ўзим? Дельфина шу ерда дедингиз шекилли! У яхшироқ. Ҳа, ҳа, Эжен, ўғлим! Уни севинг, унга оталик қилинг. Аナンиниси жуда бебаҳт бўлди. Уларнинг мол-давлати-чи! Е раббий! Куним битди, оғриққа ортиқ дош беролмайман! Бошимни кесиб ташланг, фақат юрагим қолса, бас.

— Кристоф, Бъяншонга югар, йўл-йўлакай менга извонг олиб кел! — деб қичқириди чолнинг пола-фифонларидан кўрқиб кетган Эжен.— Мұхтарам Горою отажон, ҳозир қизларингиз олдига ўзим бориб, бирга олиб келаман!

— Мажбуран, мажбуран олиб келинг. Гвардияни, қўшинни, ҳамма, ҳаммани жалб қилинг! — деб қичқириди ҳали-ҳозирча соғлом ақл чақнаб турган кўзлари билан Эженга қараб чол.— Ҳукуматга, прокурорга айтинг, уларни ёнимга олиб келишсин, мен шуни талаб қиласман!

— Сиз уларни оқ қилдингиз-ку!

— Ким айтди сизга? — деб ҳайрон бўлиб сўради чол... Уларни яхши кўришимни, жуда яхши кўришимни ҳамма билмаса ҳам, сиз яхши биласиз-ку! Уларни кўрсам, тузалиб кетаман. Бора қолинг меҳрибон қўшним, азиз ўғлим, бора қолинг, сиз жуда яхши йигитсиз. Сизни бир хурсанд қиласадиму, аммо ўлим тўшагида ётган одамнинг дуосидан бошқа нарсаси йўқ. Оҳ, жуда бўлмаса Дельфинани кўрсам ҳам майли эди, бу яхшиликларингизни қайтаришни ундан илтимос қиласадим! Каттасининг келишига илож бўлмаса, Дельфинани олиб келинг. Бормасанг, сендан айнаб қола-

ман, севмайман, дент. У сизни жудаям яхши кўради, шу гапингиздан кейин келади. Сув! Юрагим ёниб кетди! Бoshимга бирор нарса қўйинг — қани әнди қизим қўлини қўйса, унда-ку, дарров тузалиб кетардим-а, севиб турибман буни. Ё раббий! Улиб кетгудек бўлсам, уларнинг молдунёсини ким ўзларига қайтариб беради? Уларни деб Одессага борай девдим.. вермишель қилгани... Одессага...

— Ичинг,— Эжен чап қўли билан беморнинг бошини сал қўтириб, ўнг қўли билан унга дори тутди.

— Сиз ота-онангизни яхши кўрсангиз керак! — дерди чол, мадорсиз қўллари билан Эженинг қўлини қисиб.— Қизларимни кўрмай ўлиб кетаётганимни сезиб турғандирсиз-а? Кейинги ўн ийл ичиди доим ташналиқда, бир марта ҳам сувга қонмай яшадим. Кўёвларим қизларимдан жудо қилишиб. Оталар, палаталардан никоҳ тўғрисидаги қонунни бартараф қилишни талаб өтинглар! Қизингизни яхши кўрсанглар, өрга берманглар. Куёв — ёв, у қизингизни одамгарчиликдан чиқаради, сизларни оёқости қилади. Никоҳ деган нарсанинг зарурати йўқ! Никоҳ бизни қизларимидан жудо қилади, жон берар пайтимизда улар тепамизда туришмайди. Шундай қонулар чиқарингларки, оталар оёғини тинчгина узата олсин. Ҳозир бўлаётган ишлар даҳшат-ку! Уч, интиқом! Уларнинг келишига куёвларим рухсат беришмаяпти-ку, ахир. Үадиинглар уларни! Улим ўша Рестога, ўлим өльзасликка, улар менинг қотилларим. Сизларга ё ўлим, ё қизларимга рухсат беринглар! Тамом! Уларни кўрмай ўлиб кетадиган бўлдим! Уларни кўрмасдан-а! Кела қолинглар, Нази, Фифина! Отангизнинг жони узилляпти...

— Азизим Горио ота, тинчланинг, жим ётинг, ҳаямонланаверманг, ҳеч нарсани ўйламанг.

— Уларни кўрмаслик — ҳамма азоб мана шунда!

— Ҳадемай кўрасиз уларни.

— Ростдан-а? — деб юборди чол, ўзини унутиб.— О, кошки әди! Узларини бир кўрсам, ововларини вшитсам, баҳтли одамлардек жон берардим. Ортиқ яшашни истамайман ҳам, жонимнинг қадрига етмаганиман, чунки азоб уқубатларим тобора ортиб бораверган. Ахир, уларни кўриш, кўйлакларидан, фақат кўйлакларидан ушлаб боқиш, нима деган нарса: уларнинг шу ердалигини ҳис қилсам бас! Уларнинг соч толасини қўлимга олиб беринг... соч тола...

Чол гўё бошига бирор таёқ билан туширгандек ёстиққа

гуппа йиқилди. Қўллари билан гўё қизларининг сочини ахтараётгандек ўринни найпаслай бошлади.

— Мен улардан розиман, розиман,— деди у зўрға ва ҳушидан кетиб қолди.

Худди шу пайт Бъяншон кириб келди.

— Йўлда Кристофни кўрдим, у ҳозир сенга карета топиб келади,— деди Бъяншон.

Кейин у беморни кўздан кечирди, қовоқларини кўтариб қаради, шунда иккала студент ҳам унинг кўзларида нур қолмаганини кўрдилар.

— Менимча, әнди у ортиқ ҳушига келмаса керак,— деб қўйди медик студент.

Бъяншон чолнинг томир уришини текшириб кўрди, кейин қўлни юраги устига қўйди.

— Юраги уриб турибди, аммо унинг ҳозирги ҳолатида бу — азоб. Бундан кўра ўлгани яхши әди!

— Тўғри айтасан,— деди Растињяк.

— Сенга нима бўлди? Мурдадек оқариб кетибсан?

— Мен ҳозир одамзотнинг дилидан чиқдан шундай Фигонларини, оҳ-зорларини эшитдимки, асти қўясан. Ҳудо бор-ку, ахир! О, албатта, худо ҳозиру новир, у ер юзини беъайди, бўлмаса, еримиз — фирт бемаънилик әкан. Агар бу ишларнинг ҳаммаси шу қадар фожиали бўлмаса, ҳўнграб-ҳўнграб йиғлаган бўлардим. Аммо даҳшат кўксим билан қалбимни парчилаб ташлади.

— Менга қара, яна анча-мунича нарса керак бўлади, пулни қаердан топсак әкан-а?

Растињяк ёнидан соатини олиб берди.

— Мана, буни тезроқ гаровга қўй. Бир минутни ҳам бекор кетказмаслик учун йўлда тўхталиб ўтирмақчи әмасман, фақат Кристофни кутиб туриман. Ёнимда бир лиар ҳам пулим йўқ, извончига қайтиб келганимдан кейин пул тўлашга тўғри келади.

Растињяк юргурганча пастга тушди ва Гельдер кўчасига, графиня де Рестоникига жўнади. Йўл-йўлакай ҳозиргина гувоҳи бўлган даҳшатлардан қўнгли бузилиб, газаби қўзғади. Оддинги хонага кириши биланоқ графиня де Рестони сўради, аммо у ҳеч кимни қабул қилмайди, деган жавобни эшитди.

— Мен отасининг топшириғи билан келдим, у ўлим тўшагида ётибди! — деди Эжен лакейга.

— Афандим, граф бизга жуда қаттиқ буйруқ бериб айтдики...

— Агар граф де Ресто ўйида бўлса, қайнатасининг қай аҳволда ётганини унга билдиринглар, у билан ҳозироқ гаплашиб олишим зарурлигини айтинглар.

Эжен узоқ кутиб қолди. Шу дамда, эҳтимол, чол жон берәётгандир, деб ўйлади у.

Ниҳоят лакей уни биринчи меҳмонхонага бошааб кирди, граф де Ресто шу ерда ўт ёқилмаган камин олдида Эженни кутиб турган экан, аммо у меҳмонга жой кўрсатмади.

— Граф,— деди унга Растињяк,— қайнатангиз ярамас бир қовакда жон беряпти, ўтин сотиб олишга сариқ чақаси ҳам йўқ, у ростдан ҳам ўлим тўшагида ётиби, охирги тилаги, қизини кўришни истайди.

— Жаноб де Растињяк, ўзингиз ҳам сезгандирсиз, жаноб Гориони учча ёқтирмайман,— деди совуқина қилиб граф де Ресто.— У графиня де Рестонинг отасиман деб, жуда ҳаддидан ошиб кетди, баҳти қаро бўлишимга сабаб бўлди, мен уни тинчлигимни бузган одам деб биламан. Уладими, қоладими — менга барибир. Унга нисбатан шахсан менинг муносабатим шу. Одамлар мени қораласа қоралайверсин — одамларнинг фикрига зътибор бериб ўтироқчи өмасман. Ҳозир менинг тўғримда телба одамлар, ё мен учун фикрининг аҳамияти йўқ кишилар, нима деяр экан деб андиша қилиб ўтирмай, зарур бир ишни битказиб олишим керак. Графиня де Рестога келсак, у ҳозир боролмайди. Бундан ташқари, унинг ўйдан чиқишини мен истамайман. Отасига айтиб қўйинг, қизи, менга ва менинг ўғлимга нисбатан олган бурчини бажариши биланоқ уни кўргани бораверади. Агар у отасини яхши қўпадиган бўлса, бир неча секунддан кейиноқ унинг олдига жўнаши мумкин.

— Граф, қилаётган ишингиз тўғри ё нотўғри деб ҳукм юритишга ҳаддим сифмайди, ўз оиласизнинг бошлиғисиз, аммо ҳозирги сўзингизга ишонсан бўлар дейман? Шундай экан, отасининг бир кунлик ҳам умри қолмаганлигини ва тепасида турмагани учун уни аллақачон оқ қилганини графиняга айтиб қўйишга сўз берсангиз.

— Буни унга ўзингиз айтинг,— деди Эженниг овози разабдан титраганини пайқаб, таъсиrlаниб кетган граф де Ресто.

Графининг кузатувида Растињяк, графиня одатда вақт ўтказадиган меҳмонхонага кирди; у креслога ўзини ташлаганча, худди ўлимга ҳукм қилинган одамлар сингари, кўз ёшларини юм-юм тўкиб ўтиради. Эженинг унга раҳми

келди. Растињякка ўгирилишдан олдин, у әрига қўрқа-писа бир назар ташлаб қўйдик, бу ҳол унинг ҳам жисмоний, ҳам маънавий зулмдан тамоман заифлашганини кўрсатарди. Граф бош иргитиб қўйди, графиня ҳам бу унинг гапиришига берилган ижозат әканини англади.

— Афандим, мен ҳамма гапни эшитдим. Агар отам қандай аҳволда әканимни билса, мени кечирган бўларди; шуни унга айтиб қўярсиз. Мен бундай азобларга қоларман деб ўйламаган әдим, бунга бардошим етмайдиган кўринади, аммо охирига қадар қаршилик кўрсатаман,— деди у әрига.— Мен онаман!.. Отамга айтиб қўйинг, четдан қараганда шундай кўринса ҳам, аммо таъна-маломатлардан ҳолиман!— деб қичқирди у Растињякка, дилхасталик билан.

Растињяк графинянинг қалбида қандай даҳшатли ўзгаришлар содир бўлаётганини сезиб, эр-хотинга таъзим қилди-ю, қаттиқ руҳий ҳаяжонда чиқиб кетди. Граф де Рестонинг гапидан Эженнинг бу уринишлари бекор әканлиги аниқ кўриниб турарди, шунинг учун ҳам у әнди Анастази-нинг әридан маҳрум бўлганини англади.

У де Нусинген хонимникига югурди, у ўринда ётган әди.

— Мен, азизим, бетобман,— деди у.— Балдан қайта турив шамоллаб қолибман, зотилжам бўлиб қолмайин деб қўрқиб, врачга одам юбордим...

— Бир оёғингиз гўрда бўлганда ҳам, әмаклаб юриб борсангиз ҳам, отангиз тепасида бўлишингиз керак,— деб унинг гапини бўлди Эжен.— У сизни айтиб юборди! Унинг оҳу зорларидан ақалли зифирча бўлсин эшитганингизда әди, бутун касалингиз тарқаб кетарди.

— Эжен, өхтимол, отам сиз айтганча оғир аҳволда эмасдир, аммо сизнинг назарингиздан ҳиёл бўлса ҳам четда қолсам, куйиб кул бўлардим, шунинг учун айтганингиздек, қиласман. Лекин уйдан чиққанимдан кейин касалим оғирлашиб қолса, отам менинг ғамимни еб ўлиши турган гап. Ҳўп, яхши! Врач келиши биланоқ жўнайман... О-ол Соатингиз қани?— деб сўради у, соатнинг занжири кўринмай қолганига эътибор бериб.

Растињяк қизарди.

— Эжен! Эжен, агар уни йўқотган, сотиб юборган бўлсангиз... о, қандай ёмон иш қилган бўласиа!

Эжен унинг устига әнгашиб, Дельфинанинг қулоғига шивирлади:

— Шуни билмоқчимисиз? Ҳўп! Билиб қўйинг, бўлмаса! Отангизни бугун кечқурун кафанга ўрасак керак, ка-

Фанлик сотиб олишга ҳам пул йўқ. Соатни гаровга қўйдим,  
бошка сариқ чақам ҳам қолмади.

Дельфина бир сакраб ўрнидан туриб кетди, юргурганча  
секретарь олдига борди, ундан ҳамён олиб, Растињакка  
узатди. Кейин қўнғироқ қилиб, қичқирди:

— Эжен, ҳозир бораман, ҳозир! Фақат кийиниб олай.  
Ҳа, бормасам қандай ярамаслик қилган бўлардим! Бора-  
веринг, мен сиздан олдиноқ етиб бораман! Тереза,— деб,  
уй ходимасини чақирди,— жаноб де Нусингенни чақириб  
юборинг, ҳозироқ менинг олдимга чиқсин, унга гапим  
бор.

Эжен ўлаётган чолга қизларингиздан бири ҳозир келади  
деб хабар қила олишидан хурсанд бўлиб, Нев-Сент-Женевьев  
кўчасига деярлик шодиёна бир руҳда қайтди. У извоши  
чига пул тўлаш учун, ҳамённи титкилаб кўра бошлади:  
шундай бой, шундай нозанин навниҳолдек хонимнинг ҳам-  
ёнода фақат етмиш франк пул бор экан. Юқорига чиқиб  
қараса, Бъяншон Горо отани суюб ушлаб турипти, касал-  
хона фельдшери эса, врач назорати остида, чолнинг орқа-  
сини қиздирилган темир билан куйдирмоқда эди — бу  
медицина фанининг охирги, аммо бефойда чораси эди.

— Ҳеч нима сезяпсизми? — деб врач Горо отадан сў-  
ради.

Аммо Горо ота Растињакка кўзи тушиши билан жа-  
воб бериш ўрнига, ундан:

— Келишяпти-а, ростми? — деб сўради.

— Гапиришга ҳоли келяптими, касалга дош беради,—  
деди фельдшер.

— Ҳа, орқама орқа Дельфина келянти,— деди чолга  
Эжен.

— Менга қара! У нуқул қизлари тўғрисида гапиради.  
Олдимга олиб келинглар деб талаб қиласди, шундай жон  
ҳолатда қичқирдики, одамларнинг гапига қараганда, қо-  
зиққа ўтқазиб жазоланган одамлар сув талаб қилиб, ана  
шундай бақиришар эмиш.

— Бўлди,— деди врач фельдшерга,— бундан ортиқ ҳеч  
қандай чора қолмади, уни қутқариб бўлмайди.

Бъяншон билан фельдшер иккаласи беморни яна қўлан-  
са ўринга ётқизиб қўйишиди.

— Ҳар ҳолда ич кийимини ўзгартиш керак эди,— деди  
врач.— Тўғри, ортиқ умид қолмади, аммо ҳар бир одам-  
нинг ўзига яраша қадр-қиммати бор, ахир. Мен яна бир  
кириб ўтарман. Бъяншон,— деди у, студентга.— Агар бе-

мор яна оҳ-воҳ қила бошласа, диафрагмасига афъюн қуинилар.

Фельдшер билан врач кетишиди.

— Менга қара, Эжен, хафа бўлма, дўстим! — деди Бъяншон Растињакка, иккови ёлғиз қолгач.— Ҳозир унга фақат тоза кўйлак-иштон кийгизиб, чойшабини янгилаб қўйиш керак. Сильвияга бориб айт, тоза чойшаб олиб келсин, бизга қаравиб ҳам юборсин.

Эжен емакхонага тушди, бу ерда Воке хоним билан Сильвия иккаласи дастурхон тузатишаётган экан. У Сильвияга илтимосини билдириши биланоқ, бева Воке юзида, зарар кўришни ҳам, харидорни қўлдан бой беришни ҳам истамаган эҳтиёткор савдогар хотинлар сингари башарасини буришириб, унинг олдига пилдираганча келди.

— Азизим, жаноб Эжен,— деб гап бошлади у,— Горио отанинг сариқ чақаси ҳам қолмаганини ўзингиз мендан ҳам яхшироқ биласиз. Жони чиқай деб турган одамга чойшаб бериш — уни бекорга исроф қилиш билан баравар, ҳалиям унга битта чойшабни кафанликка беришга тўғри келади. Сиз әса менга ҳалитдан бир юз қирқ тўрт франк қарзсиз, бунинг устига яна чойшабга қирқ франк ва бошқа бавзи майдачуйдаларга, Сильвия келтириб берадиган шамга ҳақ тўласангиз ҳаммаси бўлиб, икки юз франкка бориб қолади, мендек бир муштипар бева хотин шунча пулни қандай қилиб ҳавога совуриб юборсин? Йинсоф қилинг ўзингиз, жаноб Эжен, бахтсизликлар дўлдек ёғилиб турган шу кейинги беш кун ичиди суробим тўғри бўлиб қолди ўзи. Чолнинг сиз белгилаган муддатда кўчиб кетиши учун ёнимдан ўн эқю тўлашга ҳам рози әдим. Бундай кўнгилсизлик ижарадорларимни бездиради. Текин бўладиган бўлса, уни яхшиси касалхонага жўнатай. Менинг аҳволимга ҳам тушунингда. Корхонам мен учун ҳамма нарсадан ҳам муҳим, мен ўшанинг орқасидан кун кўраман.

Растињак ғизиллаганча Горионинг хонасига чиқди.

— Бъяншон, соатга олган пулларинг қани?

— Анави ерда, столда турибди; уч юз олтмиш нечаям франк қолди. Олган дориларнинг пулини ҳаммасини тўлаб келдим. Ижара кассасининг квитанцияси ҳам пул остида турибди.

Растињак зинадан югуриб тушди-ю, нафрат билан бевага қараб деди:

— Энди, Воке хоним келинг, бир ҳисоб-китоб қилиб

қўяйлик. Жаноб Горою уйингизда энди узоқ қолиб кетмади, мен ҳам...

— Ҳа, бечоранинг оёғини олдинга қилиб олиб чиқиб кетишади,— деди у ярим хафалик, ярим шодлик билан, икки юз франк пулни санаб олар әкан.

— Бас қилинг бу гапни,— деди Растињяк.

— Сильвия, чойшабдан беринг, ўзингиз ҳам юқорига чиқиб қарашиб юборинг. Сильвияни хурсанд қилишини ҳам унумтманг,— деб шипшиди бева Воке Эженнинг қулоғига,— икки кундан бери ухлагани йўқ.

Растињяк узоқлашгани заҳоти кампир гизиллаб ошпаз хотиннинг олдига борди ва:

— Еттинчи номерли ямоқли чойшабдан ол. Мурдага ўшанақаси ҳам ярайверади,— деди қулоғига шивирлаб.

Эжен зинадан бир неча пиллапоя юқорига чиқиб қолган әди, шунинг учун беканинг бўйругини әшитмади.

— Менга қара,— деди унга Бъяншон,— кел, бошқа кўйлак кийдирмиз. Кўтариб тур уни.

Эжен беморнинг бош тарафиға ўтиб уни кўтариб турди, Бъяншон эса унинг кўйлагини ечиб олди; чол гўё бир нарсанни ушлаб қолмоқчи бўлгандек ўз кўкрагига чанг солди-ю, инграб юборди, одатда қорамол ҳам кучли оғриққа чидай олмаганда шундай изтироб билан чўзиб инграйди.

— Ҳа! Айтгандай!— деб юборди Бъяншон.— У соч тоаларидан тўқилган занжирча билан медальонини сўраяпти, орқасини куйдирганимизда ечиб олиб қўйган әдик. Бояқиши! Бўйнига осиб қўйиш керак уларни. Анави ерда, каминда ётипти.

Эжен кул ранг соч тоаларидан ўрилган (Горою хонимнинг сочи бўлса керак) занжирчани қўлига олди. Медальоннинг бир тарафиға: «Анастази» деб, иккинчи тарафиға эса: «Дельфина» деб ёзиб қўйилган әди. Бу чолнинг юраги ёмблемаси бўлиб, доимо унинг кўксига осигуриқ юарди. Медальон ичida соч тоалари бор әди, уларнинг нозиклигига қараганда, қизларининг жуда ёшлиқ чоғидаги соч тоалари бўлса керак. Медальон чолнинг кўксига тегиши биланоқ, у тепасида турган йигитларнинг юрагини уюштириб юборар даражада қаттиқ хўрсиниб, бундан мамнун бўлганини билдириди. Бу хўрсинышда одамзоднинг ич-ичига, яъни кишининг назаридан ҳоли гўшага яширингай, одамзод меҳр-муҳаббатининг пинҳона маконига кириб кетган охирги меҳр ифодалари акс этгандек әди. Чеҳрасида жон талвасасига ўхшаган ғалати бир шодлик аломати кў-

ринди. Улкан ҳис әгаси бўлган бу одамдаги фикрнинг охирги ифодаси лов этиб, бир ёниб ўчганини кўрган иккала студент ҳам ўзини тута олмади: иккаласининг ҳам қайноқ кўз шлари жони узилаётган чолнинг юзига тушди, бунга эса чол:

— Нази! Фифина! — деб шодиёна қичқириқ билан жавоб қилди.

— Ҳали жони узилмайдиганга ўхшайди,— деди Бъяншон.

— Нима кераги бор унга жоннинг? — деб қўйди Сильвия.

— Азоб чекиш учун,— деб жавоб қилди Растиньяк.

Бъяншон, менга қўмаклашиб юбор, дегандек ўртоғига имо қилди-да, тиз чўкиб, қўлини чолнинг оёқлари остига тикиди, Растиньяк эса каравотнинг нариги тарафиға тиз чўкиб, беморнинг бели остига қўлини юборди. Сильвия унинг тагидан чойшабни тортиб олиш ва янгисини солиб қўйишга шай бўлиб, беморни кўтаришларини кутиб турди. Горою йигитларнинг кўз ёшини қизларини деб ўйлаб, охирги кучини йиғди-да, қўлларини узатди ва каравотнинг икки тарафида тиз чўкиб турган студентларнинг бошидан қучоқлаб олди, шунда: «Оҳ, пари қизларим!» дегани зўрга ёшитилди. Унинг жони шу икки сўэни гўлдираб талаффуз этди-ю, ўзи ҳам ўша сўзлар билан бирга танидан учиб кетди.

Охирги марта энг ёвуз, аммо ниҳоятда сидқидиллик оқибатида вужудга келган алдовдан лов этиб яна бир ёниб сунган энг юксак ҳис ифодасини кўрган Сильвиянинг кўнгли бўшашиб:

— Оҳ, бечора,— деб юборди.

Чолнинг охирги хўрсиниши, шубҳасиз, шодлик ифодаси бди: шу хўрсинишда Горою отанинг бутун ҳаёти яна бир марта акс этди — у яна алданган эди.

Гориони авайлаб каравотга ётқиздилар. Шу ондан бошлиб унинг юзида ўлим билан ҳаёт ўртасидаги кураш акс этиб турди, одамзоднинг шодлик ё хафалигини онгли радишда акс эттириб турадиган мияси алдақачон ишламай қўйган эди. Ўлимнинг бутунлай устуналик қилиши учун оғина вақт қолганди.

— Мана шу алфозда у яна бир неча соат ётади,— деди Бъяншон,— ўлиб қолганини сезмай ҳам қоламиз, у ҳатто ширилламайди ҳам. Мияси бутунлай ишдан чиқсан кўрилади.

Шу пайт зинадан харсиллаганча чиқиб келаётган ёш аёлнинг оёқ товуши эшитилди.

— У жуда кечикиб келди,— деди Растиньяк.

Аммо келган Дельфина әмас, унинг ходимаси Тереза өкан.

— Жаноб Эжен, баронесса билан барон пул тўғрисида қаттиқ уришиб қолишиди, бечора баронесса отаси учун пул сўраган эди. Шўрлик ҳушидан кетиб йиқилиб қолди, врач чақиришиди, қон олишга тўғри келди; кейин эса: «Отам ўлай деб ётибди, отам билан видолашгани боришим керак!» — деб чунонам айюҳаннос солдикি, асли қўясиз! Дод-фарёдлари билан юракларимни әзинб юборди.

— Бас, Тереза! Энди келганининг фойдаси ҳам йўқ: жаноб Горио ҳушсиз ётибди.

— Бечора жаноб Горио, наҳотки аҳволи шу қадар оғир бўлса? — деб қўйди Тереза.

— Энди сизларга керагим йўқ, бориб овқат қилай, соат ҳам тўрт ярим бўлиб қолди,— деди Сильвия ва чиқиб кета туриб, зинанинг юқори майдончасида графиня де Рестога урилиб кетай деди.

Графиня де Рестонинг аҳволига қараб таъсиранмай ва даҳшатга келмай илож йўқ эди. У биттагина шам ёруғида гира-шира кўриниб турган ўлим тўшагига қаради, ҳаётнинг охирги заиф ифодалари кўриниб турган, аммо ниқобдек қотиб қолган отасининг юзига қараб йиғлаб юборди! Бъяншон унга ҳалақит бермаслик учун чиқиб кетди.

— Олдинроқ чиқиб келолмадим,— деди графиня Растиньякка:

Эжен ғамгинлик билан бош иргитиб қўйди. Графиня де Ресто отасининг қўлини ўа қўлига олиб ўпди.

— Дада, жечиринг мени! Овозингни эшитсан, гўрдан ҳам чиқиб келаман дердингиз: бир лаҳзага бўлса ҳам яна қайтинг, тавбасига таянган қизингизнинг гуноҳидан ўтинг! Гапларимни эшитинг. Қандай даҳшат: бу ёруғ дунёда менга сиздан бошқа ким ҳам фотиҳа берарди! Мени ҳамма ёмон кўради, фақат сиз яхши кўрасиз. Мени, ҳатто, ўз болаларим ҳам ёмон кўриб қолишиди. Мени ҳам ўзингиз билан олиб кетинг, бутун меҳру муҳаббатимни сизга бағишлайман, сизга ғамхўрлик қиласман. Гапимни эшитмаяпти, жинни бўлиб қоламан ҳали.

У отасининг оёғига йиқилиб, жонсиз танага телбаларча назар билан бақрайиб қараб қолди.

— Не савдолар тушди менинг бошимга,— деди у Ра-

тинъякка ўгирилиб.— Граф де Трай катта қарз орттириб жўнаб қолди; менга бевафолик қилиб юрганини ҳам билдим. Эрим мени ҳеч вақт кечирмайди, ўз давлатимни эса тамомила унинг ихтиёрига бериб қўйғанман. Бутун орзу-ҳавасларим пучга чиқди! Ҳайҳот! Доим менинг дуойи жонимни қилиб юрган (шундай деб, у отасини кўрсатди) одамдан кимларни деб юз ўгирибман-а! Мен уни тан олмабман, кўкрагидан итарибман, минг хил азоб-уқубатларга дучор қилибман, мен — мараз хотинман!

— У ҳаммасини билар эди,— деди Растиньяқ.

Бирдан Горио ота кўзини очди, аммо бу киприклари-нинг учиб кетгани натижаси эди. Графиня отасига отилди, пучга чиққан бу умид ифодаси ҳам, ўлаётган чолнинг нурсиз боқиши сингари ўта даҳшатли бир манзара эди.

— Эҳтимол гапимни эшитар!— деб юборди графиня.— Йўқ,— деди у ўзида ўзи жавобан каравот ёнига ўтирап экан.

Графиня де Ресто, отам олдида бирпас ёлғиз қолай, деб ҳоҳиш билдириди; шундан кейин Эжен бир оз тамадди қилиб олиш учун пастга тушди. Хўрандаларнинг ҳаммаси ўгирилиб бўлишган эди.

— Афтидан, юқорида кичкинагина ўлимрама юз берадиган кўринадими? — деб сўради рассом.

— Шарль, менимча, ҳазил қилиш учун хийла хушчақчақ мавзу танлаганингиз маъқул эди,— деди Растиньяқ.

— Ийе, ҳали кулиб ҳам бўлмас экан-да? Нима қипти ахир, Бъяншон, чол беҳуш ётиби деб айтди-ку,— деб әътиroz билдириди рассом.

— Демак, қандай яшаган бўлса, шундай ўлиб кетар экан-да,— деб гапга аралашди музей ходими.

— Дадамнинг жони узилди!— деб қичқирди графиня.

Бу даҳшатли қичқириқни эшитиб, Растиньяқ, Сильвия, Бъяншон юқорига отилишди, графиня беҳуш ётган эди. Уни ҳушига келтириб, дарвоза олдида кутиб турган аравага әлтиб қўйишли. Эжен уни Терезага топширди ва де Ну-синген хоним олдига олиб боришни буюрди.

— Ўлибди,— деди Бъяншон, пастга тушиб.

— Қани, жаноблар, дастурхонга марҳамат, бўлмаса шўрва совиб қолади,— деб таклиф қилди Воке хоним.

Иккала студент ёйма-ён ўтиришли.

— Энди нима қилиш керак?— деб сўради Бъяншондан Эжен.

— Мен унинг кўзини юмиб тўғрилаб ётқизиб тушдим.

Биз маъдум қилганимиздан кейин, мэриядан келган врач чолнинг ўлганига гувоҳликка ўтади-да, сўнgra уни кафанга ўраб, олиб бориб қўмишади! Сенингча нима қилиш керак, бўлмаса?

Хўрандалардан бири чолнинг қилиғига тақлид қилиб кўрсатиб:

— Энди у мана бундай қилиб нон ҳидламайди,— деди.

— Э, жаноблар, Горио отани тинч қўйинглар әнди, ҳадеб бизга ўшандан гапираверманглар! — деди репетитор.— Бир соатдан бери минг оҳангта солиб, ҳадеб ўшани оғзингиздан қўймайсиз. Шавкатли Париж шаҳримизнинг ажойиб хусусиятларидан бири шуки, унда сенга ҳеч кимнинг ёътиборини тортмасдан туғилиш, яаш ва ўлиш имконияти берилган. Маданият яратган қулайликлардан фойдаланайлик-да ахир. Бугун Парижда олтмиш киши дунёдан ўтса, шунча одам ўлиб кетибди деб, кўз ёши тўкиб ўтиromoқчи эмасдирсизлар? Горио ота дунёдан кўз юмган әкан, ўзига яхши! Агар унга жуда жонингиз ачиб кетаётган бўлса, боринглар, олдига чиқиб ўтиринглар, биз эса тинчгина овқатимизни ейлик.

— О, албатта, ўлгани ўзига яхши бўлди! — деди бева.— Афтидан, у шўрлик ёруғ дунёдан сира рўшнолик кўрмай ўтди!

Эженинг назарида, оталикнинг тимсоли бўлган одамга ўлганидан кейин, қабри устида айтилган бирдан-бир гаплар шу бўлди. Ўн беш нафар хўранда ҳар вақтдагидек ундан-буидан гаплашиб овқатлана бошлади. Бъяншён билан Растињак дастурхон олдида ўтиришганда, қошиқ ва вилкаларнинг жаранги, шовқин-сурон билан олиб борилаётган сұҳбат орасида кўтарилиб турган қаҳқаҳалар, очқўзлик билан овқатни ураётган одамларнинг башараси, уларнинг юзида акс ётиб турган ёътиборсизлик ва ҳеч нарсага мутлақо қизиқмаслик — булалинг ҳаммаси ҳам икки йигитнинг қалбини нафрат билан тўлдириди. Икки дўст дастурхон олдидан туриб, мурда олдида кечаси ибодат қилиб чиқиши учун руҳоний чакиришга кетишиди. Қазо қилган чолни бутун расм-руссумларини жойига келтириб қўмишга пулларини етказиш учун пулни жуда тежаб харажат қилишлари керак әди. Кечқурун соат тўққизга яқин мурдани бир-бирига қоқиб уланган таҳта устига, икки шам ерасига, ўша ўзининг аянч хонасига ётқизиб қўйдилар, шундан кейин мурда олдига руҳоний келиб ўтириди. Уйқуга ётишдан олдин Растињак ўликни қўмиш учун тахминан қанча пул

кетишини руҳоний отадан сўраб олди-да, кўмиш маросимнинг ишлатиш учун шунча пул керак экан деб, барон де Нусинген билан граф де Рестога ўз ишончли вакилларини юборишни илтимос қилиб, хат ёзиб юборди. Хатларни Кристоффдан бериб юбориб, чарчаб кетганидан ўрнига ётди-ю, қотиб уҳааб қолди.

Эртасига эрталаб Растињяк билан Бъяншон Гөрионинг ўлими тўғрисида мэрияга ўзлари хабар беришга мажбур бўлдилар, шундан кейин унинг вафот этгани кундуз соат ўн иккиларда расмий равишда қайд қилинди. Икки соатдан кейин руҳонийга Растињякнинг ўзи ҳақ тўлашга мажбур бўлди, негаки куёвлар олдидан ҳеч ким келмади ва биттаси ҳам пул юбормади. Мурдани ювиб, кафанга ўраб бериш учун Сильвия ўн франк сўради. Растињяк билан Бъяншон пулларини ҳисоблаб кўриб, агар марҳумнинг қариндошлари кўмиш харажатларидан бош тортсалар, бор пуллари ўликни кўмишга зўрга етишини билардилар! Шуннинг учун медик-студент мурдани Кошен касалхонасидан арzon-гаров сотиб олиб келган камбағаллар тобутига ўзи соладиган бўлди.

— Анави ярамасларни бир болайсан,— деди у, Растињякка.— Пер-Лашез қабристонидан беш йил муддат билан озигина ёрни ижарага оласан, черковга ибодат буюрасан, ўликларни кўмиш конторасига мурдани учинчи даражали маросим билан кўмишни шарт қилиб қўясан. Куёвлари билан қизлари қилган харажатларингни тўлашдан бош тортишса, чолнинг қабри устига қўйилган тошга: «Бу ерда графиня де Ресто билан баронесса де Нусингеннинг икки студент пулига дафи қилинган отаси жаноб Горио ётиди»,— деб ўйиб ёздирасан.

Эжен дўстининг маслаҳатига кириб, де Нусингенлар уйига ҳам, де Рестолар уйига ҳам бориб кўрди. Аммо уни остононадан нарига ўтказишмади. Иккала хонадон швейцарлари ҳам бу тўғрида қаттиқ буйруқ олган әдилар.

— Ҳўжайнлар ҳеч кимни қабул қилишмайди,— деб жавоб қилишиб улар,— уларнинг отаси ўлган, мотам тутмоқдалар.

Эжен Париж зодагонларининг расм-одатларини, ортиқча уринишнинг бефойдалигини биларди. Дельфинанинг ҳам олдига киришнинг иложи йўқлигини тушунгандан кейин Эженинг юраги айниқса сиқилди, шундан кейин швейцарнинг ҳужрасида унга кичкина хат ёзиб кўргизиб юборди:

«Отангизни сўнгги маконига муносиб равишда олиб бориб қўйиш учун бирор қимматбаҳо безагингизни бўлса ҳам сотинг!»

У хатни конвертга солиб баронессага етказиш учун буни Терезага элтиб бер деб швейцардан илтимос қилди, аммо швейцар хатни бароннинг ўзига элтиб берди, барон эса уни каминда ёниб турган ўтга ташлаб юборди. Қўлидан келган бутун ҳаракатини қилиб, Эжен соат учларда пансионга қайтиб борди-ю, қора матога наридан-бери ўралган ва бўм-бўш кўчанинг ўртасида, иккита стул устига қўйилган тобутни кўриб, беихтиёр кўзларига ёш келди. Кумуш суви юритилган мис тосдаги муқаддас сув ичида эски бир кропило<sup>1</sup> ивиб ётарди, аммо унга ҳали ҳеч ким қўл теккизмаганди. Ҳатто кўча эшикка ҳам мотам белгиси осилмаган эди. Бу гадо ўлими эди: на бирор тантанали маросим бўлаётган эди, на марҳумнинг бирор қариндоши, на бирор кузатувчи, на бирор дўст-ёри келган эди. Касалхонада банд бўлиб қолган Бъяншон унга хат ёзиб юборибди, унда, ибодат ўқийдиган руҳоний билан гафлашиб қўйдим, деб хабар берган эди. Медик-студент, черковда тантана билан ибодат ўқитишга пулимиз етмайди, кичкина қилиб кечқурунги ибодат буюриб қўя қолайлик, анча арzon тушади, шуни илтимос қилиб ўлик кўмиш конторасига хат билан Кристоффни юбордим деб ёзган эди. Бъяншоннинг ажи-бужи хатини ўқиб тугатар экан, Эжен бева Вокенинг қўлида Горою ота қизларининг соч толалари солинган тилла гардишли медальонни кўриб қолди.

— Қандай ҳаддингиз сифди буни олишга? — деб сўради у.

— Ана холос! Буни ҳам қўшиб кўмармидингиз? Ахир, бу олтин-ку, — деди Сильвия.

— Нима қипти! — деди Растињяк, газабдан бўғилиб. — Қизларидан қолган бирдан бир хотира шу, гўрига бирга олиб кетсин.

Тобут қўядиган арава етиб келгандан кейин Эжен тобутни яна юқорига олиб чиқиши буюриди, тобут қопқоғини очиб, Дельфина билан Анастазининг гўдак, қалби пок ва

<sup>1</sup> Кропило — момиқ попукка ўшаган бир нарса, христианларни дағн қилиш маросимларида ўша нарса билан мурдага «муқаддас» сув сепилади.

Горионинг жон талвасасида айтганидек, «унга ақл ўрга-тишмайдиган» вақтларидан хотира бўлган буюмни ихлос билан чолнинг кўкрагига қўйди.

Бечора отанинг мурдаси солинган аравани Нев-Сент-Женевьев кўчасига яқин жойлашган Сент-Этьен-дю-Мон черковига фақат Растињяк, Кристоф, яна иккита машала-чи кузатиб боришид! Етиб келишгандан кейин тобутни черковнинг бир бурчагидаги пастаккина меҳробга қўйишид. аммо Растињяк черковга кўз югуртириб, Горио отанинг қизлари ё куёвларини қидириб тополмади. Тобут ёнида фақат Растињяк билан Кристоф қолишид, Горио отага дастёрлик қилиб юрган вақтларida дурустгина чойчака ишлаб олгани учун Кристоф унга охирги марта холис хизмат қилишни ўзининг бурчи деб ҳисоблаган әди. Икки руҳонийни — дуои такбир ўқийдиган поп ва унга жўр бўладиган болани кутиб туришар экан, Растињяк бир оғиз ҳам сўз айтишга мажоли қолмай, индамасдан Кристофнинг қўлинни қисиб қўйди.

— Ҳа, жаноб Эжен,— деди Кристоф,— у яхши, ҳалол одам әди, ҳеч вақт ҳеч ким билан уришмасди, ҳеч кимга зарари тегмасди, ҳеч кимга ҳеч вақт ёмонлик қиласкан әмасди.

Икки руҳоний — дуои такбир ўқийдиган поп ва унга жўр бўладиган бола келишиб, черков текинга ибодат қилгудек бой бўлмагани учун, етмиш франкка лойиқ қилиб жаноза ўқиб юбордилар. Поп Libera ва De profundis деган икки сурा ўқиди. Бутун маросим йигирма минутча давом этди. Руҳоний ота билан жўр бўлувчи бола учун фақат битта мотам каретаси бор әди, лекин улар Эжен билан Кристофни ҳам бирга олиб кетишга рози бўлдилар.

— Кузатувчилар йўқ,— деди руҳоний ота,— кеч қолиб кетмаслик учун тезроқ юрсак ҳам бўлаверади, соат ҳам беш ярим бўлиб қолди.

Аммо энди, тобутни аравага олиб қўйишаётгандан, эшигига герб ишланган, аммо ўзи бўш икки арава — граф де Рестонинг каретаси билан барон де Нусингеннинг каретаси келиб қолди ва маросимни Пер-Лашез қабристонига-ча кузатиб борди. Соат олтида Горио отанинг жасадини янги ковланган қабрга қўйдилар; қабр атрофига қизларининг лакейлари туришарди, аммо студентлар тўлаган арзимас ҳақ учун нари-бери ибодат ўқиб жўнаб қолган руҳонийлар кетидан улар ҳам қочиб қолишид.

Тобут устига бир неча белкуракдан тупроқ ташлаб.

гўрковлар ишдан тўхташди, шундан кейин улардан бирни Растињакдан ароққа пул сўради. Эжен чўнтагини кавлашибтириб, ҳеч нарса топа олмагандан кейин Кристофдан бир Франк қарз олишга мажбур бўлди. Бу арзимаган ҳол Растињакка жуда қаттиқ таъсири қилди: жуда юраги сиқилиб кетди. Кун ботиб борар, нам оқшом ҳавоси кишининг асабига тегарди. Эжен қабрга назар ташлади ва чин ёшликининг сўнгги самимий ва ҳаяжонли кўз ёшини шу қабрга кўмди — бундай кўз ёшлар ерга томгач, ўсиб-униб самога кўтарилади. Эжен қўлларини кўксига қовуштириб, булутларга қараб қолди. Кристоф унга бир назар ташлади-ю, уйга жўнади.

Студент ёлғиз ўзи қолганидан кейин бир неча қадам юриб, қабристоннинг баландроқ ерига чиқди, бу ердан илон изи бўлиб оқиб ётган Сена бўйига жойлашган, баъзи ерларида аллақачон чироқлар ёқилган Париж кўриниб турарди. У кўзларини Вандом устунлари билан Йивалилар уйи гумбази ўртасига жойлашган, Париж зодагонлари яшайдиган, ўзи кириб бормоқчи бўлиб интилган даҳага тикди. Эжен худди ари уясидек гувиллаб ётган ўша ерга ҳарис кўзлари билан тикиларкан, гўё асалидан тотиб кўраётгандек такаббурлик билан:

— Қани, энди кўрамиз, ким енгар әкан: менми ё сен? — деди.

Жамиятта ана шундай хитоб қилиб, биринчи қилган иши — овқатланиш учун Дельфина де Нусингенникига жўнаб кетди.

*Саше, 1834 йил, сентябрь,*

## ИЗОХЛАР

Бальзак «Горио ота» романини энг аввал 1834 йилнинг декабридан 1835 йил февралигача «Париж ахбороти» журналида бостириди: 1835 йилда роман алоҳида китоб бўлиб чиқди; 1843 йилда у «Париж ҳаёти манзаралари» цикланинг биринчи томига киритилди. Бироқ, Бальзак ёзиб қолдирган мақолаларида айтилишича, у келгуси нашрларда бу романни «Хусусий ҳаёт манзараси» циклига киритмоқчи бўлган экан.

«Горио ота» романни адибнинг ижодий режасига кирган ўтган аср буржуя ҳаёти бадиий тарихининг энг муҳим қисми ҳисобланади. Бальзакнинг «Фикрлар, сюжетлар, фрагментлар» деб аталган ижодий режалари орасида қисқагина бир ёзув бор. «Чол — онлавий пансион — 600 франкли рента — қизлари деб ўзини ҳамма нарсадан маҳрум ҳилди, аммо ҳар иккала қизнинг 50 000 франкдан даромади бор; итдек хор бўлиб ўлади». Бу хомаки ёзувда қизлари томонидан оёқ ости қилинган Горионнинг чексиз меҳр-муҳаббати тарихини осонлик билан англаб олиш мумкин. Бальзак дастлабки ижодий режаларидаёқ Горио ота фожиасининг типик буржуя характерини кескин фош қилиб ташлайди, ўз қаҳрамонларнинг «хусусий ҳаёти» пулга бениҳоя хасислик хусусияти билан чекланганини таъкидлайди.

Бу асарни «Одамзод комедияси»даги умумий режа билан чамбарчас боғлаб турган белгилардан бири шундан иборатки, бу романнаги персонажлардан ўттизга яқини Бальзак внопеясига кирган бошқа роман ва повестларда ҳам қатнашади; Эжен Растињяк, Жак Коллен (Вотрен), виконтесса де Боссан, Дельфина Нусинген, Бьяншон ва бошқалар шулар жумласидандир.

Бальзак китобларида кўпчилик ҳолларда «Горио ота»даги қаҳрамонларнинг тилга олиниши — асосан Горио отада умумий тарзда белгиланган ёки қисман ёритилган, ёки унинг асосий проблемалари билан чамбарчас боғланган мавзуларга мурожаатдан иборатдир. «Горио ота» романни «боғловчи»лик вазифасини ўтовчи асардирким, Бальзакнинг кўпгина роман ва повестлари мавзу жиҳатдан у билан улангандир.

Бальзак романнадаги иккى энг муҳим образ — Горио билан Растињяк — бир-бирин билан чамбарчас боғлангандир, аммо бунга сабаб Эженнинг Горио қизи Дельфинага ошиқ бўлиб қолгани ва Рас-

тиңъяккнинг бошидан охиригача Горио билан ёнма-ен яшаб, у бошидан кечирган фожиаларни бегараз шоҳиди сифатида бўлганининг ўзигина әмас. Илгитнинг киборлар даврасида қозонган дастлабки ютуқлари тарихи ва чолнинг ҳалокати тарихи Реставрация даврида, Француз жамоатчилигига, Бальзак шоҳиди бўлган айнан мазкур ижтимоий ахлоқ қонунларидан бунёд бўлган. Бу ахлоқни Бальзак виконте́сса де Босеан тили билан ифодалайди; виконте́сса Растињакка насиҳат қилиб шундай дейди: «Қамча совуққонлик билан иш тутсангиз, шунча мартабангиз ошади. Ҳеч аямай зарба бераверинг, ана ўшанда ҳаршингизда титраб турадиган бўлишиди... Ҳётда жаллод бўлинг, жаллод бўлмасангиз, унинг ойболаси остида ҳалок бўласиз...» Растињак бу насиҳатни яхшилаб ўзлашибириб олди ва «зафар қозониш» йўлидан кетди. Горио ота ҳаёсиз «нақдина» ахлоќнинг аёвсиз зарбасига дучор бўлади...

Сургундан қочган Вотрен образи романда алоҳида ўрин тутади. Бальзак шу Вотреннинг тили билан буржуа ахлоқини ниҳоятда аниқ карактерлаб беради; чунончи, Вотрен «миллион-миллион пулга тузоқ қўйиш ҳақида» гапиаркан, Растињак аста-секин ҳалол меҳнат ҳақидаги орзуларидан воз кечиб, овга иштирок этиш учун шайлана бошлайди: «Ов ҳам ҳар хил бўлади, лейди Вотрен,— бирор сеп ови қилади, бошқа бирор рақибининг корхонасини тугатиш мақсадида ов қилади; биринчиси одамлар қалбини тузоқда илнитириш пайида бўлса, иккинчиси ўз ишончли кишиларининг қўл-оёғини боғлаб, уларни сотиб юради. Кимда-ким ов тўрвасини ўлжага тўлдириб қайтса, саломнинг қуюги-ю, иззат-икромнинг улуғи ўшанга, у ёнг асилзодалар даврасига қабул қилинади... Эътиқод ва лафз деган нарсалар билан ҳисоблашиби ўтириши ташланг. Бундай нарсаларга ҳаридор топилгудек бўлса, пудлаб юборинг...» Вотреннинг панд-насиҳати билан виконте́сса де Босеан ўйтлашининг мазмуни бир овил, аммо бу насиҳатларни сургундан қочгани Вотрен «одамзод комедияси» пардаси орқасига яширинган ҳолда айтса, виконте́сса очиқ-ойдин гапиради. Уларнинг буржуа жамиятида кишилар муносабати ҳақидаги фикрлари замирада ички ўхшашлиқ мавжуд эканлигини Растињаккнинг ўзи ҳам эътироф этади: «Бу одамнинг мулоҳазалари нақадар пухта-я! Де Босеан хоним боадаблик билан айтган гапларнинг айнан ўзини у қўйол суратда шартта-шартта галириб ташлади».

З-бет. Жоффруа де Сент-Илер Этьен (1772—1844) — машҳур Француз воолог олими, ўз даври учун прогрессив ҳисобланган ҳайвонот олами организмларининг тузилишидаги бирдамлик ҳақида илмий назарияни олдинга сурган. «Горио ота» романини Жоффруа де Сент-Илерга бағищаниши биринчи марта 1843 й. нашрда пайдо бўлди, бироқ Бальзак Жоффруа де Сент-Илернинг назариясига 30-йилларнинг бошлариданоқ қаттиқ қизиқа бошлаган эди.

Лотин маҳалласи — Париж районларидан бири; бу ерда жуда қадим замондан олий ўқув юртлари, музейлар ва кутубхоналар жойлашган эди.

Сен-Марсо (бошқача қилиб айтганда — Сен Марсель) — Париж маҳаллаларидан бири; Бальзак яшаган даврда бу ерда асосан ҳашшоқлар истиқомат қиласиди.

**4-б е т. Монмартр** — Бальзак замонасида — Парижнинг шимолий чеккаси. **Монруж** — жанубий чеккаси. Бу ерларда тепаликлар кўп учрайди.

**Жаҳоннатда** («жаҳонкир») — ҳинд худоси Вишнунинг тасвирила-ридан биря. **Жаҳоннатда** шарафига ўтказиладиган катта ҳайит вақтида, художўйлар қўшилган каттакон аравада унинг ҳайкални олиб чи-қиларди. Мутаассиблар ўзларини шу арава гилдигари остига ташлаб шаҳид бўлардилар, коғинлар уларга бунинг өвазига, қашшоқ одам руҳи қайта тирилганда юқори мазҳаб кишисига айланади, деб ваъда килардилар.

**Валь-де-Грас** — Парижда ҳарбий госпиталь биноси.

**Пантеон** — Парижда XVIII асрда қурилган каттакон бино; у аввал ибодатхона бўлган; XVIII аср буржуазия революцияси вақтида у Францияning машҳур арабоблари даҳмасига айлангани, аммо бу ерга дағи өтилган одамлар орасида ҳеч машҳур бўлмаган одамлар ҳам қўйилган, масалан: Учинчи республика президенти Сади Карно дағи өтилгану, лекин Вольтер каби адиллар ва Марат сингари революцион арабобларга бу ердан жой берилмаган, уларнинг хоки Пантеондан чиқариб юборилган.

**8-б е т. Турне** — Бельгиянинг саноат шадри.

**9-б е т. Арган** корхонасидан чиқсан... кенкет лампа — мой билан ёнувчи такомиллашган лампа.

**10-б е т. Пишегрю билан Жорж**. — Шарль Пишегрю билан Жорж Кадудаль — Наполеон I нинг биринчи консуллик вақтида (1804). унга суннада уюштирган роялистлар фитнасининг ташкилотчилари; Фитна иштирокчиларидан биря уларни фош қилган; Кадудаль қатла өтилган, Пишегрю эса қамоқда ўлган.

**12-б е т. Сальпетриер** — Парижда кампирлар учун хайрияхона: унинг қошида руҳий касаллар ва асаб касаллари шифохонаси ҳам бор.

**Бурб** — Париждаги тургуқхоналардан бирининг номи («la bougre» — лой, ботқоқ сўзидан олинган).

**15-б е т. Берtrand ва Ратон** — Лафонтеннинг «Маймун ва мушук» масалидаги персонажлар; бу масалада вайёр маймун Берtrand мушук Ратонни ўзи учун ўлиб-кутулиб ишлашга мажбур атгани ҳикоя қилинади. 1833 йилда Э. Скриб сатирик комедия ёзиб, унга «Берtrand ва Ратон» деб ном қўйган.

**18-б е т Глория** — конъяқ қўшилган ширин кофе ёки чой.

**Ювенал Децим Юний** (эрэмизнинг I-II асрлари) — Римлик сатирик шоир, у ўз асарларида Рим империясидаги ҳукмдор синфларнинг кирдиорларини аёвзиси фош қиласди.

**22-б е т. Макуба** — Макубадан (Мартиника ороли) өлиб кела-надиган олий нав. тамаки.

**24-б е т. Марэ** — XVIII асрда йирик амалдорлар иморат қуриб обод қилган Париж маҳалласи; XVIII аср буржуазия революциясидан кейин савдо-саноат маркази бўлиб қолди ва у ерда асосан ҳунарманд ва сэвдо аҳди яшайдиган бўлди.

«Беф а ля мод» сўзма-сўз таржимаси: «Мода бўйинча тайёрланган мол гўшти», гўштанк овқат; шу ном билан юритилувчи Париж ресторонларидан бирининг вивескасига аёлларнинг сўнгги моддадаги шляпасини кийган ва шол рўмол ўраган буқанинг расми чизилган эди.

**27-б е т. «Кориншону анчоуснинг кераги йўқ».** Кориншон (франц.— сиркалантган майда бодринг; анчоус (ингл.) — сельдга ўхшаган майда балиқ.

29-б е т. «Прюнелдан тикилган ботинка». Прюнель (франц.) — пойнарзал учун ишлатиладиган юпқа, аммо пишиқ иш газлама.

39-б е т. Елисей Даласи — Парижнинг ёнг катта кўчаларидан бири.

35-б е т. Одеон — Париж драма театри.— *Прадо* — Париждаги кўнгил очиш уйлари.

36-б е т. Оссиан тул чехралари — яъни Шотландия шоири Жемс Макферсоннинг (1736—1796) «Оссиан достонлари» асаридаги образларга ўхшовчи чехралар. Макферсон ўзининг шотланд халқ ижоди асосида ёзган асарини китобхонга, Шотландиянинг афсонавий шоири Оссиан (эрмизининг III асрни) қўшиклиарининг инглизча таржимаси деб тақдим қиласди.

37-б е т. *Буфонлар* — Париждаги Комик опера театри одатда шу ном билан юритиларди; бу театр 1807 йилдан бошлаб Италия комедия театри билан қўшилиб кетган.

Шоссе д'Антен — Бальзак замонида молия буржуазияси яшаган Париж райони.

53-б е т. Галь Франц-Иосиф (1758—1828) — Австрия врачи ва анатоми. У «Френология» деб юритилувчи гайри илмий назарияни олдинга сурган. Бу назария бўйича, гўё киши бош чанорининг сиртки тузилиши унинг ақлий қобилиятига, шунингдек характерига боғлиқ бўлармиш.

«Худди гулдек...» — француз шоири Француз де Малербнинг (1555—1628) шеъри.

59-б е т. Пенюар (франц.) — аёлларнинг юпқа матодан тикиладиган эрталабки кўйлаги.

60-б е т. Шаранта — Франциянинг гарби жанубидаги дарё. Бу дарё соҳилига Ангум жаҳри жойлашган бўлиб, романда ётироф этилинича Растињаклар ер-мулки шу шаҳар яқинида бўлган.

62-б е т. Хинд компанияси — XVIII асрда Хиндистон давлати ва Зонд архипелаги билан савдо қилиш мақсадида ташкил ётилган; бу компания Франция ҳукуматидан фавқулодда имтиёзлар олган ва мустамлака асорати қуороли бўлиб хизмат қиласди.

65-б е т. Кабриолет — бир от қўшиладиган икки гилдиракли енгил адаба.

79-б е т. «...секциялардан бирининг раиси эди». — XVIII аср Франция буржуа революцияси вақтида Париж қирқ саккиз секцияга бўлнигандан бўлиб, улар мустақил равнишда ўзини ўзи идора қилиш, шунингдек ўз вакилларини шаҳар маҳкамасига ва давлат лавозимига сайлаш ҳуқуқидан фойдаланардилар. Париж секциялари революцион воқеаларда муҳим роль ўйнардилар.

Жемоатчиликни қутқариш комитети — Францияда 1793 йилда таъсис ётилган ва Конвент томонидан сайланган давлат ёки-мияти оғраги.

83-б е т. Ариадна или. Ариадна — қадимги грек мифологиясида Крит подиохи Миноснинг қизи; Ариадна бир конток иш ёрдамида Афина қадрамони Тесейнинг лабиринтдан қутулиб чиқишига кўмаклашган.

85-б е т. Асимптета — грекча «туташмайди» деган маънени билдиради. Ўзига параллель чизиқка тобора яқинлашиб борса ҳам, ҳеч қачон уни кесиб ўтмайдиган тўғри чизиқ.

92-б е т. Долибан — энг севимли қизини бутун вужуди билан севгани, ёртаю кеч унинг ташвиши билан яшаган ота: Долибан — Дефорги такаллуси билан танилган француз актёри ва драматурги

**Жан-Батист Шударнинг (1746—1806) «Кар, ёки гавжум мездончо-на» комедиясидан персонажлардан бирин.**

94-б ет. «...Мұқаддас Рұмо империясинин барони бүлиб қол-ған...» — Х асрда Герман давлатига берилған ном; Германия то Наполеон I құшындары томонидан заңт әтилгүнча шу ном билан юрттылған. Немис оқсусыклари ва герман князлари ҳукumatлари билан турли хил битимлар тузиш натижасида немис ва ажнабий буржуа аҳли шундай «фаҳрли унвонлар»га сазевор бўлар әдилар.

95-б ет. *Хирагра* — қўлнинг бод касалидан зирқираб оғриши.

101-б ет. «... Сен-Жак кўчаси билан Сен-Пер кўчаси ўртасида» — яъни Лотин маҳалласида (290-бетдаги изоҳга қаранг).

101-б ет. *Галион* — испанларнинг елканли кемаси. XVI-XVII асрларда исламлар шу галионларда Жанубий Америка тупроғидан ўзлари ўғирлаган ёки маҳаллий индейсларнинг машақдатли меҳнати билан топилған төр-төр олтин ва кумушларни олиб чиқиб кетган әдилар.

102-б ет. *Мюрат Иоахим* (1767—1815) — Наполеон I нинг маршали; 1808 йилдан 1814 йилгача — Неополь қироли; Наполеон таҳтдан ағдарилағач, уни ҳам йиқитишиди, ҳокимиятни ўз қўлига қайтарип олишга ҳаракат қиласанда қўлга тушиб қатла әтилган.

103-б ет. *Сфинкс* — Қадимги Мисрда одам бошли арслоннинг тош ҳайкалари.

103-б ет. «Сильвестр байрамигача орамиз очиқ» — яъни 31 деқаброчача.

107-б ет. «...Бошимизни Сен-Клу даги тўрларга бориб ургани равона бўлсан...» — яъни сувга чўкиб ўлсак, демоқчи. Париждан узоқ бўлмаган Сен-Клу шаҳарчаси яқинидан, Сена дарёсининг қўйи оқимида, сувга чўккан одамларнинг жасадларини тутиб қолини мақсадида, дарё тўрлар билан тўйсанланған әди.

108-б ет. «*C. K.*» — сургун қилинган.

109-б ет. «Сайлов варақасида Манюэль ўрнига Виллель деган номни ўқыйсиз» — Граф де Виллель Жозеф (1773—1854) — француз реакцион сиёсий арбоби, ашадий роялистларнинг бошлиқларидан бири; 1821—1827 йилларда министрлар кабинетини бошқарган. Манюэль Жак (1775—1827) — депутатлар палатасининг Бурбонлар ҳукмдорларигига қарши оппозицияда бўлган аъзовси; 1823 йилнинг мерт ойида Манюэль хокими мутлаққа қарши нутқ сўзлагани учун министрлар палатасидаги кўпчилик реакционерлар томонидан гайри қонуний равишда палатадан чиқарип ташланган әди. Францияда Реставрация пайтидаги сайлов системаси, ҳозирги вақтдаги сингари, ҳокимиятта қўл келган сохталикка кенг йўл очиб берган әди.

112-б ет. *Арлан* — ёски француз ер ўлчови (0,5 гектарга яқин).

116-б ет. *Луар* қўшини — Наполеоннинг Ватерлоо яқинидан мазлубиятта учраганидан кейин, қўшиннинг омон қолган биро қисми, бу қўшин иттифоқчиларнинг келишувини билан Луаранинг жанубига чекинган ва у ерда тарқатилиб юборилган.

116-б ет. *Лафайет* Марн-Жан-Поль, маркиз (1757—1834) — француз сиёсий арбоби, 1789 ва 1830 йиллардаги буржуа революциялари қўтишчиси. Реставрация даврида — либерал, бурбуазия раҳбарларидан бири. 1830 йил Июль революциясидан кейин «банкирлар қироли» Луи-Филиппнинг таҳтга ўтиришига кўмаклашган.

**116-б ет.** «...Хар бир одам князга тош отиб ўтади». — Гап Талейран дақида кетяпти. Талейран (1754—1838) — бекарорлиги за маблагар сарфлашдаги беңаәләнги билан ажралып турувчи таникли француз дипломати; у 1814—1815 йилларда бўлган Вена конгрессида катта роль ўйинаган.

**124-б ет.** «...Лакедемондаги сингари... ғалаба қозбоништа тайёрланиши лозим эди». Лакедемон — қадимий грек шаҳри, бошқача қилиб айтганда — Спарта. Растинъяк юқори мансабни, довруқ қозонишини орзу қиларкан, ўзини Спартада бўлган «Олимпия ўйинлари» қатнашчилари билан таққослади — бу спорт мусобақаларида голиб чиққан киши дафна гулчамбари билан тақдирларнади.

**125-б ет.** «...Людовик XVIII ва ғерцог Эскар тоифасидаги одам эди». — Кирол Людовик XVIII ва унинг сарой ғердоги д'Эскар ўлтудек мечкайлиги билан ном чиқарган эдилар.

**129-б ет.** Шевалье — кавалер — феодал, Францияда дворянлар унвони.

**133-б ет.** Альвест — Мольернинг «Одамони» комедиясида бош персонаж — ўз фикрида қаттиқ турадиган, ниҳоятда тўғри сўз одам.— Женни Динс — Вальтер Скоттнинг «Эдинбург зинданни» романининг қаҳрамони.

**140-б ет.** Мандарин — қадимги феодал Хитойдаги амалдорлар Европада шундай деб аталарди.

**141-б ет.** Кюве Жорж (1769—1832) — машҳур француз олимни, табиатшуноси ва палеонтологи; биологик турларнинг ўзгармаслигин ҳақидаги метафизик ҳолатни ёътироф этган. Ер юзи фаунасида содир бўладиган ўзгаришларга изоҳ беришга уриниб, у геологик оғатлар назариясини олдинга сурди, бу назария Энгельснинг таърифлашича «оризда революцион ва амалда реакцион» назария эди.

**143-б ет.** Лимфа — одам ва ҳайвонлар гавдасидаги рангиз суюқлиқ.

**144-б ет.** Буюк Мўргул — Хиндистанда, 1526 йилдан 1707 йилгача ҳокимиётни бошқарган Бобир династиясидаги мусулмон ҳукмдорларнинг унвони.

**156-б ет.** Тильбюри — бир от қўшиладиган икки гидиракли усти очиқ арава.

**157-б ет.** Грум — ўз хўжайнини от миниб, ёки файтоннинг козласида ўтириб, ё орқа томонида туриб кузатиб борувчи хизматкор.

**159-б ет.** Лабрюйер Жан де (1645—1696) — француз ёзувчиси «Ушбу асрнинг характери ёки урф-одати» (1688) номли сатирик китобининг муаллифи.

**164-б ет.** Вениамин — тавротда патриарх Ёқубнинг кенжаси ўғли, кўчма маънода — тантк, эркатой деган маънода ишлатилади.

**165-б ет.** Тюрен Анри де ла Тур д'Овернь (1611—1675) — машҳур француз лашкарбоши.

**166-б ет.** Пьер билан Жофьеर — инглиз драматурги Томас Отвейнинг (1651—1685) «Ҳалос өтилган Венеция, ёки фош қилинган фитна» трагедиясида тасвиirlанган икки дўст.

**167-б ет.** Фагалист — тақдирга ишонувчи.

**168-б ет.** «...Иерусалим кўчасидан келган агент» — яъни Париж қидирору полидиасининиң агенти.

**168-б ет.** Даілай-лама — Тибет ҳокими ва әнг йирик руҳонийси, «Бағдод ҳалифаси» — француз композитори Франсуа Буальдье-

зинг (1775—1834) зўр муваффақият ҳозонган бир пардали комик операси.

169-б е т. *Deus ex machina* — сўзма-сўз маъноси «машинадан яратилган худо» — энг мураккаб, чалкаш вазиятдан кутилмаганди иложини топиб ҳолос бўлишни ифодаловчи лотин мақоли; антик дунё трагедиясида, биронта илоҳий мавжудоднинг пайдо бўлиши билан ҳолос бўлиш иложи топиларди, одатда илоҳий сиймони ифодаловчи актёр, маҳсус механизм ёрдамида саҳнага тушарди.

183-б е т. «Лафит номи билан боғлиқ бўлгани учун бу вино икки ҳисса машҳурдир» — сўз ўйини: Лафит — қизил винонинг бир нави; Жак Лафит (1767—1844) — француз банкири ва сиёсий арабоб: Июль революцияси пайтида орлеанлик Луи-Филиппни таҳтга ўтиришига кўмаклашган; Луи-Филипп қирол бўлган пайтида Францияда йирик молия буржуазиясининг ҳукмронлиги бошланди.

185-б е т. *Марти* — «Гетэ» театрининг актёри.— «Хилват тор, ёки Бурғундия Герцоги» француз драматурги Гильберде Пиксерекурнинг (1773—1844) пьесаси бўлиб, у реалист ёзувчи Шарль д'Арленкурнинг (1789—1856) «Дарвеш» номли романи асосида ёзилган.

185-б е т. *Шатобрианнинг «Атала»си* — Франциянинг реакцион романтик ёзувчиси Шатобрианнинг (1768—1848) повести; бу асарда индейс қиз Атала билан индейс Шактас ўтасидаги муҳаббат тарихи гоят таъсиричан жумлаарда ҳикоя қилинади.

188-б е т. «Павел ва Виргиния» — Жан-Жак Руссоннинг дўсти бўлмиш француэ ёзувчиси Бернарден де Сен-Пьернинг (1737—1814) сентиментал-идиллик романи.

191-б е т. *Грев майдони* — Париждаги майдонлардан бири — бу ерда оломон кўёл олдида қатл маросими ўтказиларди.

204-б е т. *Нинон де Ланкло* (1620—1705) — француз куртизанкаси (ишратталаб, суюқ оёқ аёл). *Маркиза де Помпадур* (1721—1764) — Людовик XVнинг маъшуқаси.

205-б е т. «...соҳилдаги Заргарлик кўчасида турувчи айроқчиларнинг вийраклигига қарамай» — бу ерда полиция айроқчилари кўзда тутилади: Заргарлик кўчаси полиция префектурасига бориб туташади.

205-б е т. «Розилик берсангиз, сизга Провансдан узум юбориб турсам». Вотрен Франциянинг жанубига сургуни қилинишини шу киноявий сўзлар билан баён қиласпти.

209-б е т. *Репетитор* — дарслардан ўзлаштира олмаган ўқувчига унинг уйида ёрдамчи дарс ўтувчи киши.

210-б е т. *Апполлон* — қадимги грек афсонасида қўёш худоси — *Марс* — жанг худоси.

238-б е т. *Сент-Пелажи* — Париж турмаси (1899 йилда вайрон қилинган).

244-б е т. «Кошен пансионери» — яъни стажёрлар практика ўтказадиган Кошенномидаги қадимги Париж касалхонасида яшовчи медик студент.

252-б е т. «Мусонинг ибодати» — Италия композитори Россинининг «Мусо Мисрда» (1818) номли операсидан ария.

*На узбекском языке*

**ОНОРЕ БАЛЬЗАК**

**ОТЕЦ ГОРИО**

*Роман*

Перевод с издания Гослитиздата,  
Москва 1952 г.

Редактор *К. Мирмухамедов*

Рассом *М. Козаров*

Расылар редактори *Э. Валиев*

Тех. редактор *В. Шуклинова*

Корректорлар *Ш. Собирова, М. Журасева*

Босмахонага берилди      Босншга руҳсат этилади  
Формати 84×108/32. Босма л. 9,375. Шартли босма л.  
15,54. Нашр л. Тиражи 25000. Гафур Ғулом номидаги  
бадиний адабиёт нашриёти. Тошкент, Навоий кӯча-  
си, 30. Шартнома 110—64,

Ўзбекистон ССР Министрлар Совети Матбуот Давлат Комитетининг  
3-босмахонасида тайёрланган матрицадан Самарқандаги Морозов но-  
мидаги босмахонада № 2 ўзбек тилидаги босилди. Самарқанд, Босмахона  
кучаси, 4. 1968 йил. Заказ № 4850. Баҳоси 55 т.

И (ФР)  
Б26

Бальзак О.

Горио ота. Роман. Русчадан С. Муҳаммаджонов тарж.  
Гафур Ғулом номидаги бадиний адабиёт нашриёти, 1968.  
296 бет. Тиражи 25000.

Т.

И(ФР)  
Б26

Индекс 7-3-4